



LUGDVNI BATAVORVM
Apud Franciscum Moyardum



L1

a

S3



2nd

CHRISTOPHORI FORSTNERI

AUSTRII,

Ad Libros Annalium XI. XII. XIII.

C. CORNELII TACITI,

NOTÆ POLITICÆ

Quæ sunt

CONTINUATIO

Notarum Politicarum

Ejusdem

AUTHORIS,

Ad sex libros priores.



LVGDVNI BATAVORVM,

Apud FRANCISCVM MOYARDVM.

MDCLII.

THE UNIVERSITY OF CHICAGO

LIBRARY

OF THE

UNIVERSITY OF CHICAGO

CHICAGO, ILL.

1892

THE UNIVERSITY OF CHICAGO

LIBRARY

OF THE

UNIVERSITY OF CHICAGO

CHICAGO, ILL.

1892

THE UNIVERSITY OF CHICAGO

LIBRARY

OF THE

UNIVERSITY OF CHICAGO

CHICAGO, ILL.

1892

THE UNIVERSITY OF CHICAGO

LIBRARY

OF THE

UNIVERSITY OF CHICAGO

CHICAGO, ILL.





SERENISSIMÆ ET
POTENTISSIMÆ
PRINCIPI.

DOMINÆ
CHRISTINÆ,
Suecorum, Gotho-
rum, Vandalorum
REGINÆ. &c.

Perpet. Felicit.

NEquemihi, Se-
renissima REGI-
NA, docendæ i-
sto libello civilis sapien-
tiæ ambitio fuit, neque
(*) 3 Tibi

DEDICATIO.

Tibi magistro opus : fatis
amplis doctoribus instru-
ctæ ; majoribus tuis , &
Regum maximo , Divo
patre tuo. Sed cum ali-
quam ad te usque mei no-
titiam pervenisse , certis
nunciis haut ita pridem
didicissem : (cætera di-
cere , quanquam ad glo-
riam tuam pertinet , ta-
men modestia mea non
patitur) statim cogitavi,
quo donario Majestatem
Tuam colerem. Nihil au-
tem istâ rerum mearum
te-

D E D I C A T I O.

tenuitate occurrit, quam
S P E C U L U M tibi offer-
re, haut paullo nitidius,
quam quod mundum
tuum instruit Quicquid
in opere isto prudentiâ &
virtute eximium occur-
rit, exemplo Tuo, quam
ullis veterum aut recen-
tiorum factis efficacius
doceri potuit. Sed hic
panegyrico locus non est.
Habes, D O M I N A, ma-
gnam Virtutum Tuarum
præconem, orbem terra-
rum; & consentientem

DEDICATIO.

humani generis famam ,
eodem utero Virtutem natam
& CHRISTINAM. Quam
vocem paulo post exci-
piet , longoque plausu
prosequetur Historia
quæ quantacunque vel u-
bertate Livium, vel Ta-
citum gravitate expri-
met ; longè tamen infra
Tuorum gestorum ma-
gnitudinem posita, mali-
gnitatis quam adulatio-
nis censuram sæpius ex-
perietur. Vale. Mom-
beligardi in Sequanis.

Cal.

DEDICATIO.

Cal. Maji. Ann. Chr.
1766 LI.

MAJESTATEM, &
in illa VIRTU-
TEM Tuam

*Humilimâ reveren-
tiâ colens*


C. FORSTNERUS.

LE-



LECTORI MEO.

S. P.

 Oeptum juvenilibus
annis, longo dein
tempore intermis-
sum laborem, vergente in se-
nium ætate resumo; bono pu-
blico; (ita voveo, speroque:)
Curarum, negociorumque
meorum molestiis levandis.
Cæterum, quod nec olim, e-
ditis ad priores sex Annalium
Taciti libros Notis feci, ut,
qui multorum mos est, arre-
ptis undique occasionibus mo-
ralis

PRÆFATIO.

*ralis philosophiæ præcepta cum-
 mularem; id nec in his libris
 factum ipse, Candide lector,
 observabis. Continui me per-
 petuo intra civilis disciplinæ
 septa: quæ propriis opibus di-
 ves, peregrinis mercibus non
 egebat: Illud tantummodo pri-
 stini, atque hujus conatus di-
 scrimen est, quod veteris ævi
 scriptores mihi juveni tractan-
 ti, ex omni terrarum orbe, &
 ab ultimis usque temporibus
 petere operis materiam, si non
 ad legentis profectum, tamen
 ad ingenii laudem, & variae
 le-*

P R A E F A T I O.

lectionis gloriam pertinere videbatur. Provec̃tior ætas, cum præter recentis historiæ cognitionem, multarum mererum experienciâ instruxisset, non ultra famæ, sed soli lectoris utilitati inservire jussit. Igitur reconditos Taciti verosque sensus ex illa caligine, quæ eos sive rerum obscuritas, sive auctoris affectatio involvit, in lucem producere, & productos ut plurimum recentioris, neque raro nostri ævi exemplis illustrare, una mihi cura, unumque studium fuit:

P R Æ F A T I O.

fuit : in quo duorum præstantissimorum virorum amica iudicia secutus sum : quorum alter (a) in commentationib. politicis texendis Consalvos, Davalos, Foxios, Arausionenses, Spinulas sæpius quam Scipiones & Camillos, & frequentius Ambosios, Ximénios, Richelios, quam Agrippas, Sallustios, Mécænates in consilium vocandos judicabat : alter (b) publico scripto, cum aliud non haberet, quod reprehenderet, gloriosam mihi nimæ

(a) Scipio Scaliger. le Chevalier de l'Escale.

(b) Gabr. Naudæus in bibliograph. polit.

PRÆFATIO.

*mie eruditionis contumeliam
impegit. Si finem, quem pro-
posui; affecutus non fui, facile
veniam dabis homini, cui im-
mensa negotiorum mole, &
perpetuis peregrinationum la-
boribus distracto secum & cum
libris habitare rarissime con-
cessum fuit. Sin ista placuisse
sensero, non cessabo, horas a-
liquot de reip. procuratione
decerpere, quas continuando
operi impendam. Vale.*

AD ILLVSTREM
TACITI
Illustratorem,

Hospitem ac Patronum meum.

IN Tacito Tacitum vetus ignoraverat aetas,
Dum male defossas nescia sprevit opes.
In Tacito Tacitum cura agnovere recentes,
Dum bene defossas eruit unus opes.
Stat pulchri species operis, molisque vetusta
Reliquia, è mersâ naufraga cymba rate,
Conquirunt alii tabulas, Sinania tractant
Signa, alii funes scissaque vela legunt.
FORSTNERUS vana nil captus imagine pōpæ
Ingenio exhaurit nobiliora suo.
Excutiant apices reliqui ac loca hiantia captēt,
Et, quod in externo cortice vile, petant;
Iste labor Taciti scrutatur viscera, non est,
Hoc sine cur ejus noscere, scripta velim.
Hæret in objecta vulgaris inertia larva,
Et speciem tantum solaque verba notat.
Altius immergit magnam solertia mentem,
Rimaturque sinus, & loca clausa subit.
Hinc opus effectum, justique voluminis instar
Provocat exemplo tempora nostra suo.
Excipit has curas latores publica plausu,
Et fallax artes hic legit aula suas,

Libertas moriens, domini inde, & cetera serua,
 Regia vis, specie Principis, usque latens;
 Iura, patres, populus, famula solatia turba,
 Et jam sublata nomina vana domus;
 Continua cades, properataque funera, virtus
 Invisa, & summum, gloria magna, nefas;
 Sanguine Majestas sacrata, extrema Tyrannis,
 Dedecus occulte, publicitusque pudor;
 Imperii casus & segnia bella, nec armis
 Parthe aut Teuto tuis pax metuenda minus
 Annales Taciti replent, ubi pleraque clari
 Mueries operis nil nisi triste refert.
 Sed iuvat oppressæ discrimina noscere Romæ,
 Et regnatricis prodita sacra domus.
 Quæ Taciti memorata fide FORSTNERE re-
 censes,
 Et referas studiis intima quaque Tuis.
 Scriptori sua forma redit, cultumque priorem
 Auspiciis repetunt tam bona scripta Tuis.
 Explicat obscuros Tacitus Te interprete sensus,
 Et sæpe in doctis quæritur ipse NOTIS.
 Non illum credo melius potuisse iuvare,
 Lux deerat, lucem Te tribuente capite.
 Hinc Tuus, ac famam Tecum partitus & ævum
 Quam dederas lucem reddidit ille TIBI.

Observantiæ testandæ

Scriptis

JOANN. ALBERTVS
Forstnerus.

CHRIST.



CHRISTOPHORI FORSTNERI,

Ad

C. CORNELII TACITI
Annalium librum undecimum,

NOTÆ POLITICÆ.

C A P. I.

Hortis inbians, quos ille à Lucullo
captos insigni magnificentiâ ex-
tollebat, Suilium accusandis utris-
que immittit] Sub malis Princi-
pibus, etiam sub ignavis, quorum facilitas
hiantes amicorum cupiditates intendit,
(a) opes pro crimine sunt (b). Nam præ-
ter cupiditatem aliena habendi, etiam in-
stillant auribus & animis principum ca-
lumniatores aulici, auri viam atque opes
principibus insensas (c). Quo prætextu
A Vale-

(a) Tac. I. hist. 12. (b) 1. hist. 2.

(c) 11. annal. 1.

Valerium Asiaticum Messalina perdidit, illius hortis inhians : (a) & Sextus Marius, Hispaniarum ditissimus falso crimine saxo Tarpejo dejectus fuit. ac ne dubium haberetur, magnitudinem pecuniæ malo vertisse, aurarias ejus, quanquam publicatas sibimet Tiberius seposuit (b). Et Mucianus cogendis pecuniis intentus, non jus aut verum in cognitionibus, sed solam magnitudinem opum spectabat. passim delationes : & locupletissimus quisque in prædam correpti (c). Cum Marius & Sylla patriam lacerarent, sævitix causam avaritia præbuit, & modus culpæ ex pecuniæ modo constituebatur; & qui fuisset locuples, fiebat nocens, sui que quisque periculi merces; nec quicquam videbatur turpe, quod esset quæstuosum (d). Equitibus Hierosolymitanis, quos vulgus Templarios appellabat, magnitudinem opum exitio vertisse plures asserunt (e). Patrum memoriâ Pius IV. Pontifex Ascanium Cornium, Cornelium Bentivolium, Joannem Franciscum,

(a) *ibid.* (b) 6. *annal.* 19. (c) 2. *hist.* 84. (d) *Vellej. Paterc.* 2. *hist.* (e) *Bodin.* 3. *de rep.* 7. *Lips. in Monit. Nauclet. volum.* 2. *gener.* 44. *Hartm. Schedel. Chron. pag.* 222. *Paul. Æmyl. lib.* 8. *hist. Franc. Nicol. Vigner. Chron. Eccles. ad ann.* 1310. & 1311.

ciscum, Balnei Comitem, Vitellios & Ferrariæ ducem litibus vexavit, quo condemnatis aut transactione molestiam redimentibus numos extorqueret, Altemsiis & Borromæis propinquis ditandis (a). Et nuper Urbanus VII. Pontifex, ac Barbarini eadem cupiditate, atque iisdem artibus Castrum Parmæ duci erepturi credebantur. Quæ quanto frequentiora sunt, tanto laudabilior est Georgii Cardinalis Ambosii continentia, quam, qui vitam ejus linguâ Gallicâ scripsit, *Michaël Bauderius*, sequentem in modum recitat. Possidebat Nobilis quidam prædium avitum, & in illo domum, quæ condicionem ejus minime dedecebat, vicinam Galliono; quo secessu Cardinalis gaudebat, quoties animum curis atque negotiis fatigatum otio relaxare vellet. Aderant prædii domino, quæ plurimis ex Nobilitate; plures liberi, & arcta res familiaris, quæ illum ratio impulit vendendi, quod retinere non poterat. Igitur consilium aperit vicino suo, præcipuum in Cardinalis gratia locum obtinenti. Is lætus deferre rem patrono gratam, paulo post jussu Cardinalis adducit hominem tanquam de pretio conventurum. Itur, prandetur: post prandium Cardina-

(a) *Io. Bapt. Hadrian. 12. hist.*

lis hospitem in interiores ædes deductum familiariter monet, ne agrum, & ædes, in quibus majores ipsius consenuissent, ipse natus esset, cuiquam pretio addiceret. Illo domesticam inopiam, nubilem filiam, dotis necessitatem obtendente, Cardinalis satius esse, mutuo sumere numos, quam vendere fundum ajebat. Et postquam Nobilis fœnoris ingluviem, damnaque bono patrifamiliâs cavenda objecisset; Cardinalis, quid autem? inquit, Si quis tibi gratis & sine usuris numos crederet, nec, nisi cum commodum fuerit, restituendos? Cui Nobilis ex imis præcordiis ducto suspirio, istiusmodi amicitiae officia seculi mores non admittere, respondit. At ego, Cardinalis ait, talis tibi ero. & cum dicto pecuniam, quanta necessitati sufficeret, homini numerari jussit.

Adjungitur Sosibius Britannici educator] Infaustam plerunque istiusmodi hominum in rep. gerenda, consiliisque dandis operam fuisse docebo ad librum XI I I (a).

Auri vim atque opes principibus insensas] Oratio digna sycophantâ aulico, qualis Sosibius erat: qui, quod cupiditas & avaritia erat, curam salutis & securitatis Principis credi volebat. Verum est, auri vim atque opes,

opes, tanquam depellendæ tyrannidis instrumenta, tyrannis infensas esse: quod vel solius Dionis Syracusani exemplo satis comprobatur: (a) at falsum est, opes atque divitias bonis & præclaris principibus exitiosas: (b) uti neque nobilitatem, gestos honores, crebra comitia, quæque alia tyrannis suspecta & invisa esse solent. Necesse est odio aut contemptu laboret apud cives, in quo ambitionis & pravorum consiliorum tela hæere debent. Cui consequens est, rarius incurrere pericula à subditorum ambitione, qui successione aut electione regno admoventur: sæpius, qui jus suum armis asserere ac tueri coacti fuerunt. Nam hi odium, (injustum quantumvis) & odii pericula vix effugiunt. semper metuunt, qui (tamen si necessitate coacti) alios offenderunt. Ut à metu ac periculis tutus sis, custodibus corporis, (interdum externis) castellis, tributis, quæque alia popularibus gravia, insolita, ingrata, opus est (c). Ita offensa metum, metus novas offensas generat. Quod Henrici VII. Angliæ Regis historia egregie docet. Da mihi ergo Principem, quem nec odio

A 3

habeant,

(a) *Vid. Corn. Nepot. & Plutarch. Dion.* (b) *v. Forstn. Not. ad 4. annal. c. 72.* (c) *descripta à Francisco Bacono Angliæ Cancellario.*

habeant, ut sævum aut avarum, nec contemnent, uti stupidum, stultumque cives; & dabo tibi subditos faciles, obediētes, ac per omnia morigeros. Etenim valde profecto absurdum est, principes amorem & obsequium à subditis seu sperare, seu exigere beneficio nullo obstrictis, sed neglectu, avaritiâ, crudelitāte exasperatis. Vicissim improbe cives & impudenter sui tutelam, amorem, curamque exigunt à principe, quem contumaciâ irritaverint. Ut proinde certissimum sit, bono & benefico principi, & qui prudentiâ simul civilis ac militaris laude floreat, dociles ac morigeros cives contingere: malum sævis moribus imputare debere, si carnificinæ impatientiâ subiecti jugum excutiant.

Illud præterea observatione non indignum est, nimias opes periculosiores esse in liberâ republ. quàm in principatu: quia ibi æqualitatem civilem enormiter excedunt; hîc principis fortunam non attingunt. Sed ibi quoque corruptam moribus rempub. esse præsupponi debet, ut si adsit emptor, præsto sint, qui patriæ libertatem vendere velint. Potuit Cæsar in corruptâ Republ. quod Spur. Melius in sanâ & valente irritō conatu tentavit.

Quando genitus Vienna, multisque & validis

lidis propinquitatibus, subnixus turbare gentiles nationes promptum haberet] Quod modo de opibus ac divitiis dixi, id de potentia quoque subditorum dici debet, illis tantum principibus metuendam, qui odio, merito, immeritove, nihil interest, contemptuque, injuriis & periculis obnoxii sunt. In his verum est, quod Tacitus dixit (a) nunquam satis fidam potentiam esse, ubi nimia est: & quod Galeatius Gualdus; (b) principem non habere capitaliores hostes, quam potentes subditos: & Franciscus Baconus; (c) à magna Nobilitate splendorem Principi addi, potentiam diminui. Sine his exanime cadaver est reliqua populi fæx. hi anima sunt omnium, quæ in republ. honeste, vel secus geruntur. hi obsequii & fidei popularium sponsores, hi proxenetæ; iidem ventorum, quibus mare illud populare tumescit, Æoli; quorum nutu vel incenduntur, vel detumescunt seditionum, rebellionumque procellæ. Talem Claudio Sosibius exhibuit Valerium Asiaticum, qui genitus Viennæ, multisque & validis propinquitatibus subnixus turbare gentiles nationes promptum haberet.

A 4

Talem

(a) 2. *hist.* 92. (b) *lib.* 25. *hist.* (c) *oper. politici.* & *moral.* cap. 28. adde *Savedr. Symb. polit.* 17.

Talem in historia describunt apud Belgas Guilielmum Arausionensem Guido Cardinalis Bentivolius, (a) Famianus Strada, (b) Hieronymus Conestaggius, (c) & Nicolaus Burgundius (d). Ejusmodi auris popularibus nuper provectus Joannes Bragantiæ Dux, Lusitaniæ sceptrum Philippo Regi eripuit (e). Hi tales beneficio vel metu obligandi sunt, ut regiarum esse partium, quam popularium malint, quod tamen præcipi, quam obtineri promptius est. Nuper (f) Hispaniæ Rex Cardinalem Trivultium, nimiam apud populares gratiam, ac potentiam suspectum, specie honoris Mediolano Madritum eo consilio evocavit, ut præceptis parentem ab amicis & clientibus avelleret; reluctantis contumaciam publicatione amplissimarum facultatum castigaret (g). Paulo ante (h) Galli Philippum Aglium suis consiliis apud Sabaudia principem viduam adversum Augustæ Taurinorum inter sacra mensæ & saltationum ludicra noctu captum e vestigio Pinarolum

(a) *Relat. de Belg. feder. lib. 2. cap. 2. & hist. Belg. lib. 1.* (b) *1. hist. bell. Belg.* (c) *hist. bell. Belg.* (d) *hist. bell. Belg.* (e) *Victor. Sir. hist. tom. 1. lib. 1. p. 119.* (f) *Ann. 1642.* (g) *Victor. Sir. hist. tom. 2. lib. 2. p. 884.* (h) *Ann. 1641.*

rolum abduxerunt; retento eodem tempore clausoque in arce Comite Ludovico, Philippi patruo, & reliquis ex familia, ne quas apud populum Philippi amantissimum turbas suscitarent, alio migrare iussis (a).

Claudius nihil ultra scrutatus] Vti mos est ignavorum principum, nihil eorum, quæ sunt, anquirentium. brevi auditu quamvis magna transeunt; impares curis gravioribus (b).

CAP. II.

N *Equæ datâ Senatus copiâ, intra cubiculum auditur*] Vide quæ dicemus ad XIII (c). & XV (d). Annal.

Messalina quoque lachrymas excivit &c.] Crocodyli lachrymæ (e).

Adeo ignaro Cesare, ut &c.] Propudium Principis! stipes! caudex!

CAP. III.

F *Lens Vitellius, commemoratâ vetustate amicitie &c. dein percursis Asiatici in Remp. officiis, &c. quaque alia concilianda misericordie videbantur, liberum ei mortis*

A 5 arbi-

(a) Galeat. Guald. hist. lib. 26. (b) Tacit. 2^o hist. 59. (c) cap. 4. (d) cap. 61. (e) r. Piccart. Observat. dec. 3. cap. 1.

arbitrium permisit. & secuta sunt Claudii verba in eandem clementiam] Clementiam, quæ dum misereri videretur, quam maxime sævit. Illam ego olim atro calculo damnavi in Notis ad primum Annalium (a). Quo pertinet Suetonii locus de Domitiano Cæsare: (b) qui nunquam tristiores sententiam sine præfatione clementiæ pronuntiavit: ut non aliud certius atrocis exitus signum esset, quam principii lenitas. Quosdam Majestatis reos in curiam induxerat: & cum prædixisset, experturum se illâ die, quam carus Senatui esset, facile perfecerat, ut etiam more majorum puniendi condemnarentur. dein atrocitate pœnæ conterritus, ad leniendam invidiam intercessit, his verbis: permittite, Patres Conscripti, à pietate vestrâ impetrari, quod scio me difficulter impetraturum, ut damnatis liberum mortis arbitrium indulgeatis. Nam & parces oculis vestris, & intelligent me omnes Senatui interfuisse.

Tantum illi securitatis novissimæ fuit] Illius insignæ exemplum refert de Theodoro Cyrenæo Valerius Maximus (c). De Henrico Ratisbonensi Episcopo narrat in Annalibus Bojis Andreas Brunnerus, quod
annis

(a) p. 119. (b) Sueton. Domit. c. 11.

(c) 6. dict. fact. mem. cap. 2. fin.

annis sibi parentari vivo iussisse, nullâ re prætermisâ in Justis Pontificiis usurpari solitâ: Sacris ipsum adstitisse, lessumque sibi cantantes audivisse, non aliter, quam ut vivi hominis umbram. Tumulum duodecimo, quam illum subiret, anno, apertum pro palatio amasse, velut propriam domum, & liberam curis (a).

C A P. IV.

N *Osturna quietis species objecta: & hanc ambigitur, qualicunque insomnio ipsi fratrique perniciem allatam*] Majestatis crimen, omnium calumniarum coagulum, omnium accusationum complementum, (b) vinculum ac necessitas silendi (c), ubi per vera delicta sæviendi materiem non habet, vana innocentiae impingit, stolidâ, frivola; si mollius accipias, miseranda (d). Granio Marcello objectum, statuam ejus altius, quam Cæsarum sitam: & alia in statua, amputato capite Augusti, effigiem Tiberii inditam (e). Torquatus Silanus à Nerone mori adactus fuit, cui accusatores objectabant, prodigum largitionibus; nec
 A 6 aliam

(a) lib. 15. (b) Tac. 3. annal. 38. (c) Tac. 3. annal. 67. (d) Tac. 2. annal. 30. (e) Tac. 1. annal. 74.

aliā spem quā in novis rebus esse. Nobiles habere, quos ab epistolis, & libellis & rationibus appellet; nomina summæ curæ & meditata (a). Pomposianus à Domitiano interfectus, quod habere imperatoriam genesin vulgo ferebatur, & depictum orbem terræ in membranis, concionesque regum ac ducum ex T. Livio circumferret: quodque servis nomina Magonis & Hannibalis indidisset (b). Vestinus consul à Nerone occisus est, quod imminentes foro ædes, decoraque servitiā, & pari ætate habebat (c). Junio Blæso exilio fuit, quod ægro principe lætos dies ageret (d). &c.

Quod Britannicum præceptis, Claudium consiliis juvaret] Vid. Nostra ad XIII (e).

CAP. V.

Cuncta legum & magistratuum munia in se trahens princeps, materiam prædandi patefecerat.] Hic locus ad illa pertinet, quæ dicam ad XIII (f).

Nec quicquam publicæ mercis tam venale fuit,

(a) Tac. 15. annal. 35.. (b) Sueton. Domit.

(c) Tac. 15. annal. (d) Tac. 3. hist. 38.

(e) cap. 14. (f) cap. 4.

fuit, quam advocatorum perfidia] V. Nostra ad secundum annal. (a)

Cujus de potentia & exitio. &c.] Acute ista duo conjunxit Tacitus, potentiam & exitium. Extrema potentiae exitium occupat.

C A P. VII.

Nihil à quoquam expeti, nisi cujus fructus ante præviderit] Quippe ita humani ingenii condicio fert, utilibus magis, quam honestis moveri: neque vitam, sanitatem, facultates, alienis utilitatibus commodare, nisi cum fœnore vidi. Risique sæpe hominum quorundam à magistris musteorum ineptiam, qui sub primum in Aulam adventum in veterum ministrorum turpilucris cupiditatem ac sordes (ita appellabant mercedum salariorumque petitiones) Scholasticâ arrogantiam declamabant, nihil aliud quam honorem, existimationem sui dominique, opum præterea contemptum ineptissimâ gravitate crepantes. Sed postquam conjugii vinculis irretitis anno evoluta parvulus aulâ luderet Æneas: ilico

—— incoctum generoso pectus honesto
deservescere, & qui paullo ante plus quam
philoso-

philosophico supercilio opes, vitæ subsidia despectaverant, supra cæteros Suilii & Cossutiani argumentis salaria importunissime flagitabant. Profecto fides & dexteritas ministri nullo pretio & præmio æstimari possunt: quod utcunque magnum vix unquam meritis respondet. Sæpe regis regnique salus, consiliis, curæ, solitudini, vigiliis ministri debetur, meritum, quod nulla salaria æquant. Etiam illud rerum dominis considerandum est, raræ felicitatis esse, unum ingenio ac prudentiâ magnum virum famulum habere: his contra facile dominos plures offerri ex quibus, qui pinguiorem condicionem obtulerit, plerunque præferri.

CAP. VIII.

S*Ummaque imperii ambigua, minora sine cura haberi.*] Similis Taciti sententia extat primo historiarum. Conuersis ad civile bellum animis externa sine cura habentur. & altera quarto annalium: ubi pavor internus occupaverat animos, nullam in eo Senatus curam, si extrema imperiû dehonestarentur. Armis parata, iusto imperio, moderatione præsidium, & magistratum, etiam castellis, præsidiis, ac præsidia stipen-

stipendiis servantur : quæ cuncta negliguntur apud exteros , rebus domi turbatis. Huic consequens est illa demum imperia , illasque resp. quæ sita armis aut pecuniâ tueri, quæ domi quietem nullis sollicitatam turbis habent. Illas contra, quæ sive insitâ ingenii levitate , sive irritatæ motibus & mutationibus agitantur , facile partis excidere. Quam rationem à prudentibus reddi videmus, cur Galli quærendis quam retinendis provinciis meliores semper habiti fuerint.

Irâ magis quam ex usu presenti accensus]
Principem non amore , non odio, nisi quæ regno conducant, abripi debere, ad XI 11. *annal.* (a) docui. Eadem iræ atque indignationis , quæ amoris ratio est : quam in potestate habere oportet eum, qui magnis rebus intentus est ; ne , dum illi indulget , has evertat. Istâ prudentiâ , cum Hannibalianis temporibus , Romani duce L. Postumio Prætore magna quoque clade à Gallis affecti fuissent, Consul in Senatu disservuit ; cum ab Hannibale jugulum Reip. foderetur , illic scuta obijcienda esse, reliqua vulnera interim dissimulatione tegenda. perituros Romanos, si tantum audeant, quantum dolor & ira suadeant (b).

Impru-

(a) c. 12. (b) *Andr. Brunner. 2. ann. Bojor. ex Liv.*

Imprudenter ex diverso Ludovicus XII. Gallia Rex, cum pertinacissimos hostes suos, Helvetios stipendiorū levi augmento sibi conciliare posset, veteri odio & indignatione abreptus tributarium se Helvetiis fore negavit (a). Duæ parvæ res parvi animi hominem perdunt; exigua victoriæ, & exigua jactura. illa securum facit, hæc iratum. Securus omittit, quod habere se putat, perditque quod acquirere poterat. iratus in casum dat, quod amisisse se putat, & nondum amiserat (b).

Implicatur obsidione urbis validæ] Validarum urbium arciumque obsidia sunt currentium Victoriarum remoræ, & magnorum exercituum sepulchreta. Quod olim monui ad secundum Annalium (c). Hic scopulus est, quem omnes notant, & nemo satis cavet. Agmini exemplorum, quæ retulimus, addendum, Pictavii obsidionem Colignii & sociorum ingentem tum temporis exercitum inutilem reliquo belli reddidisse (d). Eundem errorem à Cardinali Lotharingo notatum, & Hugonotis objectum, paullo post Regii errarunt, cum post victoriam Monconturensem,

(a) Guicciard. 10 hist. (b) Marchio Malvezzi. hist. anni 1639. pag. 128. (c) pag. 189. & seqq. (d) Aubign. 5. hist.

sem, quæ animam ac vitam cum sanguine Hugonotis eripuisse videbatur, Dux Andegavenſis ad Sancti Joannis oppidum impedit; ac diſſipavit vires, quas hoſtium reliquiis proſequendis utilius impendiſſet (c). Poſtremo Leonardus Torſtenſohnus ad Fribergam Miſniæ obſidionum impendia ac pericula edoſtus, cum ad Brinnam Moraviæ in eundem ſcopulum impediſſet felix ac fortunatus imperator malignam maleſolertiū hominum cenſuram effugere non potuit, ſeu nimia præda, quæ immenſa in id oppidum congeſta fuerat, cupidine abreptum, ſeu Viennam & Pacem noluiſſe, qui bello materiam ſupereſſe volebat.

CAP. IX.

Tunc diſtracſtis Orientis viribus & quonam inclinarent, incertis, caſus Mithridati datus eſt occupandi Armeniam] Nunquā ſæpius ab imperitis, & nullâ rerū experienſiâ ſubacſtis ingeniis peccatur, quam cum, quæ ſemel facta geſtaque fortuna, & felix exitus commendarunt; omni tempore fieri gerique poſſe credunt: ignari ſæpe non tam prudentiâ, quam occasione negocia confici; certe ſine hac illam parū proficere.

Vt

(a) Silhon. Miniſtr. d'eſtat. lib. 1. cap. 8.

Vt non sine ratione noster olim amicus, Thomas Campanella Deum, Prudentiam & Occasionem omnium actionum, mutationumque politicarum principia constituat (a). C. Cæsar M. Lepidi societate, quanquam magnis condicionibus invitaretur, abstinuit; cum ingenio ejus diffusus, tum Occasioni, quam minorem opinione offenderat (b). Otho opportunos magnis conatibus transitus rerum sciebat. proin agendum; audendumque, dum Galbæ autoritas fluxa, Pisonis nondum coaluisset (c). Nuperrime Fridericus Henricus Auriacus cum filio secundam Angliæ Regis filiam ambiens repulsam tulisset paullo post, ubi opes suas contra rebelles Regi necessarias videbat, primogenitam obtinuit. Præcipuum ejus, quam tradimus, observationis documentum est, odium aut contemptus Principis, quæ conatibus plane impossibilibus, aut saltem ingenti difficultate implexis, pro nam ac facilem viam sternunt. Dion Syracusanus non tam suis copiis, quam odio tyranni, maximo animo, duabus onerariis navibus, quinquaginta annorum imperium, munitum quingentis longis navibus, decem

(a) *lib. de Monarch. Hispan. cap. 1.* (b) *Suet. Cæsar. cap. 3.* (c) *Tac. 1. hist. 21.*

decem equitum, centumque peditum milibus profectus oppugnatum, quod omnibus admirabile est visum, adeo facile perculit, ut post diem tertium, quam Siciliam attigerat, Syracusas introierit (a). Quâ eâdem facilitate Jaromirus Bohemiam Boleslai Regis odio flagrantem subegit (b). Et nostra ætate Gustaphus Adolpus Sueciæ Rex potentia Austriacæ molem immensam, tot temporum seculis, tot exercituum robore nixam, fundatamque quinque milibus aggredi ausus est; felicissimo successu: at inutili consilio, nisi indignantem Germaniam in partibus fore prævidisset. Alia huic vicina observatio est, quod virtutes quædam, cum in non-sua tempora incidunt, semper reprehensionem, interdum quoque exitium merentur: Vitia quoque illo rerum statu, quo corrumpere & corrumpi seculum vocatur, (c) præmia consequuntur, virtuti debita. Isto sensu Manlium Capitolinum, à populo Rom. damnatum Livius (d) virum vocat, nisi in liberâ civitate natus esset, memorabilem: & Tacitus (e) militaris gloriæ cupidinem ingratis temporibus: & Henricus Davila

(a) *Cornel. Nep. Dion.* (b) *Andr. Brunn. 9. annal. Bojor.* (c) *Tac. Germ. 19.* (d) *dec. 1. lib.*
 (e) *Agric. cap. 5.*

la (a) Antonium Borbonium Navarræ Regem egregium principem, nisi in turbas civiles incidisset. Sed hæc nemo melius Machiavello docuerit tertio de Republica (b).

Atrociorem quam novo regno conducirer] Vide Nostra ad xiii. Annal. (c).

At Parthi Imperatores cum pugnam pararent, fœdus repente faciunt, cognitis popularium insidiis quas Gotarzes fratri patefecerat: congressique primo cunctanter, dein complexi dextras, apud altaria Deum pepigere, fraudem inimicorum ulcisci, atque ipsi inter se concedere] Pessimum illorum scelus est, qui nullâ ministerii aut officii necessitate coacti, solâ malitiâ aut accendunt inter principes odia, aut fovent, prorsus digni, qui male pereant (d). Sed & lubricus illorum status est, & præceps in ruinam condicio, qui principi, seni præsertim, ac illi, qui proximus imperio destinatur, aut duobus fratribus mediis, neglectu aut studiis in alterutrum nimii sunt. Nam ille Orientem à suis Solem adorari iniquissime feret; hic privatam quoque fortunam suam nullis officiis coli contemptum sui odiumve interpretari,

(a) 3. bell. civil. pag. 114. (b) cap. 8. & 9.
(c) cap. 11. (d) Vid. Not. ad 2. Annal. p. 232. & seqq.

pretari, & sæpius punire solent. Tiberius Archelaum Cappadociæ Regem in exilium impulit, in visum sibi, quod eum Rhodi agentem nullo officio coluisset: quamquam id Archelaus non per superbiam omisisset, sed ab intimis Augusti monitus: quia florente Cæsarum sobole intuta Tiberii amicitia credebatur(a). Quod si omis- si officii tanta offensa est; multo majus periculum ministros adire consequens est, qui inter offensos fratres, patremve ac filium injuncta sibi ministeria exequuntur; eâ fide, quæ semper apud alteram partem pro crimine est. Jo. Franciscus Gonzaga Mantuæ Marchio, Ludovico filio haut levibus causis iratus, Claudium Donnesmon- tium ad Sigismundum Imperatorem able- gaverat, proscriptioni Ludovici, & alte- rius hæredis designationi impetrandæ. Hunc virum cætera egregium prava con- silia perdiderunt; ut medius patri ac nato digladiantibus, non concordiam, sed arma & vindictam afferret, paternâ potestate, domini imperio satis excusari se credens: & ignarus, haut diuturnas esse ejusdem sanguinis iras: ac secutâ reconciliatione indignationem in ministros verti. Igitur Ludovici jussu, qui plus nimix famuli dili- gentiæ,

(a) Tac. 2. annal.

gentiæ, quam paterno dissidio imputabat, intra proprios lares confossus est (a). Inter hos scopulos tutissima enavigandi ratio est, unius honesti justique famam captare; omnia consilia servandæ aut reducendæ concordie applicare; domino ministeria, æmulo officia, sed communia, tralatitiaque exhibere; nullas literas nisi honorem ac reverentiam contestantes scribere; nullas accipere, nullas transmittere, nisi à principe aut Senatu inspectis, probatasque; postremo ita se gerere, ut semper principi fidem, propinquo illius reverentiam, utrique rectum ac pacis amantem animum approbare possis.

Ne quid æmulationis existeret, penitus in Hyrcaniam abiit] Vide Nostra in omiſſis ad secundum Annal. (b) Illud præterea ad hunc locum notandum est, haut exiguam prudentiæ partem esse, occurrere invidiæ, & cedere interdum, quam pelli loco malle. Quomodo Artabanus Parthus Tiridati viribus impar in longinqua & contermina Scythiæ fugam maturavit, spe auxilii. atque interim posse Parthos absentium æquos, præsentibus mobiles, ad poeni-

(a) Anton. Possessin. lib. 5. hist. Mantu.

(b) ad verb. *petere interim, ne Vonones in Syria haberetur. &c.*

pœnitentiam mutari (a). Eodem consilio, quamvis haut pari fortuna, Neapolin Urbem, & regnum reliquerunt Alfonsus & Ferdinandus Reges; (b) & Mediolanum à Gallis occupatum Ludovicus Sforza, (c) ac ditionem à Pontifice invasam Franciscus Maria Urbini Dux (d). quam uterque postea felicissimâ facilitate recuperavit. Cum Pandolfum Petrucium Cæsar Borgia Senis, ubi civili nomine Principem agebat, armis extrudere vellet, Petrucius generoso consilio effugere eam tempestatem, & ci- ves liberare periculo maluit; interdium, mœ- rentibus plerisque atque lugentibus cum honesto potius quam valido comitatu ur- be excedens. Cujus facti mirâ celebritate non modo veterem deterisit invidiam, sed amplio- rem etiam gratiam apud cunctos ordines adeptus, paulo post decedente Senensi agro Borgia decreto publico ad patriæ tutelam, qui sponte se fecerat exulem, revocatus est (e).

CAP.

(a) Tac. 6. annal. 36. (b) Guicciard. 1. hist.
 (c) Guicciard. 4. hist. (d) Guicciard. 12. hist.
 (e) Guicciard. 5. hist. Paul. 109. in Elog. Pandulfi Petrucii.

CAP. X.

NI *Vibio Marso Syria legato bellum minitante cohibitus foret*] Quod hîc minitari bellum, id alibi (a). ostentare bellum, & metum Romani belli facere (b) Tacito vocatur. Magni Principes, ac potentes respub. ipsâ plerunque famâ bella profligant (c).

Pœnitentia concessi regni] Nemo se regem fuisse oblivisci potest: & si ipse oblivisceretur, cæteri tamen meminissent. Ille fovet turbas; hi quærunt ducem & partes. Nemo, qui retum olim potiebatur, pal- mum terræ in regno teneat, quin toti im- mineat. Ex quibus intelliguntur, quæ apud Tacitum ex intimo prudentiæ secre- toris sinu, ideoque satis subobscore disse- runtur de Flavianorum ducum cum Vi- tellio Imperatore tractatu, salutem & pe- cuniam & secreta Campaniæ offerentium, si positis armis seque ac liberos suos Ve- spasiano permisisset. Et Vitellii quidem animum tantam invasisse torpedinem, ut si principem eum fuisse cæteri non memi- nissent, ipse oblivisceretur. Cæterum ut
quisque

(a) 6. annal. 37. (b) 6. annal. 36.

(c) Tac. German. 13.

quisque illi fidus, ita pacem & condiciones abnuisse, discrimen ac dedecus ostentantes, & fidem in libidine Victoris. Nec tantam Vespasiano superbiam, suive confidentiam, æmulique contemptum, ut privatum Vitellium pateretur. Ne victos quidem Vitellianos laturos. porro quod nomen, quem statum filio ejus fore? Nunc pecuniam, & familiam, & beatos Campaniæ sinus promitti. Sed ubi imperium Vespasianus invaserit, non ipsi Vitellio, non amicis, non denique exercitibus securitatem, nisi extincto æmulatu redituram. Non à Cæsare Pompejum, non ab Augusto Antonium incolumes relictos (a). Carolus VIII. Galliæ Rex Ferdinando Neapolitano Regi neque Calabriam, neque ullam aliam regni partem concedere voluit, cætera pecuniam, oppida, dignitatem in Galliâ haut abnuens (b). Quas condiciones à Ferdinando rejectas patruus Federicus postea accepit, Ducatum Andegavensem, & annuam pecuniam, regno ac periculis præferendo (c). Quo pertinet, quod Artabanus Parthus à Germanico petebat,

B

tebat,

(a) Tac. 3. hist. 64. & 66. (b) Comin. 7. Comment. 14. Guicciard. 1. & 2. hist. (c) Guicciard. 5. hist.

tebat, ne Vonones in Syria haberetur, neu proceres gentium propinquis nunciis ad discordias traheret; & quæ nos olim ad illum locum annotavimus in Omissis (a). Veneti Catharinam Corneliam Cypri Reginam Asolam, exiguum oppidum, (b) Ostasium Polentanum, cujus donum Ravennam habebant, (quanquam aliter rem gestam, & invito Polentino deditionem factam tradat libro septimo historiæ Ravennatis Hieronymus Rubeus) ne liberalitatis unquam poenitere posset, cum filio in Cretam deportarunt. (c)

Revocante nobilitate, cui in pace durius servitium est.] Nam militares artes per otium ignotæ; industriosque ac ignavos pax in æquo tenet: (d) neque magnis meritis ac præmiis idem in pace qui in bello locus. (e)

Quanquam hodie neque sanguini, neque meritis præmia rependuntur. Gloriæ fumo vitam ac facultates impendunt. quia singulari principum artificio opinio invaluit, plebejos pecuniâ, nobilitatem sanguine tributa exsolvere: & sibi rem ac fortunas

(a) Pag. 567. & seq. (b) vide gli Asolani di Pietro Bembo: (c) Macchiav. 6. histor. Flor. (d) Tac. 12. ann. 12. (e) Tac. 1. hist. 5.

nas mercimoniis, cæterisque pacis artibus
quærere, vile ac sordidum; bellorum la-
trociniis in alienam utilitatem insudare
gloriosum esse. (a)

*Parthi quanquam victores longinquam
militiam aspernabantur.*] Qui hodie plera-
rumque gentium mos est, ut pro finibus
tuendis militare gratis; nulloque obstricti
stipendio, extra patriam persequi hostem
minime teneantur.

*Ingens gloriâ, atque eo ferocior, & subjectis
intolerantior.*] Duæ maxime res licentiam,
ferociamque principum attollunt, inten-
duntque; hinc gloria, & perpetuum for-
tunæ obsequium; inde longi temporis do-
minatio. Illius apud Tacitum exemplum
præter Bardanem est Italus Chernscorum
Rex, secundâ fortunâ ad superbiam pro-
lapsus(b). Deberent Principes, quæcunque
sibi secunda ac felicia eveniunt, tanquam à
Dei liberali manu profecta suscipere; at-
que istiusmodi gratitudine uberiores di-
vini Numinis benignitatem provocare.
At secus evenit, quippe plerique suis con-
siliis, suisque viribus, prospera provenisse

B 2

rati,

(a) v. Boccalin. 2. ragguag. l. 39. & 62.

(b) Tac. 11. ann. 17.

rati, elatique gloriâ, Timothei Athenien-
sis (a) exemplo deferri à fortuna, vel, quod
dicere sanius est, à Deo merentur. Cujus
rei evidentissimum quoque ac sane lugu-
bre documentum nobis, præbet Carolus,
ultimus Burgundiæ Dux, ambitione, su-
perbia, ac crudelitate funestum, quem
ad Nancium habuit, exitum promeri-
tus (b).

*Vetustate imperii coalitâ, audaciâ Ne-
ro diu meditata scelera non ultra distu-
lit (c). Et Tiberius vi dominationis con-
vulsus & mutatus est (d). & Vannius Sue-
vis à Druso Cæs. impositus primâ imperii
ætate clarus acceptusque popularibus,
mox diuturnitate in superbiam mutans,
regno pulsus fuit (e). Idem eandem ob cau-
sam Ferdinando Seniori Regi Neapolitano
accidit (f).*

Venationi intentum interfecere] Venandi
studium extulerunt laudibus, aut vitupe-
rarunt multi, ut cuique genius fuit, quos
refert, meus olim præceptor Christopho-
rus

(a) Plutarch. Sylla. (b) Comin. Comment
Paradin. annal. Burgund. (c) Tac. 14. annal. 1.
(d) Tac. 6. annal. 48. (e) Tac. 12. annal. 29.
(f) Guicciard. 1. histor. adde Not. ad init. lib.
XI V.

rus Besoldus libro de *juribus Majestatis* (a). Insigne extat exemplum insanæ Voluptatis cum immani crudelitate conjunctæ de Bernabo Vice Comite, apud Bernardinum Corium (b) & Antonium Possevinum (c), Is, si quis leporem, capream, aprum; aut aliud genus ferarum insecutus convincebatur, illi oculos eruebat: etiam laqueo suspendebat, facultates fisco addicebantur, quî crudelitatem fugâ evaserant, perpetuo exilio & bonorum amissione multabantur. quibusdam etiam ædes solo æquatae, postquam pecuniam omnem detraxisset. Inaudita hætenus sævitia duos cucullatos impulit, atrocitatem morum coram accusare. Intumuit alieni consilii impatiens princeps; & increpitis monachis, quod sacris addicti profana curarent, ad dolum transiit, si qua importunos correctores impietatis crimine involvere posset. Ergo sciscitatus, an lepus à venatore rustico captus, ejus esset? cum affirmantes accepisset, ore renidens, sublato capite, & veluti rabie agitatus, subjunxit, non ergo Dei? Nec responsum tolerans, ut impietatis con-

B 3

victos

(a) *sect. 3. cap. 7.* (b) *histor. Mediol. par. 3. pag. 247. & seq.* (c) *histor. Mantuan. lib. 4. pag. 405. & seq.*

victos, cremari vivos jussit. Ceterum, ut venatio oblectamento, non item oneri aut dispendio esset, quinque canum millia ali à subditis jubebat, divisim per civitates & oppida agminibus: ut quacunque ditionis parte processisset, haberet ad manus, quibus voluptatem expleret. Graciles, aut plus justo obesos quovis mense ad id delegatis ostentasse, capitale erat. perniciosum maxime, morbo aliquem defecisse: denique emisse ferinam, aut edisse, cauponibus, stabulariis, tabernariis, omni denique hominum conditioni exitiabile.

Si perinde amorem inter populares, quam metum apud hostes quasi visset.] Amari aut timeri à civibus principem præstet: ad sextum annalium olim tractavi: (a) quæ non muto.

CAP. XI.

Magistratus potissimum exequabantur officia caeremoniarum] Invitat locus, de caeremoniarum ac sacrorum procuratione, deque administratione rerum ecclesiasticarum quædam, quatenus politico concessum est, adnotare. Istâ de re in Schola-

(a) Pag. 479. & seq.

Scholarum, templorumque pulpitis motas controversias in Rempubl. exitiabiles ut plurimum turbas invexisse, nostrorum juxta ac superiorum Temporum experientia docet. Sunt (a) qui soli Papæ Romano, sunt (b) qui præter hunc cæteris quoque Episcopis, sed iis solis, omne id munus mancipant; omnibus qui sacri ordinis non sunt, ab illo remotis. Sunt qui omnem Ecclesiasticam potestatem, illam saltem quam externam appellant, Principi tribuunt. In quem sensum Regem suum Ecclesiæ caput paulò ante Angli dicebant. Quidam Principum ab aliquot è Senatu, adjunctis quibusdam ex Ecclesiastico ordine, quicquid juris sacri est, suo nomine administrari volunt (c). Accesserunt, qui vel in populari statu, vel sub Regibus viventes, quibus diversa sacra sunt, & alia religio, populariter quoque per collegia ex plebe & ministris composita Ecclesiam gubernant (d). Reliqui sunt Anabaptistæ, & qui eâdem vœsania hodie in Angliâ arrogant

(a) Bellarmin. & communiter Romano Catholici. (b) M. Ant. de Dominis in opere de Republ. ecclesia. Thom. Bilson. de perpet. eccles. gubern.

(c) Plerique quos Lutheranos vulgus appell. vid. Ant. Fabr. 1C. Saxon. lib. de Opt. Eccles. stat. (d) Belgæ fœderati, & qui in Gallia Hugonotæ vocantur.

ganti Independentiũ appellatione & alibi degunt, qui nullis legibus, nullâ disciplinâ, solo Numinis arcano instinctu regi volunt. Mihi litem tanti ponderis præcipiti definitione meam facere neque animus neque auctoritas est. Illud monere sufficit, fortasse Deum ipsum Optimum Max. Ecclesię suę gubernationem non uni formę aut modo alligasse; sed pro hominum temporumque varietate illam maxime probare, quę honori Sanctissimi Numinis, & hominum æternę saluti maxime conducit. In quam sententiam Tertullianus libro *de velandis virginibus* (a) dixit, regulâ Fidei, quę una omnino est, sola immobilis & irreformabilis, manente, cætera disciplinę & conversationis admittete novitatem correctionis: & in eundem sensum egregia sunt, quę Epiphanius tertio contra hæreses differit, illo loco, quo *contra Aerium* disputat (b). Ita prima Ecclesię tempora episcoporum, vel, quod idem erat (uti nuperime ficto Messalini nomine summus Vir Claudius Salmasius, & prolixo opere immensę lectionis David Blondellus docuerunt) presbyterorum collegio, postea præcipuâ unius ex collegio auctoritate, subsequenti-

(a) *Cap. 1.* . (b) *Hæres. LXXV.*

quentibus seculis plebis quoque adscitis suffragiis regebantur. Quod aliter fieri minime poterat : quando sub paganis Christiano nomini infensissimis principibus, religio sævissima tyrannide premebatur. At ex quo Christianismus profiteri cœperunt Imperatores Romani, Ecclesiæ res ab ipsorum arbitrio pependisse Socrates in historia (a) testatur. Ut minime mirandum sit, in Principatu popularem istam Ecclesiasticæ rei formam, tanquam regiæ potentix adversam suspectamque non probari. Sane in Galliâ Hugonotarum presbyteria, Conventus provinciales, & generales, Circulj, Deputati, & quibus aliis Religio munimentis sepiebatur, Regum vomicæ ac carcinomata fuisse : tanquam iis ad Germaniæ ac fœderatorum Belgarum exemplum in medio regno libertati præluderetur (b). Nec alia secretior causa fuit, quam propter Jacobus & Carolus Magnæ Britannix Reges in Scotiâ, abolitâ populari Ministrorum & Seniorum Ecclesiæ administratione, Episcopos substituere tantopere laborarunt, nisi quod hi parandæ, aut intendendæ dominationis, illi reti-

B 5 nendæ

(a) *Præfat. lib. 5.* (b) *Cardinal. Bentivol. Relat. de Hugonot.*

nendæ ac tuendæ libertatis certissima instrumenta habebantur (a). Nam populi imperium juxta libertatem ; paucorum dominatio regiæ libidini propior est. (b) Præter ista illud quoque notandum, etiam in optimatum ac populari statu non sine flagitio rerum ecclesiasticarum curâ arceri, qui ad Reip. clavum sedent : quorum auctoritatem inter Hugonem Grotiū, aliosque superioribus annis periculosa libertate ventilatam, & à Nicolao Vedelio nuper assertam (c) scholastica vehementiâ alii publice impugnarunt. Funesta jurgia! quæ cum collidant illos, qui Reipubl. habenas tenent, cum iis, qui religionis obtentu in plebis animis regnant, nubes jamnunc cogunt, in atrocem aliquando tempestatem, ni bonis consiliis mature dispellantur, erupturas. In proximo Anglicæ turbæ, sunt ex isto fonte prognatæ : inde facilis ad vicinos pessimi exempli transitus.

CAP.

(a) *Idem Bentivol. Relat. de Belg. Hispan. par. 2. cap. 4.* (b) *Tac. 6. annal. 42.* (c) *Libro, cui titulum fecit, Episcopatus Constantini Magni.*

C A P. XII.

Matri Agrippinae miseratio augebatur, ob sceleratam Messalinam.] Hic locus, & in eundem sensum alter lib. xiii (a). addendus iis, quæ ad iii. Annal. (b) diximus.

Neque Silius flagitii aut periculi nescius erat &c.] Qui regiam sequuntur, rari illam sapientiam capiunt, quæ facultates omnes ac vitam ipsam honesto postponere jubet. Præsentis exitii horrida facies futuri metu potior est. præterea fallendi spes, & magna præmia non flagitia tantum, sed ipsa flagitiorum pericula commendant: ut opperiri futura, & præsentibus frui pro solatio sit. Etiam quibus innoxia consilia sunt, multa temporis beneficio, & industriæ servantes, præsentibus afferre remedia satis putant (c).

C A P. XIV.

Claudius tres literas adjecit, quæ usui imperitante eo, post oblitteratæ.] Inventa, quæ novitate magis, quam utilitate

B 6

com-

(a) Cap. 15. (b) Pag. 271. (c) V. Henric. Davil. lib. 2, bell. civil. pag. 67.

commendantur, dum authorum potentia aut fama, & novitatis gratia blanditur, sectatores laudatoresve reperiunt. postquam vel auctorum morte, vel vetustate evilerunt, negliguntur, novisque semper cedunt. Manet Philippi Paracelsi medicina, perpetuo usu semper nova. Manent, quæcunque in manuariis artibus, veteribus institutis ingeniosa nostrorum temporum solertia addidit. At Raimundi Lulli, Neperi, Fluddi, Campanellæ philosophia pene cum ipsis inventoribus evanuit. Vereor, ne idem futurum sit eruditorum nostri seculi virorum fatum, qui Germanicæ linguæ origines investigare, scribendi rationem reformare; scabritiem lævigare, etiam ad molliorum carminum amœnitatem traducere, ambitioso magis quam Frugifero studio contendunt.

CAP. XVI.

A *Missis per interna bella nobilibus, & uno reliquo stirpis regie &c.] Cum hoc Italo jucundissimâ comparatione conferre licet, quæ de Sanctio Bentivolio sexto Historia Florentina narrat Macchiavel-
lus.*

Potentiam ejus suspectantes, qui factionibus

bis floruerant] Inutilis illorum, ac plerunque noxia cautio est, quæ, quod inter Ver-
nas suos Cato; inter cives facere solent;
non tolerare modo rixas, ac jurgia, sed se-
mina quoque dissidiorum jacerere: quasi
ista ratio ad secreta rimanda, ac dispellen-
das conspirationes præcipuâ esset; cum ta-
men contra plerunque vertere, & in Prin-
cipis perniciem ea res soleat: quod quia
Macchiavellus (a) & Cominæus (b) præ-
clare docuerunt, non hîc repetendum ve-
nit.

Princeps suâ potentiâ verendus neque
in Aulâ, neque in regno factiones vult.
Aulæ tamen dissidia minus periculi ha-
bent; & facile cohiberi possunt, ne in
rempubl. quid inde mali redundet. Philip-
pus 11. Hispaniarum Rex contraria Pro-
cerum in Senatu studia præsentîâ suâ ple-
runque correxit (c), At in regno inter
duas potentes factiones Principi obsequio
& viribus destituto præter nomen nihil su-
perest.

Factiones debilem plerunque Princi-
pem arguunt, & qui impune contemni
possit. Quo fit, ut potentiam unius suspe-
æent,

(a) 3. *discurs. ad Liv.* 27. (b) 6. *Comment.* 13.
adde *Forstn. Not. ad 2. Annal.* pag. 240.

(c) *Strada hist.*

stent, qui factionibus floruerant (a). Nam
 iustitia, munificentia, fortitudo, & ex Vir-
 tutibus fama ut principi certam ac secu-
 ram possessionem, sic quietem civibus
 promittunt; contra contemptu regnantium
 calcatae leges: soluti mores, discordias,
 dein injurias efficiunt. Dum Henricus VI.
 Cæsar ætate, potentiâ adstricto & severo
 imperio validus seque & pacem sustenta-
 bat, omnes provinciæ summâ tranquillita-
 te fruebantur. Vbi finem habuit; cuncta
 in præcepta acta. Palæstina, Italia, Germa-
 nia seditionibus exarserunt. Postquam
 enim formidati Imperatoris reverentia
 cessit, & parum in legibus præsidii, ac plus
 vim quam modestiam valere constitit;
 eruperunt male suppressa desideria, & ha-
 bendi libido (b). Catholicorum & Hugo-
 notarum in Gallia, Vnionis & Ligæ in Ger-
 mania inauspicata vocabula sub Principi-
 bus pueris (c) aut senio invalidis (d) orta
 sunt. Contra Ferdinandus II. Imp. po-
 tentiæ securus non minus Ligæ, quam
 Vnionis nomina in Comitibus Ratisbonen-
 sibus (e) abolita voluit. Ex quo principio
 illa *πορείματα* vulgo deducunt, neque
 Germa-

(a) Tacit. hic. (b) Possessin. 2. hist. Mant.

(c) Francisco-II. Carolo IX. (d) Rodolpho, Mat-
 thia Imp. (e) Ann. 1630.

Germanos Imperatorem (a) neque Italos Pontificem (b) potentiâ prævalidum æquo animo ferre : & quod olim in Gallia multi etiam ex Catholicis Colignium & Hugonotas opprimi nolebant : non tam publici curâ, quam Guisiorum odio ; quorum magnitudini obicem illos ponere arbitrabantur (c). Rupellam à Ludovico XIII. domari plurimi ex Proceribus Gallis, ut dominatus stabilimentum, ac licentiæ frænum horrebant. Vnde illa Bassompetræ vox : An eo stultitiæ progrediemur, ut Rupellam capiamus ?

Factionum id ingenium est, ut primum inter se collidantur, Regis aut Reipubl. causam utrinque jactantes ; tractu temporis vel utraque, vel alterutra in ipsum Principem aut rempubl. hostilia induat.

Remedia factionum Macchiavellus (d) ad tria capita redegit ; Reconciliatorem, Mortem, Exilium factionis, ac præcipue caput. Verum acutus iste Hetruscus non satis subtiliter rem distinxit : quæ ita mihi explicanda videtur. Vbi discissæ, ac in diversum inter se tendentes partes in Principis utrinque obsequium compositiæ sunt,

(a) *V. Forstn. ad 6. Annal. pag. 495.*

(b) *V. Forstn. Omiss. ad lib. 6. pag. 597.* (c) *Ioan. Baptistæ Adrian. 21. hist.* (d) *3. Discurs. 27.*

sunt, illius se arbitrio staturas professæ, nunquam in partes descendere Princeps; alienamquæ litem suam facere debet (a): sed communem se utrisque patrem, ac veluti phreneticis medicum præbere; iudicio aut arbitrio controversias cõponere; composita iurejurando sancire; conjugiorum vinculis adstringere. Si decidi componive controversiæ nequeant, infensoribus animis, quam ut rebus judicatis acquiescant: pro summâ potestate silentiũ partibus imponere Princeps debet, aut ex Aulâ factionum capita, vel legationis prætextu, vel alio diversos amovere; Tollere præterea atque extinguere factionum nomina, & cum nominibus memoriam. Quâ prudentiâ Genuenses, cum Andreæ Aurixæ beneficio libertatem recuperassent, abolitis Guelphorum & Gibellinorum, Nobilium & Popularium, Adorniorum & Fulgosiorum vocabulis, xxviii tantum illustrium familiarum nomina conservarunt; quibus cæteræ omnes nullo Nobilium, populariumve discrimine aggregatæ fuerunt; translatis Nobilibus in familias populares, & vicissim. Quâ sapienti confusione extinguì cum appellationibus odia quoque.

factio-

(a) *Forstn. Omiss. lib. 1. pag. 538.*

factionum haud vanè augurabantur (a). In eundem finem Venetiis vetitū est, Veneres & Novos Nobiles discriminari. Sed hoc casu illa præcipue cautio tenenda est, ne Princeps affectu in hanc illamve partem perumpatur: sed ut nullis discordiis imbutus pari in omnes studio agat (b). Mediolanenses imperii Gallici statim tæduit, cum Io. Iacobus Trivultius, Guelphorum caput, à Rege præfectus Gibellinis se iniquū præbuit (c). Margaritha Henrici VI. Angliæ Regis uxor cum inter Somerseti & Varvici Duces mediam, & neutri addictam se gerere posset, imo deberet; illius partes secuta seque & maritum pessum dedit (d). Fridericus Ænobarbus Imperator bellantibus inter se Germaniæ Proceribus nulla arma interposuit; sed præcepto, ne bello decertarent, se causam ex æquo cogniturum promisit (e). Cujus motis plura aliorum quoque Impp. exempla in historia Germanica occurrunt. Et de armis ac bello illud in universum tenendum est, contra factiones, quæ duarum aut trium civitatum quietem turbant, utiliter adhiberi, postquam miſiſſiora non proficiunt. Quomodo
cohor.

(a) Guicciardin. 19. *hist.* (b) Tacit. *hic.* (c) Guicciard. 4. *hist.* (d) Polydor. *Verzil.* 23. *hist.* Angl. Comin. 6. *Comment.* 13. (e) Possevin. 2. *hist.* Mant.

cohortis prætorix terrore & paucorum supplicio Puteolanorum dissidia sustulerunt Scriboniani fratres (a) : & discordes Campanos , magis inter semet , quam contumaciâ in Principem ; Lucilius Bassus cum expedito equite missus composuit. (b) At ubi non una aut altera civitas divisa , sed totum regnum in partes discessit ; illis profecto artibus , quas hic notamus , malo obviandum est , neque armis imprudenter attentandum , quod obtineri nequeat.

Quod si una ex duabus factionibus Regiam auctoritatem vel apertâ petulantia laceffit , vel occultâ fraudẽ obruere tetter ; alteri Princeps se ducem ac caput præbere , & perfidiam , si aliter nequit , armis ulcisci debet. In quo Henricum III. Gallix Regem peccasse illi arbitrantur , qui Henricum Navarrum & Religionarios fidos Regi , ideoque maturius societatem cum illis contra Guisinnac Ligistas jungendam fuisse pronunciant (c).

Postremo , ubi utraque factio non in se tantum sæva , in Principem quoque infestum animum gerit. (quod de Ligistis juxta ac Religionariis sub Henrico III. plurimi credebant) tunc sane neque solus ar-
mis

(a) Tacit. 13. annal. 48. (b) Tac. 4. hist. 3.

(c) V. Foëstn. Omiss pag. 539.

mis cohercere potest universos; quæ nulla Principis esse possunt, factionibus auctorata; neque uni partium nomen dare debet, misceri civium dissidiis, facere se satelitem alienæ ambitionis, ministrum suæ miseræ, & instrumentum ruituri regni. Neque enim tali rerum statu pecunia superest, belli nervus: & deest obsequium subditorum, favore partium aut metu corruptum: deficit fides ministrorum, factiosis plerunque sanguine, aut affinitate innexorum, obnoxiorumve illorum beneficiis.

Quid igitur faciet isto rerum articulo Princeps? Nec ipse, quod modo dixi, arma capiet; & si poterit, ea furentibus extorquebit, aut saltem ita temperabit, ne alterâ factionum superatâ, altera nocentior & sine æmulo insaniat. Factiones turbis & inter arma invalescunt, pace exarman- tur, quippe in turbas & discordias pessimo cuique plurima vis. pax & quies bonis artibus indigent (a). Cum factiosi armis & bello colliduntur, Princeps Victori in prædam cedit. Bellum nutrit augetque rebellium vires: pax odiorum feritatem mitigat. In bello quotidie factionibus accedunt, quibus conscientia criminum, aut

æris

(a) Tac. 4 hist. 1.

æris alieni magnitudo novandi necessita-
 tem imponit : & accrescit pertinacia etiam
 illis , qui dubitantes ac prope inviti vide-
 bant magis quam faciebant subverecunda
 scelerum initia. Contra pacem ac quiete ex-
 tinguitur odiorum flamma , cessant venti ,
 residunt fluctus , sistitur armorum cursus ,
 diffluunt vetustate & incuriâ , quibus diffi-
 dentia vel gignitur , vel nutritur , oppido-
 rum ac castellorum munimenta ; dissiliunt
 federa , ac dissipantur , quibus nulla præter-
 quam in turbido spes ; & sublati qui dis-
 cordiis civilibus innutriti fuerant , nova
 suboles succrescit , insolens barbarum , igna-
 ra scelerum , ad legum & obsequii amo-
 rem composita. Illa præterea ratio pacem
 bello præfert , quod ærarium belli impen-
 diis exhaustum non nisi pace partâ reple-
 ri poterit. Quod si pacem rebellium contu-
 macia excludet ; quod aperte non poterit ,
 per cuniculos aggredietur Princeps ; &
 quod supra dixi , operam dabit , ne una fa-
 ctio , sublatâ æmulâ sola regnet. Quomo-
 do Catharina Medicæ , Galliæ Regina
 Condæo & Guisio , Colignio & Cardinali
 Lotharingo media , neutram factionem
 eousque deprimi volebat , ut ipsa in alte-
 rius potestate esse cogeretur. Quâ pruden-
 tiâ consecuta est , ut imperium mutuo æ-
 mulatu

mulatu atque invidiâ permitterent femina, & externæ, quod alter alteri minime concessissent (a). Hodie quoque Religiosarios, uti nunquam cum Hispanicâ factione, quæ in Gallia nunquam emoriatur, coalituros, conservare necessariam prudentiam multi arbitrantur. Matris Catharinæ consiliis insistens Henricus III. Rex illorum aciem ita disponebat. Quia bellum, quod rebus suis minime conducere noverat, subitâ pace mutare non licebat; continuare quidem illud voluit: sed conatu debili, frigidoque, & qui ad summam rei nihil faceret: inde arreptâ primâ pacis occasione extorquere partibus arma, & adimere vim nocendi. Postquam parta his consiliis pax esset; animus erat, ignaviam & incuriam fingere, & modo monachorum pietatem sacris exercitationibus exprimere, modo aulicarum deliciarum delinimentis immergi: quo istâ desidiae imagine factiosorum solertiam falleret. Porro cogitabat in lucem producere, atq; ad præcipuas dignitates extollere homines ingenio sagaci & ad omnia prompto; sed qui præter Regem nemini quicquam deberent: quibus deinde maximorum operum ministeria tuto concrederet. Hoc modo
spera-

(a) *Henr. Davila 2. hist.*

sperabat temporis, & occasionū, etiam pecuniæ beneficio, honoribus, officiis, dignitatibus, sociis, auctoritate denique ac viribus exui posse, quibus bello aperto impar erat. His cōsiliis effectui mandandis Henricus Principi Delphino Mompenserii filio, cui plus ardoris ac vehementiæ inerat, quam vellet, Rogerium Bellegardium substituit, remissioris ingenii virum, & qui Danvillæ hostium duci non adversus habebatur. Mompenserio, acriter Hugonotis instanti, præcipuum exercitus robur subtraxit, tanquam ad arcendos Campaniæ ingressu externos necessarium. Henrico Guisio, Catholicæ partis & factionum primario incentori Armannum Bironum, belli veterem, sed Hugonotis secreto faventem, collegam & custodem addidit. Præterea, quo pecuniæ publicæ & præmiorum dispensationem pernicioso errore ad alios delapsam ad se solum retraheret; parandæ benevolentiae, quam Regi debitam potentes in Aulâ suffurabantur, instrumentum: statuit, ne Quæstores alii, quam sibi accepti & expensi rationem redderent: & ne præter apocham Regis manu subscriptam quicquam ultra Rationales requirerent: præterea, ut qui sacerdotia, magistratus, procurationes, aliave præmia ambi-

rent,

rent, libellos supplices quos à clientibus susceptos Proceres Regi commendare solebant, ipsi offerrent, nemini alii beneficium debituri. (a) Sed majus erat malum, quam ut remediis cederet: & reductæ Pacis gloriam successorii Henrico IV. fata destinaverant.

Sapius Vinolentiam ac libidines, grata barbaris, usurpans] Iis, quæ ad tertium (b) Annal. & primo omissor. (c) ad hunc locum pertinentia annotavi, addenda sunt, quæ de Hadriano Spartianus (d) & de Alexandro Farnesio Parmæ Duce inter Gallos Gallicis moribus vivente Henricus Davila (e) tradunt.

Adimique veterem Germaniæ libertatem, & Romanas opes insurgere] Libertatem vocant, qui nullis legibus teneri volunt, licentiamque factionum ut jus & fas sibi vindicant. Alterum, quod hîc notandum, est paradoxî instar, potentiam tum maxime in præcipiti stare, cum ad summum pervenit: & nunquam minus secure agere Principes, quam cum maxime potentes sunt. Nimirum auctu imperii augetur metus & invidia minus Valentium. A metu & invidia transitur ad coitiones, & fœdera pro
com-

(a) Davila 6. & 7. hist. (b) Pag. 300.

(c) Pag. 546. (d) Hadrian. (e) Lib. 11. histor.

communi salute tuenda, & haut raro ad bella. Ita ipsa sibi magnitudo obstat ad majora incrementa. Dum modicæ essent Hispanorum res; virtuti & fortunæ illorum cuncta pervia videbantur. Postquam Carolus v. Cæsar & Philippus Rex enormi potentiâ, & pari ambitione Europæ imperio imminere crediti sunt; expressis plurium federibus, & tacitâ omnium conventionem id actum fuit, ne ultra Hispanus progrediretur. Raræ igitur prudentiæ est, modum & limitem ambitioni ponere, sistere cupidinem, & firmare potius sibi quæsitâ pace, quam bella ex bellis serendo novis incrementis inhiare. In quem sensum egregia extat Oratio Marchionis Trivisani, Senatoris Veneti apud Franciscum Guicciardinum i v. histor. (a)

Infectum alimonio, servitio, cultu, omnibus externis] Vide nostra ad initium secundi Annalium.

CAP. XVII.

F *Also libertatis vocabulum obtendi ab iis, qui privatim degeneres, in publicum exitiosi*

(a) adde quæ notabimus ad 15. Annal. 1. & quæ olim dicta ad v. 1. annal. verb. Consiliis & astu res externas moliri, &c. pag. 491.

tios nihil spei nisi per discordias habeant] Nemo enim sibi alienum servitium, & dominationem concupivit, ut non libertatem & speciosa nomina prætexeret (a). Quale sunt Bonum publicum, cujus obtentu nefaria Ludovico XI. Galliæ Regi arma inferebant Procerum præcipui (b). Et hodiè nulla adeo scelestæ cupiditas est, quæ turpitudinem suam Religionis colore non vellet. Universum factionis & factiosorum gènerium nunquam non larvatum egregie detexit atque in lucem protraxit in Argente Joannes Barclajus: cui jungere licet, quæ ego olim scripsi ad tertium Annal. (c) & quæ apud Henricum Davilam extant XIII. historiæ (d).

Secundâ fortunâ ad superbiam prolapsus] Vide quæ ad hunc librum supra annotata fuerunt (e).

Pulsusque ac rursus Longobardorum opibus refectus, per læta, per adversa res Cheruscas afflictabat] Reges mobilitate vulgi expulsi, resumptâ per arma dominatione, fugas civium, urbium everfiones, fratrum, conjugum, parentum neces, aliaque solita victoribus licentius patrant (f). Et belli
C civilis

(a) Tac. 4. hist. 73. (b) Comin. (c) Verb. ob magnitudinem æris alieni. &c. (d) p. 845. (e) ad cap. x. (f) Tac. 5. hist. 8.

civilis victoriam, aut conjurationem detectam plerunque sæva pax, quæstiones, supplicia; sector, ac hasta sequuntur (a). Plena exemplorum historia est, sed præ cæteris Anglica, ex qua sui temporis aliqua transcripsit in Commentaria Cominæus (b).

Per lata, per adversares Cheruscas afflictabat] Ita sapientissima Numinis dispensatio delicta Principum civium contumaciâ punit; & horum peccata, Principum sævitiâ aut ignaviâ castigat. Sunt alter alteri flagellum, & crux (c).

C A P. XVIII.

N*on ignarus, dices & imbelles esse.*] Longa pax, molle cœlum, pingue solum & multiplici fertilitate beatum uti opum affluentiam cultores beat; ita segnitia cum otio intrat (d): neque segnitia tantum & imbellia, sed luxus quoque & quæ aliæ imperiorum pestes sunt. Inde de Gallo-Græcis in Asia degentibus Cn. Manlius Vasso, virtutem patriam jam olim cum nomine perdidisse dixit. Gallo-Græcos vocari eo modo, quo Androgyni quidam nascun-

(a) *Amm. Marcellin.* 16. (b) *lib. 5. in fin.*
 (c) *V. Besold. de republ. cur. c. 4. sect. 6.* (d) *Tac. Agric. 11.*

nascuntur injuriâ naturæ, utriusque sexus vitia in uno corpore commiscentis. Hoc nimirum Asiæ ingenium esse, quos viros acceperit, semiviros facere. plerunque homines patriæ respondere: & sub tam blando cœlo corpora & animos emolliiri. At virtutem nunquam delicate habitare; & fere inter voluptates emori (a). Antonius Possevinus Medicus in prudentissima de Gonzagis Principibus historia (b) causam reddens, ob quam auctâ postmodum Mantuanorum Ducum potentiâ, minus virium, quam apud veteres Marchiones, videatur; exercito per bella seculo incolas omnes cū civilibus artibus militiam imbibisse ait: festinatis expeditionibus defunctos, ubi ad sua reverterant, domestica curasse; tanquam abituros: feminas agros coluisse, officinas servasse, emisse vendidisseque; procul agente viro, filiisque bello desudantibus. Principes ipsos, quas nunc ædificationibus, jocis, cultui opes insumunt, comparandis armis, impedimentis, amicitiiis, munimentis impendisse. Secutam pacem delicias invexisse, non nisi longo bello cessuras. Postquam igitur Principes longâ pace, ac prosperitate usi impiâ oblivione ad Deum tantorum bonorum auctorem mi-

(a) Brunner. 3. *Annal Bojor. ex Livio.* (b) Lib. 6.

nime respiciunt; Deus castigandæ ingrati-
tudini bella, aliaque mala immittit. Sic fere
peffundata maxima regna, ubi satietate glo-
riæ ad summum provecta, abstinere exer-
citio armorum, immergi voluptatibus, cu-
ras graviores omittere pacem appellant.
Inde opes & luxum magnarum urbium
populorumque ruinam præcedere exem-
plo Burgundiorum docet primo Com-
mentariorum Philippus Cominæus.

*Legiones operum & laboris ignaras ve-
terem ad morem reduxit, &c.] Severitatem
Corbulonis, Tacito hoc loco notatam ex-
pressit, aut superavit Albertus Valenste-
nius, Fridlandiæ, & tandem Mechlem-
burgi Dux, Præter infinita, quæ fama vul-
gavit ad stuporem composita, Galeatius
Gualdus, qui in exercitu illius & familiâ
vixit, in historia scripsit, hominem à cubi-
culis, qui contra, quam jusserat, ipsum so-
mno excitaverat suspendio necatum; atque
equitem sine ocreis deambulantem cum
ignominia exauctoratum fuisse. Ingenti-
bus præmiis, & atrocibus suppliciis rexisse
maximos exercitus: & uti dona nunquam
infra mille Scutatos, ita pœnas nunquam
aut raro citra mortem constitisse (a).*

Inten-

(a) 3. *Hist. adde nostra ad 13. Annal. 35.*

Intentumque & magnis delictis inexorablem scias, cui tantum asperitatis etiam adversus levia credebatur] Valenslenius, quem modo memoravi, ridebat pietatem sævitiam morum suorum incusantium, solâ severitate pœnarum à maleficio contineri militares animos asserens. & à committendis majoribus absterri, qui minoribus parata supplicia scirent (a). Sed aliam esse Principum ac Magistratum, aliam militiæ ducum rationem; neque eodem modo in pace cives, quomodo in bello milites regi egregiè, ut pleraque alia docuit Trajanus Boccalinus (b). Principum enim ac Magistratus est, agere medium, plurima dissimulantis, aliqua inhibentis (c), omnia scire, non omnia exequi: parvis peccatis veniam, magnis severitatem commodare: nec pœnâ semper, sed sæpius pœnitentia contentum esse (d): ignoscendi quærere causas, non puniendi occasiones (e).

CAP. XIX.

AC ne jussa exuerent, praesidium immunitat] In munimentis plusne periculi sit, an securitatis, contrariis civilis scientiæ doctorum

(a) Galeat. Guald. 3. hist. (b) Part. 2. ragguagl. 63. (c) Vellej. Paterc. 2. hist. 114. (d) Tac. Agric. (e) Amm. Marcell. 19. hist.

ctorum (a) dissertationibus ventilatur. Illud extra controversiam verum est, plures diversis locis extructas munitiones non teneri, nisi à maximæ potentiae principibus. Extat egregia consultatio de Casalis arce struendâ apud A. Possevinum octavo historiæ Mantuanæ: quam arcanis monitis insignem huc transcribere operæ pretium est. Disserebat Comes Savorgnanus, Mantuanas vires longius abesse, quam ut Monferrati necessitatibus præsto forent. populum recenti imperio inassuetum nondum in fidum obsequium coaluisse. Provinciam Hispano, Sabaudio, Genuensibus mediam, nudamque cujusque libidini exponi; nec nisi firmiori præsidio vallatam adversus tot avidos teneri posse. Civitatem Casalensem ac castellum invalidiora, quam ut primam utcunque oppugnationem perferant. cætera in aperto esse, & occupanti parata. nec aliter securam possessionem contingere, quam si munimento insuperabili circumpositi hostes arceantur. Struendam proinde arcem, quæ suos & externos in officio teneat. Tullius Petrozannus contra. Fortissimam arcem, & quæ servandæ universæ provinciæ sufficiat, hac rerum

(a) *Macchiav.* 2. *discors.* 24 *Amirat.* 19. *discors.* 4.

rerum condicione ponere, neque decus, neque prudentiam, nec utilitatem habere. Munitiones validas tenui potentiae non convenire, satis superque Mediolani ac Urbini Duces & experimento & ratione didicisse: seu quod servari propriis viribus nequeant, seu quod maiorem pecuniam exigant, quam à principe minori impendi conducat. Sed hæc, inquit, missa facio: & quod in genere dicitur, in nostram causam contraho. Sabaudius scil. timetur. Hunc tamen Gallo gravi injuriâ recens cognitum, & Hispano ob Mediolanum invisum facile despexeris. Id tantum obstinate procurandum, ut amorem Regum habeas; possis-que vel opinione solâ tutelæ securus degeres. Quod an publice vel occulte procurandum? Regesne ipsi tacita, an velut muta officia æstiment? professionem an secretum ament? liceatque eadem impunitate utrumque spe irretire? & qua via singulis satisfiat, non semel aperui. Quod Cæsaris decreto habes, Cæsares quoque ratum volent. Et quando nemo potentiorum succurrat, tuæ te vires & congestæ à parente pecuniæ securum & retinendæ possessioni validum reddent. Non enim ea Monferrati tenuitas est, ut suos fines tueri nequeat; infensi Sabaudio non una causa, sed præci-

pue quia vicinum habent. Populi fidem
 carpere iniquum censeo : siquidem tot an-
 nos experta constantia certum animum
 ostendit. Et impositum civitati præsidium
 concutere fidem potest, eo ipso, quod dif-
 fidatur. Sed esto, Arx munitissima educa-
 tur, quæ tuis quæ exteris juxta terrori sit :
 quid hoc insanix, aut multis hominum mil-
 libus assidue servandâ, paucissimis tradere :
 aut si justo præsidio firmanda sit, ingentem
 redituum summam vano timori insumere ?
 Descripto munimento non quingenti, sed
 duo millia in pace vix suffecerint ; in bello
 ne sex quidem, præcipuis provinciæ vecti-
 galibus hauriendis. Et his quidem incom-
 modis servanda est, nec minoribus sta-
 tuenda. Exhaustiendum ærarium, tributis
 operandæ provinciæ, cives ac rustici assi-
 duo opere fatigandi, hinc alienatio : & cum
 tutela è muris quærat, ab incolis pericu-
 lum properatur. Quanto securiori præsi-
 dio pecunias & labores tuorum in securi-
 tatem quam ædificationes impendis ? Vbi
 ad summum deductum munimentum fuerit,
 commeatu, tormentis bellicis, armisque in-
 struendum. Sed qua vi auri, quibus opibus
 universa parabuntur ? Et metuo, ne, ubi per-
 fectionem decusq; acceperit, tutoribus Re-
 gibus, plus quam velis, placeat ; alter specie
 prote-

protectionis, simulatâ formidine alter repetat; seseque utriq; curatores non appellati offerant, etiam obtrudant. Vereor, ne, quæ pace servari vix poterit, bello concedenda sit. etiam inter æmulos pro hoste illum censendum, cui statim non tradatur. Jam vero non istorum temporum condicio magis quam futurorum angit. Quamquam enim suscepti consilii vanitas posteris quam tibi ipsi manifestior futura, nullus erit tamen remedio locus: quod Regum alteri concedi, non sine metu provinciae, nec dirui nisi cum debilitatis creditæ notâ possit. Servanda proinde quamvis ingenti dispendio erit, ubi semel fuerit inchoata. Si amitti contigerit, aut Reges habebunt, aut Sabaudius. Illi tuâ cum gratiarum actione possidebunt: hic majores vicinio vires habet, quam ut tuonixu redimatur. Monferratum nisi Regis prævalidi arbitrio, tuum esse potest. nec ille laborem irritum diu volet, sed Arcem precium amicitiae requireret, &c. Docuit exitus bene Tullium & sapienter censuisse.

Similis illorum Principum intemperies est, qui majoribus tormentis fundendis, pulvere nitrato aliisque belli instrumentis cumulandis omnem modum, suasque ipsi vires excedentes, alienam cu-

piditatem irritant magis , quam propellant. Hippolytus à Collibus ab Electore Palatino ad Saxonem Septemvirum legatus , cum armamentarium Dresdense vidisset , prudenti ænigmate vanitatem rei coarguit , Principem suum tali armorum paratu minime quidem instructum dicens : at ipsius jussu nuper Fuggarosingentem Cythararum numerum in usum Aulae Heidelbergensis coëmisse. Statim autem apparuisse , male collocatam pecuniam ; non repertis universâ Germaniâ cytharoëdis , qui tot cytharis pulsandis sufficerent (a).

Nec irrita aut degeneres insidia fuere adversus transfugam & violatorem fidei] Hoc judicium è laxa sequioris seculi censurâ est , quâ licitari hostium capita inter concessas belli artes censetur. Veteres Romani Pyrriho Regi , hosti armato , exercitum in Italia habenti , ut à veneno caveret , prædixerunt ; posteriores legatum consularum T. Quintium Flaminium , qui auctor esset Prusiæ Regi Bithyniæ , per scelus occidendi Hannibalis hospitis , miserunt. Quam morum mutationem Livius (b) observat. Antiquorum morum generositatem amplexus est Tiberius Imp. qui
Adgan-

(a) Zincrevius apophteg. (b) dec. 3. lib. 9. Plutarch. Flam.

Adgandestrio Cattorum Principi, Arminii necem promittenti, si venenum mitteretur, respondit; non fraude, neque occultis, sed palam & armatum populum Rom. hostes suos ulcisci (a). Et superiori seculo Catharina Medicæ Gallix Regina Centurionem operam suam ad occidendum Andelotum Gassparis Colignii fratrem offerentem vinculis ligatum ad Andelotum remisit puniendum (b). Ludovicus Zuccolus in Meditationibus politicis & moralibus (c) insidias non omnes improbat, saltem illas, quas hostium manus exequuntur; sed illas tantum, quæ domesticorum civiumque animos in scelus impellunt. Quâ ratione Mutii Scævola & Judithæ facinus idem Zuccolus (d) Scipio Amiratus (e) & Arnoldus Clapmarius (f) defendunt.

Cedere ejus mota Chaucorum mentes] Facile est, militarem seditionem, aut unius civitatis motum, sublati seditionis authoribus (g) componere: neque isto casu promptius gliscentis discordiæ remedium est, quam si unus alterve maxime prompti

C 6

subver-

(a) Tac. 2. annal. 88. (b) Henr. Davila 3. hist. (c) Considerat. 13. (d) dict. loc. (e) 2. discors. 13. (f) 5. de arcan. 7. (g) Tac. 1. annal. 29.

subvertantur (a). Nihil enim ausura est plebs, principibus amotis (b). At cum totæ provinciæ nudent, illorum, qui in populi animis regnant, supplicio exasperatur magis quam reprimatur malum. Speciosa magis quam consulta erat Procerum Hispanorum Oratio, quâ Philippo 11. Regi suadebant; aliquot ex Proceribus Belgis cervices præcideret; horum exemplo admoneri reliquos, quid Rex possit: ne impune discant illudere principi, & in publicam pacem peccare; assuescantque horrere hos motus, tam magnis expiatis exemplis. Neque ullum inde paci periculum; quando pœna ad paucos, indignatio ad infirmos pertingeret. Vulgus enim nullâ sævitiâ irritatum, timidum & secors, crediturum, proceres meruisse hoc ipsum, quod paterentur: cum contra, pari ultione utrumque Ordinem provocando, nobilitas populum inventura sit, quem ducat in Regem: populus vero duces, quos in bellum sequatur (c). Huic simile est, quod Alfonsus Corsus & Abbas Delbenus Henrico 111. Galliæ Regi suaserunt, Guisium ad se ventitantem in cubiculo regio trucidaret, additâ è sacris literis sententiâ: percu-

(a) Tac. 4. annal. 17. (b) Tac. 1. annal. 55.
 (c) Nicol. Burgund. 3. hist. Belg.

percutiam pastorem, & dispergentur oves (a). Verum neque Egmondani ac Hornani supplicio Belgarum, neque Guisii cæde Gallorum factiones conquieverunt. Quomodo Gannasci etiam cæde motas Chaucorum mentes Tacitus hoc loco, & Stachaonis supplicio ad rebellionem impulsos Austurianos Ammianus Marcellinus (b). & alibi Tacitus (c) Julium Cævilem à Vitellio periculo exemptum scribit; præpotentem inter Batavos: ne supplicio ejus ferox gens alienaretur (d). Nimirum in istis Italorum proverbio (e) locus est; non nisi velata facie crabrones irritandos.

Corbulo semina rebellionis præbebat] Anceps & alex plenum est, injuriis irritare libertate ferocientes populos: quo arma & rebellionem inducentibus tanquam meritis eripiantur, quibus insolescebant, immunitates. Quo sensu acrius servitium iterum victis Tacitus (f) dixit. Successit atq; ista Hispanis

(a) *Henr. Davila* 9. *hist.* (b) *Ammian. Marcellin.* 28. *hist.* (c) 1. *hist.* 59. (d) *v. Nostra* ad 1. *annal.* pag 37. *Boccacin cent.* 2. *cap.* 44. & *cap.* 51. *Macchiav.* 3. *discors.* 6. *circa fin.* (e) *quod perpetuo in ore habebat Catharina Gallia Regina.* (f) *Tac.* 3. *annal.* 45.

Hispanis in Aragonia (a): Contra nuper
vertit in Catalanis (b).

*Formidolosum paci virum insignem ,
& ignavo principi prægravem]* Etiam
non ignavo Principi , moræ , & lentitudo
ducis , & trahendi bellum artes non sem-
per placere possunt. Est enim aulicæ calli-
ditatis pars , necessarium se suamque pace
aut bello operam Principi reddere : iisque
patronum negotiorum labyrinthis impli-
care , unde sine Ministri ductu , tanquam
Ariadnes filo exire nequeat : semina re-
bellionis præbere , bella ex bellis serere ,
validarum urbium arciumve subsidio se
implicare , occasiones , quibus confici bel-
lum posset , omittere. Quomodo de Dil-
lio Vocola Tacitus (c) ait , corruptâ toties
victoriâ non falso suspectum fuisse , *bellum
malle*. Et Armandus Bironus Carolo filio ,
Lauream laureæ aggerenti , atque præcipi-
tanti bellum dixisse fertur ; lentius ageret,
plusque emolumenti in bello quam in vi-
ctoria sciret. Secus agentibus, ad olera do-
mi plantanda redeundum fore. Isto inge-
nio Bernardum quoque Claravillium Ery-
cius Puteanus in historia Medicæa desi-
gnat.

(a) v. *Forsner. ad 2. Annal. verb.* cunctaque
ejus facta , cum prohibere posset, scire malebat.

(b) *Vide Victor. Sir. par. 2. hist. p. 93.* (c) *4 Hist. 35.*

gnat (a). Huic incommodo vitando Othomanni Imperatores sapientissimo consilio exercitus primis Bassarum, quos Vezirios vocant, committunt: quibus summa in Aulâ auctoritate ac potentiâ pollentibus, nihil potius est, quam cito finem bello imponere: quo perfunctis reditus ad Principem, neque aliter, conceditur (b).

Sed extra illum, quem modo notavimus, semper verum est, formidolosum paci virû insignem, & ignavo principi prægravem. Quippe ingrata temporibus militaris gloria, quibus sinistra erga eminentes interpretatio, nec minus periculum ex magna fama, quam ex mala (c). Domitiano id maxime formidolosum erat, privati hominis (Cnei Agricolæ) nomen supra principis attolli (d). Sauli Hebræorum Regi Davidis generi gloriam bello partam suspectam fuisse sacra historia tradit (e). Corbulonem eam ob causam à Nerone occisum Suetonii testimonio (f) constat. Consalvum Magnum Ferdinandus Rex ab exercitu abstractum ingloriam vitam ducere iussit.

(a) Lib. 1. (b) Boccac. cent. 2. c. 46. v. Forstn. Omiss. ad 4. annal. p. 590. (c) Tac. Agric. 5. vide Did. Savedr. Symb. 10. (d) Tac. Agric. 39. (e) Tac. Agric. 39. (f) 1. Reg. 18. (g) Sueton. Ner.

jussit *. Iacobum Piccininum Braccianæ militiæ fortissimū ducem, nullo alio quam virtutis crimine reum Ferdinandus Aragonius Neapolīs Rex in carcere necavit (†).

CAP. XX.

Nihil aliud prolocutus, quam, *beatos quondam duces Romanos! signum receptui dedit*] Profecto liberum exercitus ductorem, neque malignis detrahentium interpretationibus obnoxium, adhæc formidine patroni, & fortuitorum belli solum esse convenit (a): cum è longinquis præsertim terrarum spatiis consilia post res afferantur (b); & dum Princeps aut Senatus consuluntur, rei gerendæ occasiones præterlabantur. Vnde Fontanus Mediolani præfectus, mandatorum ab Aulâ securus, iactare solebat, *non posse absentes præsentia æstimare* (c). Sed hæc ex dominorum ingenio æstimanda sunt. Sunt enim, qui severæ antiquitatis æmulatione obsequium ministrorum cum damno, quam felicem inobe-

(*) *Io. Guicciard. alii.* (1) *Io. Simoneta de reb. gest. Fr. Sfort. lib. 31. Macchiav. 7. hist. Florent. Comin. 7. Comment. 11.* (a) *v. Macchiav. 2. discors. 33. Amirat. 15. discors. 6. Forstn. Not. ad 1. Ann. verb. nullis certis mandatis, &c.*

(b) *Tac. 3. hist. 8.* (c) *Petr. Sarp. historia belli Venet. cum Paulo V.*

inobedientiam malunt. Sunt quoque ministri, qui iussa principis magis, quam incerta eventuum metuentes (a). exequi quam interpretari mandata tutius ducunt. Quo pertinet Vincentii Pinelli domesticus mos, in remp. administrandam non imprudenter traducendus: de quo ita tradit in vita Pinelli Paulus Gualdus Patricius Vicetinus: Quicquid imperasset, ad unguem factum volebat, ferebatque permolestè, si quid famuli aliquando non ex præscripto actitassent. Nihil non componebat ipse, & quidem meditatus, ad normam rationis. hanc abjici compendii vel sapientiæ obtentu, pati haut poterat. Quo facto familiarium fastum, nimiosque spiritus obtundebat; spe fortunatioris eventus, consiliique, ut ipsi arbitrantur, præstantia ab imperatis discedentium; cum detrimento ac perniciæ eorum, quæ ipsorum fidei committuntur. Servis enim, ut ille aiebat, utilius est, parere, quam consilium afferre.

Vt miles otium exueret, fossam produxit,
 &c.] vide Nostra ad primum Annal. (b).

CAP.

(a) Tac. 4. annal. 23. vid. Balthasar. Comitem Castilian. lib. 2. de Julico. (b) Verb. intermisserat solita munia. & ibi in Omis.

CAP. XXI.

L *Argitione amicorum*] Quibus natalium decus, aut qualiscunque muneris prærogativa suffragatur, iis in notitiam pervenire Principis, sibi que ipsis ad majores dignitates atque honores viam sternere non adeo difficile est. At quibus nulla nisi propria dos est majorum imaginibus, & honorum initio destituta; illis nisi casu quodam (a) aut insigni facinore; aut alicujus ex Proceribus commendatione notitiam aut favorem Principis acquirere minime licet. Accidit tamen plerunque, ut horum quam illorum stabilior firmiorque potentia sit: sive quod illi nobilitati suæ cuncta deberi æstimantes nullis patroni gratiam meritis provocent; hi contra domini favorem, servandæ potentiæ necessarium omni studio ac industriâ demereantur: sive Principes quoque Naturæ imitatione *Generare* & *Corrumpere*, extollere parva altaque deprimere ament. Igitur domesticas amoliri angustias, & fascium dignitatem volentes respicere in fastidiosam clientelam transire oportet; ibique patro-

(a) v. *Forstn. Omiss. p. 591. & seqq.*

patronum omnibus officiis placare (a): humilibus ministeriis, neque sordidis tamen, altiora mereri: sollicitâ nec perfunctoriâ promptitudine, & artificiosâ ostentatione, quâ quis dote excellat, commendationem sibi parare. Quibusdam & muliebres amicitiae profuerunt. Jo. Mendoza, qui postea Inogosæ Marchio Mediolano, nostrâ memoriâ à Rege præfectus fuit, Lernæ Duci, & illius inprimis uxori se insinuavit; ministerio & officio assiduus, promptus, indefessus, & grata marito reverentia studiumque erga uxorem fuit; more regiae Hispanicæ: ubi assidere, occurrere, comitari, denique famulum se præcipuis matronis profiteri extra crimen & suspicionem est. Ejus obsequii assiduitate tantum apud utrumque conjugum favoris adeptus est, ut equitatus omnis per Hispanias Locum tenens, mox Bellicj Consilii Collega, ad extremum tormentorum bellicorum supremus præfectus renunciaretur. Quæ ubi desiderijs responderunt; acrius adhuc Mendoza institit servituti; comes domi, sectator in publico, apud Aulam indivisus: ut nemo jam quæri favorem sed officio debitum reddi crederet; hæc aliaque

(a) v. Io. Barcl. *Apolog. Satyr. circa fin.*

que obsequiorum, dum veram potentiam retineret, in vili habens (a).

Adversus superiores tristi adulatione, arrogans minoribus, inter pares difficilis] Vitia, magistratibus provinciarumque præsidibus, & qui apud Principes gratiâ prævalent; plane fugienda! quibus contrariæ Virtutes, gravitas, humanitas, facilitas substitui debent. Qui locus, quod in illo perniciose ut plurimum peccetur, exactiore tractatu non indignus est. Nec tamen omnia, sed insigniora notasse sufficiet. Nam esse abstinentem, continere omnes cupiditates, juris æquabilem tenere rationem, & quæ alia morum doctrina præcipit, huc transferre, putidum esset, & ineptum. Majus operæ pretium habent, quæ M. Cicero in Epistola ad Quintum fratrem, Tacitus noster in Vita Cn. Agricolæ soceri, Tribonianus in Pandectis (b) ex veteribus Jurisconsultis, Trajanus Boccalinus in Commentationibus politicis (c), & Franciscus Baconus sexto capite operum moralium monuerunt. Ex quibus, quæ hîc omittentur, supplenda erunt. Igitur, inde incipiendum, ut novus provinciæ præses non segniter ad voluptatis titulum magistratum

(a) Anton. Possevin. *hist. Monferrat.* (b) *titt. de offic. Procons. & de off. Præs.* (c) *Cent. 1. ragguagl. 41.*

stratum & inscitiam referat; sed noscere provinciam, nosci provincialibus, discere à peritis, sequi optimos, quodque tempus alii per ostentationem, aut officiosas cæremonias terunt, ipse labori & negotiis statim impendere discat. Quo pertinet quod Vlpianus J.C. libro primo de officio proconsulis (a) monet, proconsulem, antequam fines provinciæ sibi decretæ ingrediatur, edictum debere de adventu suo mittere, continens commendationem aliquam sui, si qua ei familiaritas sit cum provincialibus vel conjunctio; & maxime excusantis, ne publice vel privatim occurrant ei, esse enim congruens, ut unusquisque in sua patria eum excipiat. Deinde certum habeat, primis actionibus amorem aut odium, reverentiam aut contemptum conciliari: & prout initia cedent, fore universa.

Porro, in nullo sæpius impingitur, sed nunquam majori cum pernicie, quam quod novi provinciarum Rectores cerebrum novis inventis gravidum afferentes, novos mores, novos homines, nova instituta obtrudere provincialibus solent: quæ frequentissima turbarum & dissensio-

num

(a) L. 4. D. de off. proconsf.

num materia est. Quanto prudentius esset, relinquere populis à majoribus acceptas consuetudines. Magni enim faciunt provinciales, servari sibi suas prærogativas (a). Inde regendis populis, aptiores judicantur, qui tardiori ingenio, quietoque res, hominesque, quales reppererunt, esse sinunt, quam qui omnia novandi cupidi res hominesque ingenio suo, plerunque heteroclito violenter adaptant, eo sæpe successu, ut à jurgiis veterem morem impugnantium propugnantiumque ad arma tandem & bellum provocetur. Cui consequens est, quod & experientia docemur, feliciorum illorum esse prædantiam, qui nullâ eruditione, solâ experientia res civiles edocti, quam qui è Platonis aut Mori doctrina civitatem condituri ad rempubl. accedunt. In quibus imperitiane major sit, an arrogantia, merito dubites,

Ex eodem principio illud quoque deducitur gravis ac lentius potius quam prompti & acris laudem illi affectandam, qui populis rector à Principe datur; in illis præsertim negociis, in quibus bis peccare non licet, & ubi minus fecisse, quam nimis, minus periculi habet.

Porro illud Reçtori cavendum est, ne
acria

(a) Vlp. d. l. 4.

acria publicæ administrationis initia sint, incuriosus finis. Nam qui nimio rigore & vehementiâ initia imperii sui insignire volunt, ii aut ad perpetuum severitatis tenorem suo & reipub. damno imprudenter se obstringunt, aut cum levitatis aut inconstantiae vituperio ab austeritate ad subitam lenitatem transire, suosque ipsi mores pudendâ prævaricatione damnare coguntur.

Idem illorum error est, qui summe rigentem ac intensam primi anni diligentiam, ac assiduitatem paulatim remittere, mox in supinam negligentiam relaxare solent: qui, ut poëtæ boni, & actores industrii operam dare deberent, ut in extrema parte, & conclusione muneris quam diligentissimi, & ultimus annus imperii tanquam ultimus actus perfectissimus fuisse videatur: Sed uti nimio rigore, ita nimia quoque facilitate sæpe principes ipsi ac magistratus peccant. Vidi imbecillos homines & angusto animo, qui incon-sulta promittendi præcipatione in magnas se difficultates conjecerunt; ut aut res maxime noxias facere cogerentur, aut cum fidei & existimationis jacturâ negare concessa.

Antecessoris acta pravâ æmulatione neque carpat, neque rescindat: imo illius egregie

egregie praveve gesta, quæque illi prospera vel adversa contigerunt, tanquam speculum habeat & exemplar, ad quod se suasque actiones componat.

Ante omnia domum suam coherceat; liberos, servitia, & insolentissimam licitorum, accensorumque nationem: ne justitiæ obtentu, furtis ac rapinâ provincialibus graves sint; neque, quod plerunque solet, admissionem ad dominum precio vendant. Denique hæc opinio sit, non modo iis, qui aliquid acceperint, sed iis etiam qui dederint, præfectum, si id cognoverit, inimicum futurum.

Facilem ad se aditum præbeat: pateant aures ejus querelis omnium: nullius inopiæ ac solitudo non modo nullo populari accessu ac tribunali, sed ne domo quidem & cubiculo excludatur.

Temporibus sua negocia assignet, & negociis tempora. semel cœpta perficiat; præcipua, & quæ moram non ferunt, ante alia: neque confundat, quæ diversis temporibus peragi debent.

Tristitiam & arrogantiam exuat; ita attemperatis moribus, ut nec facilitas auctoritatem, nec severitas amorem diminuat. Acerbi, injucundi, minaces, cruces & patibula perpetuo crepantes remigibus,
quam

res sunt (a). Qualis Bechesinus Trino à Francisco Mantuæ Duce impositus : qui odii securus , universos terrore ac minis perterrefaciens , quo dictis obsequentiores redderet , & imperio plus existimationis adjungeret , fastum & rigorem tanquam in inimicos induit ; reverentiam disciplinæ , & honorem Principis appellans. Verum id apud nauseantes minus obedientiæ , plus indignationis concivit (b).

Humanum & comem se omnibus , familiarem paucis præbere debet. nam uti amorem mansuetudo morum, ita contemptum nimia familiaritas conciliat.

Iratus neque proloquatur quicquam , neque consilium ineat , neque aliquid statuat : sed rationis per iram à sede sua exulantis reditum præstoletur.

Omne Præsidis provinciæ officium expletur Pacis, Panis, & Iustitiæ cura.

Publicæ quietis interdum , quam rigide justitiæ majorem rationem habeat : ideoque in potentium ac factiosorum litibus prudentia jurisdictionem temperet.

Ad hoc temperamentum pertinet quoq ;

D^a omnia

(a) Vide Boccalin. cent. 1. cap. 41. pag. 130. & cap. 50. p. 302 & cent. 2. cap. 81.

(b) Possevin. hist. belli Monserrat.

omnia scire, non omnia exequi, parvis peccatis veniam, magnis severitatem commodare; non accendere intempestivis remediis delicta; nec poenâ semper, sed sæpius poenitentia contentum esse. Cogitare, vitia fore donec homines. Mundum esse, in quo vivitur, non cœlum; inter homines, non cum Geniis: & isthuc tantundem esse vitiorum, quantum hominum.

In jure dicundo assiduus esto, gravis, intentus, severus & sæpius misericors. Nullo favore aut odio perumpatur. Cum advocatis disceptare indecorum judici: cujus proprium officium est, audire disceptantes, de causa cognoscere, litemque sententia definire.

Omnes lites cum provincialibus fugito: ac, si quando cum privatis jure experundum erit, forum ac jus concedito.

Potentium precibus delictorum, ac præcipue seditionum ac turbarum reos nunquam concedito, majoribus turbis materiam daturus.

Controversias cum vicinarum provinciarum præfectis vitato: vel causa & jure, nunquam armis decidito.

Caveat, ne ruptæ pacis cum vicino principe, ac cœpti belli causa vel occasio ipsi imputari possit.

Mino-

Minora negotia pro majorum delinimentis habeat; venationem quoque, hortum, & studia. Choreas cum matronis ducere, aulæ affectas; aleâ & chartis ludere, vernas & lixas magis decet. Pudendum est lusu nosci, quomodo Julius Cardinalis Mazarinus Hocco.

Jura ac dignitatem officialium, qui sub ipso militant, inviolata servet: decentiusque esse sciat, suo auspicio ac consilio dirigere negotia, quam ipsum gerere.

In periculosis, & odio invidiæque expositis negotiis, siue cum civibus, siue cum exteris ita se gerat, ut non se, sed Principem illorum auctorem omnes agnoscere possint. At si quæ ex animadversionibus ac repulsis timentur odia, ea in se transferre, objectuque sui Principem tegere ab invidia, illi beneficentiæ materiam, illi gratiam seponere, prudentis ac fidelis ministri est.

In levioribus Principem interpellare, importuni & inepti est: in majoribus eundem præterire, contemptus argumentum. Inogosæ Marchionis, Mediolani non ita pridem Gubernatoris gratia in Aulâ Hispânicâ eam præcipue propter rationem fluctuavit, quod Rex & Proceres, ad quos provinciarum res omnes referri debent,

silente illo, aliena fere diligentia non summa solum, sed & infima didicissent (a). Itaque leviora & minoris momenti negotia ipse pro captu, ardua nunquam inconsulto Principe Præfectus expediet: Etiam infelix, & sine successu obsequium excusationem habet. temeritatem sui consilii suo quisque periculo luit.

Præpotentium in Aulâ hominum amicitiam omni cultu, etiam donis retinere extra culpam est.

Parem se negociis, neque supra (b) monstret. Sunt enim Principes, qui in diligendis ministris uti vitia oderunt, ita nec eminentes virtutes sectantur (c). Quam alicubi (d) rationem Trajanus Boccalinus assignat, cur Principes neglectis præclaris, sed arrogantibus, &, quod sequi inde necessum est, ingratis ingeniis plerumque ad illos, qui parum digni videntur, quique in sola erga patronum fide omnes suas opes, spesque sitas habent, gratiam & favorem omnem largissime derivent. Eandem ob causam Franciscum

I. Gal-

(a) *Idem Possevinus hist. Monserrat.*

(b) *Tacit. 6. annal. 39.*

(c) *Tacit. 1. annal. 80.*

(d) *Cent. 1. raggu. 77.*

I. Gallix Regem postremis regni annis Annam Mommorantium, summa olim & ardentissima apud se gratia, à negociis & Aulâ semovisse tradit Henricus Davila (a), tanquam intimos regis sensus, molestissima ingenii sagacitate exploraturum. Idem scribit (b) Ludovicum Gonzagam Nivernium Henrico III. Regi ingratum ideo fuisse, quod suam prudentiam, qua sane præpollebat singulari, cunctis negociis normam esse volebat. Et alibi (c) eundem Henricum Pinartum, Brutartum, Villaregium, à Secretis, Chivernium Nomophylacem, & Belleureum summa omnes & exacta civilium rerum scientia eminentes simul dimisisse, inque illorum locum homines subrogasse, mediocri ingenio, ac prope nullum reipublicæ usum habentes, sed certissimæ exploratæque erga se fidei.

Nunquam in suam famam gestis exultet: ad auctorem & principem fortunam referat. Ita virtute in obsequendo, verecundia in prædicando extra invidiam, nec extra gloriam erit.

Illas tutissimas ac maxime quietas

D 3

repu.

(a) 1. Hist.

(b) 8. Hist.

(c) 9. Hist.

reputet provincias, quarum habitatores mercimoniis ac Agriculturæ dediti. Pace & Pane facile in officio continentur: contra fastidio molestiisque pœnas, quæ turbulenta Nobilitate frequentes omnem legum ac juris auctoritatem vi, ambitu, postremo pecunia perrumpunt. Claudio hunc locum egregio præcepto, quod tamen à Galba Principibus præscriptum, etiam magistratibus optime convenit: Vtilissimus idem ac brevissimus bonarum malarumque rerum delectus est, cogitare, quid aut volueris sub alio principe, aut nolueris (a).

C A P. XXII.

Censuit spectaculum gladiatorium per omnes annos celebrandum pecunia eorum, qui quæsturam adipiscerentur] Id est, adipisci volebant. Correxit pravam sententiam sub Nerone Senatus, ne designatis quidem quæstoribus edendi gladiatores necessitas esset. (*)

Ne ætas quidem distinguebatur, quin prima juvenia Consulatum ac dictaturas inirent] Vide Machiavellum primo dissertationum ad

(a) 1. *hist. lib.* (*) Tacit. 13. *annal.* 5. vide Lips 1. *Saturnal.* 12.

ad Livium, capite sexagesimo; & Scipionem Amiraturo libro XI. cap. v.

Senatui, cui judicia tradiderat. & quamquam equites judicia recuperavissent, &c.]

Multa sæpe in republ. mutantur, nullo fructu: quia morum difficilima mutatio est: & plerunque magis alii homines fiunt, quam alii mores (a). Magnam rem fecisse sibi C. Gracchus videbatur iudiciis à Senatu, quem ambitus, sordiumque arguebat ad Equites Romanos translatis. At illi turpius etiam licentiusque peccabant (b).

Libera olim Republ. summa potestas, & præcipuum reipubl. arbitrium penes illum civitatis ordinem erat, qui judicia exercebat. Hinc toties seditione aut armis certatum, cum Sempronii rogationibus equester ordo in possessione iudiciorum locaretur, aut rursus Serviliæ leges Senatui ea redderent (c). Et C. Gracchus per lata lege de iudiciis à Senatu ad Equites transferendis, haut falso dixit, actum jam de Senatus potentia (d). Alia rerum facies postea sub principibus fuit: qui belli & pacis, ac magistratuum creandorum

D 4

causa,

(a) Tac. 2. hist. 95. (b) Appian. 1. Civil.

(c) Tac. 12. annal. 60. (d) Appian. 1. Civ.

causa, comitiorum arbitrium sibi servantes, Senatum privatis causis iudicandis occupabant (a). In Gallia quoque aliquoties (b) & nuperrime Reges Curiam Parisiensem à regni publicis negotiis remotam juri tantum dicundo vacare jusserunt.

Donec sententia Dolabella velut venundaretur] In turpissimam honorum & dignitatum nundinationem omnium extant invektivæ: & plerunque Gallia hoc nomine vapulat. Attamen reppererunt Ioann. Barclajus (c) & Isaacius Pontanus (d) argumenta, quibus improbatum aliis moreni defendere aut excusare aggressi sunt.

CAP. XXIII.

Primores Gallia, quæ Comata appellatur, fœdera & civitatem Roman. pridem affecuti] Ita plerunque fieri solet, ut exteri initio non nisi in civitatem admitti, civiumque numero censeri petant: in qua postquam opes & incrementa acquisiverunt,

(a) Tac. 13. ann. 4.

(b) Vide Bodin. 3. de Rep. Davila 3. hist.

(c) Icon. animor. cap.

(d) Itinerar. Narbon. p. 148.

runt, ab honoribus & imperiis prohiberi injuriam reputant; adeoque votorum immodestiam sæpe per turbas ac seditiones tuentur. Sed ad illam quæstionem; sitne exteris civitas danda, nec ne? sine distinctione responderi non potest. Sane hospitalitatis jura miseris afflictisque exhiberi non naturæ tantum ac humanitatis, sed & Sanctissima Dei Optimi Maximi lex severissimis sanctionibus jubet. Sed hîc non de officiis uni alterive præbendis, sed de omnibus indistincte exteris in civilem societatem alliciendis agitur; non alienæ miseriæ sublevandæ, sed magnitudini civitatis. Profecto nullâ re magis ac hominum frequentiam opus est civitati, quæ ad magnum Imperium adspirat. Romani, durante Republ. à civitatis incunabulis, & à conditoris Romuli usque Asylo plerisque populos primo hostes, dein cives habuerunt. Insecutis temporibus Imperatores ipsi exterarum nationes in solo Romano collocarunt. Hodie Turcæ, & qui alii Reges impostoris Mahumeti superstitiones amplectuntur, exteris omnibus receptum apud se præbent liberissimum: ut Hieronymus Conestagius (a)

D 5

scripse-

(a) lib. 2. de conjunct. Portug. cum Castil.

scripserit, Mauritanix Regi contra Sebastianum Lusitanix Regem pugnanti non minus decem millibus ex Hispaniis oriundorum adfuisse. Quæ contrariis institutis vixerunt, civitates, alienigenas tanquam hostes arcentes, uti olim Spartani, & hodie Veneti; domesticæ quietis quam proferendi imperii cupidiores fuerunt. Verissime enim censuit, qui magnam quietem, & magnam fortunam neminem eodem tempore assequi posse asseruit (a). Quod non in privatis tantum, sed publicis rebus locum habet. Est enim compertæ veritatis, ad tranquillitatem & civilem æqualitatem formatas civitates nunquam ad magnam potentiam, magnamque famam pervenisse: ex diverso rerum gestarum gloria inclytas nunquam quietas fuisse (b). Ut mirum non immerito videri debeat, cur qui affectari in Orbem terrarum Imperii accusantur, Hispani ejectionis Mauroꝝ Hebræorumque ingentibus copiis sibi ipsis solitudinem fecerint; & Castoris instar ipsi sibi virilia exsecuerint: aut si gentium illarum perfidia nullam

(a) *Author Dialog. de clar. Orator.*

(b) *Vide Forstn Not. ad 4. annal. verb.*

plerunque inopes ac vagi sponte, &c.

nullam regibus securitatem relinquebat, cogebatque ad damnosum exilii remedium, certe temperanda ambitio erat, neque attentandum imperium, quod neque quæri sine magnis exercitibus, quibus supplendis perpetui populosarum provinciarum fontes requiruntur, neque conservari potest.

Quanquam meo quidem indicio facile erat, retinere domi Maurorum gentem, neque timere. Non erant victi pro alienigenis arcendi, sed in civitatis, nuptiarum, & sanguinis communionem alliciendi. Fastus igitur fuit Hispanæ genti adgnatus, intemeratam sibi suam servare nobilitatem, omnemque cum Afris affinitatem superbe dedignari. Quæ contumelia Maurorum perfidiam, perfidia Hispanorum indignationem irritavit.

Sunt & aliæ rationes, quæ amplificandæ civitatis studium cohibere debent: ut cum in eam assurrexere magnitudinem, quæ commodè regi gubernarique amplius nequit. Qualis hodie Lutetia Parisiorum est, cujus pomœria proferri semper vetantur, & semper permittitur. Simile est in illis civitatibus, quæ ex privilegiorum immunitatumque prærogativis superbiam, atque inde contumaciam induunt;

cui novorum civium additione novas vires addere aliud non est, quam oleum camino affundere. Quo errore Illustrissimi Comites Hanavienses civitati suæ exulum opibus ac divitiis affluentium receptione tantum potentiae addiderunt, ut paulo ante non nisi precario imperasse videantur.

Tandem neque illæ urbes de augendo civium numero cogitare debent, ubi alendo populo suburbanus ager non sufficit: & quas vicinorum principum odio, æmulatione, avaritiâ frugum ac pacis commercio arceri, eoque modo fame subigi facile est. Quo cum malo Ratisbona plerunque conflatur.

Insignia patrum, decora magistratuum ne vulgarent] Vulgati inter indignos & immeritos, honores ipsâ frequentia vilescunt. quod alibi à me notatum memini (a). Et simile est, quod quarto Annalium (b) Tiberius dixerat; vanescere honorem, si promiscuis adulationibus vulgatur. Quo fit, ut postquam dignitates indignis quoque tributæ sordescere ac contemni cœperunt, Principes identidem no-

vos

(a) ad 1. annal. 37. adde Rodin. 5. de rep. 4.

(b) cap. 37.

vos honores, novasque dignitates excogitare necesse habeant. Quod ab Henrico tertio Galliae Rege factum fuit; superinducto antiquo S. Michaëlis, novo Sancti Spiritus Equitum Ordine. Neque tamen ista honorum, præmiorumq; virtuti debitorum prophanatio semper intonsultam Principis facilitatem arguit, sed interdum singulare servandæ dominationis arcanum est. Quâ arte Cæsares Romani communicato civitatis Romanæ & honorum jure cum finitimis populis, & postremi cum omnibus, qui sunt in Orbe Romano; jus vetus & prærogativam civium Romanorum extinxerunt, atque Romani provincialibus exæquati sunt. quod à Paulo Bursio Jurisconsulto Frisio, & Christophoro Besoldo, meo olim præceptore in politicis, annotatum (a), à Juliâno Cæsare olim observatum fuit, qui Constantinum (b) incusabat, quod barbaros omnium primus ad usque fasces auxerat, & trabeas consulares (c). Aliter ac illi, qui poëticâ aut oratoria libertate summis eam rem laudibus extu-

(a) adde Forstn. ad 2. annal. pag. 174.

(b) de quo idem tradit Euseb. 4. de vita Constantini. 7.

(c) Ammian. Marcellin. 21. hist.

extulerunt ; Rutilius Numatianus (†) & Nazarius in Panegyrico (*).

CAP. XXIV.

Quid aliud exitio Lacedæmoniis &c.] Ad hunc locum videnda sunt, quæ Machiavellus tradit secundo dissertationum ad Livium (a), & Amiratus undecimo (b).

CAP. XXV.

IN numerum patriciorum adscivit vetustissimum quemque è Senatu, aut quibus clari parentes fuerant] Ex præcipuis molestiis, quæ Principes sustinent, est honores & præmia petentium, ambientiumque importunitas, amicorum etiam in aulâ potentium, quique sibi quicquam negari injuriam æstimant, officiis plerunque suffulta. Preces afferunt; sed quibus contradici non

(1) *Itinerar. prior. in his versibus:*

Relligiosa patet peregrinæ Curia laudi:

Nec putat externos, quos decet esse suos.

(*) *Illis verbis: Sensisti Roma, tandem arcem te omnium gentium, & terrarum esse reginam, cum ex omnibus provinciis optimates viros Curiaë pignaveris: ut Senatus dignitas non nomine, quam re esset illustrior, cum ex totius orbis flore constaret.*

(a) cap. 3. (b) cap. 6.

non potest (a): & dum unum beneficio obligat Princeps, plures repulsâ offendit. Ut non immerito Henricus Cajetanus Cardinalis inter primarias prudentis Principis condiciones retulerit, *scite negandi artem*; regnandi imperitum asserens, qui negare nesciat (b). Est igitur optima cautio, vetustissimum quemque è collegio, & qui longi servitii prærogativâ cæteros omnes antecellat, in petitione honorum præferre. Quandoquidem virtutis & meritorum inter plures comparatio invidiæ plena; temporis privilegium extra controversiam tantum unius est (c). Proximus illis locus debetur, quibus clari parentes fuerunt, nobilitate antiqua, & egregiis in rempubl. meritis. Nam & istos si modo propriâ docte non destituantur, admoveri rei publ. ac dignitatibus novi homines, utcunque excellent, ægre ferre non debent. Quibusdam in more positum est, magistratibus adhuc viventibus, senii, morborum, aliove prætextu collegam atque adiutorem dare, qui successioni destinatus aliorum spes atque vota excludat. Eodem consilio alii in decedentis locum, antequam novorum candidatorum multitudo affluat, quem

(a) Tac. 4. hist. 46. (b) Boet. apophth.

(c) Boccalin. cent. 2. raggu. 27.

quem muneri quam maxime idoneum judicant, sufficiunt. Quomodo Carolus IX. Galliæ Rex triremium præfecturam, morte Ellebovii vacuam, quam Mervum, Momorantii fratrem, invisum sibi, petiturum sciebat, festinato studio in Baronem Gardæ contulit (a). Ejusdem solertiæ est, potentiori competitore prensationem aliorum submovere. Quomodo nuper Urbanus VIII. Pontifex & Barbarini Rinaldum Atestinum Mutinæ Ducis fratrem à Cardinalatus petitione arcere nitebantur, subornatis Friderico Hassiæ Lantgravio & Comitis Trautmansdorffii filio, qui Imperatoris suffragio competitorem excluderent (b). Idem Carolus Gallæ Rex, quem modo dixi, alio tempore non personas tantum, sed & officiorum nomina in eum finem mutavit. Nam cum Condæus Conestabilis secundam à Rege dignitatem importunâ flagitatione ambiret, Rex Henricum Andium Ducem, fratrem suum produxit, qui armorum imperium Locumtenentis Generalis nomine peteret (c).

Mitem & recens repertam, quam ex severitate priscâ rationem &c.] Notâ commodam rationem consulendi alienæ famæ,
non

(a) Davila. (b) Victor. Sir.

(c) Davila.

non depellere aut ejicere Senatu, tanquam
 famosos probris, sed admittere excusatio-
 nem ætatis, paupertatis, valetudinis. &
 motos & excusatos simul proponere: ut
 judicium censorium, ac pudor sponte ce-
 dentium permixti, ignominiam molliant.
 Ita laudavit Nero, qui ob angustias fami-
 liares sponte ordine Senatorio cederent,
 motique, qui remanendo impudentiam
 paupertati adjicerent (a). In Galliæ regia
 sæpius usitatum, pulsos provinciarum ad-
 ministratione præsidēs pecuniā placare,
 compensandæ injuriæ. Simile est, quod
 me alicubi legere memini, Principem, cui
 magni pretii annulus ab uno famulorum
 furto subtractus fuerat, convocatis univer-
 sis farinæ aut fursuris cumulum monstra-
 se, cui omnes manum, & ille, qui fur
 erat, annulum inderet. Ita qui delicti sibi
 conscius erat, societate eadem facien-
 tium tectus tutusque sine contumelia &
 pœna reddebat, quod furatus fuerat.
 Alios modos huic geminos addam ad
 lib. XIII. (b).

*Censa sunt civium LXIX. centena, &
 XLIX. milia] De isto censu Clau-
 dian*

(a) Tac. 12. annal. 52.

(b) cap. 30.

diano extat ad me scripta Epistola, Magni olim virtute & eruditione, mihiq; dum fata Deusque sinebant, amicissimi viri, Laurentii Pignorii: cujus exemplar ex autographo, quod apud me est, hîc ederem, nisi ipse Pignorius inter alias epistolas priorem Patavii edidisset.

CAP. XXVI.

Imminentium periculorum remedium ipsa pericularatus] Vide Nostra ad vi. (*) & xiii. (†) Annal.

Scelus inter ancipitia probatum, veris mox pretiis æstimaret] Nam perfecto demum scelere magnitudo ejus intelligitur (‡).

CAP. XXVIII.

Posse opprimi damnatam antequam ream] Vide, quæ ad xiii. (a) ad hujus loci intellectum dicemus.

CAP. XXIX.

Potentiam cautiis quam acrioribus consiliis tutius haberi] Duæ sunt gratiæ ac potentia

(*) cap. 50. (†) cap. 15. (‡) Tac. 14. annal. 10. adde Freinsheim. ad Curt. 8. 2. 1. & seqq.

(a) cap. 20.

tentiæ in Aula servandæ rationes, inter se plane contrariæ. Prior est, principis, & qui sanguine principi juncti, aut proximæ ab illo potentiæ sunt, gratiam, favorem, auxiliū ambire: comitate illos, beneficiis & officiorum promptitudine ad reddendam vicem obligare; omne denique potentiæ fundamentum in illorum benevolentia repositum habere. Altera, suâ vi, nec ullius favore niti; conscientia tutum, artes obstantium æmulorum vi percurrere: postremo contra calumnias & pericula subsidia, pecuniam, loca munita, portus maritimos, amicos parare. Callistus priori modo tutius haberi potentiam pronuntiat. Neque tamen negari potest, illam potentiam precariam fore: & maximos viros, Ximenium atque Richelium in hoc à patronis delectos, ut ambitioni Tracerum opponerentur, hastam, condemnationem, carnificem sæpius, quam blanditias & preces usurpasse. Quid dicam? Lubrica omnis ad Aulam, & in Aula via est, periculis & præcipitiis plena; & quæ plane ductore Deo & bono Genio opus habet.

Duas pellices &c. perpulis delationem subire] Vide Nostra ad XI. 1. annal. (a).

CAP.

CAP. XXX.

N *Upsisse Messalinam Silio exclamat]*
 Crimen atrociter defert(†).

CAP. XXXI.

S *Ecuritati antequam vindicta consuleret]*
 Nec irâ, nec odio, nec ullo alio affectu
 superari Principem, publicâ tantum utili-
 tate duci debere supra ad hunc librum (a)
 monui. Catharina Medicæa Galliæ Regi-
 na illud perpetuo in ore habebat; non fo-
 diendos crabrones, nisi facie bene velatâ
 (b). In quem sensum digna legi extat Tri-
 visani, Senatoris Veneri Oratio apud Guic-
 ciardinum (c). Reprehenditur à Tacito
 Bardanes, quod in Seleucienses, ut patris
 sui defectores magis quam ex usu præsentis
 accensus implicaverit se obsidione urbis
 validæ (d). Notatur ab aliis Philippi 11.
 Hispaniarum Regis ex eodem fonte pec-
 catum, facturum se potius Belgii jacturam
 asseren-

(†) vide *Nostra ad 13. annal. 19.* (a) *cap. 8.*
adde Didac. Savedr. emblem. 8. (b) è necessa-
 rio copri si bene il viso, inanzi che stuzzicare il
 vespaio. *Henr. Davil. 9. hist.* (c) *4. hist.*

(d) *11. annal. 8.*

asserentis, quam contra decorū & auctoritatem regiam Belgis indulgeret^(*). Eundem errorem erravit Franciscus Mantuæ Dux, qui honestæ paci anceps bellum ante habuit, tantum quod S. Georgii Marchioni Sabaudi partes secuto ignoscere nollet †): & nuperrime Carolus Britanniarum Rex, qui trium regnorum damnum se ante facturum dicebat, quam Hulsæ præfecto delicti gratiam faceret (†).

CAP. XXXII.

Quanquam res adversa consilium adimerent] Infelicibus (a) & pavidis (b) & illis principibus. atque civitatibus quæ nullis propriis viribus nixæ aliorum benevolentia, auxiliisque subsistunt (c) consilia in incerto sunt. Adimunt enim pervertuntque res adversæ pavore & virium defectus constantiam : ut
semper

(*) *Conestag. 4. de bell Belg.* (†) *Ant. Poss. vin. hist. bell. Monserr.* (‡) *Victor. Sic. hist. tom. 2. lib. 1.* Reliqua vide in *Nostis ad vi. annal. verb.* reputante Tiberio, publicum sibi odium Cre.

(a) *Tac. hic.*

(b) *Tac. 3. annal. 9.*

(c) *Macchiav. 2. discors. 15.*

semper deterius credatur, quod evenit (a); & præsentia maxime displiceant (b), atque optima videantur, quorum tempus effugit (c). Non est igitur mirum, cum homines, quorum celebrata omnium opinione prudentia est, turbatis reipubl. temporibus; illos incurrere errores cernimus, qui à mediocris industriæ hominibus nullo negotio vitantur. Documento esto præsens Galliæ status. Magni homines! pudendi errores. Longâ experienciâ didici, sæpius in Senatu, & confectibus, ubi de republ. agitur, & magno quidem æstu disceptari, quid dicendum, quid rescribendum illis, quos dubios amicos aut profectos hostes habemus, quam quid faciendum sit. Quam ego rem semper stultam credidi, & absurdam. neque enim, quæ verba negociis accomodari debeant, ante constitui potest, quam quid agendum, quid petenti concedendum, quid contra negandum, firmiter animi decreto statuerimus. Sed est id parvæ mentis, & vel consilio vel viribus destitute vitium, miscere invicem consilia, deinde spernere (d); & recentissimum quodque vulnus pavere, summi discriminis incuriosum (e).

Ire

(a) Tac. 15 annal. 36. (b) Tac. 3. hist. 85. (c) Tac. 1. hist. 39. (d) Tac. Agric. (e) Tac. 3. hist. 56.

Ire obviam & aspici à marito, quod saepe
subsidiū habuerat] Qui magnis inimici-
 tiis, ac magnis accusationibus clarescere,
 & per obstantium ruinam gradum sibi ad
 potentiam sternere voluerunt, uni maxi-
 me rei operam & studium omne accomo-
 darunt, atrocitate criminum praevalere;
 opprimere damnatum antequam reum,
 utque clausæ principis aures etiam confi-
 tenti essent (a). Et fere accidit, ut qui id
 obtinere non potuerunt, sibi ipsis perni-
 ciem attulerint. Agrippina apud Nero-
 nem à Junia Silana & clientibus rerum no-
 varum accusata *colloquium filii poposcit*:
 ubi nihil pro innocentia, quasi distideret,
 nec beneficiis, quasi exprobraret, disseruit:
 sed ultionem in delatores, & præmia a-
 micis obtinuit (b). Nuper Cardinalis Ri-
 chelius Regi Ludovico, & Reginae matri de
 ipsius exitio in secretâ palatii (c) parte (cu-
 jus omnes aditus portasque summâ dili-
 gentiâ claudi servarique Regina jusserat)
 deliberantibus, per posticum à præcipuâ
 ex gynæceo matrona (d) introductus, ino-
 pinus supervenit: tantumque validissimo
 ingenio effecit, ut confirmatâ impoſterum
 poten-

(a) Tac. 1. hoc lib. (b) Tac. 13. annal. 21.

(c) an Luxembourg à Paris (d) Zuccola, dame
 de Chambre de la Reyne.

potentiâ Reginam matrem, universamque æmulorum factionem subverterit.

Id repente felitudinis erat] Vide quæ ad XIII. notavi (†).

CAP. XXXIII.

Non aliam spem incolumitatis *Cæsaris* affirmat, quam si jus militum uno illo die in aliquem libertorum transferret] Ver-
vex! caudex! qui jus militum in alium transferebat, imperio ipse se abdicat. Et tamen, cum juventâ rudes, aut senectâ graves, aut ignavo ingenio Principes sustinendo reipubl. oneri impares sunt, aut quando in populari republ. ancipitia pericula consultationum inter plures religiosum ordinem non expectant; ad unum transferri summam belli pacisque potestatem; res est, quæ exemplis non caret. Operæ pretium est, legere notareque apud Henricum Davilam (a) Guisiorum artes, quibus supremum pacis & belli tempore imperium Francisco I. Regi ereptum in se transtulerunt. Etiam illud verissimum est, omniumque temporum usu comprobatum, neque Optimatum, neque popularem statum munus suum tueri posse, nisi imagi-

(1) cap. 19. (2) 1. *hiftoy*.

imaginem quandam principatus induat
(a). Ut ex hastâ quantumvis longâ palmus
ferreæ cuspidis tantum plagam facit: ita
semper in magnâ civitate aut imperio
pauci aliqui sunt, quorum spiritu publica
inflantur, impetu præcipitantur, ardore in-
cenduntur, motu agitantur, vi sustinentur,
cætera turba horum accessio sunt. Quod
vir recti exactique iudicii, amicus meus lo-
Henricus Bocclerus prudenter notavit in
Oratione de Velleji Paterculi historia.

(a) *Andr. Fric. Madrev. 1. de republ. emend. 10:*





CHRISTOPHORI FORSTNERI,

Ad

C. CORNELII TACITI
Annalium librum duodecesimum,

NOTÆ POLITICÆ.

C A P. I.

HUic Pallas, illi Callistus fautores
aderant. &c. Ipse modo hic, mo-
dò illic, ut quemq; suadentium au-
dierat, promptus.] Misera Princi-
pis cōdicio! qui iudicio proprio destitutus,
amicorū in diversa tendentiū dissentienti-
bus consiliis distractus, neq; fidem cuiusq;,
neque occultos fines favore, odio, am-
bitione, avaritia corruptos discernere at-
que intelligere potest. Pestis consiliorum!
quam nec cautissimi Principes unquam sa-
tis coërcuere. apud infirmum & credulum
majori licentia privata utilitas peccat : &
præ-

prætextu consilii dandi *quisq; sibi tendit* (a);
 privatas spes agitantes sine publicâ curâ
 (b). Etiam natura atque institutio homi-
 nes aliâs minime malos transversos agit:&
 ut quisque in omnibus tristior aut dementior
 est, ita severitati aut indulgentiæ favet. Et-
 enim consilia sibi quisque attemperat, &
 iudicium naturâ extorquente, putamus
 causæ tribuere, quod nostris moribus in-
 dulgemus. Exemplis id clarum fiet. T. Vi-
 nius, Cornel. Laco, & Icelus libertus,
 omnes apud Galbam summa auctoritate,
 aliâs discordes, etiam circa consilium e-
 ligendi successores in duas factiones scin-
 debantur. Vinius pro Othone: Laco atque
 Icelus consensu non tam unum aliquem
 fovebant, quam alium. Et fovebat Vi-
 nius Othonem: quia illi vidua filia, cælebs
 Otho, gener ac socer destinabantur. (c) Lu-
 dovico XI. Galliæ Regi bellum in Caro-
 lum Burgundiæ Ducem suadebat S. Pauli
 Comes, speciosis sane argumentis; sed con-
 sultori quam Regi utilius. quippe mino-
 rem in pace auctoritate, in bello summam
 Contestabilis potentiam, quadringento-
 rum equitum cataphractorum stipendium,

E 2

& trigin-

(a) Tac. 1. hist. 13. (b) Tac. 1. hist. 19.

(c) Tac. 1. hist. 13.

& triginta mille Francorum annuam pensionem reputabat. quibus servandis Regem exitiabili bello implicari oportebat. (a) Post pugnam ad Tarum, & Novariam cum Duce Aurelianensi à federatis Italis obsessam, in consilio Caroli Regis quærebatur, pax an bellum placeret. Et quamquam omnia Gallis adversa pacem suaderent, Jo. Jacobus Trivultius tamen, & Ferrariæ Dux bellum præferebant; ille erga Ludovicum Sfortiam odio; hic ob spem recuperandi, quæ à Venetis sibi erepta querebatur. (b) Georgius Cardinalis Ambosius Ludovici XII. Regis, patroni-
 vim in perniciem Alexandri VI. Pontificis & Cæsaris Borgiæ intentam, suis consiliis divertit: privato beneficio Papam sibi obligaturus, & per famam patrocínio suo protecti atque defensi status Ecclesiastici ad Pontificiam dignitatem sibi paraturus adiutum. (c) Idem Ludovico Regi persuasit, è carcere Romam dimittere Ascanium Sfortiam Cardinalem; secreta pactione obstrictum, conciliandi sibi Pontificatus. (d) Philippo Mornæo, Obignio, cæterisque
 Re-

(a) *Comin. 3. Comment. 1.* (b) *Comin. 8. cap. 9.* (c) *Guicciardin. 5. hist.* (d) *Bander. de Vita Card. d' Amboise.*

Religionariis Henricum Regem à transitu ad Catholicismum dehortantibus accessit quoque Arnoldus Ferrerius, tamen Catholicus; non Religionis studio, sed quod pace composita vilem se cæteris, & transfugæ instar contemptum fore crederet. (a)

Inter Belgicorum motuum initia cum in Aula Hispanica de rationibus reducentorum Belgarum præsentem Rege disciparetur, Proceres in duas sententias distrahebantur. Rodericus Gomezus, Gomezus Figueroa Feriæ Dux; & Bernardus Freneda pacem, Ferdinandus Toletanus Albæ Dux, Cardinalis Granvellanus, & Didacus Cardinalis Spinosa bellum suadebant. Extant apud Hieronymum Conestagium, (b) Nicolaum Burgundium (c), Famianum Stradam (d) & Guïdonem Bentivolium (e) contrariæ suadentium dissuadentiumque Orationes, omnes profecto egregiæ, sed tantâ rerum verborumque diversitate, ut non ita habitas, sed ex commentantium ingenio effictas credere verius sit. In eo tamen omnes conveniunt,

E 3

id

(a) *Henric. Davila: 7. hist.* (b) *Lib. 2. de bell. Belg.* (c) *Lib. 3. hist. Belg.* (d) *Dec. 1. lib. 6. hist. Belg.* (e) *Lib. 3. de bell. Belg.*

id quemque consilium probasse, quo potentiam servaret, excluso æmulo. Nimirum Roderici Gomezii consilium erat hominis in aula dominantis, cui pax & quies inprimis curæ; nec quicquam antiquius, quam ne turbatis bello rebus penes alios negotiorum arbitria, atque adeo potentia essent. Similia censebant Feriæ Dux, & Bernardus Freneda, aulæ artes edocti, & miti ingenio Viri. At vero Dux Albanus arma & ultionem spirabat, vehementi Vir ingenio, & qui sibi summum armorum imperium committendum certus erat. Illi Granvellanus ad stipulabatur, propria ira infensus Belgis, & Spinosa tristi ingenio & immiti Inquisitoris officiis ignoscendi nescius. Eundem animorum habitum intueri licet in consultatione de duodecennialibus Belgarum cum Hispanis induciis, quas Mauritius Nassovius improbabat, contra quam Joannes Barneveltrus; ille bello, hic toga clarissimus. (a) Etiam in aula Madritensi non eadem omnium de isto negotio sententia erat. prævaluit tamen Lerinæ Ducis, qui tunc omnia poterat, ad pacem inclinatio. Nam qui pacis artibus integram potentiam tuebatur, eandem bello cum socio

(a) *Card. Bentivol. lib. 1. de induc. Belg.*

socio partiri nolebat. (a) Non tamen Virtutum adeo sterilia illa tempora fuerunt, ut non & bonum exemplum prodiderit. Is fuit Jo. Mancidorus, à secretis bellicis præcipuum induciarum confectarum instrumentum : quanquam qui durante bello XI I M. Philippicos annuū salarium habebat, facta pace, cujus se ipse autorem faciebat, vix ter mille habiturus. (b) Cum nostra memoria in Gallia deliberaretur, Rex bello, quod ; inter Sabaudia & Mantuæ Duces incalescebat, intervenire necne ? pax togatis, bellum principibus placebat. Hi decus gentis, fidem, dignitatem, & pueri Regis exordia, famamque majoribus prælusuram ; illi probatam jam Regis pietatem, labores, impensas allegabant. (c) In eadem Aula, cum de nuptiis ducis Aurelianensis cum Mompenferia ageretur, quas Cardinalis Richelius ingenti studio promovebat ; Condæus cum uxore, Sueffionensis, Longavillæ & Vandomi Duces vehementer contra nitebantur, varia prætexentes. Verum Condæus eripi sibi spem successionis dolebat : Sueffionensis præterea ejusdem Virginis nup-

E 4

ptias

(a) *Bentivol. lib. 2. de induc.*(b) *Bentivol. de Belgio Hispan. lib. 1 c. 4.*(c) *Ant. Possévin. de bell. Monserr.*

ptias affectans; Longovillanus invidia erga Guisios, Mompenseriis sanguine junctos; & Vandomus odio in Cardinalem. (a) Ante hos viginti annos Albertus V Val-
lenstenius Rembaldum Collalti Comitem Cæsarei exercitus, qui in Italiam destinabatur, ducem suo suffragio Cæsari commendavit; non quod præ cæteris tanto muneri parem crederet; sed officio gratiam redditurus; quippe Collalti studio & opera Mechlemburgensem Ducatum habebat: & ne ipse Germania abstractus, potentia, quam ibi quæsierat immensam, exueretur. (b) Infinita alia sunt, quæ dictis addi possent. Sed hæc notando cavendoque infami scopulo, sufficiunt.

Discordantes in concilium vocat, ac promovere sententiam, & adjicere rationes jubet.]
Vide quæ dicemus ad XV. Annal. (c)

C A P. II.

H*audquaquam novercalibus odiis usu-*
[ra] Novercalium odiorum exempla alii congererunt. Quibus unum addendum, illustre, oblivioni ereptum
Pho-

(a) Galeat. Guald. 1. hist. (b) Victor. Sir.
tom. 2. hist. lib. 3. (c) c. 61.

Photii (æ, diligentia ex historia Memnonis. Zeilas, Nicomedis Bithyniæ Regis filius crescebat in certam spem paterni regni adipiscendi; donec illam Etazeta noverca dubiam fecit; triste privignis nomen, & raro successurum in maternos affectus. Oderat illa Zeilam, etiam cum nondum mater esset, neque haberet, quem in vicem illius amaret. Aucta vero liberis, non contenta simplici odio, conabatur etiam ex patre Zeilæ vitricum facere: tantumque effecit novercali ingenio, ut filius aulâ ejiceretur, in qua illi naturæ lege regnandum erat. Zeilas ad Armeniorum Regem profugit, ut longissime à novercâ abesset. Virum illa interim nimis uxorum, & amore ægrum, eo blanditiis impulit, ut Zeilâ præterito natos ex ipsa liberos scriberet hæredes testamento distante novercâ concepto: quo regnum ad injustos dominos transferebatur, eosque ipsos adhuc inter cunas vagientes, neque aptos folio: cum interim Zeilas viveret, pro cuius jure natura pugnabat.

Femina experta fecunditatis] Est hoc inter illa, quæ solis sibi licere putant Principes, instar privilegii; repudiare uxores, formâ, pudiciâ, obsequio probatas qui-

E 5

dem,

dem, sed steriles. quâ de re vide quæ notabo ad xiv. (*).

Claritudinem Cesarum aliam in domum ferret] Ista satis bene explicat Arnoldus Clapmarius quarto de arcanis (†).

C A P. III.

V*T nondum uxor, potentiâ uxoria, jam uterctur*] Eadem apud Henricum Secundum Gallix Regem auctoritas ac potentia erat Dianæ Valentinx (a).

Nihil arduum videbatur in animo Principis, cui non iudicium, non odium erat, nisi indita & iussa] Verissima Macchiavelli sententia est (b), quamvis in dubium vocata à pluribus, quibus nullus rerum ac negotiorum usus, Principem hebetem, & ingenio ac iudicio destitutū, utut alienâ prudentiâ instruat, vix unquam feliciter regnare. Ut sapientissime Cominæus (c) iudicaverit, bello, peste, cæterisque indignantis Dei flagellis pejorem esse imperitum regnandi Principem. Quod & sacrarum literarum auctoritate comprobatur; quæ infelicem populum pronunciant (d), cujus rex puer est.

(*) cap. 60. (†) cap. 8. & 9.

(a) de qua vide Henr. Davil. 1. hist. (b) Princ. c. 23. (c) 2. Comment. 6. (d) Ecclesiast. 10.

est: Ipse quidem nulli actioni, nulli negotio idoneus, iners, somni plenus, imperitus, ἀπὸ αὐτοῦ (a), civium exterorumque commercio subduci, necessario, atque alienis oculis & auribus videre audireque cogitur. Sine viribus, & quod pejus est, sine famâ & auctoritate omnium contemptui exponitur, neque jubendi, neque vetandi potens (b): inconstans in consiliis, facilis in promissis, & eadem in retractandis levitate: cui præterea usitatum est, epulas in plures horas protrahere; scurris, histrionibus, aurigis, aliisque amicitiarum dehonestamentis gaudere (c); mediastinis familiarem esse; inter adstantes ministros, quid vicini moliantur, quæ literæ hodie allatæ, quid in Senatu actum, narrare; favorem erga hos, erga alios indignationem, publicè proferre: quod diei reliquum erit, scriniis aperiendis, vesti, gemmis inspicendis consumere: in itinere ad omnes municipiorum, villarumque amœnitates resistere: uxoribus obnoxium; ut insidiis incautum, ita iræ properum esse: uni maxime credere; eique, quod alii de eo dixerint statim referre: prosperis rebus vagare lætitiâ; frangi adversis: ministros morbo agros, nullâ

E 6

nullâ

(a) Cic. 1. Ep. ad Att. 13. (b) Tac. 3. hist. 70.

(c) Tac. 2. hist. 87.

nullâ incommoditatis habitâ ratione; levissimas ob causas sæpius vocare: neque negocia distinguere, neque præmia; sed frivolis præcipuos fatigare: canes, equos, ad summum pecuniam curare; reipubl. bona malaque perinde habere. His moribus Principem an auctoritatẽ suos inter, aut alienos tueri posse putamus? Quod si, in ministros omnem reipubl. curam transmittit; primo maxima in eo famæ jactura est, quod ineptum regno dominum à servis regi scitur. Deinde neque eligit, quos debet: nec fidem, nec prudentiam singulorum discernit: neque obliquas, & à publico bono ad privatam utilitatem sæpe deerrantes sententias deprehendit: nec ex dissidentibus opinionibus, quæ melior sit, intelligit; incertus animi, & alieno semper ac sæpe infido judicio obnoxius. Nam plerunque consiliariorum quisque sibi tendit (a): & inter discordes nihil ignavo Principi auctoritatis (b): sed modo huc, modo illuc, ut quemque suadentium audiit, fluctuat (c). Ignarus militiæ, improvidus consilii, quis ordo agminis, quæ cura explorandi, quantus urgendo, trahendove bello modus, alios rogitat; ad omnes nuncios

(a) *Vide supra ad init. hujus libri.* (b) *Tac. 2. hist. 92.* (c) *Tac. 12. annal. 1.*

cios vultu quoque & incessu trepidus. recentissimum quodque vulnus pavet, summi discriminis incuriosus (a) Præterea negociis quæ à pluribus geruntur, lentior quidam, & tarditas inest, etiam tepor ac negligentia: dum pluribus commissa non æmulationem modo & dissidia collegarum sed & desidia atque incuriam adducunt. Nam qui soli negociis pares futuri erant, aliis, inferiori præsertim gradu additi, tanquam gloriæ expertes, etiam dedecoris securi, alterius operam otiosi respectant. Quod appposito exemplo in dissertationibus ad Livium (b) ostendit Macchiavellus. Porro si in unum auctoritatem ac arbitrium rerum omnium transfert Princeps, Sejano aliquo similem, aut Plautiano; pejus omni tyrannide istius regnum erit; & exitiosius hunc offendisse, quam ipsum Principem. Sin in virum bonum ac prudentem inciderit Principis electio: tamen unum omnibus anteferri, invidiam, & æmulationem cæterorum, factiones quoque & turbas excitabit. Sed & ipsorum ministrorum iniquissima sub tali domino condicio est. Nam cum duo Principum genera sint; callidum unum, cautumque, sed suspicionibus promptum; & offendi facile:

(a) Tac. 3. *hist.* 55. (b) 3. *discurs.* 15.

facile : illorum alterum, qui obtuso sunt & ignavo ingenio ; quanquam utrisque inter-
 ventium periculosus sit ac lubricus status ;
 tolerabilior tamen Cominæi iudicio (a) il-
 lorum conditio est , qui prudenti , tametsi
 irritabili , quam qui stolido segnique ope-
 ram suam addixerunt. Quippe apud illum
 merito ac consiliis locus est : huic non
 amor , non odium , nisi indita & iussa (b).
 Nulla virtus , nullum meritum in tuto
 quantumvis egregium ministrum loca-
 bunt. Iudicii imbecillitate, levitate insitâ,
 æmulorum artibus aut nunquam cogno-
 scet , aut obliviscetur merita , interdum &
 punit ignavus Princeps. Ipsa etiam fides
 apud hunc talem interdum exitiosa est :
 postquam illi rimarum pleno, de vitâ mo-
 ribusque illorum , qui gratiâ apud ipsum
 florent nemo quicquam sine certâ perni-
 cie , detegere audet. Præterea illud quo-
 que periculo plenum est , quod consilia
 acria , vehementia , cumque offensione
 aliorum conjuncta , tanquam non ab ipso
 Principe profecta , (quippe quem omnis
 generosi incepti incapacem omnes novê-
 runt) uni vel alteri ex præcipuis ministris,
 quorum celebrata apud omnes sapientia
 est , imputantur. Inde qui vel proceres ,
 vel

(a) 1. *Comment.* 16. (b) *Tac. h. c.*

vel populum, vel vicinos Principes necessariâ libertate offenderunt, alienis odiis expositi, nullum in Principe subsidium habent. Cujus rei lugubre documentum nuper in Angliâ fuerunt Staffordiæ Comes, Prorex Hybernîæ, & Thomas Archiepiscopus Cantuariensis, odiis populi victima facti. Huic illud quoque consequens est, ut periculosæ stationis reputatione consiliarii non recto cursu ad bonum publicum & honorem Principis ferantur, sed obliquâ velificatione ita salutem principis & reip. curent, ne suæ obliviscantur.

CAP. IV.

I*ngruentium dominationum provisor &c.]* Orientem Solem adorare, hoc est, surgentem à modicis initis potentiam tempestive prævidere, colere, ejusque incrementa aperto studio procurare uti plurimis ad summam potentiam, ita quibusdam ad perniciem via fuit: comprobatumque experientiâ, maximam illorum, qui in Aulis opes atque dignitates sectantur, partem alienâ fortunâ hederæ instar, subsistere & cadere. Fuit aliquando apud Augustum, florente Cæsarum integraque domo, intuta Tiberii amicitia (a). Contra Georgio Amboi-

(a) Tac.

Amboisio summæ potentix causa fuit ; Ludovicum Aurelianensem , tanquam qui proximus regix successioni immineret , Carolo Gallix Regi suspectum , tum periculo licet , coluisse. (*)

CAP. V.

Percunctatus Cæsarem an jussis populi, an auctoritati Senatus cederet &c.] Novum adulationis genus , quod vim Principibus inferre videretur, dum maxime cupiditati illorum obsequitur. Libertatem profitentur projectissimæ ac foedissimæ assentationis repertoires. Haud defuere , inquit Tacitus , qui certatim , si cunctaretur Cæsar , vi acturos testificantes , erumperent curia. Etiam boni Principes actionum suarum dedecora auctoritate civium suorum , ac Senatus interdum velare consueverunt. Ludovicus xi. Gallix Rex Claudiam filiam Philippo Maximiliani i. Imperatoris filio promissam Francisco Engolismensi , qui postea Franciscus Rex fuit , collocavit ; & quo excusatius fidem falleret , Parliamenta omnia , & præcipuas regni urbes induxit , ut volentem cogerent (a).

Simile

(*) Mich. Bauder. in Vita Cardin. d' Amboise adde supra dicta ad 11. Annal. 9.

(a) Guicciardin. 7. hist.

Simile est, quod, quibus invalida adhuc, neque adulta potentiae fundamenta sunt; incivilibus maxime dissidiis, armis suis alienum plerumque nomen ac favorem prætexunt; cui improspere imputare fortunam possint, secundam sibi afferturi. Cinnæ bellum in patriam medianti cum auctoritate & gratia opus esset, C. Marium cum filio de exilio revocavit. (a) Legiones Romanæ à Galba ad Vitellium desciscientes, ne reverentiam imperii exuere viderentur, in S. P. Q. oblitterata jam nomina sacramenta advocabant. (b) Claudius Civilis rebellionem adversus Romanos inceptans, dum Vespasianus & Vitellius de imperio inter se decertarent, differebat; ambiguum belli fortunam Vespasiano, cujus partes simulabat, imputaturum; Victoriæ rationem non reddi. (c) Cui arti insistens idem Civilis, iusti jam exercitus ductor, tamen consilii ambiguus, & vim Romanam reputans, milites suos in verba Vespasiani adegit. (d) Primus Antonius, è ducibus Flavianis Galbæ imagines discordia temporum sublatas, in omnibus municipiis recoli iussit: deco-

(a) Vellei. Patere. 2. hist. 20. (b) Tac. 1. hist. 55. (c) Tac. 4. hist. 14. (d) Tac. 4. hist. 21.

decorum pro causâ ratus, si placere Galbæ principatus, & partes revirescere crederentur. (a) Civitates Italiæ libertatem affectantes, & oblitæ Caesarum, revera liberi, in speciem subditi, Imperii tamen reverentiam, quatenus decori ac tutelæ servit, profitebantur. (b) Condæus Hugonotarum in Gallia caput, Regem, & Reginam-matrem à Guisii captivos teneri, seque liberatorem asseribat. (c) Eodem consilio Henricus Navarrus vindictam occisi Henrici 111. Regis bello in Ligistas prætexuit. (d) Prima Belgarum ab Hispanis secessio fidei erga Regem prætentio nitebatur. *Genfii* per contemptum appellati, numum initio è cera vel è ligno exsculptum, postea auro argentoque cussum instar bullæ è collo suspendebant: in cuius altera parte Philippi Regis cælata erat effigies, cum verbis; *Fideles Regi*: in altera mantica visebatur, duarum complexu manuum intercepta, adscripto symbolo; *Usque ad manticam*. (e)

Gra-

(a) Tac. 3. hist. 7. (b) Anton. Possevin. 2. hist. Mantuan. (c) Io. Baptist. Hadrian. 17. hist.

(d) Phil. Pleff. Mornæ. Comment. part. 2. Henr. Davil. 10. hist. (e) Fam. Strada 5. hist. Belg. Hadrian. 19. histor. fideles au Roy jusques à la besace.

Gravissimos Principis labores, queis Orbem terræ capessat, egere adminiculis, ut domesticâ curâ vacet, in commune consulas] Egregia sententia in pessimâ causa. Non sufficit unus homo tot millium commodis curandis, nisi arte quadam & dexteritate tempora & negocia disponat, atque dispense: Ejus artis atque industriæ partes quasdam & specimina edisserere hic mihi propositum est; principibus, eorumque amicis, mihi, & si quibus imitari placuerit, profutura. Magna mortalium, & injusta audacia est naturam accusantium, quæ tantum brutis animalibus indulserit, ut quina aut dena secula edurent; homini in tam multa ac magna genito tanto citeriorem terminum constituerit. Unde ista querela:

Redditur arboribus florens revirentibus ætas:

Ergo non homini, quod fuit ante, manet?

Vivacesque magis cervos, decet esse paventes,

Si quorum torvâ cornua fronte rigent?

Vivere cornices multos dicuntur in annos:

Cur nos angustâ condicione sumus? (a)

Verissima naturæ justificatio in eo sita est, quod satis longa vita male collocatur: quod non exiguum tempus nobis largitur, sed

(a) *Pedo in obitu Mecæ.*

sed multum perdimus : quod quædam tempora eripiuntur nobis, quædam subducuntur, quædam effluunt : quod magna pars Vitæ elabatur male agentibus, maxima nihil agentibus, tota aliud agentibus. (a) Quod argumentum universum Philosophicâ acrimoniâ persequitur L. Annæus Seneca, in eo libro, quem de brevitate vitæ inscripsit. Fuerunt tamen Reges atque Principes Viri, qui quanquam omne tempus in procurandâ republ. collocarent, illius tamen quoddam quasi parsimonix genus invenerunt : quâ non negotiis modo, sed & studiis literarum, aliisque curarum diverticulis suffecerunt. Illam artem præceptis, atque exemplis tradere, discereque utilissimus labor est.

Prima ac præcipua cautio est, fugienti tempori manum injicere, neque ullum illius momentum sine usu aliquo fructuque transmittere : cogitare, summam fortunam non in luxu (b) consistere. onus esse regnum, & curam. Principem patrem & pastorem populorum à Deo constitutum. Philippus II. Hispaniarum Rex regium munus textoriæ arti scitâ comparatione assimilabat. Ut n. illa multi laboris est,

(a) *Senec. Ep. 1.* (b) *Tacit.*

est, integrumque requirit hominem, manuum, brachiorum, pedum officia, oculos præterea tot filis, quot tramam & stamen faciunt, intentos; ita Regum dextas, oculos, curas, animum omnibus regni partibus invigilare, turbata componere, abrupta religare. (a) Pius v Pontifex Medicis valitudinis rationem habendam momentibus, alienæ, non suæ utilitati Principem consulere debere, & conscientiæ magis quam sanitati vacandum esse, respondit. (b) Cui simile est, quod Vespasianus Cæsar agebat, Imperatorem stantem mori oportere. (c) Carolo v Cæsari familiare erat, itineri ac negotio pariter intendere; ne rebus agendis ullum tempus elabere-tur. (d) Christophorus V Vurtembergiæ Dux, princeps sapientissimus, etiam dum venationi indulgeret, & ad retia sedens perpetuo à secretis hominem secum habebat; cujus ministerio ad supplices libellos rescribebat: C. Plinii fortassis exemplo: qui seipsum non cum pannario tantum, & laguncula, sed cum stylo & pugillaribus venari solitum testatur: (e) ut si manus vacuas, plenas tamen ceras reportaret. Ipse

Plinius

(a) Boter. apophth. par. 1. lib. 1. (b) Eoter. apophth. par. 2. lib. 1. (c) Suet. Vespas. (d) Possevin. 7. hist. Mantuan. (e) Plin. lib. 1. Epist.

Plinius ab avunculo hauserat, quem mirum est tot volumina hominem occupatissimum absolvisse. Omne tempus vitæ distentum impeditumque, qua officiis maximis qua amicitia principum egerat. Sed erat acre ingenium, incredibile studium, summa vigilantia. Lucubrare à Vulcanalibus incipiebat, studendi causa; æstate statim à nocte multa; hyeme vero ab horâ septimâ, vel cum tardissime, octavâ, sæpe sexta. Erat somni parcissimus; nonnunquam etiam inter ipsa studia instantis & deferentis. Ante lucem ibat ad Vespasianum Imperatorem. nam ille quoque noctibus utebatur: inde ad delegatum sibi officium: reversus domum, quod reliquum erat temporis, studiis reddebat. Longum esset, qua industria, quaque parsimonia inter medios labores, urbisque fremitum, tempus studiis reposuerit, referre: sed & supervacuum huc transscribere quæ Plinius ex sorore nepos tertio epistolarum de avunculo narrat. Henrici vi. Cæsaris summum Reip. studium Nicetas Choniates, Græcus homo commendat; cui totos dies ita impenderit, vix ut spatium curandi corporis sibi relinqueret; raroque prandentem quisquam videret. Quas tam sobrias ejus curas cum interpolare amici conarentur;

narentur; importunos invitatores plane regia sententia refutavit; homini privato nullum esse intempestivum convivium, dictitans: regibus, si suo satisfacere nomini velint, satis esse debere, si eos resp. à se ad cœnam dimittat, (a) De Ferdinando: Imperatore ista refert Augerius Busbequius, (b) Surgit è lecto, etiam asperrimæ hyemis mensibus, horâ quinta: hinc precibus Deum veneratus, peractoque sacrô, abdit se in consilium: ubi de rebus, quæ ad publicam utilitatem spectant, consultandis usque ad horam prandii magna attentione vacat. Idem fit horis pomeridianis donec cœnæ tempus sit. cœnæ, dico, non suæ, sed consiliatorum. nam ipse perpetuo cœnâ abstinet; neque amplius quam semel die cibum sumit, & quidem parce: nec potui liberalius indulget, geminatâ vini potione prandium clausisse contentus, fugit otium, tempus ei nullum iners, quod si quod negotiis superest, id honorum ac doctorum Virorum colloctionibus traducit: qui maxime assistunt prandenti, deque variis rebus sermonem conferunt. Cum hac vita tam frugi, tam severa non dubito quin è populo multi suam commutatam nollent. Quotus enim quisque

non

(a) *Plin. lib. 3. Epist.* (b) *Epist. Turc. 4.*

non aliquam vitæ particulam genio suo seponat? quis se cunctis oblectationibus privari æquo animo sustineat? quem denique non tædeat in perpetuis curis & negociis consenescere? quod quidem servitutis cuidam generi, quam dominationi propius videtur. Sed aliter hic Princeps judicat, neque id in familiarib. colloquiis dissimulat; non se sua causâ tanto muneri à Deo præpositum: non sibi, ut in voluptatibus & deliciis volutetur, Imperii gubernacula tradita, alia condicione privati juris hereditates cerni, aliâ regnis & imperiis succedi. prohiberi neminem, quin patrimonii sui commoditatibus utatur, fruatur. at suæ fidei tot gentes à Deo commendatas, ut earum curam gerat; ad se redeat labor, ad eas ex sua dispensatione fructus; suo sudore eis quietem & otium conficiat. Una est venatio, cui interdum operæ aliquid tribuitur, non tam delectationis causa, quam valetudinis. Nam cum dierum complurium continenti sessione marcere sibi corpus & animum sentit, diem eligit, quo se liberioris aëris haustu, & campestri exercitatione reficiat. Ergo summo mane, æstate quidem primo diluculo, hyeme aliquot horis ante exortum solis, quocunque cœli habitu venatum egreditur; quan-

quandoque pomeridianum tantum tempus ei rei datur. Ac memini, cum adstarem prandenti, audire dicentem: meo sum functus officio: negocia omnia, totum chartophylacium exhausti: nihil superest in Cancellaria, quod me detineat, quod reliquum est diei, impendam curæ corporis. Sic multâ jam nocte domum revertit, apri, vel cervi, vel etiam ursi cæde lætus: ac fessâ vario labore membra nullo assumpto cibo, neque potu, somno sternit. Hactenus Busbequius. & pertinent huc, quæ de Ferdinando 11. ad quartum annal (a) retuli.

Huic primo præcepto proximum est, pondera rerum intelligere, partiri tempora, necessaria magis primo loco agere, omissis, dilatisve frivolis, supervacuis aut minus necessariis. Pæto Thræseæ non sine ratione objectum fuit in senatu, *cur tam levia confisteretur?* (b) Nemo quinquam Scipione elegantius intervalla negotiorum otio disjunxit: semperque aut belli aut pacis servit artibus. Semper inter arma ac studia versatus, aut corpus periculis, aut animum disciplinis exercuit, (c)

F

Cn.

(a) *Forstner. ad. 1. Annal. verb:* nihil intermissâ rerum curâ &c. (b) *Tacit. 13 annal. 19.*

(c) *Vellei. Patere. 1. hist. 13.*

Cn. Agricola quoque tempora curarum, remissionumque divisa habebat. (a) Julianus Cæsar noctes ad officia dividebat tripartita; quietis, & publicæ rei, & Musarum: & post ardua ac seria terminata ad procudendum ingenium vertebatur. (b) Carolus Borromæus Cardinalis studiis literarum intentus, plures quotidie horas libris & lectioni dare solebat. Idem tamen eatenus amandas literas dictitabat, quatenus impositum munus permetteret: neque plus temporis impertiendum studiis, quam quod negociis superesset. (c) Prudentius profecto, quam alter Cardinalis, Bessarion, qui, dum in Conclavi, ut vocant, studiorum dulcedine abreptus, non admittit, qui illius, uti mos est, adorandi causa ad fores præstolabantur, Cardinalium morositatem hominis averfantium studia in alium transtulit. (d)

Tertia temporis ac negotiorum disponendorum ratio est, præcipua, majorisque momenti sibi sumere, leviora aliis delegare, & ut Philo Judæus (e) distinguit, rem in quâ publicum periculum versatur,

(a) Tacit. Agric. (b) Ammian. Marcellin 16. hist. (c) Boter. apophth. par. 2. lib. 2. (d) Boter. apophth. par. 3. lib. 1. (e) Lib. de Joseph.

satur, ipsum agere ministeria, quæ labore tantum constant, aliis cedere.

Qui cuncta minima maxima soli complectuntur, vel neutris sufficiunt, vel, levioribus intenti, majora negligunt. Ut non injuriâ castigavit Senatum Romanum Tiberius, quod cuncta curarum ad Principem rejicerent. (a) Et alio tempore: quantum est, inquit, de quo Ædiles admonent! quam, si cætera respicias, in levi habendum! at hercule, nemo refert, quod Italia externæ opis indiget: quod vita populi Romani per incerta maris & tempestatum quotidie volvitur &c. hanc curam sustinet Princeps, hæc omissa funditus temp. trahet. (b) Pericles Atheniensis neque semper prodibat in concionem, neque de omni argumento dicebat: sed instat Salaminæ tîremis graviorib. se servabat negociis, cæteris per amicos peractis. (c)

Huic consequens est, iv. noscere ministrorum ingenia, & cui quisque muneri, functioni, curationi aptissimus est, id ei munus, functionem, curationem injungere: (d) dividere officia, partiri labores,

F 2

operas-

(a) Tacit. 3. annal. 35. (b) Tac. 3. annal. 54.

(c) Plutarch. Pericl. (d) Vide Foxstner. ad 1.º annal. verb: Magna apud Tiberium auctoritate

operasque inter collegas: nec uni omnia negocia, nec omnes uni negotio applicare: quorum alterum injustissimum, alterum stolidissimum est. Neque enim unus omnibus sufficit: & rursus, dum omnes uni negotio vacant, cætera sine cura habentur. Quanta dementia est, viros naturâ, ingenio, institutione ad remp., ad pacis ac belli solertiam factos, ad triobolares causas cognoscendas, aut numarias rationes discutiendas, velut ad triremes condemnare! Vacent ignobilibus illis minutiis angustæ mentes, & quibus ea sola scientia fundus ac patrimonium est.

Tu regere imperio populos, Romane, memento.

Sed in hoc perniciose plerumque Principes errant. Nam uti quisque ignavus est, aut uxorius, temulentus, saginâ gravis, sui, aliorumque ignarus, & impar curis gravioribus: ita discernendi Ministrorum, negotiorumque meritis, ineptus erit. Si avarus est, numos, calculum, & rationales cunctis aliis præferet. Vidi de minuendis Aulæ sumptibus, de candelarum & panis dimenso disceptari, quo maxime tempore summa reip. periclitabatur. Haut aliter, quam si quis in navi cum alio de teruncio aleâ contenderet, nullâ curâ, an navis

navis in scopulos & Syrtes rapiatur : aut qui signis, statuis, bibliothecâ instruere atque ornare vellet, ædes ruinam minitantes. Eam propter rationem inter alias, principem à iudiciis & causarum cognitionibus plerique arcet; exemplo Jethronis : qui Moſen Iſraëlitarum Prîncipem, generum ſuum difficilimâ causarum omnium iudicatione obrutum, ea ratione ſublevandum putavit, ut de rebus tantum arduis, & ab ordinariâ Magiſtratum iuriſdictione remotis cognoſceret, cætera magiſtratibus & iudicibus permitteret. (a)

Eſt præterea, V, maximum temporis luctum, reſecare difficultates, non nutrire; finire negocia, non producere; abſolvere non diſſerre; poſtremo minime admittere, ut recurrant, quæ ſemel tranſacta ſeponi poſſunt.

Prodeſt ſexto, ſuis quæque temporibus negocia aſſignare; & memoriæ ſubſidia adiciſcere, calamum, ſtylum, tabellas, pugillares; in quibus vel veſpere, antequam cubitum eas, vel poſtquam mane è ſtrato ſurrexeris, illo die peragenda annotes. His, quæcunque interdium occurrant, negocia, adjungenda, quâ indiſtriâ nocte redeunte, uno obtutu, quæque tranſ-

egeris, quæque transigenda restabunt, perspicies. Jo. Vincentius Pinellus, ne fructus, quos ex amicorum congressu perceperat, ulla sibi obreperet oblivio, cum illi abiissent, secedebat in cubiculum interius, ubi quæ præclara in colloquendo animadvertenterat, in commentarium sua manu referebat: imo, & dum amici adessent, nunquam non illi ad manus erat calamararia theca, ut summa rerum, quæ placuissent, capita annotaret. (a) Memini de quodam Jurisconsulto Germano recitari, nocte quoque, nullo luminis usu, ex nigro matmore tabulam ad lectum appensam habuisse, cui creta, quæcunque noctis amica silentia suggerebant, inscribebat. Idem, quem modo dixi, Pinellus hanc sibi ad amicorum literas respondendi methodum præscripserat, ut iis perlectis, præcipua capita compendiarie viâ in codicem referret. hunc sibi proponebat responsurus, sepositis epistolis: in quarum mox tergo adnotabat nomen ejus, qui scripsisset, annum, diem, locum & negociorum indiculum. Harum fasciculos singulis hebdomadis in cistulas transferebat. Consueverat præterea tabulas sibi quasdam conficere,

(a) *Paul. Gualdus in vita Pinelli.*

cere, in quas referret ea omnia, quæ ipse ab amicis, quæ ipsi ab eo vicissim postularent: descriptisque summis negotiorum, potentiumque nominibus uno intuitu discerneret, quid actum esset, quid agendum superesset. Re confecta nomina inducebat, postquam rescripta cum codice contulisset. (a)

Postremo (vii) cum plerumque plurimum temporis nobis aliena importunitate eripitur: certæ cautiones adhibendæ sunt, quibus eam devitemus. Hominem enim præclara cogitantem nihil æque torquet, quàm temporis jactura: quam tum maxime percipit, cum otiosis ineptisve aures commodare cogitur. Credo, inter alias moris, ut quamvis præsens Princeps scripto adeatur, causas etiam hanc esse, ne promiscuis admissionibus, intentæ publico bono principis curæ ad leviora distrahantur. Is, quem paulo ante memoravi, Jo. Vincentius Pinellus, quos invitus vel occupatior admittebat, in vestibulo domus excipiebat, stare vel deambulare solitus. (b) Alphonfus xii. Henricus i. Ferdinandus & Isabella Hispaniæ Reges è septimanâ tres dies deligebant, quibus

F 4 publico

(a) Guald. *ibid.* (b) Guald.

publico loco audiebant questus & negotia privatorum. (a) Antonius Perenottus Cardinalis, dum pro Rege Neapoli esset matutinarum horarum stas quasdam & certas, quibus se conveniri volebat, constituebat. Jubebat etiam ut adituri vespere præcedenti nomina profiterentur: è quorum agmine ipse xii. aut xv. seligebat; quos admitteret. Curabat præterea, (quod & Alberto Valensteno familiare fuit.) ne inanibus exordiis tempus sibi & reliquis profuturum dilaberetur. (b)

CAP. VI.

A Tenim nova nobis in fratrum filias conjugia. sed aliis gentibus solennia &c. morem accommodari prout conducatur] Plerunque illis quibus honesta principum inhonestaque æque laudare mos est, justa sunt, quæcunque Principibus allubescunt. Nulla tam mala potentium causa est, quæ patronum non inveniat. Pius iv. Pontifex Carolo Carasæ Cardinali, majestatis damno fracto gutture spiritum interclusit. Sub Pio v. res judicata in novum retracta examen, & ab iisdem judicibus condemnatus ante Cardinalis fuerat, post mortem absolutus est. Scil. utrumque Pontifices jussit-

(a) *Savedia Symb.* 35. (b) *Guald.*

jusserant. (*) Mortuo Francisco Mantuæ Duce sine liberis masculis, erant, qui Ferdinando fratri defuncti viduam Margaritam Sabaudiam ducere suadebant, iisdem prope argumentis, quibus Vitellius Agrippinæ nuptias. Neque n. duorum fratrum aut sororum novum apud Christianos Principes matrimonium, haberi apud Anglos & Hispanos exempla: & Sigismundo Poloniæ Regi duas Austriacas sorores obtrigisse. Et neque exemplo opus esse Regibus, quoties salus populorum, & bona pacis requirant. Prima similitum connubiorum nova fuisse, non exemplo, ratione tantum approbata. Denique ridiculum esse, asserere apud defunctos sensum verecundiæ, & similitum ineptiarum esse. Cum morte desisset mortalia: & si quo præsentium affectu frater defunctus moveatur, gratum matrimonium habiturum, quod noverit salutem populis laturum. (‡)

CAP. VII.

C*uncta femina obediebant*] Significanter! uti libro præcedenti: (a) omnia liberto obediebant: & apud Lucanum, (b)

Omnia Cæsar erat —

F 5

Nihil

(*) Io. Bapt. Hadrian. 19. hist. (‡) Ant. Pufsevin. hist. bell. Monser. (a) Cap. 35. (b) Lib.

Nihil impudicum, nisi dominationi expediret] Vide quæ infra ad hunc librum (§) notabimus.

Cupido auri immensa obtentum habebat, quasi subsidium regno pararetur] hic locus referetur & explicabitur. XI II. (*)

CAP. VIII.

A Grippina, ne malis tantum facinoribus notesceret, veniam exilii pro Annao Seneca, simul præturam impetrat, latum in publicum rata] Vide notas ad XI II. (a)

CAP. IX.

MEmmium Pollionem ingentibus promissis inducunt, sententiam expromere, &c.] Aula Vitellios & Polliones habet, quibus instrumentis assensum attrahunt atque conciliant illorum, quorum voluntate & auctoritate opus est. Affine huic, quod, qui repulsam timent, inter-nunciis uti solent, non tanquam suis & mandato instructis, sed veluti proprio instinctu rem gerentibus. Quomodo Barnabas Vicecomes nuptias suæ filiæ cum Francisco Gonzaga ambiens, Joannem Turrium

(§) Cap. 25. (*) Cap. 18. (a) Cap. 4.

rium Mantuam ablegavit: qui non domini mandata, sed tanquam suum consilium afferens, rem ex voto transegit. (a)

Majora patefacturum erat] Nam matrimonium ad majora intenti decus ac robur est. (b) Cujus rei insigne exemplum de Ludovico Gonzaga refert Henricus Davila (c) in historia.

CAP. X.

D*Um socors domi, belli infestus, ignavia savitia tegat*] Vide nostra ad finem sexti Annalium.

CAP. XI.

V*T non dominationem & servos, sed rectorem & cives cogitares. &c.*] Antiquæ & moribus seculi obsoletæ sapientie monitum est, Reges populi, non hunc Regis causa factū constitutumque esse: id eoque omnes principis curas, cogitationes, studia, ad populi salutem & utilitatem dirigi debere. Quo pertinet istud Claudii præceptum, Meherdati, quem ad Parthorum regnum capessendum dimittebat, datum; ut non dominationem &

F 6

servos,

(a) *Possavin. 4. hist. Mantuan.* (b) *Tacit. Agric.* (c) *Lib. 3. hist. in fin.*

servos, sed rectorem & eives cogitaret. Cui gemina est illa Galbæ ad Pisonem Oratio: (a) Utilissimus idem ac brevissimus bonarum malarumque rerum delectus est, cogitare quid aut volueris sub alio Principe, aut nolueris. Neque enim Roma, ut in cæteris gentibus, quæ regnantur, certa dominorum domus, & cæteri servi: sed imperaturus es hominibus, qui nec totam servitutem pati possunt, nec totam libertatem. Et eundem sensum habet illa Marcelli Eprii sententia: (b) quomodo pessimis Imperatoribus sine fine dominatio, ita quamvis egregiis modus libertatis placet. Isti principalis officii fundamento Aristoteles (c) illam tyranni definitionem superstruxit, quâ tyrannum omnia ad sui privatam, nihil ad populi utilitatem referre tradidit. Sed exagitat satyrico felle hanc definitionem Trajanus Boccalinus (d) tanquam moribus nostris minimè congruentem; & quæ nimiam laxitatè plerosque seculi Principes involveret. Rari profecto sunt, qui vero, neque sua utilitate fucato amore subditorum commoda

(a) Tacit. 1. hist. 18. (b) Tacit. 4. hist. 8.

(c) Aristotel. polit. (d) Centur. 1. ragguagli. 76. adde Cent. 2. ragguagli. 31.

commoda atque salutem procurent. Patient desiderant & tranquillitatem, opes atque divitias civium, scilicet ne quicquam æratio decedat. Horrent bellum, & miseras publicas, tanquam tributorum collationi impedimentum, detrimentumque allaturas. Nimirum salus ac utilitas publica illa vocatur, quæ principi prodest. at ingruente necessitate, vita ac fortunæ omnium uni impendantur. Etiam qui verecundis cogitationibus, & optimo animo regni habenas sumserunt, sæpe vetustate imperii & vi dominationis convulsi sunt.

Ferenda regum ingenia; neque usucresbras mutationes] Aurea sententia, quam perpetuo animo fixam tenere debent, quibus pax & quies cordi est. Ferenda regum ingenia: ferendæ regnorum mutationes. Mali æque ac boni principes Dei donum sunt: & rerumpublicarum transitus disponuntur in cœlo. Optimus igitur civis est, qui statu, in quo degit, contentus, legibus & moribus honestis se accommodat; qui meminit temporum, quibus natus est; quam civitatis formā patres aviq; instituerint: ulterius miratur, præsentia sequitur: bonos principes voto expetit, qualescunq; tolerat: (a) deniq; quomodo sterilitatem

(a) Tacit. 4. hist. 8.

tatem aut nimios imbres, & cætera naturæ mala, ita luxum vel avaritiam dominantium tolerat. (a) Quantum enim pertinet ad hanc vitam mortalium, quæ paucis diebus ducitur, & finitur, quid interest, sub cujus imperio vivat homo moriturus, si illi, qui imperant, ad impia & iniqua non cogant? (b) Igitur, ubi aliquæ dissidendi à principe aut popularibus nostris causæ superveniunt; semper tutius est, domi pacem curare, quam aliunde bellum accersere. Suspectus esse debet, quisquis opes suas viresque in vendendis turbis offert. Adversus partem accitus, plerunque contra omnes valet. Auxilium, Defensio, Protectio nomina sunt, à quibus ad servitium facillime transitur. Et plerunque sub factionibus & factionis plura perferunt mala rebelles, quam quibus excutiendis à legitimo principe desciverunt. Vicissim neque Princeps primam quamcunque civium culpam, antequam pœniteat, armis ulcisci debet; ille maxime, qui feroces & irritabiles populos sub imperio ac ditione, aut exteros potentia suæ æmulos habet. In pace & quiete bonis artibus locus est; ubi bellum ingruit; pessimo cuique plurima

(a) Tac. 4. hist. 74. (b) Aug. 5. de Civit. Dei 17.

ma vis ; & pereunte obsequio ac reverentia summa imperii periclitatur. Nulla rebellio tam est immodesta , ut statim Regem excutiat. per gradus ad tantum nefas ascenditur. Igitur inter furoris initia , & dum nondum pertinaciam induerunt mortæ mentes , tractatu , negotio , pace facile in viam redeunt , qui armis irritantur magis atque exacerbantur. Quo præcipue argumento Melchior Cardinalis Cleselius Matthiæ Imper. bellum in Bohemos dissuadebat. Sigismundus Poloniæ Rex , paterno Sueciæ regno excidit , dum imatura arma patriæ infert. Et nuperrime Carolus Britannia Rex neque consilio neque viribus satis instructus bello subditorum insaniam in extremam sibi ac toti familiæ regiæ fatalem rabiem concitavit. Etiam illud in bellis civilibus observatur, sæpe ad alios nostros subditos exempli contagiū transire : & qui initio scelus inclamitabant , postea mitius de rebellionē judicasse , usque ad damnatæ olim causæ patrociniū progressos. Saxones in Henricum IV. Imperatorem contumaciam & arma induerant : qui in comitiis Gerstingensibus suam causam tam plausibiliter egerunt , ut principum , qui aderant , nemo duriores in illos sententiam dixerit: nemo rebelles turbatores-

batoresque reip. censuerit appellandos : quia potius versæ in Henricum iræ , per cuius impotentiam Saxonibus non licuerit quiescere. Viros ingenuos eo necessitatis adaustos , ut servitus illis vel arma fuerint capeffenda ; & sub jugum aut signa abeundum , auxilio quam odio , digniores videri. Cui enim dubium esse posse , regio furori , an fortium sociorum ærumnis ferre suppetias , & tyranno coronam , an civibus nihil meritis civitatem detraxisse æquius sit ? (a) Redivivum ejusmodi concionum & consiliorum exemplum proximis superioribus annis orbi exhibuit Anglia , cum in Scotos armatæ , & à Carolo eductæ cohortes Anglicæ pejora Scotis postea ausi sunt. (b) In quam sententiam extat etiam egregia Roderici Gomezii Sylvæ bellum in foederatos Belgas dissuadentis Oratio apud Famianum Stradam ; (c) Intempestivum , ajebat , quietos populos armis laceffere , simulque finitimos hæreticos ad opem sociorum pronos irritare. Cavendum eo maxime in loco belli civilis incendium , ubi circa sint , qui illud alant , procul qui extinguant.

(a) *Brunner. 11. annal. Bojor.* (b) *Irenæ. Philoth. hist. mot. Scotic.* (c) *Dec. 1. hist. Belg. lib. 6.*

tinguant. quanquam ne extingui quidem
posse sine ruina Victoris. Nimirum inter
civiles urbium, hominum, fortunarum
strages adimi principi, quicquid victis pe-
rit. Quantumcunque peccatum à Belgis
ad eam diem, à Regis sorore abunde fuis-
se correctum; &, si quid vincendum su-
peresset, animos esse, non corpora: illos
autem non armis, sed beneficio expugnati.
Id vero & clementiæ principis accommo-
datius, & Belgarum ingeniis: de quibus
verissime dictum fuerit à Carolo Imper:
nullos esse populos, qui servitutis no-
men magis execrentur, rem magis pa-
tiantur. (a)

CAP. XII.

Militares artes per otium ignota, indu-
striasque ac ignavos pax in. *aquo te-
net*] Vide Macchiavellum tertio disserta-
tionum, capite xvi.

*Barbarorum impetus acres cunctatione lan-
guescere, aut in perfidiam mutari. itaque ur-
geret cæpta*] Cunctari, propria debiliorum
solertia est. quippe potentiori pravâ æmu-
latione, aut imprudenti confidentiâ colli-
di stultum; contrà desperatis quoque rebus
sæpe.

(a) Adde Forstner. Omiss. p. 548.

ſæpenumero tempus remedium affert:
 tum maxime, cum hoſtis imprudentia ruit.
 (a) Tunc enim quietum intentumque a-
 lienam ſtultitiam opperiri, loco ſapientiæ
 eſt. b) Et multa bella impetu valida per
 tædia & moras evanuerunt. (c) Quod vel
 unius Q. Fabii, cui Cunctatoris nomen
 prudens Antiquitas impoſuit, exemplo ma-
 niſteſtum fit. Ex contrario, Validioris eſt, in-
 ſiſtere ſamæ, & victoriæ; urgere cæpta; uti
 recenti terrore; & impellere in caſum pro-
 pendentem hoſtem. Eſt & aliud tempus rum-
 pendimoras, cum mora deteriores fiunt
 reſ noſtræ; & ubi periculoſior eſt quies
 quam temeritas. (d) Ita Meherdætes au-
 xiliis nudatus, cæterorum proditiōe ſu-
 ſpecta, quod unum erat reliquum, rem
 in caſum dare, prælioque experiri ſtatuit.
 (e) Qui Gallo hodie milite ſive proprio ſi-
 ve auxiliario utuntur, illorum primam ve-
 luti aciem ſtatim hoſti obijciunt; belli in-
 commodis, alias & tempore ipſo mox he-
 betandam, retundendamque. Magnorum
 quoque ſclerum id ingenium eſt, ut non
 lauden.

(a) Tac. 2. hiſt. 34. (b) Tac. 2. hiſt. 34. Itali
 dicunt, che la fortuna de ſavy ſi fabbrica a ſpeſe
 de pazzi. (c) Tac. 2. hiſt. 32. (d) Tac.
 (e) Tac. 12. ann. 14.

laudentur nisi peracta. (a) Quomodo Nero, veneficio Britannicum tollendi certus; & lenti sceleris impatiens, minitabat Tribuno, jubebat supplicium. Locustæ Veneficæ, quod, dum rumorem respiciunt, dum parant defensiones, securitatem morarentur. (b) Est & illa rerum & negotiorum distinctio observanda; ut in iis, quæ temporis beneficio evitari, corrigi possunt, cunctatione utendum; (c) at cum illis, quæ, utcumque effugere velis, tamen recurrent, quantocius transigendum sit.

Summam fortunam in luxuratum] Quomodo Othoni quoque objectum fuit, stupra & Commistationes, & sceminarum coetus Principatus præmia putasse: (d) & de Vitellio Tacitus, (e) fortunam principatus inertî luxu ac prodigijs epulis præsumpsisse: & de Domitiano, filium principis adulteriis & stupris agere: (f) & ex paternâ fortunâ tantum licentiam usurpare. (g) Similiter de Juliâ Augusti filiâ Vellejus Paterculus; (h) magnitudinem

(a) Tac. Quo spectat Florentinorum proverbium, Cosa fatta capo ha. V. Not. ad 13. annal. 15.

(b) Tac. 13. annal. 15. (c) In quibus verum est, quod Itali jactant: chi ha tempo, ha vita:

(d) Tacit. 1. hist. 30. (e) Tac. 1. hist. 62.

(f) Tac. 4. hist. 2. (g) Tac. Agric. 7.

(h) Tac. 2. hist. 100.

tudinem fortunæ suæ peccandi licentiâ metitam. Ludovicus Hungariæ Rex, quod choreis magis, quam seriis negotiis studebat, & omnia regia munera negligentius obibat, vitæ exitum habuit, qualem Christianus orbis perpetuo lugebit. Luxus pars sunt inutiles ceremoniæ, paratusque aulæ, quibus impediti Principes rerum occasiones amittunt. Hoc vitio Hispani male audiunt, tanquam præter ingenii lentorem etiam latinsoso ceremoniarum apparatu moram negociis afferentes. Contra quam de Cn. Agricola Tacitus (a) testatur: cui ingredienti provinciam, quod tempus alii per ostentationem aut officiorum ambitum transigunt, labor & periculum placuerit.

CAP. XIII.

Inter societatem Meberdatis palam induerat, in Gotarzen per occulta, & magis fida inclinabat] Simili dolo quidam Gallorum primores Romanis auxilium ferebant, quo dissimularent defectionem, magisque in tempore efferrent. (a) In turbis civilibus mala plerunque procerum solertia est, utrinque militare; & alteri partium corpus, alteri

(*) Tac. Agric. 18. (a) Tac. 3. annal. 41.

AD CORN. TACIT. *Lib. XII.* 141
alteri animum commodare. Alia cautio
est, ut apud principem pater, in castris fa-
ctiosorum filius, aut frater mereant: ut,
quomodocunque fortuna transigat, apud
Victorem sibi præmium, proximo veniam
paret, qui feliciores partes secutus fuit.

C A P. XIV.

F *Lumine Cormâ pro munimento uti* quod
nunquam satis tutum esse, Macchia-
vellus docet primo dissertationum. (a)

*Barbaros malle Româ petere Reges, quam
habere*] Hunc locum in Omissis explicavi
ad primum (b) & secundum (c) Annalium:
ex quibus locis apparet, vocatorum cre-
dulitatem vocantibus sæpe itrisui fuisse: &
eosdem qui nunc mutare dominum ge-
stiunt, semel levitati assuetos, simul ac con-
siliis pœniteat, vel nova querimoniarum
causa nata fuerit, aut perfidiæ præmium
ostentatum, nulla verecundiâ novum do-
minum quærere: à quo ne fraudi iis sit dis-
cessisse, veniam sceleris majori scelere e-
mere solere. Cujus rei præter alibi anno-
tata, singulare exemplum de Ludovico
Germaniæ Rege ad Aquitaniæ regnum vo-
cato

(a) *Cap. 23.* (b) *Verb.* nam spes inceserat,
dissidere hostem. (c) *Verb.* ambigua ea gens &c.

cato refert in Annalibus Boicis, (a) Andreas Brunnerus.

Meberdates pollicita Parrhacis paterniclientis, secutus, dolo ejus vincitur, traditurque Victori] Intuta sunt adversa. (b) Omnes aliena pericula deferunt: infelici nemo amicus est. Imo parum est amicum non esse. odio habent, impelluntque in ruinam. Quis in adversis beneficiorum servât memoriam? aut quis ullam calamitosiis deberi putat gratiam? aut quando fortuna non mutat fidem? Cn. Pompejus Cæsarem fugiens imperio arbitrioque Ægyptii mancipii jugulatus est, (c) Jugurtha à Boccho proditus. (d) Caractacus à Cartismandua. (e) Anicetus Polemonis libertus à Sedochezorum Rege. (f) Annibal Poenus à Prusia Bithyniæ Rege. (g) Comes S. Pauli à Carolo Burgundo. (h) Coccus Moneta à Bona Galeatii Sfortiæ vidua. (i) Ascanius Cardinalis Sforza à Contrado Lando. (k)

Auribus decisiss vivere jubet, ostentui clementiæ suæ, & in nos de honestamento] Annotanda

(a) Lib. 6. (b) Tacit. 12. *Annal.* 36.

(c) *Vellej. Patercul. 2. hist. Plutarch. Pompej.*

(d) *Sallust. Jugurtha.* (e) *Tac 12. annal.* 36.

(f) *Tac 3. hist.* (g) *Liv.* (h) *Cominæus.*

(i) *Guicciard. Comin. Corius in hist. Mediol.*

(k) *Mich Bander. in Vita Card. d' Amboise.*

notanda loca parallela. Infra hoc libro (*) inopi quantò longiorem vitam, tanto plus supplicii fore. & eodem libro Caractacus : (†) supplicium mei oblivio sequetur. at si incolumem servaverit, æternum exemplar clementiæ ero. Libro xiv. annal. (‡) Quin in insula publicatis bonis, quo longius fontem vitam traxisset, eo privatim miserior, & publicæ clementiæ maximum exemplum futurum.

CAP. XV.

NEc fuit in arduo societas, potentiam Romanam adversus rebellem Mithridatem ostendantibus] Etiam federa humanarum rerum incertam, atque ancipitem condicionem produnt: Cum longe distitis inita vix unquam in tempore auxilia nobis transmittunt. (a) proximorum (illorum maxime, qui potentia prævalent) sæpe insidiosa est, & periculi plena amicitia. Infirmis & impotentibus jungi neutris salutem, sæpe utrisque perniciem attulit. Nimirum hi tales tantum

— *quarunt*

Cum qua gente cadant. (b)

Nihil

(*) Cap. 20. (†) Cap. 37. (‡) 14. annal. 48.

(a) Itali significanter dicunt: l'agua lontana non mai spegne fuoco vicino. (b) Lucan. vi. 111. Pharsal.

Nihil olim profuit federatis Belgis Matthiam Archiducem, & Franciscum Alenconium suę causę patronos & vindices adscivisse: quorum ille juvenili imprudentiâ contemptum, hic dominationem affectans odium rerulerunt. Fridericus Palatinus neque Bohemos in libertatem asseruit; & ipse suum quoque patrimonium infelici causę impendit. Major Batavorum, ac Sociorum felicitas fuit, Gallos Britannos, Germanos, parē Hispanæ potentiam, communi metu junctos in armorum ac Consiliorum societatem traxisse. Uti autem miserorum ac debiliū infructuosa atque inutilis amicitia est; ita contra validiorum societate atterimur. (a) adversarum rerum ex æquo Socii, in secundis minores sumus. (b) Victorię fructus illi colligunt: discrimen ac pericula ex æquo utrique partiuntur; quia ad leonini federis legem, semper potiori prædę ac præmiā cedunt: minoribus summa votorum est, perniciem evitasse. Quinimo sæpe potiores ciere bellum, irritare hostem, dein præcipitatā pace periculis ac casibus subtrahere se solent, infirmioribus in prædam & injurias relictis. Romani Sociorum sanguine externos

(a) Tacit. 1. hist. 12. (b) Tac. German. 36.

ternos populos, posthæc ipsos subjece-
runt. Venetorum cum Hispanis contra
Turcam contracta federa plures ob cau-
sas haut duraverunt; illam præcipue, quod
contra pactorum fidem potentiores capta
ex hoste loca sibi assererent. Veneti Flo-
rentinis contra Mastinum Scaligerum
iuncti, Tarvisium & Vicetiam hosti
adempta sibi servaverunt, exclusis sociis.

(a) Et alio tempore, cum iidem populi
cum Philippo Mediolani Duce bellum
gererent; facta subito pace Veneti Ber-
gomum & Brixiam sibi quæsiere Floren-
tinorum pecunia: qui tres milliones, &
quingenta millia Ducatorum in id bel-
lum impenderant; nullo tot sumptuum
pretio, nisi quod pauca castella bello
amissa, pace recuperabant. (b) Quibus ali-
qua nostrorum temporum gestorumque
notitia est, sat sciunt Oxensternium &
Suecos, quanquam paulo ante pugnam
Nordlingensem declinante armorum suo-
rum fama, tamen invitos valde ac prope
reluctantes in societatem ac sedus admi-
sisse Ludovicum Galliarum Regem. Etenim
secum reputabant, à se quæsitâ socio com-

G

munia

(a) *Macchiavel. 2. Hist. Florent.* (b) *Ma-
chiav. 4. Hist. Florent.*

146 NOTÆ POLITICÆ
munia fore. Quid communia? tot annorum labores solis Gallis defudatum iri. Elufuros vim Suecorum Romano Catholicos, Gallica protectione tutos. Neque sane vanus iste metus fuit. Statim in novæ amicitiae auctoramentum Philippurgum, & paulo post Colmaria, Selestadtum, Haguenoa, cæteraque Alsatiæ Urbes, quæ teneri à Suecis non poterant, in Gallorum jus ac ditionem concesserunt (a).

Illud præterea rerum civilium periti monent, pacem quidem cum iis, quos semper hostes habuimus, sed haut facile federa ineunda: & quod hinc proximum est, non fidendum eorum amicitiae & auxiliis, quibus nobiscum lites & controversiæ intercedunt.

De causis, ob quas facile diffiliant federa, alibi disserui, quantum satis est. (b)

C A P. XVII.

VT *belli potius jure caderent*] Non est satis idonea tot innocentium, & quibus tuto parci poterat, caesorum ratio (a).

Excidio

(a) Vide Galeat. Guald. 9. Hist. (b) Ad primum annal. Verb. post Antonium Tarentino &c.

(a) Vide Nostra ad 13. Annal. 41.

Excidio Uspensium metus cæteris injectus]
In bello externo excidio urbium, & sævitæ fama metus, inter arma civilia sæpius desperatio cæteris injicitur.

Nihil tutum raris, cum arma, munimenta, impediti vel eminentes loci, amnesque Turbes juxta perumperentur] Videtis Macchiae vellum primo dissertationū, capite XXIII.

Postquam prevaluit gentilis utilitas] Perditis socii rebus, & nulla nostra ope reparandis sejungere causam, & sibi consulere licet. Stulta fides est, quæ nec amicum servare potest, & teipsum pessumdat.

CAP. XVIII.

F*Rater Cotys proditor olim]* Historiam, quæ cum amissis Taciti libris perit, recitat ex Petro Patricio Carolus Scribanus in Institutione politico-Christiana (a).

CAP. XIX.

B*ellorum egregios fines, quoties ignoscendo transigatur]* Non generosum modo est, plenumque gloria parcere, & ignoscere delictis: sed & ad regnantis securitatem pertinet, Venia, quam Victoria, bella civilia

G 2

finire;

(a) Cap. 26. §. 7.

finire ; etiam post Victoriā poenitentia contentum, poenam remittere, pluraque vi majori , & temporū necessitatibus, quam hominum voluntati imputare. Quomodo Vespasianum, quanquam alio de argumento , in Senatu differuisse Tacitus (a) ait , de abolendo dolore, ira que, & priorum temporum necessitatibus : & Cerialis defectricium legionum mulcens animos ., *fata acta* dictitabat , quæ militum ducumque discordia , vel fraude hostium evenissent (b). Rationes hujus consilii prudenter tetigit apud Ammianum Marcellinum (c) Constantius Imperator ista ad milites Oratione : Arduos Vestræ gloriæ gradus , Alamannorum Reges & populi formidantes , per Oratores summissis cervicibus concessionem præteritorum poscunt & pacem : quam ut cunctator , & cautus, utiliumque monitor, tribui debere censeo , multa contemplans. Primo , ut Martis ambigua declinentur : dein ut auxiliatores pro adversariis adsciscamus ; quod pollicentur : tum autem, ut incruenti mitigemus ferociæ flatus , perniciosos sæpè provinciis : postremo, id reputantes, quod non ille hostis vincitur solus , qui cadit in acie , pondere armorum oppressus & virum,

(a) 4. *Hist.* 44. (b) 4. *Hist.* 72. (c) 14. *Hist.*

rium, sed multo tutius etiam tuba tacente, sub jugum mittitur voluntarius, qui sentit expertus, nec fortitudinem in rebelles, nec lenitatem in supplices animos deesse.

Quæ sententia cum illa, quæ apud Tacitum paulo post sequitur, congruit: quanta pervicacia in hostem tanta beneficentia adversus supplices utendum. Ista quidem speciosa sunt, & ab aphorismographis secura Orationis volubilitate jactata: neque tamen tutum semper fuit, conspirationes paucorum, aut plurium civili bello Vasaniam venia aut oblivione transmississe. Extant illorum Principum exempla, quibus clementia, & præteritorum abolitio non laudem modo, sed & securitatem peperit: sunt ex diverso, quibus *periculum ex misericordia* (a) coaluit; quique primi sceleris impunitate secundi audaciam fecerunt. Diversorum eventuum causas subtiliter rimanti distinctionibus quibusdam res commode explicari mihi videtur. Plurimum enim interest, qui sint illi qui puniunt, & qui puniuntur; quique ignoscunt, & quibus ignoscitur. Principibus ad quos potentia tanquam parentum hereditas ab intestato, vel adoptione, vel Testamento, aut Senatus populive suffragiis de-

fertur , præcipue postquam plurimorum annorum decursu radices egit, pluriumque liberorū munimentis innititur , tuto licuit, licetque clementia turbas civiles componere , & venia conjurationes conjuratosque prosequi. Etiam illorum liberis partitum legimus , qui imperium sibi rapuerant contra principem, vetusta successione aut legitima electione firmatum. Vix enim quisquam tanta væcordia est , qui post primi conatus infelicem successum denuo laceßere audeat principem longo quietoque imperio , benevolentia civium , & liberorum numero munitum, M. Antoninus Philosophus Imp. Faustinae uxori, hortanti ut in Avidii Cassii conscios vindicaret , rescripsit: Ego vero & ejus liberis parcā, & genero , & uxori. & ad Senatum in hæc verba: Filiis Avidii Cassii & genero & uxori veniam dabitis, & quid dico veniam? cum illi nihil fecerint. Vivant igitur securi, scientes sub Marco se vivere. Vivant in patrimonio parentum , pro parte donato: auro, argento, vestibus fruantur. Sint divites, sint securi, sint Vagi, & liberi, & per ora omnium ubique populorum. circumferant meæ , circumferant Vestræ pietatis exemplum. Imperatori non inmerito Senatus acclamavit: Bonum imperium nulla

vis lædit (a). Alia plane illorum condicio est, qui principatum scelere quæsitum in invitos, & odio flagrantés exercent. Neque enim imperium flagitio ademptum bonis artibus exerceri potest, aut subita modestiâ retineri (b). Vocat sane Florus (c) Sertorianum bellum Syllanæ proscriptiõis hæreditatem: neque negari potest, metum ac terrorem infirma potentiæ non minus atque caritatis Vincula esse: neque tamen eo magis dici debet, clementia tyrannidem servari. Infontibus innoxia consilia sunt: (d) at scelera sceleribus tuenda. Vim vis tuetur, intuto sane & fragili præsidio; sed tamen præsidio. Clementia, mansuetudo, offensarum venia, non sunt idoneum hujus principatus instrumentum. Qui enim extinctorum pulsorumve principum sanguinem attingunt, vel prioris reip. pars fuerunt, nullis beneficiis mansuescunt, & omne præmium infra libertatis præmium est. Ergo diffidentia pro munimento uti, delatoribus, custodia militati, castellis invisam omnibus dominationem vallare, metu obsequiû extorquere, hasta, sectore, carnifice, omni denique pœnarum

(a) *Vulcat. Gallien. in Avid. Cap.* (b) *Tacit. 1. Hist. 30. & 83.* (c) *Flor. Lib. 3.*
 (d) *Tacit. 11. Annal. 16.*

acerbitate contumaciam ulcisci, una quidem potentia salutisque tuenda; sed miserrima ratio est. Proxima huic illorum condicio, qui nullis malis artibus in juris subsidium vim accersere, & successionē suffragiisve delatum imperium armis asserere coacti sunt. His sane in reluctantes, ut jugum subeant, sæpe bello opus est: & quædam vi tractanda, quo cæteris quies sit: (a) Certum tamen est; istiusmodi principum administrationem perpetuis conspirationum, turbarumque civilium motibus, metu ac suspicionibus inquieta, eoque nomine infelicia plerunque esse. Quod Henrici VI. Angliæ Regis historia, à Francisco Bacono Verulamio summâ prudentia scripta, post alios egregie docet.

Post hoc primum regnantium discrimen, aliud illorum, qui regnantur, observandum est. Sunt enim qui inconsultis affectibus, iniquâ iracundiâ, levitate ingenii, malorum societate abrepti, alieno potius instinctu, quam suo consilio peccant: sunt excontrario, quibus mutatus Reip. status, amissa libertas, erepta dignitas altius animo insident, atque acerrimos recuperandi perdita stimulos ingerunt; nullis beneficiis

cicu-

(a) Tacit. 1. annal. 9.

cicurand. Ex quo fonte judicari debet, quare prudenter Augustus Livie suæ consilium secutus Cinnae ignoverit : (a) & quare Cæsar Dictator post ereptam patriæ libertatem Bruto & Cassio ignoscere minime debuerit. Potuit Hentricus IV. Gallia Rex nullo suo periculo Carolo Birono, homini stolidè feroci, & aliorum consiliis seducto veniam dare : & dedisset nisi ille inficiati criminis pervicacia supplicii necessitatem extorsisset. (b) Est præterea alia belli civilis, alia paucorum conjurationis ratio. Tutius enim promptiusque in paucos supplicio animadvertitur, quam plurium furor armis coercetur. Etiam justitiæ convenit, in bello multitudini parcere. In conspiratione omnium par crimen est : in bello paucorum. Hinc illud Taciti : Antiochus blandimentis adversus plebem, fraude in ducem, cum barbarorum copias dissociasset, Trofobore paucisque primoribus interfectis, cæteros clementia composuit. (c) Et illud : * Brigantes paucis qui arma cœptabant, interfectis, in reliquos data venia, resedere.

G 5

Quin.

(a) v. Dion Cass. lib. 55. Sen. lib. de Clement.

(b) Thuan. Petr. Matthæ. (c) Tac. 12. annal.

55. (*) Tac. 12. ann. 32.

Quinimo sæpe ducibus quoque eadem quæ multitudini impunitas proponitur, neque impunitas tantum sed & præmia: quod ad quartum decimum annalium (a) commodius docebitur. Etiam neçessario ducibus parcitur, quorum supplicio feroces populi alienari poterunt: quod Claudii Civilis exemplo Tacitus (b) & Stachaonis Asturiani Ammianus Marcellinus (c) docet.

Postremo illud quoque prætereundum non est, ubi redituri post victoriam furoris indicia adsunt (quod Carolo Magno in debellandis Saxonibus accidit) relinquendam quidem victis libertatem, agros, uxores, liberos; at detrahendam sceleri materiam (d); hoc est, demenda arma, munimenta, federa, quæque alia rebellionis fomenta esse poterunt.

His ita explicatis restat quasdam *æconomias* partes ac veluti munera explicare: quorum primum ac præcipuum in omnium injuriarum ac detrimementorum oblivione, & partium dissidentium reconciliationio-

(a) *Cap. 24* (b) *1. hist. 59.* (c) *20. histor.*
 (d) *Tac. 12. annal. 22.*

liatione consistit. Huic alia subserviunt. Tyrannorum acta, quæ quidem sine reip. pernicio servari possunt, minime rescindenda; magistratus ab illis creati conservandi; quæque ipsi promiserunt, à successoribus implenda sunt: quod Jo. Bodinus secundo de Republ. (a) explicat.

Privatorum contractus, fundorum alienationes, rerum dominia translata, omni, quod metus causa, restitutione cessante, rata firmaque esse oportet. Nam pacis causa quamvis injustos possessores eatenus tueri oportet, ut pristinis dominis aut ex ærario publico, aut, si id exhaustum fuerit, pecunia mutuo accepta satisfiat: Arati Sicyonii exemplo: cujus egregium factum Cicero secundo de officiis, Plutarchus in Arati vita, & ex illis in decretorum libris (b) Petrus Ærodius narrant. Quæ Reip. Quæstores, quæve privati tyrannis, eorumve jussu aliis solverunt, accepto ferenda, neque denuo repetenda sunt (c). Denique non est præcipitatis decretis, ac judiciis, quibus hostes, proditores, rei majesta-

G 6

tis

(a) Cap. 5. (b) Lib. 1. tit. 2. (c) v. Quintil. 5. Inst. 10. Bodin. 2. de Rep. 5. Hotoman. ill. quæst. 5. Matth. de Afflict. decis. Neap. 1. 19. C. 150.

tis pronunciantur partis adversæ duces, eorumque bona publicantur, honores, magistratus, præfecturæ in alios transferuntur, via ad pacem præcludenda : quod alibi quoque pluribus docebimus (a). Sufficient nunc ista spicilegia post elegantissimam Joan. Henrici Boecleri, amici nostri dissertationem, de Amnestia, notis in Vellejum subjunctam.

Operæ pretium erit ex Antonii Possevi-
ni, Medici Mantuani historia, quæ pauco-
rum in Germania manibus teritur, contra-
rias pro supplicio conjuratorum in Ludo-
vicum Principem, & contra supplicium,
orationes huc transcribere. Pro Clemen-
tia, & venia Franciscus de Cremis in hunc
sensum dixit : Scio, Senatores, si flagitii
immanitatem spectemus, quo Deos homi-
nesque pariter conjurati læsere, nullum
pœnæ genus, sed nec serviles cruciatus suf-
ficere : quo principis optimi injuriæ, uni-
versi populi indignationi satisfiat. Sed sæ-
pe à majoribus nostris dictum accepimus,
plus clementia quam rigore profici; & be-
neficio certius obsequium, quam commi-
nationibus parari. Simul nos sub eo prin-
cipe degimus, cui exosa sævitia, & pronus
sem-

(a) *Ad 14. annal. 24.*

semper ad pietatem animus est &c. Ita malorum remediis insistendum, ut cum vindicta securitas obveniat: quam amore non metu haberi, optimi morū eruditores tradidere. Maestabuntur quidem, qui nunc in custodia habentur: sed parentes, fratres, consanguinei, liberi, quorum intemerata in familiam principem fides agitarum scelus, non magis, quam vindictam & dolorem suum memorabunt. Nemo sui sanguinis adeo prodigus, ut crudelitatem, quā misericordiam malit, aut publicum exemplum privato luctui antehabeat. Hac vel atroci poena liberi, pudore sceleris, confusione acceptæ gratiæ, toto ævo & emendabuntur poenitentia, & vitam dono concessam acceptam dantibus referent. Credite, Patres Conscripti, vindictam è suis atrocem in modum sumptam contumelia non vacare; mansuetudinem etiam apud barbaros commendari. Alexander Macedo in suos sævitia usus id expertus est, quod rigor amari non possit. Augustus magnis animis condonatam conjurationis injuriam in bonum suum vertit; nullis securioribus incolumitatis suæ custodibus, quam quos servavisset. Nero non una conjuratione impetitus, ubi crudelitatem in priores exercuit, à posterioribus jugulatur.

Etiā

Etiam Bonifacius in Avogadros implacabilis, æternum Veronenſium odium, & vexationes expertus eſt. Animi enim etiam teſtamento legantur. abjectis ac ſordidis metus, quam beneficium æſtimatur: nobiles in pericula ſecuri, manſuetudine quam pœnis docentur. Hi ſeditiones ac conjurationes movent, proferunt, exequuntur: illi non vires, non aſtum, non audaciam habent, niſi impreſſa à validioribus & imperata. Sed & pœnâ culpæ æqualis ſancienda. quid vero crudius in convictos ſtatui par erat, ſi principis ſui ſanguine manus inquinaviſſent? an miſerrimis poſt vitam & facultates aliud ſupereſt, quo plectantur? Nunc Capitanei Dominique noſtri ſalus in tuto eſt. illi tantum delibera-
runt. quod quanquam deſciſcere ſit: eſt tamen, quo gravius offendere potuiſſent. Tot nobilium cladem civitas omnis toleratura eſt. Nec enim in condemnatos quicquàm ſtatui poteſt, quod univerſos non afficiat, amicitia, conſanguinitate. Et innoxii, optimeque de ſuo principe meriti non minus cæteris dolore plectuntur &c. Franciſcus de Ripa, veteri nobilitate, principum mores alibi quoque doctus, ſive ita ſentiret, ſive gratiam rigore quæreret, ita egit: Commendatam ſibi potentiorum in
miſe-

miseros semper clementiam fuisse : ita ta-
 men, ne indulgentia scelere, ne pietas fla-
 gitio exolverentur. Nam facinorum reos,
 ubi effugia desint, perpetuo misericordiam
 conclamare, quam adversus alios non ex-
 ercuerint. Si quibus benignitas rigori an-
 telata est expertos fuisse ita seculi sui mo-
 res ferre. nunc malignitate temporum be-
 nignitatem licentia, veniam temeritas inse-
 quitur. prorsus corruptos Italiae mores,
 effractam veteris disciplinae modestiam, ut
 mitis clemensque princeps pro secordi ac
 ignavo temnatur. Et in summa potentia
 deliberationem pro flagitio censexi. Jam
 vero cum pares inchoatis ac consummatis
 vitiis poenae inferantur; praesentes & futu-
 ros doceri, quid attentari; quid cogitari
 debeat. Frustra culpas averti, nisi occasio,
 causae, origo, timore arceantur. Raros
 pietate servatos, plures metu: & si severi-
 tas infracta fuerit, pariter & disciplinam
 negligi. Servandum eundem legum ac
 rerum ordinem, ut punito priori certum
 sit, nullam secuturo impunitatem fore,
 Clementiam Augusto perniciosam futu-
 ram fuisse, nisi nepotum; ac, quos adsci-
 verat, filiorum, & mutua æmulatione ser-
 vata, in longam senectam processisset. A-
 lexandrum Macedonem, ut moribus di-
 versum

versum, ita libidinibus distractum non diu eandem regulam tenuisse. Bonifacium cæde ac fuga traxisse vitam: sed ideo cæsum, quod non omnes & deprehensos & suspectos perdidisset. Nil saluti Principis civitati salubrius. hanc metu, pœnis, ac vigilantia tuendam, quanquam civium dispendio & cura. Eandem rationem publici, quæ totius corporis, esse. huic unum cordis, illi Domini salutem expedire. cætera mox adesse, libertatem, pacem, fas jusque gentium, &c. Desiderato principe incerta Senatus populique studia, dispares animos, in propriam miseriam ac perniciem properare. Nec præsentem principem minus futuro expedire: imo tutelam in futurum facere. Et quamvis clementiæ detur exemplum, id innocuos non tangere: reos parricidii promptiores flagitio, ut impunito reddi. At pœnas & vindictam in reos transire; sed cunctorum monitu: ne integri occasione corrumpantur. Nisi summa flagitia, proditio, seditio, conjuratio multentur, minora quoque contemni. Sed quanto longius à justitia & legibus transgressum est, tanto majori pœna in reos animadvertendum. At deliberatum solummodo, non item expletum scelus est. Sed non nisi providentia Numinis in

res patriæ. præcipuam tamen prudentiæ partem esse, curare ne, quæ corrigi nequeunt, admittantur. Quod si cuiquam in vitam Domini consulere ac deliberare licuerit; flagitia non casu aut impetu, sed cum præmeditatione fore. Ipsam cogitationem perdendi principis, occupandæ reip. evertendæ patriæ horrorem incutere, &c.

Zorfini victo nihil ereptum] Vide quæ ad xiv. dicemus. (a).

Ne triumpharetur, neve pœnas capite expenderet] Solitine sint Romani hostium duces triumphatos semper occidere? inquit libro tertio de jure pacis & belli (b) *Hugo Grotius*.

CAP. XX.

Scipii bellum avio itinere, importuno mari: ad hoc reges feroces, vagos populos, solum frugum egens: tum tadium ex mora, pericula ex properantia, &c.] Damnosum bellum est cum iis, qui non habent quod perdant (c).

Transi modo (est Scytharum Oratio ad Alexandrum Magnum) Tanaim: scies quam

(a) Cap. 24. (b) Cap. 1. §. 12. & cap. 11. §. 7.

(c) Guicciard. 5. hist.

quam late pateant, nunquam tamen consequêris Scythas. Paupertas nostra velocior erit, quam exercitus tuus, qui prædam tot nationum vehit. Rursus cum procul abesse nos credes, videbis in tuis castris. Eadem enim velocitate & sequimur & fugimus. Nos deserta & humano cultu vacua magis quam urbes & opulentos agros sequimur, &c. (a) Fuit igitur cætera Caroli Burgundi imprudentia dignum facinus, Helvetios, quorum opes omnes calcarium frænorumque exercitus Burgundici pretium non æquabant, ob unum pellibus ovillis onustum carrum ablatum bello petiisse (b). Necessario magis consilio, sed ingentibus difficultatibus involuto Philippus II. Hispaniæ Rex Maurorum Granatensium reliquiis bellum fecit (c): in quo absumptis ferro & fame xxx. Hispanis, menstrua ducentorum millium aureorum nummum impensa, duorum annorum continuatis laboribus nihil aliud profectum fuit, quam ut ferarum more in asperiorum montium latibulis degentes tanquam in Venatione perirent, aut si qui se dederent, inde extracti in campestria spargerentur (d).

Quanto

(a) *Q. Curt. 7. hist.* (b) *Comin. 5. comment. 1.*
 (c) *Anno 1570.* (d) *Io. Bapt. Hadrian. 21. hist.*

Quanto longiorem vitam, tanto plus supplicii fore.] Hunc locum citavi supra ad hunc librum (a).

Quanta pervicacia in hostem, tanta beneficentia adversus supplices utendum] Vide quæ ad præcedens caput scripsi.

CAP. XXII.

M *Ateriem sceleri detrahendam]* Immenſam ſcil. pecuniam, pernicioſorum in rempub. conſiliorum inſtrumentum (b).

CAP. XXIII.

V *T Senatoribus, Sc. res ſuas inviſere liceret]* Vti Iuris privati Interdicta Prætores olim proponebant (c): ita Politice quædam interdictis ſimilia habet, quibus arcana dominationis, & ſtatus publici ſecuritas continetur. Tale eſt, quod Tacitus notat (d) Auguſtum caſiſſe, ne Senatores aut Equites Romani illuſtres ingrederentur Alexandriam: & ſepoſuiſſe Ægyptum; ne fame urgeret Italiam, quiſquis eam provinciam, clauſtraque terræ ac maris

(a) Cap 14. (b) vid. Noſtra ad 11. annal. 1.

(c) De quibus eſt liber XLIII. Digefſtor.

(d) 2. Annal. 59.

maris insedisset (e). Huic affine est, quod idem Augustus edixit, ne quis Senator sine suo jussu extra Italiam peregrinaretur (a): & ante Augustum C. Cæsar Dictator, ne quis civis major xx. annis plus triennio continuo Italia abesset: neu quis Senatoris filius, aut comes Magistratus peregre proficisceretur (c). Itaque Galliæ Narbonensi specialiter indultum est, ut Senatoribus ejus provinciæ, non exquisita principis sententia, jure, quo Sicilia haberetur, res suas invisere liceret (d). Guilielmus Rufus Angliæ Rex vetuit se inconsulto insula exire. Quod Chinesibus quoque & Moschovitis in more est (e). Et non licuisse olim Episcopis, & jam à Pontifice vocatis sine Imperatorum Regumque permissione Romam, aliove proficisci, M. Antonius de Dominis Archiepiscopus Spalatenensis docet, sexto de Republ. Ecclesiastica (f).

Postremo Condæo nuper defuncto, ab Henrico IV. Rege crimini datum est, quod contra leges regni, sine regis venia

(a) Adde Tacit. 1. hist. 11. Clapmar. 3. de arcan. Freinshem. ad C. Curt. 4. 1. 30. (b) Dio Cass. 52. hist. (c) Suet. Cæs. (d) Tacit. hic. (e) Eoter. 5. della rag. di stat. 8. (f) Cap. 7. §. 104. & seqq.

nia Gallia exire ausus fuisset (a). Aliud huiusmodi Interdictorum exemplum est, ne procerum filiabus inconsulto principe nuptias contrahere liceat (b). Qua ratione nuptias Maximiliani Regis Romanorum cum Anna Britanniae Armoricae haerede contractas nullas esse iussit Galliae Rex; (†) & Iaquetam Intramontiam Sabaudiae Dux proscripsit, quod se in vito, Gaspari Colignio nupsisset (c). Aliud itē est, ne in libera civitate peregrina uxor; neve civis filiam potenti extero elocet. Nam & magna patrimonialia, opesque praecipuae isto modo ad exteros transeunt: & multi potentia affinium ad impotentiam abutuntur (d). Quin etiam in principatu inter arcana imperii numeratur, ne matrimoniis aliarum gentium, aliorumve rituum purpurati misceantur (e). Locros Dionysius Syracusanus subegit, ducta in uxorem filia praepotentis inter Locrenses viri (f). Haud postrema odiorum in Cosmum Medicem, tanquam plus

(a) Bentivogl. Relat. della fuga del Principe di Condé pag. 427.

(b) Boter. 5. della rag. di Stat. 7. (l) Bacon. hist. Henrici VII. Angliae Reg. (c) Ambign. hist. tom. 2. lib. 1. c. 1. Henr. Dav. 5. hist. (d) Ludov. Septal. 3. della rag di Stat. 13. (e) Nic. Burgund. 2. hist. Belg. (f) Aristot. 5. Polit. 7.

plus quam civilia agitantem, causa fuit, quod Claricen Vrsinam Laurentio filio desponsam vellet (a). Ludovicus XI. Gallix Rex nuptias Caroli fratris cum Maria Caroli Burgundiæ Ducis filia omni arte, studio, industria disturba it (b). Guilielmus Auriacus Philippo Regi, etiam ante Belgii motum, præter alias causas, ea quoque suspectus fuit, quod magnam Septentrionis partem affinitatibus complectebatur: siquidem Iuliana mater, miræ fœcunditatis matrona, ex liberis potissimum fœminis, quas plurimas genuit, centum circiter ac quinquaginta nepotes, posterisque numerabat (c): quod Christiernæ Lotharingæ filix nuptias, magnum potentix adjumentum affectabat (d): quod denique Annam Mauritiæ Saxonix Electoris filiam duxisset (e). Præterea licere sibi principes putant, vetare, ne subiecti extero militent. Quomodo Clemens VII. Pontifex pœna publicationis omnium bonorum proposita publice edixit, ne quis Vassallus Ecclesiæ apud peregrinos stipendia faceret

(a) Macchiav. 7. *histor. Flor.* (b) *Comin.* 3. *Comment.* 8. (c) *Strada dec.* 1. lib. 1.

(d) *Strada d. lib.* 1. *Bentivog. Relat. della province Vnit.* lib. 2. c. 2. (e) *Strada lib.* 3. *Bentivog. d. loc.*

ret (a). Postremo ad securitatem Principis maxime pertinet, ne castella, oppida, ditiones, venditione, aliove contractus genere in exteros abeant. Vicinos quoque ceteros vendita potentibus prædia cura & suspicionibus angunt; quas interdum bello depulsas legimus. Ita venditæ ab Ap-
pianis Io. Galeatio Vicecomiti Pisæ universæ Italiæ metum incusserunt (b). Sabio-
neta à Stiliani principe Hispânis vænum oblata non Mantuanos modo principes, quos ea res tangebat, sed Pontificem quo-
que male habuit (c). Florentini venditam à Gerardo Gambatorra Alphonso Araga-
nio Vallem Balnei armis statim repetie-
runt (d). Anguillara, Cervetrum, aliaque Romam iuxta Castella Ferdinando Nea-
polis Regi vendita Italiæ armis turbatæ causa fuerunt (e). Ioan. Franciscus Balnei Comes in bona paulo ante adempta ea conditione à Pontificè restitutus fuit, ne illa in potentem principem alienaret (f). Nu-
per Castrum à Barberinis fraude & vi affe-
ctatum plerosque Italiæ Principes in arma egit.

Ituræ-

(a) Guicciard. 19. hist. (b) Corint par. 4. hist. Mediol. (c) Possavin. 8. hist. Mantuan.

(d) Macchiav. 6. hist. Florent. (e) Guicciard. 1. hist. (f) vid. Victor. Sir. tom. 1. & 2.

*Ituræque & Iudæi, defunctis regibus So-
bemo atque Agrippa, provincia Syria additi]*
Vide quæ de horum regum, quos Romani
servitutis instrumenta habebant, conditio-
ne dicam ad librum xv. (a)

*More prisco ; quo iis qui protulere impe-
rium, etiam terminos urbis propagare datur.]*
Quomodo apud Turcas nulli Imperato-
rum novum condere templum licet, nisi
qui provincia ex hoste capta imperium au-
xerint. Sunt ista ambitionis stimuli.

CAP. XXV.

*S**uproejus illigatus]* Veneficia, stupra,
adulteria, potentiæ sive quærendæ si-
ve servandæ instrumenta interdum haberi
pluribus exemplis (b) ad tertium Anna-
lium docui : quibus addendum, quod Sue-
tonius (c) refert ; C. Caligulam, adhuc
privatum, Enniam Næviam Macronis,
qui tum prætorianis cohortibus præerat,
uxorem sollicitasse ad stuprum ; pollicitum
& matrimonium suum, si potitus imperio
fuisset. denique per hanc insinuatam Ma-
croni, veneno Tiberium perdidisse. A-
machildem Rosimunda Longobardorum
Regina stupro illigatum ad Alboini mari-
ti

(a) c. 25. (b) *Ad verba* : Nam vulgatum
erat, missam, &c. (c) *Calig* c. 12.

ti necem invitum traxit. Vetus illi cum Rosimundæ ancillâ consuetudo erat. Hæc Rosimunda ostentato præmio loco movet, & in ejus vicem intempestâ nocte, solitis Amachildi furti latebris succedit. Neque ille lasciviâ turgens, aut multo vino temulentus altius inquisivit. Ubi illuxit; manifestum facinus, nec aliud quam ex obsequio præsidium videt: quod in regis necem usque valuit. (*) Mompensariam Henrici Guisii sororem fœdissimo stupri flagitio Jac. Clementem, Monachum ad Henrici 111. Regis cædem induxisse constans, sed incertæ fidei rumor fuit. (†)

CAP. XXIX.

D*uturnitæ in superbiam mutans*] Vide notata ad librum X. (a)

Nec Claudius arma certantibus barbaris interposuit] Sive proferendi imperii incuriosus occasionem negligebat; seu mutuis cladibus atteri volebat, quos viribus exhaustos postea aggrediretur; seu denique scelus externum cum lætitia habendum ratus.

H

Tutum

(*) *Possevin. 1 hist. Mans. (1) Thuan. 96. hist. (a) Cap. 10.*

Tutum Vannio perfugium promittens, si pelleretur] Uti ante Maroboduo & Catualdæ fecerat Tiberius. (a)

Scripsit P. Atellio, legionem &c. pro ripâ componeret &c.] Inde nostrorum hominum axioma, ubi vicini bello se parant, nobis quoque arma induenda esse. (b)

Fama ditis regni &c.] Qui umbraticâ magis scientiâ, quam usu rerum edocti quærendæ reponendæque pecuniæ solertiam principibus adimunt, inter alia illo quoque argumento utuntur, quod ille opum suggestus aliorum cupiditatem irriter; & vel secretis conjurationibus, vel aperto bello causam dare soleat. Lycurgus propterea civibus suis auri & argenti usum omnem ademit, ne aut peregrinos imperii Lacedæmoniorum, aut Lacedæmonios imperii peregrinorum ulla cupiditas invaderet. (c) Hiero Syracusanus apud Xenophontem (d) tyrannos, quorum loculi prædationibus aucti turgent, suorum militum, custodumque insidiis maxime patere inquit: quod plus ex ærarii direptione, quam ex stipendio utilitatis sperent. Romanis Petronius Arbiter Romanus (e)

ava-

(a) 2. *Annal.* 63. (b) *V. Boter. G. della rag. distat.* 17. (c) *Bodin. G. de Rep.* 2. (d) *Xenoph. in Hieron. sive Tyranno.* (e) *Satyr.*

avaritiam bellorum causam objicit, his versibus:

— Si quis sinus abditus ultra,
Si qua foret tellus, quæ fulvum mitteret
aurum,
Hostis erat: satisque in tristia bella paratis
Quærebantur opes. —

Aurum & opes Tacitus (a) præcipuas bellorum causas vocat. Et idem Britanniam aurum & argentum ferre dixit; (b) *pre-
tium Victoriæ*. Ganhascus Caninefas Gallo-
rum maxime oram vastabat; non ignarus
dives & imbelles esse. (c) Ptolomæum Cyprî
Regem congestæ opes perdiderunt. (d)
Eandem Cyprum Selinus Turcarum Rex
Venetis ademit, insulæ fertilitate & opi-
bus incitatus. (e) Quid dicendum? nullæ-
ne opes in futuras pacis ac belli necessita-
tes parandæ? Sunt sane, sed illis Principi-
bus, qui prudentiâ, fortitudine, famâ cun-
ctis verendos se faciunt. Ignavi, imbelles,
cum gazâ suâ præda fiunt. (f) Qui non om-
nem pudorem decoxerunt, & occultius
grassantur, emptionem proponunt, pre-
tium offerunt; rapturi, quod non conce-
ditur.

H 2

ditur.

(a) 4. Hist. 74. (b) Agric. 12. (c) 11 An-
nal. 18. (d) Plutarch. Caton. min. Ann. Mar-
cellin. (e) Paruta 1. de bello Cypr. (f) Vide
Saredr. Symb. 69.

ditur. Interdum obæratīs possessoribus pecuniam mutuam obtrudunt; vel, quod eodem tendit, nomina, lites redimunt; vexandi prætextum, & spoliandi materiam. Quæ pignoris nomine semel traduntur, raro aut nunquam ad veterem dominum redeunt. (a) Carolo Burgundiæ Duci inter alias odiorum erga Ludovicum Galliæ Regem causas fuit, quod Ambianum, Abbatis villam, Sanquintinum, aliaque à Carolo VII. Rege oppignerata oppida reluisset. (b) Idem Sigismundo & Helvetiis iratus fuit, ob Brisacum & Suntgoviam, pignoris nexu solutam. (c) Sabaudia Ducis Nissam à Galliæ regibus pigneratam nunquam reddere voluerunt. (d) Superiori seculo Plombino Carolus Cæsar Cosmus Medices, & Genuenses inhiabant, securitatem Italiæ, impensarum necessitatem, & promptam mutuo dandæ pecuniæ voluntatem ostentantes. (e) Senas quoque idem Cosmus eadem creditarum Philippo Regi pecuniarum solertiâ sibi atque posteris quæsiuit. (f) Pinarolum nostra

memo-

(a) *Vid. Boter. 8. della rag. di stat. 10.*

(b) *Comin.* (c) *Comin. Gerhard. à Roo.*

(d) *Io. Bapt. Hadrian. 4. hist.* (e) *Hadrian. 6. 7. 10. & 12. hist.* (f) *Hadrian. (g) Capriat. hist.*

memoriâ Galli, tum Sedanum (*) principibus suis coactis emptionibus extorserunt: & Mombeligardo, paulo ante quam hæc scriberem, eadem insidiæ tendebantur.

Castellis sese defensare, bellumque ducere statuit] Ista debiliorum solertia est. Multa bella impetu valida per tædia & moras evanescunt. (‡)

CAP. XXX.

Subiectis suone an servi'ii ingenio. &c.] Confer similia loca libri secundi (A) undecimi (B) & duodecimi. (C)

CAP. XXXI.

*G*Narus primis eventibus metum aut fiduciam gigni] Nam prout prima cedunt, erunt universa: (a) & fama in novis cceptis validissima est. (b) nec magis ex inspectis cujusque in ortu syderibus tenorem vitæ præcinnunt conjectores, quam ex fortuna primum prodeuntis in aciem Imperatoris reliquæ cursum militiæ præsentiant hostes. Neque tamen satis est, e-

H 3 gregio

(*) *Victor. Sic. hist.* (‡) *Tac. 2. hist. 32.*

(A) *Cap. 2.* (B) *Cap. 16.* (C) *Cap. 29.*

(a) *Tac. Agric. 18.* (b) *Tac. 13. annal. 8. &*

15. annal. 59.

gregio facto famam & nomen quæſiſſe. Nam ut alia, ita fama ſeneſcit: quam ſubinde claro facinore reſuſcitare neceſſe eſt.

(a) In quem ſenſum à quodam (b) dictum eſt, aliâ victoria ad tuendam victoriam opus eſſe. Ita Hannibal Pœnus famam, quam apud Socios concitabat, non niſi triumphis ali poſſe norat; & admirationem ſui morituram, ſimul atque admiranda facere deſuiſſet. (c) Simile eſt quod apud Antonium Poſſevinum. (d) Carolus Gonzaga monet, Conſanguinitates, ut reliqua mortalia, ætate languere; & opus eſſe tranſeuntem caritatem novis conjugiiſ retinere. Neque eandem filiis ac nepotibus memoriâ pietatemq; in affines. quo recentiora vincula ſint, eo efficacius admonere.

Detrahere arma ſuſpectis] Et ſuſpectis arma, tanquam ſceleri materia, detrahenda: & rebelles armis mulctandi in pœnam, ſimul & cautionem. Quod reliquum eſt, de armis armorumque ſtudio, quæque inde ad rempub. bona malaque perveniant, prolixè diſſerui ad 1 v. annal. (e) & plura dicentur ad xv. (f)

Socie-

(a) Vid. Macchiav. 3. diſcurs. 34. (b) Fam. Strada dec. 2. lib. 3. hiſt. adde M. Cicer. in Ep. ad Q. fratrem. (c) Andr. Brunner. 2. annal. Bojor. (d) 8. Hiſt. Mantuan (e) Verb: plerunque inopes ac vagi. (f) Cap. 2.

Societatem nostram volentes accefferant] Ita plerunque evenit, ut à potentiore, & qui armis subiecti, & qui sœdere æquo, aut clientela socii sunt, tandem pari servitii iure habeantur (a).

Conscientia rebellionis, & obseptis effugitis multa & clara facinora fecere] De vi desperationis dixi ad 11. Annal. (b)

CAP. XXXII.

Cade Icenorum compositi, qui bellum inter & pacem dubitabant] Magni plerunque sunt magnæ Victoriæ fructus: & magna prælia magnæ mutationes subsequuntur. Præveniunt Victores amicorum poenitentiam (c): & oppressa cunctantium dubitatione, omnes in unum cedunt (d). Plerique mortalium inter initia incerti consiliorum, prima rerum, & fortunam partium quieti speculari (e) solent; promptius accessuri certis ac Victoriæ paratis, quam ante Victoriâ ancipitibus bellorû casibus, Quoties igitur inter bello decertantes est, qui neutrius partes sequatur, utriq; se æquè amicum professus: quic-

H 4

tum

(a) vid. Nostra ad 11. Annal. p. 243. & seqq.

(b) verb. aliud sibi reliquum, &c. (c) Tac. 6. annal. 44. (d) Tac. 6. annal. 43. (e) Tacit. 3. histor. 46. & 79.

tum, hostilibus factis laceßere, aut ad societatem vi compellere capitalis imprudentia est. Provinciæ Valonicæ inter federis cum Ordinibus Belgicis contra regem Philippum iñti reverentiam, & consilia cum rege in gratiam redeundi hærentes, dubitationem exuerunt, postquam ab Ordinum copiis hostiliter haberi cœperunt. (a) Nuper Tillius, capto Magdeburgo, & quadraginta millium exercitu ferox, cum Io. Georgium Saxonix Electorem insolentibus postulatis perterrefieri posse autumasset, simul ducto in ditionem Saxonicam exercitu, Electorem ad socianda sua cum Gustavo Rege arma compulit; versæ in deterius fortunæ Austriacæ initium (b).

Destinationis certum, ne nova moliretur, nisi prioribus firmatis] Custodienda suspecta (c): & dividendæ copix inter custodiam pacis & belli (d). neq; terga nudanda (e), aut occasione patefacienda sunt (f); Egregium documentum! quod post alios (g) notat, & veteris historiæ exemplis firmat

(a) *Fam. Strada. 2. histor. Belg.* (b) *P. Bapt. Burgus. 2. hist.* (c) *Tac. Agric. 18.* (d) *Incert. Panegy. Constantino dictus.* (e) *Tacit. 2. hist. 82.* (f) *Tacit. Agric. 14.* (g) *Scip. Amirat. 13. discurs. 4. & 18. cap. 6. Macchiav. 2. discurs. 1. Eoter. 2. della rag di stat. c. 6.*

mat optimus simul ac eruditissimus Freins-
hemius ad tertium historiarum Q. Curtii ;
(a) quibus ex recentiori addendum, quod
Belgæ federati tum maxime Hispanorum
res acciderunt, cum Alexander Farnesius,
ambitiosis Philippi Regis imperiis coactus
Henoticam in Gallia factionem translatis
eo præcipuis Belgii viribus juvit (b). Ve-
netos quoque reprehendit Guicciardinus
(c) quod nondum firmata sibi Patavii, Vi-
cetia, & Tarvisii possessione, odio erga
Alphonsum Aęstinum exercitum in ditio-
nem Ferrariensem duxerunt : qua expedi-
tione Pontificem & Gallos in se concitave-
rint. Ferdinandus, felicissimus Imperator
ultimum defunctus, suam ipse fortunam
evertit, dum nimia confidentia, aut Hispa-
norū importunitate sollicitatus vires spar-
git, in Italiam & Belgium dimissis copiis,
quæ Germanos domitos ut parerent, non-
dum ut servirent, continere debebant (d).

(a) Cap. 1. num. 19. (b) Dayil. 11. hist. Ben-
tirol. Relat de Belz sed lib. 2. cap. 9. (c) Lib. 8.
hist. (d) Henr. Dux Rohan. del' intérêt des Prin-
ces. par. 2. c. 6. Silhon Minist. d'estat. par. 1. lib. 1.
cap. 9.

Paucis qui arma cœptabant, interfectis, in reliquos data venia, resedere] Hic locus relatus est supra ad caput XIX. hujus libri.

Colonia Camalodunum valida veterum manu deducitur in agros captivos, subsidium adversus rebelles, & imbuendis sociis ad officia legum] Inter alias novæ Principatus retinendi rationes haut postrema est coloniarum in devictos populos deductio; subsidium adversus rebelles, & imbuendis sociis ad officia legum. Reliquarum præcipuas Tacitus in Agricola (a) complexus est. Redacta paulatim, inquit, in formam provinciæ proxima pars Britannia. addita insuper veteranorum colonia. quædam civitates Cogiduno regi donatæ. Is ad nostram usque memoriam fidiſſimus mansit: vetere ac jam pridem recepta populi Romani consuetudine, ut haberet instrumenta servitutis & reges. Mox Didius Gallus parta à prioribus continuit; paucis admodum castellis in ulteriora promotis, &c. Vides munimenta novi principatus; coloniam, castella, reges instrumenta servitutis. Sed ista, in quibus perniciose plerumque erratur, distinctius tractari explicarique merentur. Igitur providendum est

novo

novò principi, ut subacti nuper populi, aut nolint excutere recens imperium, aut nequeant. Quod ad primum attinet, certum est, liberis populis, & unius dominationem nunquam expertis animam prius quam libertatis memoriam evelli. Vnde Macchiavellus (a) præter ruinam, & dissipationem civium nullum esse securum retinendæ liberæ civitatis modum asserit. Mitius alii humaniusque adhibuere remedium; transferendo reipubl. potestatem à plebe ad optimates. quomodo Tiberius è Campo comitia ad patres transtulit (b): & Artabanus Parthorum Rex in urbe Seleucia plebem primoribus tradidit, ex suo usu. Nam populi imperium juxta libertatem; paucorum dominatio regis libidini propior (c). Lysander Spartanorum Imperat. fractis Atheniensium viribus, ejectis ex omnibus civitatibus, qui rebus Atheniensium studuissent, decem delegit in unaquaque civitate, quibus summum imperium potestatemque omnium rerum committeret. Horum in numero nemo admittebatur, nisi qui aut ejus hospitio contineretur, aut se illius fore proprium

H 6 fide

(a) *Princ. c. 5.* (b) *Tac. 1. annal. 15.*

(c) *Tac. 6. annal. 42.*

fide confirmarat. Ita decemvīrali potestate in omnibus urbibus constituta, ipsius nutu omnia gerebantur (a). Eodem consilio superiori seculo Carolus V. Imp. Augustam Vindelicorum (b) aliasque Germaniæ liberas civitates (c) sibi asseruit; traducta ab opificum collegiis ad patricios republica. Cosmus Medices occupatis Caroli Cæsaris auspicio Senis, reip. à plebe ad xx. viros transtulit; quos Gallico nomini quam maxime infensos noverat (d). Ludovicus Mediolani Dux suspectum habens leve populi Florentini & inconstans ingenium, Io. Medicem cum fratre illius cervicibus imponere voluit (e). Leo X. tunc Cardinalis, occupata Florentia, à qua ipse cum optimatum factione exularat, omnem potentiam populo ablatam in L. viros suarum partium transcripsit (f). Clemens VII. Pontifex turbulentum Senensium & in factiones prouum ingenium Fabio Petrucio civitati imposito coherceri posse autumabat (g). Ludovicus XII. Galliæ Rex remp. Genuensem plebi mandatam populari seditione amisit (h). Nupera in Anglia & Scotia

(a) Corn. Nepos Iysandr. (b) Io. Bapt. Hadr. 7. hist. (c) Thuan. (d) Hadrian. 13. histor. (e) Guicciard. 4. hist. (f) Guicciard. 11. hist. (g) Guicc. 15. (h) Guicc. 7.

Scotia (quidni rebuspubl. connumerem
regua libertati proxima?) certamina, quo-
rum exitum adhuc fata in obscuro tenent,
de restituendis pellendisve episcopis, reli-
gionis prætextu status publici arcana tan-
gebant. Nam servari episcopos à rege pro-
motos, & quorum in regni comitiis maxi-
ma erat auctoritas, ideoque regiæ potesta-
tis propugnatores ac instrumenta, regis
maxime intererat. Ecclesiam lecto ex ple-
be & ministris collegio, quod presbyte-
rium appellant, regi, populari libertati a-
ptius erat. Ut non mirum sit, hinc Rege
pro dominatione, inde populo pro liber-
tate nitente, rem in funestum bellum, &
quæ alia bello atrociora sunt, exarsisse. In
Germania Imperatorium arcanum est,
ut i. virorum Electorum collegio insignes
præ cæteris principibus prærogativas tri-
buere; pleraque negotiorum cæteris ad-
empta his solis proponere, cum his solis
consultare, rerumque maximarum mo-
rmenta transigere: & in hunc finem raro
Imperii totius, sæpius Electorum comitia
indicere.

Verum enimvero uti legitimi Principes
plerunque paucis ex Nobilitate vel Opti-
matibus instrumentis potentia utuntur:
ita qui ex privatis civitatum suarum domi-
natio-

nationem affectant, contra optimates plebem fovere solent. Cujus diversitatis eâ ratio est, quod optimates opibus & honoribus, præfecturis atque administrationibus, aliisque præmiis illecti, facile principi accedunt: cui facilius est paucos quam omnes obligare. At tyranni nobilium præcipue spiritus aversos habent. unde in plebem vertere studia necesse est; satis gnaris, plus in primatibus irarum, minus virium: vulgus confusione, & tumultu, non consilio, non ratione, tantum arbitrio domini impelli: & annona, pace, præsentibus contentum, futuri negligens, mutationum causas minime exigere. His artibus C. Cæsar Dictator (a) & Augustus (b) Romæ, Nabis Lacedæmone, (c) Dumnorix apud Heduos (d) Cosmus Medices Florentiæ, (e) Azolinus Patavii, (f) Passerinus (g) & postea Ludovicus Gonzaga (h) Mantuæ, & Pandolfus Perrucius Senis (i) dominationem in volentem plebem, & frustra obnitentem nobilitatem, arripuerunt.

Inter-

(a) Sueton. (b) Sueton. Dio Cass Tacit. (c) Liv.

(d) Cæsar. 1. Comment. de bello Gall. (e) Ioan. Bapt. Hadr. 10. Bapt. Cin. v. Forstn. Not. ad lib. 1. annal. (f) Jac. Cavac. lib. 3. hist. Cænob. S. Iustin.

(g) Possevin. 3. hist. Mant. (h) Possevin. 4. hist.

(i) Paul. Iov. Elog. lib.

Interdum non in republ. tantum, sed & in regno quoque contra tumidam, contumacem, & plus quam civilia agitantem Nobilitatem plebs necessario fovenda est. Quod in regno Neapolitano Hispaniæ Regem fecisse olim, hodieque facere novimus: In Lusitania non fecisse, nuper Bragantiæ Duci rapiendæ regni illius coronæ occasionem præbuit: in Catalonia post Nobilium oppressionem etiam tributorum acerbitate & militum hospitio in rabiem egisse, capitalis Comitum Olivarezii imprudentia fuit. Contrario plane & sane meliori consilio Galli nuperrime in eadem Catalonia optimatum statum cum populari miscuerunt: qua egregia arte plebem sibi devinxerunt contra turbulentas nobilium machinationes: quorum magna pars honorum, præmiorumque, quibus extra patriam Hispaniæ Regis beneficio gaudebant; cupidine, insolentis præterea plebis fastidio, Aulam Madritensem & vetus obsequium respiciebant. Pars hujus consilii erat, quod Ludovicus Rex Ludovicum Roccafortium, ex primaria Catalanorum nobilitate provinciæ præposuerat; captandæ benevolentiae; & indelebili odio ol. fratrem suspensio necatum, Hispanis infensum; caput præterea ducemque Michelettorum:

torum : quo nomine insignes fama & facinoribus prædones appellantur, qui infestis Catalaniæ claustris, perpetuis damnis Hispanos exercent. (a)

Et hæc de liberis populis, & qui plebis aut paucorum imperio regebantur, in officio à novo principe retinendis sufficiunt. At assuetis unius Imperio populis, & quibus incognita libertas est, domini mutatio facile toleratur. Et isto casu omnis in eo sita prudentia est, ut sub novo principe melius sibi esse intelligant subditi, quam sub priori (b). Quo pertinet, quod Tacitus (c) monet, clementiam novum imperium inchoantibus utilem esse: & alibi (d): quædam ex prioribus tributis diminuta, quo mitius imperium speraretur. Nullis incantamentis magis mitescunt populi, quam annonæ abundantia, pacis cura, & justitiæ incorrupta administratione. Etiam liberalitate & munificentia, si modus & prudentia adsit, novi principes benevolentiam efficacissime sibi conciliant; honoribus quoque & dignitatibus, quæcunque devictis tuto conferri possunt. Carolus Magnus Imp. Saxonum indomitum ingenium

(a) v. *Victor. Sir. hist. tom. 2. lib. 3. pag. 118.*

(b) *Quod Itali appellant interessar i sudditi nel nuovo governo.* (c) *4. Hist. 63.* (d) *2. Annal. 56.*

nium religione & episcopatibus institutis fregit. Scholis etiam atque juventutis educationi hic locus suus est. à nemine enim quam à magistris, & verbi divini præconibus homines reverentiam principis & obsequium fidelius discunt. Connubiis quoque veteres novosque cives jungere aptissimum caritatis vinculum est: quo in unam gentem, & eosdem mores coeant, utroque olim disjuncti. Romani linguæ Latinæ usum subiecti s injungere solebant, (a) Tyrannicum est, laxa disciplina, & morum solutione, luxuque interciperere atque corrumpere bellicam, & ignavo sævove principi suspectam virtutem. (b) Denique plurimum ad stabilimentum novi principatus valet, Principis præsentia: quæ venerationem quandam subditis imprimit; & improbas molitiones vel prævenit, vel disjicit: Aulæ quoq; lacinosus diffususque in multa impendia paratus plerosque tenuiorum civium ordines pascit, nutrit, ditat. Pleraque illorum, quæ diximus, complexus est Tacitus in Cn. Agricolæ soceri sui vita. Doctus, *inquit*, per aliena experimenta

(a) v. *Forst. Not. ad 2. annal. verb.* pleraque Latino sermone, &c.

(b) v. *Forst. Not. ad 1. annal. verb.* neque ipse abhorrebat talib. studiis.

rimenta, parum profici armis, si injuriæ se-
 querentur, causas bellorum statuit exscin-
 dere. à se suisque orsus, primum domum
 suam cohercuit, quod plerisque haut mi-
 nus arduum est, quam provinciam regere.
 nihil per liberos servosque publicæ rei:
 non studiis privatis, nec ex commendatio-
 ne aut precibus centurionum milites ascir-
 re, sed optimum quemque fidelissimum
 putare: omnia scire, non omnia exequi:
 parvis peccatis veniam, magnis severita-
 tem commodare: nec poena semper, sed
 sæpius poenitentia contentus esse: officii
 & administrationibus potius non peccatu-
 ros præficere, quam damnare cum peccas-
 sent: frumenti & tributorum aucionem
 æqualitate munerum mollire; circumci-
 sis, quæ in quæstum reperta, ipso tributo
 gravius tolerabantur. namque per ludi-
 brium assidere clausis horreis, & emere
 ultro frumenta, ac vendere pretio coge-
 bantur. devortia itinerum & longinquitas
 regionum indicebatur, ut civitates à pro-
 ximis hybernis in remota & avia defer-
 rent, donec quod omnibus in promptu
 erat, paucis luctuosum fieret, &c. Sequens
 hyems saluberrimis consiliis absumpta.
 namque ut homines dispersi ac rudes eo-
 que bello faciles, quieti & otio per volu-
 ptates

prates assuescerent; hortari privatim, adjuvare publice, ut templa, fora, domus extruerent; laudando promptos, & castigando segnes. ita honoris æmulatio pro necessitate erat. Iam vero principum filios liberalibus artibus erudire, & ingenia Britannorum studiis Gallorum anteferre: ut qui modo linguam Romanam abnuebant, eloquentiam concupiscerent. Inde etiam habitus nostri honor, & frequens toga: paulatimque discessum ad delinimenta vitiorum, porticus, & balnea, & conviviorum elegantiam: idque apud imperitos humanitas vocabatur, cum pars servitutis esset, &c.

Secundi generis cautiones, quæ in reluctantes, & ni cohibeantur, excusluros jagum valeant, sunt arma, munimenta, præsidia, coloniæ. Romani habebant instrumenta servitutis & reges. De singulis alibi dixi, & dicam, ubi occasio invitaverit. Coloniarum, quæ ad hunc proprie locum pertinent, institutum, uti summæ utilitatis omnes commendant, qui artes civilis scriptis tradiderunt; Nicolaus Macchiavel-
 lus, (a) Iustus Lipsius, primò de magnitudine Romana, (b) Carolus Sigonius secun-
 do

(a) *Princ. cap. 3.* (b) *cap. 6.*

do de antiquo jure Italiæ (a), Io. Boterus sexto & octavo politicorum, Chr. Besoldus libro de incrementis imperiorum, & nuperrime Henricus Dux Rohanus in libro de bello (b). Variam utilitatem ad ista capita revocare licet. Vrbs ipsa princeps, unde coloniæ deducebantur, superflua, & plerunque inopem, ideoque turbidam plebem, sentinam & facem populi, ut noxium sanguinem, emittebat. Vnde victus facilior, & rariores turbæ. Altera, quod coloni frequentabant, colebant, poliebant artibus loca, quo deducti erant. Tertia, quod continebant populos, quibus mixti degebant. Quarta, etiam finitimos, hostes, aut suspectos. Quo sensu Cicero (c) ait, Romanos idoneis locis colonias contra suspicionem periculi collocasse, ut non oppida Italiæ, sed propugnacula imperii esse viderentur. Et alibi (d) Narbonem Marcium speculam populi Romani & propugnaculum Gallis oppositum dixit. Quinta utilitas, quod isto modo milites veterani & emeriti præmiis afficiebantur. Nam agri sedes & honores dabantur; etiam pecunia ad instrumenta, jumenta & cæteras fundi necessitates.

Novi

(a) Cap. 2. (b) Cap. 20. (c) *Agrar. secund.*
 (d) *Orat. pro M. Fontejo.*

Novi principatus retinendi præcepta
 Macchiavellus quoque (a) tradidit; bona,
 mala, proba, improba, quædam ambigua,
 Ista variis distinctionum labyrinthis imple-
 xa, appposito schemate explicare operæ
 pretium duxi. Illū virum, ob summum
 ingenii acumen, & exactam civilium re-
 rum peritiam, ego olim magni æstimavi.
 At postquam in homine Numinis irreve-
 rentiam, religionis contemptum, & cum
 summa civilis disciplinæ peritia summam
 sacrarum rerum ignorantiam, & profanam
 immortalitatis, quam Christiani post de-
 positas mortales exuvias speramus, incu-
 riam; denique audacibus, præcipitibus,
 sceleratis, quæque alia regno conducunt,
 idem atque honestis consultis pretium
 animadverti; profecto non modo mul-
 tum mihi de pristina hominis æstimatione
 decessit: sed & haut secus ac cum homine
 à meo genio, moribusque alienissimo, cum
 sicario, cum insidiatore, cum veneficio,
 cum fera denique & noxia bestia, ingrata
 quidem, sed necessaria conversatione utor.
 Nimirum quod Sanctissimus Apostolus
Paulus dixit (b) eos, qui prava divitiarum
 cupiditate tenentur incidere in tentationes,
 & la-

(a) Princ. à cap. 2. usque ad 11. (b) 1. *Timoth.* 6.

& laqueum, & desideria stulta ac noxia, quæ demergunt homines in exitium: & quod ipse Servator ac Dominus noster, IESVS CHRISTVS (a); difficilimum esse divitem regno cœlorum potiri: idem de ambitione, & de potentiæ cupidine longe verissimum est. Tranquillo regno frui possunt, neque subsidaria scelerum cohorte, aut Macchiavelli sapientia indigent, qui successione majorum aut suffragiis electi volentibus imperant. At qui legitima potentia non contenti, olim statutos terminos movere, majorum suave pacta abrumperere, privilegia subditorum, tanquam regiæ libidini contraria, everrere; bella, tributa pro libitu; custodiam militarem, arces, præsidia, metum denique quam amorem civium, tutiora imperii munimenta credunt: ii sane vim vi tueri, & injuriam injuria, Deo & hominibus invisi necesse habent.

CAP.

(a) *Matth. 19. Marc. 10. Luc. 18.*

ne
un
ad
en
den
de in
go
oai
ren
is es
pua
oster
pau
ranq
ce; de
mance
e qua
num
reus
ni acc

C

. 19.

Handwritten title or header at the top of the page.



CAP. XXXIII.

Quem multa ambigua, multa prospera
extulerant] Vide Mea ad primum
annal. (a)

CAP. XXXVI.

VT ferme intuta sunt adversa] Vide
quæ supra eodem libro dicta. (b)

*At non Caractacus aut vultu demisso, aut
verbis misericordiam requirens]* Qualis ille
Pompejanarum partium dux apud Luca-
num Poëtam: (c)

*Victoris stetit ante pedes. servata precanti
Majestas, non fracta malis: interque priorem
Fortunam, casusque novos gerit omnia vultu
Sed ducis; Et veniam securo pectore poscit.*

CAP. XXXVII.

NEque dedignatus esses pluribus gen-
tibus imperitantem fœdere pacis accipe-
re] Quid agendum Principi qui à poten-
tiori armis appetitur, tractabo ad decimum
quintum. (d)

In hunc modum locutus est] Similem huic
orationem Nicolao Piccinino à Florenti-
nis

(a) Verb. Quadagesimum id stipendium &c.

(b) Cap. 14. (c) Lib. 4 (d) Cap. 29.

192 NOTÆ POLITICÆ
nis ditione exuto attribuit Macchiavellus
fine v. historiæ Florentinæ.

Æternum exemplar Clementiæ] Locus
relatus supra ad hunc librum. (a)

C A P. XXXVIII.

P *Rosperis ad id rebus ejus, mox ambiguus]*
Quod de principibus pridem notavi,
cum ætate senescere fortunam (b); idem de
belli ducibus observare licet. Caroli V.
gloriæ in Mediomaticibus funus ductum
fuit. Nuper Mauritius Nassovius, Belga-
rum federatorum Imperator ille fortis &
cautus, & perpetuo felix, concepto ex Bre-
dæ infausa obsidione (quæ illi extrema
expeditio fuit) mœrore extinctus fertur. (c)
Ioannem Bannerium, & Ottonem Ludo-
vicum Rhenigravium, illa duo Iovis Sue-
cici fulmina ad extremum fortuna desti-
tuit. Ambrosius Spinola obsidioni Casa-
lensi mente quoque captus immortalis
est.

C A P.

(a) Cap. 15. (b) Vide Maximum Heinsum
bij. Sylvæduc. lib. 1.

CAP. XXXIX.

VT quondam Sugambri excisi, & in Gallias trajecti forent, ita Silurum nomen penitus extinguendum] Explicavimus paulò ante novi principatus gerendi rationes, commodas, mites, humanas, & quæ subditorum commodis æque atque principis securitati consulant. Sunt aliæ immittes, asperæ, sævæ, & quæ cum omnium excidio unius salutem procurant. Has tyrannos pravâ injustæ dominationis libidine; necessitate & pro salute interdum bonos principes usurpare comperimus; excusatiùs hos, quàm illos, apud homines. nescio an apud Deum? & an tanti sit, imperare? Nobis noscere ista & cavere sufficit; annotare quoque, sine laude, sine vituperio: quorum rationes ambiguæ plerumque & obscuræ Deum justissimum olim iudicem habebunt. Neque enim huius vitæ secundi adversique successus propitii vel irati Numinis satis idoneum firmumque argumentum sunt. *Guilielmus Normanniæ Dux* Angliæ regnum Haraldo prædecessori in acie cæso abstulit. Dominandi cupiditatem bello causam fuisse, hominis mores priores regnò, &

posteriores comprobaverunt. at Haraldi injuriæ tanquam necessariæ ultioni prætextum præbuerunt. Regnum armis occupatum per vim tenuit. Deposito Stiganto Cantuariensi Episcopo, qui contumaciâ offenderat, obsides à proceribus regni accepit. Senatum domi ex Normannis constituit. Inde loca omnia munire, & præsidiiis firmare, maritimam oram classe tueri instituit: quatuor maximè arcibus diversis in locis constructis: queis veluti compedibus cuncti ab omni rerum novandarum studio continerentur. Ut ferociam populi otio mutaret, arma omnibus ademit. Conspirationibus appetitus, vindictæ simul ac securitati, illarum authoros supplicio affecit: reliquos aut perpetuis carceribus addixit, aut naso manibusque truncatos ostentui vivere jussit. Alios in exilium egit, bonis fisco adjudicatis. Statuit præterea, ut quisque paterfamilias, nocte ingruente, testis cineribus igne, cubitum iret. Civitates, oppida, cœnobîa, episcopatus immunitatibus exuit, quò carius easdem à se redimerent. Postremò ne quicquam non reip. tantum, sed nec privati juris dominiivè restaret, omnium prædiòrum solum se dominum professus, ea vel Normannis suis

suis distribuebat, vel imposito, quod
 quotannis penderetur, vestigali, anti-
 quis possessoribus reddebat. Leges tulit,
 ex usu principis, incommodas populo;
 Normannicâ linguâ scriptas: quas neque
 Galli, neque Angli satis intelligerent. Tri-
 buta sub varijs aucupandi vocabulis asper-
 rimè exegit; inter alia pro singulis boum
 jugis senos Anglicos solidos: & in singula
 jugera terræ, quæ hydas Angli vocant,
 tantundem. Non contentus fugâ illorum,
 qui procul Normannorum sævitiâ in ali-
 quo secreto vitam degere volebant; eos
 bello extinxit, vel retraxit. Cultissimam
 insulæ partem, triginta mille passus com-
 plexam, quò tutus ex Normanniâ appul-
 sus erat, in lustra ferarum redegit, com-
 planatis passim templis, domibus, eje-
 ctis colonis, & sublato omni humani con-
 sortii vestigio. Venatione ferarum omni-
 bus promiscuè interdixit. (a) Istâ morum
 ditirate tyranni nomen meruit Guilielmus,
 princeps alioqui animi magnitudine, rei
 militaris peritiâ, civili prudentiâ, etiam
 externo pietatis ac templorum cultu, &
 perpetuâ felicitate insignis. Sunt qui im-
 mitem animum in subditorum contuma-

(a) Polyd. Virgil. 9. hist. Angl.

ciam, & rebellionum frequentiam referant: (a) quæ plerunque etiam bonos principes efferare solent. Propitiori famâ haut pauca ex superioribus usurpavit Henricus VII. Angliæ Rex; idèò, credo, quòd severitatem clementiâ ut plurimum temperabat. Is quoque interfecto in prælio prædecessore Richardo ad regnum pervenit. Quo titulo magis gloriabatur, quàm nuptiis cum Elizabetha Eduardi Regis filiâ contractis: cujus prærogativæ adèò negligens erat, ut reginam non nisi biennio post coronari permiserit. Londinum post victoriam incruento itinere, & modesto cum exercitu accessit.

- Quinquaginta corporis custodes sibi legit, non tanquam diffideret, in tempus aliquod, sed velut pro regio decore perpetuos. Primo regni comitio procerum suffragiis hostium præcipuos condemnavit, ærario ex damnatorum bonis mirè locupletato. De cæterorum absolutione aut veniâ in Senatu tractari noluit; sibi gratiæ obligationem reservans. Restituit quoque qui sub Richardi regno exulabant. Et quanquam auri totâ vitâ cupidissimus, cujus ingentem copiam moriens reliquit; tamen (quæ plerunque potissima conventum

(a) *Vid. Boccalin. cent. 2. cap. 33.*

tuum istiusmodi materia est) nulla à po-
 pulo isto quidem in concilio tributa ora-
 vit; confiscationibus contentus: quarum
 tamen famam ut minueret, à civibus Lon-
 dinensibus mutuam pecuniam sumpsit.
 Episcopos Eliensem & Excestrensem, ho-
 mines fidos sibi, & secreti retinentissimos
 adscivit; sibi consilium, & cæteris custo-
 des. Inde Provincias suspectæ fidei adire,
 firmare suos, terrere adversarios, & ubi-
 que materiem sceleri detrahare. Pruden-
 tiæ Regis etiam fortuna famulata est; filio
 secundo regni anno nato; quò novi prin-
 cipatus firmitas continebatur. Istis consi-
 liis, & hac felicitate rex satis sibi provi-
 disse in futurum videbatur, ne quæ turbæ
 tranquillitatem publicam læderent. Sed
 præter ingenium regni per vim & arma
 quæsitæ, etiam avaritiâ plebem æquè ac
 procures Rex offendebar. Nimis quoque
 aperta odii professio erat in domum & fa-
 ctionem Eboracensem: quæ injurias & cu-
 pidinem ultionis verita, ex adverso in re-
 gem consilia struebat, quibus se suosque
 tueretur. Et cuncta Regis dicta factaque
 obscura, testæ, incerta suspiciones magis
 quàm securitatem animis hominum affe-
 rebant. Igitur Lovelli, & fratrum Staffor-
 diorum secessione primum cognovit, se

non amari. Sed facilè fuit nondum adultam conjurationem opprimere. Suffecerunt pars copiarum, & pro machinis bellicis fecialium vox, veniam redeuntibus ad obsequium promittentium. Lovellus à suis derelictus in Belgium profugit. Staffordiorum alter securi percussus, alter veniâ donatus severitatis æquè ac clementiæ exemplum fuêre. Successit alter Herculi nostro labor, pistoris filius, Lambertus Simnellus, pro Eduardo Plantageneta Comite Warvicensi, Ducis Clarentiæ filio, Eduardi Regii ex fratre nepote (qui quod magis mirêre, tum in vivis Turri Londinensi attinebatur) in scenam productus. Augebat periculum, quod fabulæ favebant Hyberni, & in ipsa Anglia Lincolnæ Comes, ipse quoque regii sanguinis, & ipsa Elizabethæ reginæ mater, & in Belgio Margaritha Caroli Audacis Burgundiæ Ducis Vidua, virili audaciâ, & femineâ malitiâ Hentico, quod Herculi aut *Æneæ* Juno, futura. Tot monstra prudentiâ magis quàm vi Rex domuit. Initium à socro factum, quam fraudis architectam monasterio inclusit, ademptis omnibus facultatibus. Verum Eduardum è carcere productum per urbis itinera, & templa populo ostentavit, quò famam in carcere strangulati

gulati (nam & id à quibusdam credebatur) & pistoris fallaciam simul refelleret. Secuta gratiæ veniæque oblatio, cunctis qui ad regem redirent. Provisum præterea in omnibus portubus, ne rebellibus, in Hyberniam vel Belgium elabendi, indeque turbandi commoditas esset. Neque tamen animo collapsi perduelles, cum exercitu Provinciam Eboracensem, quam regiæ causæ iniquam sibi accessuram arbitrabantur, ingressi sunt. Sed fama virtutis & felicitatis, Eboracenses in partibus Regis tenuit. Ergò ad prælium res devenit: quò victor Henricus, ferocissimi cæsi, Pseudo-Eduardus ipse captus fuit. Rebellium captivorum, aut qui ex pugna elapsi superfueraut, paucos Rex vitâ, plures numis multavit. Pistori Eduardo vitam concessit, non tam ut famam clementiæ captaret, quàm ut vivus fraudium testis documento populis esset, ne similibus fucis dolisque animum fidemque accommodarent. Ergò villissimis culinæ ministeriis addictum, elapsis aliquot annis inter falconum regionum curatores adlegit. Exercuit postea Regem Eboracensium rebellio, ob tributa Provinciæ extra ordinem indicta. Sed illa facili negotio sopita, ductis in contumaces copiis,

capto, & suspendio necato duce, ac reliquis veniâ pacatis. Quartum agonem Henrico paravit eadem, quæ ex pistoris filio formaverat Eduardum, Comitem Varviensem, Margaritha Burgundiæ Ducis vidua; subornato instructoque Petro quodam Hebræi baptizati filio, qui se Richardum Ducem Eboracensem, Eduardi I. V. Regis filium ferebat. Quamquam autem Richardum cum fratre à Richardo tyranno in turri Londinensi strangulatum etiam illius, qui jussu tyranni facinus patraverat, testimonio constare poterat; tamen quæ ex pistoribus Comites, ex recutitis Duces in spem regni faceret, ei quoque mortuos resuscitare suo jure licebat. Mirum dictu! fabulam tam absurdam, tamque nihil verisimile habentem præter Margaritam, Galliæ quoque ac Scotiæ Reges ornarunt, & pro se quisque consilio, autoritate, opibus instruxerunt. In ipsa quoque Angliâ præcipui procerum publicè vel in occulto favebant, plerique decepti, falsique, quidam & fallentes. Gallum tamen (is Carolus VI. erat) Henricus pace atque fedore, ad deferendam malam causam obstrinxit. Inde quò scrupulus omnis hominibus eximeretur, quæstiones instituit ex his, qui Richardum, quem se planus iste credi

credi volebat, in carcere necaverant: qui genus mortis & locum sepulturæ quoque edebant. Missi præterea in Belgium, & aliò, qui de genere, nomine, patria, peregrinationibus, consiliis, spe metuque Petri commentarios facerent: alii, qui simulatâ conscientiam adirent, fidem atque pericula pollicerentur: alii, qui apud præcipuos Petri consiliarios atque adjutores peticulosam audaciam, conatus infamiam, vilissimam nebulonis perditam causam, vicissim sapientissimi regis haut minùs formidandam vigilantiam quàm potentiam, denique poenitentibus veniam & præteritorum abolitionem secretis sermonibus insinuarent. Et quò exploratoribus istis Rex majorem apud hostes fidem, omni suspitione demptâ, conciliaret; in maximo Londini templo diris devotos perpetuo exilio, & omnium bonorum confiscatione multabat. Ita nihil Henrico incognitum erat. Consilia hostium, locos, prompta, occulta noverat; Præcipuum in eo momentum fuit, quòd Robertum Cliffordum, factionis columen ad suas partes traduxit: à quo deinde omnem ludicræ hujus scenæ apparatus penitissimè didicit. Inde severitas regis ad illos transit, quos in suo regno cum impostore vetita miscuisse

compererat ; puniendo sceleri : & minuendæ spei ; quam Petrus majorem in sociis consilii Anglis, quàm adjutoribus Belgis habebat. Capti plerique procerum. Multi capite levitatem animi, & sceleris societatem luerunt : è quibus Guilielmus Stanlejus, Cubiculi regii Magister fuit, reliquis venia data. Ne quid in Hybernia turbaretur, missi duces cum expedito milite, quibus ipse Gubernator parere jubebatur. Capti in provincia Kentensi, quo Petrus cum paucis navibus appulerat, omnes suspendio necati. Longum esset, cætera persequi ; iteratam rebellionem Cornubiorum : primam ob tributa : alteram Petri causæ innexam ; fugam Comitis Suffolcii ex regno : pugnam ad Londinum : qua bis mille Cornubii cæsi, xiv c. i. capti, duces capite truncati, aut patibulo affixi ; omnes captivorum facultates capientibus addictæ. Secuta est alia pugna ; quâ fugatus Petrus, inde asylo, in quod confugerat, extractus, dein turri Londinensi clausus ; cum fugam moliretur tandem longa litera factus finem longæ fabulæ fecit. (a)

CAP.

(a) Polydor. Virgil. 26. hist. Anglic. Fr. Bacon. hist. Henr. vii. His jungenda sunt, quæ aliàs de seditionum rebellionumque compefcendarum rationibus commentatus sum.

CAP. XL.

A *Tunc illo argente audita, ut major laus compositis, vel, si duravissent, venia justior tribueretur*] Prudenter. Nemo enim fortunam in manu habet. Nemo igitur in se recipere debet, quæ ex incertis evenibus pendent. Quod illi bellorum dares faciunt, qui à dominis tot millia militum, tantum argenti, tantum tormentorum, instrumentique bellici flagitantes, definiti temporis spacio victorias finemque belli improvidè promittunt.

Didius senectâ gravis, & multa copiâ honorum per ministros agere.] Juvenili sanguini & ardori convenit letari ancipitibus, occurrere periculis, in acie & prælio & in hominum oculis perpetuo versari, famam acquirere, & præclaris factis augere. At senectute graves, & multa copiâ honorum è cubiculo & lectulo iubere, quod opus sit, & per ministros agere suo jure possunt.

CAP. XLI.

A *dditum ejus nomine donativum*] Nota. ludi, congiarium, donativum acquirendis populi studiis. (a)

I 6

Remors

(a) V. Lipsum 2. de magn. Rom. c. 10. & seqq.

Remoti fictis causis, & alii per speciem bonoris] Istud flagitiosum sophisma alibi (a) à me notatum fuit. Hic novercales Agrippinæ artes observandæ, quibus Neronem ad studia populi & militum produxit. Virilis toga maturata : princeps juventutis appellatus : additum ejus nomine, militi donativum, congiarium plebi. Ludis Britannicus puerili habitu, Nero triumphali veste & decore imperatorio transvectus. Remoti, qui Britannici sortem miserabantur, & incorruptâ in eum fide erant; ac custodiæ ejus à noverca dati impositi. Prætorianas cohortes suas fecit, præside à se dato, gnaro, cujus sponte præficere-tur. Suum ubique fastigium extollebat, usurpatis contra morem, quæcunque feminæ venerationem augere poterant. Et ne in urbe tantum potentia ejus nosceretur, in Ubios deductâ coloniâ, Agrippinæ nomine ad nostram usq; ætatem celebrata.

Pravitas tam insensa docentium] Multum refert, quid à quo quis doceatur. Principis igitur interest & reipub. quomodo juvenes erudiantur. Joannem Andream Lampugnanum, Carolum Vicecomitem, & Hieronymum Olgiatum ad conspiracyonem contra Galeatium Mediolani

(a) *Ad 2. Annal. p. 231.*

lani Ducem impulit Nicolaus Mantuanus
latinas literas nobiles adolescentes Medio-
lani docens. Historiam recitat Macchia-
vellus septimo Historiæ Florentinæ.

Datosque à noverca custodiæ ejus imponit]

Non erat in carcere Britannicus; erat ta-
men plus quam captivus. Non igitur ab-
sonum fuerit, annotare hic cautiones cu-
stodiendis magnis hominibus necessarias.
Eæ sunt; eligere loca comitantibus in-
frequentia; cubicula clathris undique fer-
rata; minimum libertatis captivis permit-
tere; deambulationes rarò; equum & ve-
nationem nunquam: remove qui cor-
poris curæ familiariter adesse adsueve-
runt, & substituere alios ignotos: explo-
rare & excutere, quæcunque carceri infe-
runtur, etiam cibos: ne aliis cum rebus
ferramenta rumpendis ferris; funes alia-
que fugæ instrumenta apportentur: mu-
tare sæpius custodes, ne ulla corrumpen-
di veteres occasio suppetat. Carolo Bi-
ro in Bastilia detento cultelli sine cus-
pide, & custodes nullo cincti gladio dati: ne in-
domitæ ferociæ homo per ipsam suorum
custodum stragem è carcere erumperet.

(a) Fuerunt, qui fugam captivis suaderent,

ut

ut inde retractos morte, aut magno infortunio afficerent. Quomodo Sejanus subornabat, qui monerent Agrippinam, Germanici viduam, & Neronem filium, perfugere ad Germaniæ exercitus, vel celeberrimo foro effigiem Divi Augusti amplecti, populumque ac Senatum auxilio vocare. Eaque spreta ab illis, velut pararent, objiciebantur. (a) Similia superioribus annis de Armando Cardinali Richelio vulgabantur; Gastoni regis fratri & amicis insensum ambitionem & turbida consilia clam objecisse; atque, ut horum regi fidem faceret, per Josephum Capucinum, & Arnoldum 'Andillium benevolentiae obtentu incitasse Gastonem, honores, in Consilio regio locum, exercitus ducatum peteret. quibus artibus inductum regem Chalesium, Ornanum, præcipuos fratris ministros carcere, dein morte puniisse. Fratri quoque regio fugam ex regno persuasam. Famam quoque ferebat, Mariam, reginam matrem dum Compendii regis jussu attineretur, fraudulentis Mareschalli Estræi & Marchionis Vardeſi officiis ad fugam è regno impulsam. (b)

CAP.

(a) Tacit. 4. annal. 68. (b) Octav. Sir. tom. 2. hist. lib. 3.

CAP. XLII.

Distrabi cohortes, ambitu duorum: & si ab uno regerentur, intentiorem fore disciplinam] Falsum! Rex unicus esto. at à rege secundam potentiam addito collegâ cohercere tutius est. Præfecto prætorio similis est in Gallia Conestabilis potestas. Ea principibus sæpè exitiosa, tandem sublata fuit.

Quam imperatore genitam, sororem ejus qui rerum potitus sit, & conjugem & matrem fuisse, unicum ad hunc diem exemplum est] Haud ita pridem Margaritha Valesia rege genita, regum soror, regis uxor fuit. matris nomen impudici mores negaverunt.

CAP. XLIII.

Frugum quoque egestas, & ortae eo famemes &c.] Rem maximæ utilitatis hic tradam; difficilis annonæ curam & remedia. Immitti frugum egestatem, famemque à justissimo Deo castigandis mortalium peccatis sacris literis (a) docemur. Cui consequens est, primum ac præcipuum principum simul ac populi studium in eo poni debere, ut Numinis indignationem

(a) Hierem. 24. v. fin. Deut. 28. v. 53.

nem admissorum pœnitentiâ, precibus in publico & privato factis; jejniis præterea, & piis operibus, quas sanctissimo instituto Misericordiæ appellant, placent. Quo facto facilimum Deo est, vel subitâ uberrate sterilitatem corrigere, vel paucissimis panis fragmentis eam virtutem indere, quâ plura esurientium millia saturentur. (a) Concionatoribus quoque, & Ministris incumbit, egenis patientiam, medicis abstinentiam ac parsimoniam, opulentis liberalitatem & beneficentiam suadere. Post Dei Optimi Maximi providam humani generis curam, proxima vitæ sustentandæ ratio in agriculturæ studio consistit: cujus neglectu deficere alimoniam, & perire fame homines necesse est. Unde illa Taciti querela; olim ex Italiæ regionibus longinquas in provincias commeatibus portatos: neque suo tempore infecunditate laboratum: Sed Africam potius & Ægyptū (b) exerceri, navibusq; & casibus vitam populi Romani permitti. Cui similis est illa accusatio Romanorum, quam libris de re rustica præscripsit L. Columella. Agriculturæ laudes & encomia hic decantare superfluum est. fecit id nuper

(a) *Matth.* 6. & 14. &c. (b) *Tacit.* 12. *annal* 43.

per post innumeros alios elegantis & politici vir ingenii Ægydius Vandermylius initio libelli, quo ruris oblectationes cultissimo stylo descripsit. Satis est politico viro, necessitatem colendi agri scire, eamque omnibus injungendi artem, modos, præcepta tradere. Numa Rex suum cuique pago magistrum præposuit. Hi crebro fines pagorum obeuntes, bene maleque cultos agros in tabulis descriptos ad regem deferabant: qui laudando promptos, castigando segnes, omnes ad rem utilissimam omni studio, & labore prosequendam excitabat. (a) In quem finem sapientissimus VVurtembergiæ Dux Christophorus in singulis oppidistres aut quatuor inspectores (b) constituit, qui ubique curarent, ut prædia, agri, vineæ, horti diligenter colerentur. Neq; excitare atque hortari satis est. juvandi sunt consilio, ope, semente, jumentis, peculio, qui de suo satis instructi non sunt. Removenda, quæcunque cultui agrorum impedimento esse possunt; neque venationibus, quarum infano studio plurimi principes laborant, aliisve operis ab opere rustico agricolæ distrahendi sunt: danda potius opera, ut stivæ insudantes quam rarissimè civitates invisant:

(a) *Dionys. Halicarnass. 2.* (b) *Landstutzelr.*

visant : lites , & tribunalia , procuratores & scribas non minus , quam caupones & stabularios nesciant. Quo consilio nundinarum apud veteres Romanos conventus usurpatos notum est , ut nonis tantummodo diebus urbanæ res agerentur , reliquis administrarentur rusticæ. (a) Plures inter Pontificios præclaros novi viros , qui immensum festorum dierum numerum ut agriculturæ , & artificiiis , atque adeo reip. noxium minui optabant : & dividi sacros ac negotiosos dies : queis divina colerentur , & humana non impedirent. (b) Augustum Cæsarem impetus ceperat , frumentationes publicas (c) in perpetuum abolendi ; quod earum fiducia agrorum cultura cessaret. (d) Alliciendi immunitatibus , beneficiis , qui steriles & incultos agros primum subigendi laborem sibi sumunt : ut primo triennio vel nulla omnino tributa , nullas decimas , aut exiguam saltem publico pendant. Quò pertinent Imperatorum constitutiones , (e) quibus cavetur , ut , qui fertilia & sterilia loca ad remp. pertinentia permissim possident , non possint fertilibus

(a) *M. Varro lib. 2 de re rust.* (b) *Tacit. 13. ann.* (c) *De quibus Lips. 2. de magn. Rom. 10.* (d) *Sueton. August.* (e) *Sub tit. Cod. Justin. de omn. agr. desert.*

bus retentis, sterilia deferere: ut non possit heres scriptus ex prædiis hæreditariis fertilia retinere, abjectis sterilibus: ut prædia deserta colere volenti à peræquatoribus sine reliquorum onere addicantur, excluso veteri domino præscriptione semestri: ut canon pro inculto fundo promissus, eo ad frugem meliorem postea redacto, minime augeatur; & quæ alia pro cultura desertorum fundorum sapientissime statuta sunt. Proxima superiori cura est in horreis & granariis reponere, quibus in fertilitatem sequentium annorum corrigas: Iosephi exemplo, qui speciali Numinis revelatione septem annorum sterilitatem edoctus tantum frugum in horreis condidit, qua non ab Ægyptiis tantum, sed & à vicinis populis famem depellere potuit. (a) Et quia in Iosephi mentionem incidimus, non omitti debet, quod de eo Philo Judæus (b) tradit; fruges cum manipulis condidisse, neque trituras, neque purgatas; quatuor de causis, quarum una est, ne tam cito vitiarentur, suo tegmine nudatæ: altera, ut rusticis trituran- tibus fruges & eventilantibus, singulis annis renovaretur pristinae copiae memoria: tertia, ne iniri posset frumenti numerus, neve

(a) *Genes. 41.* (b) *Philo lib. de Ioseph.*

neve animus colonos deficeret, solícite secum reputantes, non tam, quod restaret, quam quod absumptum esset. quarta, ut & jumentis stramen paleaque in pabulum servaretur. Scipio Amiratus^(a) milium & panicum, utpote corruptioni haut facile obnoxium in tenuiorum saltem alimoniam commodissime asservari ex Plinio observavit. Idem Amiratus alia recitat^(b) quæ panis loco tolerandæ fami faciunt: sed quæ sicco Italico Hispanicoque cœlo quam Septentrionis frigoribus magis conveniunt. Est quoque peculiaris ad servanda in longos annos frumenta, struendorum granariorum solertia, quam post alios docet Iul. Cæsar Bulengerus, & is, quem paulo ante nominavi, Vandermylius.^(d)

Tertia cautio est, non lēgibus tantum, sed pœnis cohercere pestilentissimum curculionum genus, dardanarios, pantapollas, pantometabolas, & seplasiarios, qui iniquissimis fraudibus, attentant, onerant, vexant, incendunt, excandefaciunt, flagellant, vastant annonam; cujus raritate lætantur, ubertate dolent. Horum dolos, fraudes, scelera, monopolia curatissimâ
diligen-

(a) 1. 2. discours. 3. (b) *Dictô locô.* (c) *Lib. de Vectigal. pop. Rom.* (d) *Cap. 28.*

AD CORN. TACIT. *Lib. XII.* 213
diligentia recenset Nicolaus Montandus
libro tertio Speculi Gallici : quæ si omnino
reprimi non possunt , saltem eatenus co-
hercenda sunt, ut in foro frumentario pri-
ma emendi facultas tenuioribus civibus
usque ad certam horam ; & post illos ne-
gotiatoribus permittatur. Quo pertinet
Francisci Mantuæ Ducis constitutio, ne cui,
quod ex agris suis non collegisset, plus
quàm usui familiæ suffecturum mercari
liceret. (a)

Quartò, cùm experientiâ comproba-
tum sit, avaros homines nullâ non modò
legum reverentiâ , sed nec ullo supplicio-
rum metu, undècunque lucri spes affulget,
eò per mare, per terras, per cruces & pa-
tibula vetito & audaci commercio fruges
transferre solere : idèò exploratores cu-
stodesque constituendi, qui ad omnes por-
tus, limitesque assidui legum annonaria-
rum temeratores observent, puniendos-
que Magistratibus deferant. Sancta quippe
severitas est, quæ paucorum sceleratorum
supplicio omnium vitam conservat. Pars
prudentiæ erit, Vestigialia frumenti ad ex-
teros exportandi in immensum augere, (b)

u,

(a) *Possevin. hist. Mant.* (b) *V. Betseld. Vita
& mort. consider. cap. 2.*

214 NOTÆ POLITICÆ
ut dispendio deterriti ab illicitâ negocia-
tione abstineant.

Quod si istis cautionibus ob iniquita-
tem temporum uti non licuerit, vel illæ
non profuerint: tum impendente famis &
penuriæ publicæ malo ad fortiora reme-
dia transeundum erit. Primum omnium
Curatores vel Præfecti annonæ consti-
tuendi sunt, quorum munus erit, omnia
procurare, quæ ad emptionem, transve-
ctionem, & distributionem annonæ perti-
nent. Hoc modo olim (a) Florentiæ cu-
ratores creati, quos Magistratum Abun-
dantiæ appellabant, cum amplissima pote-
state obligandi redditus publicos, bona &
personas civium, & erant isti ex opulentio-
ribus civibus, & mercaturæ deditis, qui a-
micitiis, opibus & fide cæteros omnes præ-
cellebant. Hi ex Germania & Belgio, ex
maris Ægæi insulis; & ab usque Africâ au-
nonam quærebant. (b) Proximum erit,
censum inire civium, (c) ut quantum a-
lendo populo conveniat, exakte sciri pos-
sit. Quod sanè difficile non erit, mensu-
ram cujusque loci reputantibus. Mombe-
ligardenses in menstruum alimentum mo-
dium

(a) Anno. 1538. (b) Io Bapt. Hadrian. 2. hist.
c) Vide le Miroir des François part. ult.

dium frumenti cuique civium attribuunt. Consultum præterea est, præmiis negotiatores allicere: verbi gratiâ, ut prima navis tantum ex publico, altera aliquanto minus, & sic deinceps reliquæ accipiant. Etiam Vestigialium immunitate donare ad tempus, & quamdiu fames urget, oportet eos, qui sine illâ id muneris pigrius obituri essent. Claudius Imp. negotiatoribus certa luera proposuit, suscepto in se damno, si cui quid per tempestates accidisset: & navæ mercaturæ causa fabricantibus magna commoda constituit. (a) Genuenses aliquando summa annonæ difficultate pressi triremes in mare milite instructas miserunt, quæ omnia navigia frugibus onerata à cursu instituto retractas Genuam deducerent. (b) Sed præcipua in parsimonia & distributione industria consistit. Quibusdam æquum visum est, omne frumentum, pretio ex publico soluto, in medium conferre, & inde pistum panem viritum vendere. Anno à nato Christo c. l. l. xxxv. i. i. Genuæ unciatim panis distributus fuit. (c) Tiberius sævitiam annonæ incusante plebe, statuit frumento pretium, quod daret emptor; binosque numos dixit de suo

(a) Sueton. Claud. (b) Io. Bapt. Hadrian, 2. hist. (c) Idem.

suo additurum negociatoribus in singulos modios. (a) Neque Civitatum tantum, sed & ruris, eorumque qui ruri degunt, ratio habenda est: iisque mutuo danda annona quæ cum aliquo fœnore restituatur. Illa quoque parsimoniæ non exigua pars est, si inutilia terræ pondera, validi mendicantes, quique otii sui rationem reddere nequeunt, alio amendantur. Quomodo Augustus Cæsar magna sterilitate, ac difficili remedio venalicias & lanistarum familias, peregrinosque omnes, exceptis medicis & præceptoribus, partemque servitorum urbe expulit. (b) Quod quidem in lanistis, & ejusmodi sortis hominibus reprehendi non debet: at homines nulla re, nisi egestate, publico graves, urbibus ejectos fame enecare à Domini nostri Jesu Christi mitissima philosophia longissimè dissidet. Imo alendi sunt aliena ope, qui sibi ipsis subvenire non possunt. Anno à nostri Servatoris ortu Cl. Is. L. Cosmus Medices aliquot pauperum millibus per omnes Florentinæ civitatis regiones complures menses annonam distribuit: infantibus quoque, qui à parentibus egestate coactis derelicti fuerant, in orphanotrophia

(a) Tacit. 2. annal. 87. (b) Sueton. Aug.

trophia receptis. (a) Idem anno c15. 13.
 LXI. repetitum; creatis officialibus, quibus à charitate nomen impositum erat. his ex publico pecunia assignata, quibus alimoniam pauperum provideretur: & statim horum in quatuor urbis regionibus ad loca destinata confluebant, quibus panis distribueretur: quorum numerus ad viginti usque quatuor millia quotidie ascendebar. Anno c15. 136. xxxiv. & sequenti meo precipue consilio cives Mombelgardenses inducti sunt, ut quotquot in civitate pauperes & egeni vel senio invalidi essent, in opulentiorum aedes distribuerentur: & quo exemplo cæteris præirent, ipse mihi tres alendos sumpsi. Aliud consilium est, famis tempore aucupia, venationes ac piscationes quæ jure gentium olim communia propria sibi hodie principes fecerunt, omnibus permittere. Denique ad mores emendandos æque atque numorum parsimoniam pertinet, ut cauponæ, lupanaria claudantur; conviviorum præterea sumtus, nuptiarum ac similium solemnitas apparatus lege prohibeantur: & quæ alia ad leges sumptuarias pertinent. (b)

Nec nunc infecunditate laboratur.] Vi-
 K de

(a) 10. Eapt. Hadrian. 8. hist. (b) Idem 17. hist.

Sed Africam potius & Ægyptum] Vide
Hentic. Valesium ad Ammiani Marcelli-
ni xxviii. (†)

CAP. XLIV.

A*Rmenios obtinebat opibus nostris*] Quod hodie dicerent; sub nostra protectione. & Tacitus alibi; (a) qui magnitudine nostra proteguntur.

Regnum senectâ patris detineri &c.] Nota discrimen. In electivo principatu senectutem principis fovere solent filii ac propinqui; haut ignari, illo mortuo se privatos esse: neque ex illius fortuna quicquam ad se pertinere, nisi quod eo vivo interceperint. Ex quo intelligi potest, quod de Galbæ principatu Tacitus primo historiarum ait: *Servorum manus subitis avidæ, & tanquam apud senem festinantes.* Istam prudentiam nemo Pontificum Romanorum proximis, quos usitato vocabulo *Papæ Nepotes* appellant, melius novit: quibus una cura plerunque est præcipites in mortem annos patruorum, quiete, medicamentis, voluptatum delinimentis, retinere, donec,

(*) *Verb*: at hercule nemo refert. &c.

(†) P. 351. (a) 4. Annal. 5.

nec, quæ tempus monet, provisa fuerint. Contra in successivo regno etiam filii habere quam expectare potentiam malunt. Inde regibus etiam filii timentur. (a) neque enim ullis parentum senium gravius est, quam qui regnum expectant. Quod efficaci, ut solet, eloquentiâ docet Trajanus Boccalinus. (b) Et generaliter, suspectus regnanti est, quisquis proximus imperio destinatur. (c) Agilulphus Longobardorum Rex Gundoaldum affinem popularitate gratum, dum alvum levat, sagitta ex insidiis configi jussit: non diu se regnaturum arbitratus, si quem alium regnare populus maluisset. facile pro eo, qui in omnium oculis atque sinu ferretur, etiam manus aliquid ausuras. Gundoaldum regem fore, simul atque rex esse voluisset. quem vero tantilli animi esse, ut, cum possit, nolit, miserrimam regni tutelam alienam modestiam esse. (d) Huic consequens est, quanquam Orbitas principis plerunque contemptui obnoxia; & non legiones, non classes, perinde firma imperii munimenta sint, quam numerus liberorum; (e) quamvis etiam prudentiæ

K 2

haut

(a) *Comin. 8. Comment. 13.* (b) *Cent. 1. ragguagl. 56.* (c) *Tacit.* (d) *Andre: Brunner. Annal. Bojor.* (e) *Tacit. 4. hist. 52.*

haut exigua pars sit , adoptione , testamento , vel aliter providere , *ne successor in incerto sit* , quo pravæ aliorum spes coherceantur : tamen haut rarum esse , ut vel ipsi spes suas anteeant , quibus suo tempore res tranquillæ obtingere possent ; aut in suspicionem incurrant nullo crimine noxii , nisi quod summæ spei proximi , atque imperio digni habiti fuerint. Ex suspicionibus mutuus metus confurgit : ex metu utrinque munimenta , subsidia , pecunia , amici comparantur : aut factiones aulam dividunt , veneficiis , conspirationibus , sceleribus in se invicem grassantes. Maxime tamen senes suspicionibus gravem animum gerunt. Quomodo Tiberius secum reputabat , extremam sibi senectam , & famâ magis quam vi stare res suas ; (a) & Hadrianus Imp. omnes , de quorum imperio ipse cogitaverat , quasi futuros Imperatores detestatus est. (b) Inde illud quoque senibus familiare est , quamvis labentem spiritum , & manifestam virium defectionem per dissimulationem occultare. Quod ille , quem modo dixi , Tiberius fecerat , quem jam corpus , jam vires , nondum dissimulatio deserebat. Idem animi rigor , sermone ac vultu intentus , quæsitâ interdum comitate

(a) Tacit. 6. *annal.* (b) *Spartian. Hadr.*

mitate, appropinquantem vitæ finem celebrabat. (a) Ludovicus XI. Galliaë Rex, cum apud ferrifodinas Chinonenses in Turonibus subito morbo correptus, clausis undique fenestris, aperire easdem à quibusdam familiarium prohibitus fuisset; statim ac meliuscule habuit, omnes à quibus fenstrarum accessu retentus fuerat, loco, honoribus, aula movit: quæcunque per ipsius ægritudinem acta fuerant, denuo apud se tractari voluit; Cardinalem Baluensem, quem totos XIV. annos carcere attinuerat, liberavit: exercitum lustravit, tributa acerbissime exegit; equitandi laborem plus quam vires permetterent, sustinuit. Maciem ac deformitatem ex morbo splendidis vestibus tegebat: in delinquentes severissime animadvertibat: creabat novos præfectos, veteribus remotis: legatos in omnes orbis partes dimittebat. Ex Britannia molossos, ex regno Neapolitano equos, ex Sicilia mulas, ex Africa leones, ex Dania Alcen & Reinigetos magna pecunia comparabat; omnia ista ut vivum & sanum, & corpore ac judicio valentem omnes crederent, neve cujusquam animum quicquam novandi turbandive cupido subiret. (b)

Suleimanus Turcarum Imperator luridi coloris vitium fūco induc̄toque genis purpurisso corrigere solebat, quoties exterorum principum Oratores admitteret: ut eum valentem & robustum credentes magis reformidarent. (a) Vivit adhuc in Germania princeps è præcipuis: qui tametsi ultimâ senectâ, quotidiano suillæ carnis, & sale conditæ usu validam stomachi constitutionem, & integras corporis vires simulat. Idem paucos ante annos, è domesticis nobilem ingentem lapidem ambulanti domino incommodum, è via submoven-tem, suo loco reponere jussit, quæsito, an se adeo decrepitum putaret, ut transilire exiguum silicem nequeat? Ex eodem fere fonte alius error promanat, quod quamquam senex, & tota vita turbis jactatus princeps non aliam opulentio-rem liberis hereditatem relinquere possit, quam sapientia & pace firmatum imperium; plures tamen fuisse compertum sit, qui longæ spei umbram sectantes, in exitu vitæ opera moliantur, quibus perficiendis vix vigentis ætate ac robore vita sufficeret: quin etiam haut raro odia, turbas, pericula in posteros juvenia & consiliis tanto oneri im-
pates

(a) *Bursbeq. Epist. Turc.*

pares transmittunt. Quo pertinet, quod Plutarchus in M. Crassi vita, & Appianus Alexandrinus primo Parthicorum referunt in hanc formam. Dejotarus Galatiæ Rex jam senex novam urbem moliebatur. Id intempestivum Crasso in Parthos eunti, & tum apud Dejotarum hospiti visum, de urbe hominem cogitare, quem cani ad tumultum juberent respicere. Igitur suaviter cavillatus, umbra te, credo, Dejotare, fefellit. longum negocium post horam duodecimam aggressus es. Rex remensus jocum, Et tu, Crasse, inquit, ad antelucanum opus post meridiem proficisceris. & occidente jam sole in Orientem properas. Uterque alteri verum dixit, debebant ambo robustæ ætatis curas senectutis reputatione omittere. Henricus IV. Galliæ Rex induciarum Belgicarum præcipuus auctor & promotor fuit, eam potissimum propter rationem, ut vicinos armis & bello exutos post se relinqueret moriturus. Et tamen idem Henricus paulo post prudentiam inconsulto amoris (si Guidoni Cardinali Bentivolio credimus) (a) postponens, octavo & quinquagesimo ætatis anno, relictis post se libetis, quorum major novem

K +

annos

(a) *Relat. de fug. Condai.*

annos nondum expleverat, unius mulieris causâ non Galliam modo suam, sed potiorrem Europæ partem ingentis belli motu concutiebat; nisi scelestâ manus magnam animam in alium orbem eiecisset.

Aliam ad spem trahere.] Siye succederet dolus adversus fratrem, siye non, rebus suis consulebat Pharasmanes. Nam illo casu, quamvis pessimo scelere, filio regnum, isto pericula, casus & fortasse mortem procurabat. Eodem consilio Ludovicus XI. Rex suadentibus ne Carolo Burgundo in Germanos bellum meditati inducias concederet, ne potentiâ invalesceret gravis Galliæ vicinus, imo concedi debere statuit, ut majori potentiæ collisus Carolus viribus & famâ minor ex bello rediret. (a) Paulus III. Pontifex Cosmo Medici Margarithæ Austriacæ nuptias, quas ipse Octavio Farnesio nepoti suo conciliare volebat, ambienti Victoriâ Farnesiam obtulit. (b) Philippus Hispaniæ Rex Antonio Borbonio Navarræ Regi, paternum regnum repetenti, Sardiniam promisit, nunquam daturus. (c) Ita aliam ad spem trahendo nostra alienæ cupiditati subtrahimus.

Simulata

(a) Comin. 4. comment. 1. (b) Hadrian. 2. hist. (c) Davila 2 hist.

Simulatâ adversus patrem discordiâ] O-
dia fingere solent homines, quo occultius
fallant. Nota est Zopyri historia, (a) Ca-
tharina Medicæa, quo maxime tempore
cum Philippo Hispaniæ rege inimicitias fin-
gebat, in Hugonotarum perniciem secre-
ta cum illo consilia coquebat. (b)

Primores Armeniorum ad res novas illicit]
Non præsentis tantum sæculi, sed antiquo-
rum etiâ temporum dehonestamentum
fuit aliorum principum ministros auro
corrumpere, atque illis subiectos popu-
los ad rebelliones illicere. Quæ res non
injusta modo est, sed & pessimi exempli,
quod in ipsum authorem sæpe recidit. Ve-
rum reges & principes sibi plerunque in-
dulgere solent, quæ in aliis tolerare non
possunt: neque juris æque publici, atque
privati est, ut quod quisque juris in alte-
rum statuerit, eodem ipse utatur. Nuper
tota prope Europa Belgarum ab Hispaniæ
Rege secessionem (quæ quibusdam pes-
simum, plerisque pulcherrimum facinus
videbatur) consiliis & armis sustinuit. (c)
Parum erat, quod Hispani flagitiosam con-
tra Henricos, tertium & quartum, Galliæ
Reges conspiracyonem, religionis prætex-

K 5

tu fo-

(a) *Iustin.* (b) *Vide Davil. 4. hist. bell. civil.*(c) *Boccalin. pietr. del. parag. 6, 4.*

tu foverunt. (a) etiam cum Hugonotis & Henrico Rohano ; Sabaudix Duce conciliatore , federa meditabantur. (b) & quantum aberat , quin Rupellas , hæreticorum arcem obsessam Hispanix Rex liberaret ? Quod flagitium appellant Galli , faciunt. Batavos olim , & nunc Catalanos , Lusitanos , Neapolitanos , de exemplo securi , contra Hispanos tuentur. Sed ut ista corrumpendæ fidei solertia scelere non caret , cum istam perfidiam in alterius perniciem emercamur ; ita fortassis veniam meretur , qui salutem & incolumitatem suam , alieni dedecoris securus , quovis modo tuetur. Quomodo Guilielmus Mantuæ Dux , multus erat in erogationibus erga illos , qui plurimum in aulis maximorum Principum poterant : (c) & Ludovicus XI. Gallix Rex , quos apud Britannix ducem , hostem suum (si hostis dici debet idem qui subditus) auctoritate valere sciebat , annuâ pecuniâ & honoribus sibi quæsit. (d) Et nemo opinor Cæsari , & Christianis principibus de servo corrupto actionem intentaverit , qui Ibraimum purpuratorum apud Suleiman-

num,

(a) *Thuan. Davil.* (b) *Le Duc de Rohan dans ses memoir.* (c) *Possévin. hist. Monferr. p. 89.*

(d) *Comin. 3. Comment. 11. vide Hieron. Cardan. proxenet. cap. 73.*

AD CORN. TACIT. Lib. XII. 227
num, principem donis emisse diceban-
tur, ut herum ab inferendo Christianis
bello in Persas averteret.

C A P. XLVI.

VT Hiberi obsidio decedant, expostulat.
*Ille propalam incerta, & sepius mol-
liora respondens, &c.*] Henricus Cardina-
lis Caetanus dicere solebat, eum; qui ne-
sciat negare, non posse regnare; & Joan-
nes Boterus in apophthegmatibus (a) asse-
rit, difficilimam esse artem sine offensâ de-
negandi, quæ petuntur. Quibusdam pla-
cuit, in alienum arbitrium rejicere, quæ
ipsi concedere nolebant. Ita Tiberius le-
gionibus Pannonicis per seditionem plura
flagitantibus, acturum apud Patres de po-
stulatis eorum respondit. misisse interim
filium, ut sine cunctatione concederet, quæ
statim tribui possent. cætera Senatui ser-
vanda. (b) Idem ad preces Libonis Drusi
respondit, Senatum rogaret. (c) Eodem
modo Henricus Rex Forcæum aliosque
pro capite Bironii deprecantes, juvare pe-
riclitantem in Senatu jussit. (d) Aliis saluti
fuit, distulisse rem, quæ sine periculo ne-
gari

K 6

(a) *Par. 1. lib. 1.* (b) *1. Annal. 25.*

(c) *2. Annal. 30.* (d) *Thuan.*

gari non poterat. Quod duobus illustribus exemplis in disquisitionibus politicis (a) docet vir Clarissimus Marcus Bôxhornius. Cujus prudentiæ pars est, dicere, nos legatos missuros, cum quibus de totâ re amplius agatur. Cum Pius IV. Pontifex, Hispaniæ Rex & Sabaudix Dux splendidâ legatione Carolum IX Gallix Regem ad decreta Concilii Tridentini recipienda, & armis extirpandam Hugonotarum hæresin exhortarentur, ingrati officii vim & effectum ita Carolus elusit, ut primum legatos apud Fontem bellaqueum, loco privato, & ab hominum frequentia remoto, admitteret, celebritati vitandæ, quæ famam & pondus negotio conciliabat. Tum dilatum variis artibus negotium ipso temporis spacio languebat. Ipsa quoque responsa obscura erant, ambigua, & quo verterentur, diversas interpretationes receptura. Tandem dimissi legati, addito, statim secuturos idoneos homines, qui Regis mentem Pontifici, & Principibus clarius adaperirent. (b) A Carolo IV. Imp. Scaliger Veronæ dominus petebat Solfarinum, Castilionum, Caprianam, Gonzagis possessa. Negari honeste non poterant, quæ divisim inter aulicos muneribus,

(a) Cap. II. § 43. (b) Davil. 3. hist.

bus, & quasi soluto pretio postulabantur. Ergo promissum è Germania diploma. Sed cum principum aulicorum longe ab Italiâ degentium conscientiam invocaret Scalliger, Cæsarique promissa objiceret; à nemine responsum. tantum ut bene, sic frustra sperare iussus est. (a) Alia eludendi desideria ratio est, negare aut protrahere admissionem eorum, quos ingrata nobis, & effectu difficilia postulatu-ros conjicimus. Philippus III. Hispaniarum Rex Victorium Amedeum Sabaudia Ducis filium, quem à patre pro Monferraten- si causa missum sciebat, Monferrati subsistere iussit, non admissum iri in conspectum protestatus, nisi patrem restitutus, quæ in ditione Monferraten- si occupaverat, mandatis paruisse sibi constitisset. (b) Cum Eumenes Rex, in quem alieniore animo Romani erant, Romam adventare diceretur, & Romani in regem nec ingrati videri, nec grati esse vellent; pudori suo SC. prætexuerunt, quod in hanc sententiam factum erat: Non placere Senatui, Regem Romam venire. Cumque accepissent, Eumenem Brundisium jam accessisse: Quæstorem ad eum miserunt, qui Senatus nomine

(a) *Possëvin. 4. hist. Mant.* (b) *Possëvin. hist. Monferrat. p. 273.*

mine quæreret, quid illi in Italiam accessio
esset: nam, nisi gravis causa urgeat, posse cū
illo itinere supersedere. Eumenes cum ex
hac denunciatione conjecturā de Senatus in
se animo fecisset, nulla se re indigere pro-
fessus, in regnum suum reversus est. (a) Non
ita facilē habuit Henricus III. Gallix Rex
Henricum Guisium. Illi Lutetiam adven-
tanti quo se seditiosæ plebi caput & ducem
ostentaret, Rex primo Pomponium Belleu-
ræum, mox Philibertū Guisciū, & Carolum
Benoësum obviam misit, qui ipsi denuncia-
rent, ne istis temporū suspicionibus ad aulā
veniret. consuleret quieti Urbis, & se prave
diffamantibus subtraheret. Et Belleuræus
quidē apud Sueffiones obviam Guisio fa-
ctus, mandata edidit: ad quæ ille vaga, incer-
ta, ambigua respondit. Vix abierat Belleu-
ræus, cū Guisius consensis equis cum septē
tantum comitibus, evestigio sequitur fugi-
tans regias vias, & per diverticula iter fa-
ciēs, ne in alios à rege ad semissos incideret.
Cæterum diversis itineribus magnū nume-
rū & nobilium, & veteranorū militū pluri-
bus diebus per diversas urbis portas Lute-
tiam ingressos, & in varia civitatis loca quo-
tutius laterent, dispersos præmiserat. Ista di-
ligentia Guiscium & Benoësum fefellit, qui
haut

(a) *V. Andr. Brunner. 3. annal. Bojor.*

haut prius quam ad S. Dionysii portā esset, Guisium obvium habuerunt. (a) Nuperrime Comes Olivaresius Flaminium Viscam, à Thoma Sabaudia prince ad uxorem & liberos ex aula Hispaniensi abducendos missum, quod neque tutum esset cōcedere, quæ peteret, neque honestum negare, conspectu suo & colloquio prohibuit. (b)

Alia cautio est, ad aliam spem trahere iniqua, aut intuta precantes, & alia, quam quæ petuntur, offerre. (c) quod Catharinæ Medicæ Gallia reginæ usu frequens erat. (d)

Est iterum aliud sophisma, competitorē importuno candidato suscitare. Quomodo nuper Urbanus VI. Papa Rinaldum Atestinū, Mutinę Ducis fratrem, etiā Imperatoris suffragio & favore nitentem à petitione Cardinalatus submovit, oblatā dignitate Friderico Hassiæ Lantgravio, & mox uni ex Comitibus Trautmansdorffii filiis. (e) Tandē illa quoque notissima recusare volentium ars est, quā velle simulant: at mox ingratas ac difficiles condiciones proponendo tot perplexitatib. negotium implicant, ut exitum sortiri nequeat. Quomodo Henricus III. Gallia Rex, cum invitus federi Catholico nomen suum accommodasset,

(a) *Davil. 9. hist.* (b) *Victor. Sir. tom. 2.* (c) *V. nostra S. ad c. 44.* (d) *Davil. 2 hist.* (e) *Victor. Sir.*

modasset, satis gnarus, quantum ex regiâ potestate peteretur, nullâ promptius remorâ federatorum ardorem sinit, quam duos *Ducatorum* *milliones* in belli impensam postulando. (*) Simili arte nuper Ferdinandus Imp. Carolus Britannia Regem sororii Palatini restitutionem urgentem (†); & Mutinæ Dux Urbanum VIII, Pontificem, transitum copiarum per illius ditionem postulantem, delusit. (†)

CAP. XLVII.

AC *primo Rhadamistus in amplexus.* &c.] Similis perfidiæ historia est, quam describit Macchiavellus singulari libro de cæde Vrsinorum. &c. Alias Bodinus narrat quinto de republica.

Mos est regibus &c.] Mores & ritus varios feriendi federa recensent Philippus Camerarius in horis subsecivis (a) & Christoph. Besoldus libro de federibus. (b) Quæ ad philologicas delicias magis quam ad politicam sobrietatem pertinent.

Visui tamen consuluit, ne coram interficerentur] Vide Freinsheimium ad tertium historiarum Q. Curtii. (c)

Quasi

(*) Davil. 6. hist. (†) Marc. Zuer. Boxhorn. hist. Bred. pag. 19. (†) Sir. (a) Cent. 2. cap. 78.

(b) Cap. 6. sect. 4. (c) 3. 12. 6.

Quasi jurisjurandi memor, non ferrum, non venenum &c.] Similia captiosæ pactorum interpretationis exempla referunt Albericus Gentilis secundo de jure belli. (*) Christ. Besoldus tractatu de federibus (†) & altero de Pace. (‡) Gregorius Richterus axiomatico politico quarto & septuagesimo.

CAP. XLVIII.

O *Mne scelus externum cum latitia habendum*] Quisque in suo regno summâ potestate gaudet: neque par in parem habet imperium.

— *rescindere nunquam*

Dis licet acta Deum. (a)

Neque igitur justum esse videtur, unum principem de alterius actibus, cognitionem, censuram, judicium sibi arrogare. Sua cujusque facta Deum judicem vindicemque habebunt. Aliud tamen dicendum erit, cum offensi alieno facto, nobis federe, aut clientelâ juncti sunt: ad quos tutandos, atque ab injuriâ vindicandos pacto & fide publicâ obstringimur. Ex quo judicandum est, non nisi cum flagitio connivere Quadratum potuisse, ut post socium

cium

(*) Cap. 4. (†) Cap. 7. sect. 3. (‡) Cap. 6. sect. 6. (a) Ovid. 14. Metam.

cium regem per summum scelus interfectum Armenia donum populi Romani ab interfectoris obtineretur. Item & aliud dicendum erit, ubi in externo scelere omnium principum causa agitur. Ita nuper in Anglia facinus, quo subditi de sui regis capite, inaudito antehac exemplo, non in acie, non per tumultum & seditionem, sed pro tribunali, judiciorum in morem mox funestâ carnificis manu decreverunt, à pluribus Europę principibus auditum, toleratum, comprobatū, multis miraculi instar fuit: qui nesciunt, plerisq; præcipuum justî & legitimi facti argumentum haberi, felicitatem: & quæ initio omnes detestabatur, mitigatâ temporum successu severitate judicari: tanquam non imptobaret divina justitia, quæ non confestim vibrato fulmine punit. Exitiosa conniventia! quæ, ni regum causam fortius reges defendant, exitu comprobabit, quæ Trajanus Boccalinus minime vanus vates prædixit. (a) Postremo tum quoq; jus humanæ societatis, & obligatio, quâ homo hominem juvare, defendere, tueri tenetur, omni jurisdictionis & imperiorum distinctione antiquior esse debet, cum manifesta est injuria, & oppressio etiam propriorum civium. Quo jure in Maxentium

(a) Cent. 2. ragguagl. 6.

xentium & Licinium Constantinus, in Per-
 fas alii Romanorum Imperatores arma ce-
 perunt, aut capere minati sunt, nisi vim à
 Christianis religionis nomine arcerent. (a)

Semina etiam odiorum jacienda] Vide quæ
 olim scripsi ad primum (b) & sextum (c) an-
 naliū: & quæ paulo ante notavi hoc eo-
 dē libro. (d) Spontaneā malitiā odia imme-
 rentibus populis maxime Christianis subji-
 cere, nunquā mihi probari poterit. An pro
 salute tuenda contra alios qui quietē nostrā
 sine causa laceſſunt, isto uti dolo liceat, si
 quæras, vereor, ut ſemper, & quovis modo.
 Scitum eſt, quod de Ludovico, quē Sanctū
 vocant, Gallię Rege, Joinvilla, & ex eo Hu-
 go Grotius refert in hunc ſenſū: Qui in ma-
 gno erant regis conſilio, ſæpe eum repre-
 hēdebāt, quod tātū laboris ſumeret ad pa-
 cē inter exteros reponendā. Mēdoſe eū fa-
 cere, quod nō eos bello collidi ſinerēt Re-
 ſpōdebat Rex, non recte eos loqui. Si, in-
 quit, principes & dynaſtæ vicini regni mei,
 viderēt me facile perpeti, ut bella inter ſe,
 gererēt, dicerēt inter ſe: Rex Francorū do-
 lo malo nos bellare patitur; atque inde,
 odium in me conciperent, & aliquando,
 me incurrarent: unde malum regno,
 meo,

(a) V. Grot. 2. de jur. bell. 25. §. 8. Alb. Gent. de jur. bell.
 lib. 1. c. 16. (b) V. Pompejū imagine pacis. (c) V.
 Conſiliis & aſtu res externas moliri. (d) Cap. 44.

„ meo evenire posset. præterea fieri posset,
 „ ut & Dei iram in me accerferem: cum
 „ dicat Deus, benedictos esse, qui ope-
 „ ram dant, ut ad pacem & concordiam
 „ revocentur discordantes.

Armeniam specie largitionis turbandis barbarorum animis prabuerint.] Simile est, quod turbandis plurium federatorum consiliis, & ferendis suspicionibus odiisque, obsidione aut armis pressi loca munita uni ex federatis, cæteris exclusis tradiderunt. Quomodo Galli Brixiam, Lignagum, Pescariam Episcopo Gurcensi, & Pro-regi Neapolitano, præteritis Venetis, qui loca ista etiam pecunia sibi emptæ volebant, reddiderunt: quo odiorum inter collegas semina jacerent. (a)

CAP. XLIX.

Conversatione scurrarum iners otium oblectaret] Vide Piccartum observationum decade xviii. cap. v. & vii.

Ne cæteri quoque ex Peligno conjectarentur, Helvidius Priscus cum legione mittitur] Dedecus & infamia ministerio unius contracta, successoris Virtute famaue reparanda est.

CAP.

(a) Guicciard. ii. hist.

C A P. L.

F*Ratremque Tiridatem deducere in regnum parat*] Vide Nostra ad xv. annalium. (*)

Parum provisi commentus] Vide Henricum Ducem Rohanum libro de bello, cap. xvi.

Truculentior quam antea, tanquam adversus defectores] Quo sensu Tacitus intolerantior servitutem iterum victis dixit. (†)

In tempore rebellaturos] Iniqua regnantum & misera condicio! dum tutelam sibi & praesidium parant armis, tributis, castellis, poenis; crescente civium odio omnis perit securitas.

C A P. LII.

Q*uasi finem principis per Chaldaeos scrutaretur*] Vide Notata ad ii. annal. (a)

Sc. atrox & irritum] Locus notatus ad xiii. annal.

Ordine Senatorio sponte cederent] Vide ad xi. (b)

C A P.

(*) Cap. 2. (†) 3. Annal. 45. (a) Verb: Juvenem improvidum &c. pag. 204. & seqq.

(b) Cap. 25.

CAP. LIII.

C*Rates publice agendas, quod Regibus
Arcadiæ ortus, veterrimam nobilitatem
usui publico postponeret, seque inter ministros
principis haberi sineret*] Eodem modo
Claudius assererat, Xenophontem medicum,
cujus scientiâ ipse utebatur, Hippocratis
familiâ oriundum: & nuper Cardinalis
Richelius Ludovico Crasso Rege ortum se ferebat.
Ineptiæ Genealogiarum! & eorum, qui illas
pertexunt adulatorio magis obsequio, quam veritatis studio.

Intra priorem paupertatem subsistere] Quod hodie de se credi vult, qui insulari
vafricie & Latiis artibus Galliæ illudit.

CAP. LIX.

C*uncta malefacta sibi impune ratus, tanta
potentiâ subnixo*] Etiam in aula manus
manum lavat: & minores potentiorum
favori innixi cuncta sibi impune rentur: &
isti suos ubique clientes honoribus, magistratibus,
opibus ac potentiâ ornantes sibi munimentum
ac præsidium parant. Ipsi quoque proceres,
penes quos præcipua potentia, mutuis officiis se
tuentur. Sophonius Tigellinus apud Galbam T. Vi-
nii

nii potentiâ defensus fuit, prætextentis servatam ab eo filiam. & haut dubie servaverat; non clementiâ, sed effugio in futurum. quia pessimus quisque diffidentiâ præsentium mutationem pavens adversus publicum odium privatam gratiam præparat: unde nulla innocentiae cura, sed vices impunitatis. (a) Ex quo fonte etiam promanarunt Cæsaris, Pompeji & Crassi, dein Augusti, Antonii & Lepidi pro tuendâ invicem potentiâ conspirationes: quibus gemina fuit, quam Annas Momorantius, Guisii & Antonius Borbonius Navarrae rex conflaverunt. (b) De Romano Africae Comite egregiam narrat historiam Ammianus Marcellinus, (c) qua docemur, quantum audeant homines aulicis amicitiiis turgidi. Aliam habet Franciscus Guicciardinus tertio historiarum de Entraguio, arcis Pisanae præfecto, qui Lignii auctoritate defensus, & ignavum regis ingenium contemnens cuncta illius jussa, minasque despiciebat, eludebatque. Aliam idem Guicciardinus quinto historiarum habet de Alexandro vi. Pontifice & Cæsare Borgia, qui omnes Ludovici xii. Regis federatos ac clientes audacter laceraverunt, amicorum

(a) Tac. 1. hist. 72. (b) Henr. Davila 2. hist.

(c) Ammian. Marcellin. 27. & 28. hist.

rum fiducia; quos in comitatu regis habebant; & satis gnari, intolerantes injuriarum Gallos, dum inferuntur; postquam illatæ sunt, plerunque negligere. Sed sæpe evenit (ut incertæ sunt & instabiles potentium res] ut vetustâ illice cadente, omnia circum arbuta prosternantur; & subruto muro hedera illi incumbens in humum procumbat: justo Dei judicio, qui in se omnem nostram spem atque fiduciam, non in hominibus collocari severissimâ lege sanxit. (a) Etiam observatum est, invidere plerunque Virtuti, etiam qui provexerant. Qui solam & nudam amabant, opibus & potentiâ circumfusam affligunt. Est præterea subtimida apud præcipuos procerum favoris dispensatio, & quædam veluti parsimonia: quo non in minimis sæpe, sed in maximis negotiis raro uti volunt: ne importunitate dominus offendatur, aut minima imputet ei, qui majora sperare posset. Ex qua ratione etiam fit, ut iidem proceres amicis ac clientibus inviti officia impertiantur, verentes, ne sibi suisque commodis locum præripiant. Postremo in eo saltem potentia apud principem reverenter exercenda est, ne nota illorum, quos provexerunt, flagitia imprudenti

(a) *Psalm. 62. 118. & 146. Jerem. 17.*

denti patrocínio tueantur. Quomodo apud Philippum I I I. Hispaniæ Regem Lermæ Dux, quanquam cludere arte, aut mollius interpretari Inojosæ Marchioni objecta posset; nè tamen publicâ invidiâ potentiam suam infringeret, eo flexit, ut multa agnosceret, quibusdam conniveret, nonnulla excusaret; cessura cum tempore odia sperans. (a)

Intempestivis remediis delicta accendebat] Minutuli homines precario imperio velut nani heroum cothurnis induti suo se pede moduloque metiri dediscunt: assumptisque ex muneris sui majestate superciliis auctoritatem, quam prudentiâ tue-
ri non possunt, munire sævitiâ volunt. Quod apposito Alberti Batavensis Archidiaconi, Legati pontificii, hominis acris ac præfervidi exemplo docet XI v. annalium Bojorum Andreas Brunnerus. (b)

Contemptu regentium minus coercitis odiis] Vide Nostra ad XI. annal. (c)

Damnatus flagitiorum, quæ duo deliquerant]. Facinorum, sive egregiorum, sive malorum societas cum potentiori inita, uni tantum utilitati vel exitio est. Nam illo-

L

rum

(a) Anton. Posserin. de bell. Monserr. pag. 47^o.

(b) Adde Nostr. ad XI. annal. c. 18 & 21.

(c) C. 16.

242 NOTÆ POLITICÆ
rum præmia validiori, horū supplicia mi-
nori in solidum cedunt. Punienda sint ma-
gistratuum delicta an conniventia trans-
mittenda dixi ad XI II. annal. (*)

C A P. LV.

Blandimentis adversus plebem, fraude in-
ducem &c.] Locus hic relatus est su-
pra ad hunc librum. (†)

C A P. LVII.

A Grippina trepidatione principis usas.]
Vid. Not. ad XI II. annal. (‡)

C A P. LIX.

Statilius Taurum opibus illustrem, hor-
tis ejus inbians, pervertit] Vid. Not.
ad XI. (A)

C A P. LX.

Cum Sempronii rogationibus equester
ordo in possessionem judiciorum locare-
tur] Vide quæ notavi ad XI. (a)

C A P.

(*) Cap. 30. (†) Cap. 19. (‡) Cap. 19.

(A) Cap. 1. (a) Cap. 22.

CAP. LXII.

QUando ea loca infiderent, quæ trans-
meantibus terræ marique ducibus exer-
citibusque, simul vehendo commeatu opportu-
na forent] De traductione copiarum milit-
tarium per alienas terras illud primo no-
tandum venit, eam jure gentium omnibus
deberi, qui nobis, & quibus nos hostes
non sumus. Quod noster olim amicus,
Hugo Grotius ὁ πρίνυ comprobavit secun-
do (a) & tertio (b) de jure pacis & belli.
Deinde & cautiones observandæ sunt, qui-
bus transeuntium insidias, traductionisque
damna evitamus. Nimirum, ut divisis
manibus transmittantur copiæ: ut inermes;
ut impensâ transeuntis is qui transitum
concedit, sibi præsidia idonea conducatur:
ut obsides dentur. &c. (c) Insignes illæ fue-
runt, quas ante hoc octennium Mutinæ
Dux Urbano VIII. Pontifici, transitum
per Mutinensem ditionem in agrum pe-
tenti in hunc modum præscripsit: Vt ante
sextum diem quam exercitus fines Muti-
nenses attingeret, Dux à Thadæo Barberi-
no, de adventu suo certior fieret: ut eâ-

L 2

dem

(a) Cap. 2. sect. 13. (b) Cap. 17. (c) Gro-
d. libro 2. cap. 2.

dem viâ, quâ primi, sequentes incederent : ne singulis diebus plures cc. equitibus, & cccc. peditibus traducerentur : ut in reditu eadem, quæ in transitu observarentur : ut maleficia damnaq; à milite illata resarcirẽtur, Exercitus ne citra quinq; millaria Mutinã aut Rhegium Lepidi appropinquaret : neve in oppidis mœnibus aut vallo munitis hospitaretur. Ductores Pontificii Commissarios Mutinenses reciperent, qui trans-euntes comitarentur, com meatibus pretia statuerent; & licentiæ militari obstarent. Dux pontibus struendis ligna, militi annonam, equis pabulum justo pretio præberet; haberetque eundem annonæ modum, quem largitus fuisset, nullo vectigali soluto, ex vicinis Pontificiis ditionibus petendi, distrahendique licentiam. Annonæ in diem statuti xxv. modii Ferratienses in x. milites : & xxv. pondo fœni in singula millena equorum. Præscriptum præterea, quantum itineris primo die, quantum secundo, & sic deinceps, exercitus emitteretur : & quibus in locis pernoctaret. Postremo conventum fuit, ut si quis ex Mutinensibus in militem deliquisset, is captus provinciali magistratui; & ubi versa vice miles Mutinensem offendisset, supremo exercitus Juridico puniendus tradere-tur.

tur. (*) Henricus IV. Galliarum Rex versabat animo & opere consilia, quæ toti Europæ novam faciem indutura credebantur. Habebat exercitum numero & robore formidandum. Huic transitum per agrum Luxemburgensem ab Alberto Archiduce Belgii Principe postulabat; non ut impetraturus, sed causam bello. Re in consilium vocata diversæ à Ludovico Velasco & Carolo Bucquaio sententiæ dictæ fuerunt: quas duabus Orationibus lectu dignis expressit Guido Cardinalis Bentivolius in Commentario de fuga Condæi.

CAP. LXIII.

Vnde primo *quaestiosi & opulenti*:] De causis magnitudinis urbium singularem libellum scripsit Jo. Boterus.

CAP. LXIV.

In præcipuo pavore Agrippina, vocem Claudii, quam temulentus fecerat.] Minæ nec nocent hosti, & vindictæ celerandæ occasionem patefaciunt. (a)

Perditâ prius Domitiâ Lepidâ mulieribus causis] Vide Notata ad XI. annal. (b)

L 3 Filio

(*) *Victor. Sic. hist. tom. 2. lib. 2.* (a) *Vid. Not. ad lib. 2. p. 250.* (b) *C. 19.*

Filio dare imperium, tolerare imperitantem nequibat] Matrum reginarum ingenium! (*)

CAP. LXV.

C*ertam sibi perniciem, seu Britannicus rerum seu Nero potiretur*] Nam illius matrem, Messalinam suis potissimum consiliis perdiderat: & Agrippinæ nuptiis præcipue adversatus fuerat.

Decus, pudorem, corpus cuncta regno viliora] Adulteria regni instrumentum. (A)

CAP. LXVI.

V*eneficii damnata, & diu inter instrumenta regni habita*] Ejusmodi Aulae instrumentum Romæ erat Baptista Vercellensis chirurgus, (†) & Florentiæ Blasius pharmacopœus. (‡)

CAP. LXVII.

S*pretâ presentium invidiâ*] Magna scelera incipiuntur cum periculo, peraguntur cum præmio: (a) neque laudantur

(*) *V. Omiss. ad 3. annal. p. 582. (A). V. Not. ad. c. 25. hujus libri. (†) Guicciard. 13. hist.*

(‡) *Hadrian. 2. hist. Veneficiorum insignium exempla notavi ad 13 annal. 15. (a) Tac. 12. ann. 67.*

tur, nisi peracta. (a) Quod supra quoque notavimus. (b) Et alibi itidem notatum à me fuit (c) offensiones magnorum hominum aut cœptandas minime esse, aut eo usque prosequendas, ut à nobis læsus nocere nequeat. Quo pertinet historia de Herennio Pontio, quam Livius refert nono historiarum, & Episcopi Omenis Oratio ad Carolum v. Imperatorem, de dimittendo Francisco Galliarum Rege, in prælio ad Ticinum capto: quam Guicciardinus habet sextodecimo historiæ: & quod Alexander Farnesius dicere solebat, ei qui gladium contra principem suum stringit, vaginam abjiciendam. (d) Simile est, quod hoc eodem libro (e) monuimus, ita subditos nostros habendos, ut offendere nos aut nolint, aut nequeant: & quod alii tradunt, aut non incipiendum bellum, aut ita gerendum, ut miles, arma, pecunia, annona, omnis denique belli nervus, plus quam opus sit, affluat, quod Itali dicunt, bellum facere magnum & breve. (f) Postremo Tacitus (g) universim affirmat, inter ancipitia deterrimum esse,

L 4

(a) Tac. (b) *Hoc libr. cap. 12.* (c) *Not. ad 2. annal. pag. 249.* (d) *Davil. 9. hist.* (e) *Cap. 32.*

(f) *Fare la guerra grossa & corta.* (g) *2. Hist. 41. adde Did. Sævdr. Symb. 85.*

esse, media sequi : quibus nec audemus satis, nec satis providemus. Præceptū bonis & malis facinoribus æque necessarium. Nero veneno tollendi fratris certus, & lenti sceleris impatiens, veneficam Locustam inculabat, quod dum rumorem respiceret, dum parat defensionem, securitatem negligeret. (a) Agrippina, quando convalescente Claudio extrema timebantur, *spretâ presentium invidiâ* rapido veneno semel conceptum scelus peragit. (b) Senatus Veneti celebratæ omnibus seculis prudentiæ labem aspersit, quod vitandis suspicionibus, & ne Turcarum Imperatorem irritarent, Cyprum insulam, & præcipuas ejus urbes, portusque munire nolissent. Quæ negligentia faciliorem tyranno insulæ occupationem fecit. (c) Franciscus Mantuæ Dux sæpe monitus, Trinum, & quæ alia in Sabaudiam versa oppida repentino excursu facile opprimerentur, præsidiis munire; cum non paruisset, *ne socero diffidere videretur*, se suaque insidiis & vi opportuna fecit. (d) Titus Vespasiani filius ad Galbam missus; ubi Corinthi de interitu Galbæ, & Otho-

nis ac

(a) Tac. 13. annal. 15. (b) Tac. hic. (c) Io. Bapt. Hadrian. 21. hist. (d) Pofferin. hist. bell. Monferr.

his ac Virellii bello, accepit, ad partem rediit, ita secum reputans: offensam haut dubiam Victoris: sed incertâ adhuc Victoriâ, & concedente in partes patre, filium excusatum. Sin Vespasianus temp. susciperet, obliviscendum offensarum de bello agitantibus. (a) In eundem sensum Cl. Civilis apud suos Batavos assererebat, ambiguum belli fortunam Vespasiano imputaturos; Victoriæ rationem non reddi. (b) Adulatoria est illa Panegyrici ad Constantinum libertas: sic quoque, cum viceris, redde rationem. (c) Cl. Civilis sententiam ille ex plebe Florentinâ Orator expressit, qui nunquam pudore affici Victorem dixit. (d) Cum Henticus III. Galliæ Rex, cui à Pontifice sacris interdictum erat, præsentem Hentico Navarro quereretur, sacris se arceri, quanquam totâ vitâ Romanam Ecclesiam omni studio ac religione coluisset: cum ex diverso Hispani Romanam impune diripuissent, & Pontificem ipsum captivum detinuissent; subjunxit Navarrus: at illi Victoriserant. Vincamus igitur; statim cen-

L 5

suræ

(a) Tac. 2. hist. 1. (b) Tac. 4. hist. 14.

(c) Incert. Paneg. Constantino dict. (d) Macchiav. 3. hist. Flor.

250 NOTE POLITICÆ
 turæ vinculis exsolvemur. Victi hæretici
 atque damnati moriemur. (*) Nuper Ca-
 rolus Emanuel Sabaudia Dux bello cum
 Hispanis irretitus scriptas à rege Mediola-
 num literas intercipere minime veritus est.
 Neque enim injuriæ rationem inter bello
 decertantes habendam, sed majorum æsti-
 matione obliviscendam esse. (†) Odoar-
 dus Parmæ Dux nuperrime defunctus ne-
 cessitatem sibi impositam agebat, recupe-
 randi Ducatus Castrensis, aut amittendi
 Parmensis. Illo occupato à censuris abso-
 lutionem, Papæ gratiam, decus, famam
 reddituram: sin fortuna abnuerit, cum Ca-
 stro Parmam, Placentiam, filios, hono-
 rem omnem amitti. (‡)

C A P. LXVIII.

A *Di us custodiis clauserat*] Locus rela-
 tus in notis ad primum annalium. (a)

C A P. LXIX.

Q *Ua offerebantur, secuti sunt*] Mos
 vulgi!

Testamentum haut recitatum] At Au-
 gusti

(*) Davil. 10. hist. (†) Possevin. hist. Monferr.
 (‡) Victor. Sir. tom. 2. lib. 3. (a) Verb: læti-
 que interdum nunciū vulgabantur. &c.


gusti Testamentum, quo itidem privignus heres instituebatur, in Senatu recitatum fuisse Tacitus. Annal. tradit. (a) Quo loco differentiae causam notavi.

(a) Cap. 8.



L 6

CHR.



CHRISTOPHORI
FORSTNERI,

Ad

C. CORNELII TACITI

Annalium librum tertium

decimum

NOTÆ POLITICÆ.

C A. P. I.

Segnīs & dominationibus aliis fasti-
ditus] Nota characteres Corne-
lianos. Despecta, & nullius ausi
capax natura: (a) socors inge-
nium: (b) segnis, pavidus, & socordia inno-
cens: (c) mitis & injuriam segniter laturus:
(d) segnis & dominationibus fastiditus: (e)
aurea pecus. (f)

*Silanus D. Augusti abnepos erat. hac causa
necis]* Populi favor, & nexus sanguinis cum
prioribus principibus exitii plerunque cau-
sa sunt apud intrusum vi vel fraude ty-
rannum. (g)

Cujus

(a) Tac. 3. annal. 47. (b) Ibidem. (c) Tac. 1. hist. 56.

(d) Tac. 2. hist. 71. (e) Tac. hic. (f) Ibidem.

(g) Vide quæ scripsi ad primum Annal. p. 25.

Cujus abditis adhuc vitiis mire congruebat] Compendiosissima ad Principis gratiam aucupanda via est, morum seu vera seu ficta similitudo: quia sapientes Principibus ii maxime habentur, qui ingenio ipsorum suis moribus accedunt. Narcissus libertus, Neronis abditis adhuc moribus per avaritiam & prodigientiam mire congruebat. (a) Princeps suspicionibus & metu agitatus Sycophantas & calumniatores fovebit, atque illorum improbitatem, qui magnos ideoque graves ignavo Principi viros laceffere minime verebuntur, qualis Sejanus à Tacito describitur; (b) cui animus fuerit audax, sui obtegens, in alios criminatorem. Vinosus Amphoras & Congios provehet: quomodo Tiberius Pomponium Flacum, & L. Pisonem. (c) Libidini Principum lenocinantur Tigellini; (d) & prodigientiam instruunt intenduntque Petronii, (e) elegantiarum arbitri, eruditique luxu magistri. Apud avarum plus possunt Rationales, Quæstores, Trapezitæ, quam Papiniani: qualem Manuel Comnenus Imp. secum habuit Joannem quendam, hominem omnium bonarum artium rudem, arrogantem, ambitiosum.

(a) Tac. hic. (b) 4. Annal. 1.

(c) Sueton. Tiber. (d) Tac. 14. annal. 57.

(e) Tac. 16. annal. 18.

254 NOTÆ POLITICÆ
ambitiosum; talem denique qualem Juvenalis depingit :

—— *homodurus & asper,*

Procuratorem vultu qui præferat ipso.

Ille tantum sibi auctoritatis arrogabat, ut in omnes cæterorum ministerialium functiones impudenter irrumperet; &, ne quid ad summam audaciam deesset, Principis & Senatus decreta rescinderet; abolitâ quoque, parsimonix prætextu, triremium præfectura, quâ Imperii securitas nitebatur. (*)

Per avaritiam ac prodigientiam] Haut absonum est dicere, avaritiam & prodigientiam simul stabulari. Nam ærarium quod per largitiones, & prodigalitatē exhauris, per scelera replendum erit. (†) Et isto sensu Mucianus largitus dicitur, quod avidius de Rep. raperet. (‡)

C A P. II.

P*Ari in societate potentia concordēs*] Quod valde rarum est. Nam arduum, eodem loci potentiam & concordiam esse. (a) Exempla sunt in Triumviris Augusto, Antonio, Lepido; in Cæsare, Crasso, Pom-

(*) *Nicet. Choniast. histor.* (†) *Tac. 2. annal.*
38. (‡) *Tac. 2. hist. 84.* (a) *Tac. 4. annal. 4.*

AD CORN. TACIT. Lib. XIII. 255
Pompejo ; (a) in Ludovico Sforza & fratribus San-severinis. (b)

*Quo facilius lubricam Principis aetatem ,
si virtutem aspernaretur , voluptatibus concessis retinerent]* Vide quæ paulo post notabimus. (c)

Neque Neroni infra servos ingenium] Invidendum encomium, & cum paucis Principibus communicandum ! (d) quod rari suo judicii & prudentia polleant ; plures alienâ necessario utantur. Illi nolunt ab unius cujusquam suorum consilio , auctoritate, tyrannide pendere : hi in sceptri communionem unum famulorum admittunt. Philippo I I. Hispaniarum, & Henrico IV. Galliarum Regibus, quanquam pacis bellicque artibus insignium virorum copiâ circumdatis, nemo unus præcipuo favore & auctoritate (nisi quam injectum munus, & annexa muneri dignitas dabant) erat. Secus ac Successoribus : apud quos Lermæ, Olivarii, Richelii, Mazarini omne punctum ferunt.

Pallas iristi arrogancia tadium sui moverat ; Nō tēdū modo sui & fastidium ministrorum arrogancia movet, sed plerumque
ipsis

(a) Flor. Suet. Dio Cass. (b) Comin. 7. Coment. 2. (c) Ad cap. 12. hujus libri. (d) Vide Boccalin. cent. 1. cap. 19. & cent. 2. c. 5.

ipsis quoque dominis maximo nocumento esse solet. Morvillerii Gallia Cancellarii contumeliosa atque arrogans Oratio, Carolo, qui postea Audacis cognomento Burgundia Dux fuit, bello in Ludovicum XI Gallia Regem causam, aut pretextum præbuit. (a) Armandus Cardinalis Richelius post varias Carolo Emanueli Sabaudia Duci contumelias illatas, cum eo fastus progressus esset, ut Victorem Amedeum, Sabaudia principem, Regis sui sororium, pacis causa ad se venientem ne conspectu quidem & alloquio dignaretur, Ducem in summam desperationem, & seipsum cum exercitu in extremas necessitates atque pericula (quorum non aliud remedium, quam alia pericula, & temeraria, sed felix Pignaroli oppugnatio, fuerunt) coniecit. (b) Olivares si nuper in aula Hispaniensis supercilium ac fastus omnibus gravis etiam ab ipso Rege procerum animos alienasse videbatur.

CAP. III.

Nihil regente eo triste Reip. ab externis accidisse] Principes etiam fortuita sue virtuti imputare solent. Idem Nero, qui defuncto

(a) *Commin. i. Comment.* (b) *Capriat. XI. hist.*

functo Claudio imputavit, nihil regentē eo Reip. triste ab externis accidisse, in Pop-
pæ uxore *fortuna munera*, pro *Virtutibus*
laudavit. (a)

Primum Neronem aliena facundia eguisse.]
Eloquentia præcipuum Principis non or-
namentum modo, sed gerendæ Reip. ad-
jumentum est: sed illa, quæ plus naturali
facilitati, quam scholæ laboribus & studio
debet. Quod de viro militari Tacitus (b)
dixit; id Principi non minus convenit, il-
li *auctoritatem pro facundia* esse. Augusto
Cæsari prompta ac profluens, & *qua de-
ceret Principem*, eloquentia fuit. Tiberius
artem quoque callebat, quæ verba expen-
deret, tum validus sensibus, aut consul-
to ambiguus. (c) Tales alibi (d) Henricum
I v. Galliæ Regem, & Melchiorem Clese-
lium Cardinalem laudavi. Sollicite ador-
natus in Ferdinando Mantuæ Duce sermo,
& Oratorum coloribus pictus nuper o-
mnium reprehensionem incurrebat. quip-
pe dedecere magnum principem tantum
verborum arguta, & magnis sensibus præ-
gnantia magis commendabant. (e)

*Nero puerilibus statim annis, vividum a-
nimum in alia detorsit. calare & pingere, &c.]*
Principis

(a) Tac. 16. annal. 6. (b) Tac. 1. ann. 26. (c) Tac. hic.
(d) In Omiss. p. 544. (e) Passerin. hist. bell. Monf. 30.

Principis una & propria scientia est, nosse

— *regere imperio populos* —

&, quod Themistocles de se dicebat, ex parva civitate magnam facere. Cætera sine damno ignorantur. Nec magna Neronis in eo laus, quod cælare & pingere, carmina pangere, cantus aut regimen equorum exercere sciebat. Principem doctum esse, quam videri decentius est. Juliano Cæsari eruditio Græculi, & Jacobo Britanniae Regi^(a) ludimagistri nomen imposuit. Alphonsium Aragonium Astrologiæ & nostrâ memoria Rodolphum Imperatorem Alchymiae studium contemptui & periculis objecerunt. Avorum memoriâ, qui Rempub. gerebant, literarum gloriam, certe studium rebus gerendis sive subsidium comparare, sive ornamentum addere consueverant. At isto seculo doctum esse prudentiæ opinioni obest: ideoque eruditionis famam aut negligere, aut occultare, pudenda quidem, sed necessaria solertia est.

C A P. IV.

P*Eractis tristitia imitamentis*] Sæpe fit, ut mortem propinquorum nulli jactantius

(a) *Vid. Cardinal. Bentivol. de Belg. fed. lib. 3. c. 5.*

stantius moreant, quam qui maxime læ-
tantur. (a) Inde signanter Tacitus non tri-
stitiam istud, sed tristitiæ imitamenta hoc
loco appellat. Conciliat enim successori
benevolentiam civium pietas erga deces-
sorem defunctum, funeris paratus, medi-
tata ad memoriam virtutum carmina, &
laudationes, & lachrymæ, vel doloris
imitamenta; (b) templum, & aræ, & cætera
ostendendæ pietatis. (c) Valde offendit sub-
ditos Francisci Mantuæ Ducis incustodita
in morte parentis lætitiæ: cum velo testis
palatii fenestris adstirisse, & ubique lon-
go ordine lugubris pompa facisque me-
dio foro procederent, una cum conjuge
gestiens prospectasse diceretur. (d)

*Nec juvenem armis civilibus, aut dome-
sticis discordiis imbutam &c.* Malus pacis
& concordiæ custos est, novi principis er-
ga cives odium: malus consiliarius, ira &
ultionis cupiditas. Cheruscis lætus Itali,
quem Româ Regem petierant, adventus
fuit: quod nullis discordiis imbutus, pari in
omnes studio ageret. (e) & in eundem sen-
sûm Julius Clauſicianus suadet, (f) novûm
lega-

(a) Tac. 2. annal. 77. (b) Tac. 3. annal. 5.

(c) Tac. 14. annal. 3. (d) Ant. Possiv. hist.
bell. Monferr. (e) Tac. 11. annal. 16. (f) Tac.
14 annal. 38.

legatum opperiendum, sine hostili ira & superbiâ Victoris clementer deditis consulturum. Henricus VI. Angliæ Rex nullâ re magis subditorû odiû meruit, quam quod ab initio regni apertû in factionem Eboracensem odiû profiteretur. (a) Quæ addenda sunt olim à me traditis ad primû Annal. (b)

Formam futuri principatus præscripsit, ea maxime declinans, quorum recens flagrabat invidia] Id magno suo posterumque malo neglexit Roboamus Hebræorum Rex, qui comperto, Salomonem patrem tributorum invidia apud populum flagrare, pejora se facturum aperte interminatus est. Quæ stultitia populo à Davidis posteris desciscendi occasio fuit. (c) Memini, cum Lutetiæ essem, paulo post Ludovici Regis & Cardinalis Richelii mortem, omnes liberiorû tabernæ acerbissimis in hunc famosissimisque libellis plenas fuisse. Incentorem belli, tributorum auctorem, regis regniq; perniciem sublatâ, miserâ lætitiâ sibi quisq; gratulabantur. Et sane, si Regine Mazarino, principibusq; tunc animus & consiliû fuisset, bello luctuosissimo finē imponere, populûq; tributis levare, sapiētissime Richelius odii publici victima objiciebatur, præterito-
rum

(a) Bacon. vit. Henric. (b) In Omiss. p. 528. & 529. adde Boccalin. cent. 2. c. 96. (c) 1. Reg. 12.

rum illi malorū invidiā, reparatę contra pacis decore Reginę adstructo. At vero postquā pace potius bellū, & instare cœptis, urgere successus, & quod huic cōsequens est, cōtinuare tributa visum est; inconsultū profecto fuit permittere, in alio rātā licētiā prædamnari, quod mox ipse facturus eras: tanto ubiq; flagrantiorum periculo odiorum, quanto mitius imperiū sub novo ministro sperabatur. (a) Neq; in novo tantū principatu declināda, quorum recens flagrat invidia: sed in illo, qui vetustatē coaluit, ac radices egit insigne prudentiæ civilis præceptū est, mutare mores, leges, etiā personas, quorum odio ressp. turbatur: Bellis maxime civilibus quorū sæpe sufflāmen fuit, subtrahere odia, & illorū subrogatione, quibus amor aliquis aut favor populi, abolere invidiorū memoriā. Quæ præcipua causa fuit, ob quam Galba ob senium & avaritiam populo Romano exosus contemptusque Pisonem adrogavit. (b) & Agrippina, ne malis tantum facinoribus notesceret, veniam exilii Senecæ, simul præturam impetravit lætum id in publicum rata. (c) Et Alphonsus Aragonius, Neopolitanus Rex, ob sævitia & avaritiā proceribus juxta ac populo invisus.

(a) *Forstn. in Ep. ad Scip. Scalig.* (b) *Tac. 1. hist.* (c) *Tac. 12. annal. 8.*

invisus regno cessit, idq; in Ferdinandū filium egregiā famā, & virtutibus commendatum transtulit. (a) Quo consilio Philippus quoque Hispaniarum Rex Belgicarum provinciarum dominium in Albertum generum, & Isabellam filiam transinfit, ut abolitā armorum civilium memoriā, & extincto Hispanici nominis odio, promptius ad obsequium redirent, & in unum corpus coalescerent totius Belgii civitates.

Non enim se negotiorum omnium judicem fore &c.] Omne Principis erga subiectos sibi populos officium expletur pacis, justitiæ & annonæ cura. Verum Princeps non ipse jus dicere, sed per magistratus, viros integerrimos, debet. Tiberio judiciis assidue, quanquam multa eo coram adversus ambitum, & potentium preces constituerentur; tamen dum veritati consulitur, libertas corrumpebatur. (b) Illud maxime tyrannicum est, causas à curia in palatium, ab ordinariis iudicibus ad Principis uxorem, & pauca Aulæ mancipia avocare. Tunc enim non modo libertas corrumpitur, sed nec veritati consulitur. Nam cuncta legum & magistratuum munia in se trahens Princeps materiam prædandi patefa-

(a) Guicciard. Comin. (b) Tac. annal. 75. n. i vide nostra.

patefacit. (a) Egregium ergo fuit, quod Nero futuri principatus formam præscribens, non se negotiorum omnium iudicem fore dixit; ut clausis unam intra domum accusatoribus & reis paucorum potentia grassetur. (b) Sed non præstitit Nero, quod promiserat: cui sævienti intimum consiliorum erat, Poppæa & Tigellinus. (c) Quomodo etiam Valerium Asiaticum, cujus hortis inhiabat Messalina, Claudius, & accusatorem Suilium, nullâ datâ Senatus copiâ, intra cubiculum audivit, damnavitque, ipsâ Messalina coram. (d) Cæterum de diversis consultandi rationibus plura annotabimus ad quintum decimum Annalium (e)

Nihil in penatibus suis vanale] Etiam in Aula mercimonium exercetur ab iis, qui gratiam, qua apud Principem florent, (quid gratiam? sæpe fumum) aliis vendunt. Qualem Varronium Thurinum fuisse *Æli. Lampridius* memorat: (f) & quos in Epistola ad Gordianum Cæsarem, generum suum describit (g) *Misitheus* Prætor, Præfectus, his verbis: Neque enim quisquam

(a) Tac. 11. annal. 5. (b) Tac. hic. (c) Tac. 15. annal. 61. (d) Tac. 11. annal. 2. (e) Cap. 61.

(f) In *Alexandr. Sever.* (g) Apud *Iul. Capitolin.*

quam ferre potuit, datas eunuchis suffragantibus militum præposituras, negatum laboribus præmium; aut interemptos aut liberatos pro libidine atque mercede, quos non decebat; vacuatum ærarium per eos, qui quotidie insidiosissime frequentabant; initas factiones, ut tu decipereris: cum inter se de bonis pessimi quique haberent consilia tibi met suggerenda, bonos pellerent, detestandos insinuarent. &c.

Teneret antiqua munia Senatus. Consulum tribunalibus Italia & provinciæ assisterent. &c.] Dolus erat, & ars, quod beneficium credi volebat Nero. Senatum judicandis causis occupat, ut ipse liberius dominatione stueretur. (a) Ita sensim ex Senatu Curia iudicum, ex prætorio tribunal factum est. Vidimus hoc ipso, quo hæc scribo, anno Galliam turbari ea causa, quod Senatus Parisiensis, Rege sub tutela constituto, publicæ rei administrationem sibi attribueret, Rex, Regina-Mater, & Principum quidam juris dicundi tantum munus concederent. Quæ tamen disceptatio nova non fuit. Nam & Henrico IV. (b) & Carolo IX. (c) & Francisco I. (d) Regibus

(a) Forsl. ad 1. annal. p. 15. & seqq. (b) Redolph Eoteraus in hist. (c) Henr. Davila 3. hist. bell. civil. (d) Bodin. 3. de Repub. 1.

AD CORN. TACIT. *Lib. XIII.* 265
bus eadem cum Senatu controversia fuit.

Se mandatis exercitiis consiliurum] Isto consilio Augustus provincias omnes cum populo divisit. pacatas, imbelles, in imperii Romani sinu sitas populo tradidit: in limite constitutas, quæque ob hostium viciniam militaribus copiis egebant, quo exercitus omnes, quibus magnitudinem suam niti sciebat, in sua potestate haberet, sibi retinuit. Qui arma & ærarium in sua potestate habent, summum imperium si non nomine, re saltem obtinent. Quod militum prætorianorum in Romano olim imperio, & hodie apud Turcas Janizero-
rum exemplo constat. Albertus Fridlandius quantum à summa spe aberat? Postremo, quantum ex Rep. petebatur, cum nuperrime Angli armorum arbitrium Regi ereptum sibi asserébant! Certe Fairfaxius & Cromwellus hodie regnum privati obtinent.

C A P. V.

IN palatium ob id vocabantur, ut astaret ab-
ditis à tergo foribus &c.] V. nostra ad xv.
Annal. (a)

M

C A P.

CAP. VI.

I*Gitur in urbe sermonum avida &c.*] *Vulgi*
 mos est ubique se partem reipub. facere,
 & ferre suffragium non rogatos: maxime
 ingruente bello Principem & Senatum
 moræ & cunctationis incusare; eosque qui
 consilio quam manu cautius quam acrius
 agunt, importunis querelis in aciē & præ-
 lia extrudere: quasi non pleraque in sum-
 ma fortuna auspiciis & consiliis quam telis
 & manibus gerantur. Ita anquirunt inter se
 otiosi, & à seipsis constituti Neronis tuto-
 res, quemadmodum princeps vix septem-
 decem annos egressus suscipere eam mo-
 lem aut propulsare posset? quod subsidium
 in eo, qui à femina regeretur? num præ-
 lia quoque & oppugnationes urbium, &
 cætera belli per magistros administrari
 possent? Et audito Romæ legionum in Il-
 lyrico & Germania motu, trepida civitas
 incusabat Tiberium, quod, dum patres &
 plebem, invalida & inermia, cunctatione
 ficta ludificetur, dissideat interim miles;
 neque duorum adolescentium nondum
 adultâ auctoritate comprimi queat. Ire
 ipsum, & opponerè imperatoriam maje-
 statem debuisse. &c. (a)

Ple-

Pleraque in summa fortuna, auspiciis & consiliis, quam velis & manibus geri.] Tiberius quoque gloriabatur, se novies ab Augusto in Germaniam missum, plura consilio quam vi perfecisse. (*) Quo pertinet comparatio Demetrii Poliorcetæ, & Timothei Atheniensis apud Ælianum. (:) Inde illud quoque est, quod à Macchiiavello (†) & aliis observatum est, Venetos bello plerunque inferiores, tractatu pacis amissa recuperasse: & quod Philippus Cominaustradit (§) in bellis inter Anglos & Gallos, hos acie plerunque, illos pacificatione vicisse.

CAP. VII.

E*Xpedire copias, quæ in Partiborum fines ultro intrarent*] Sicne hostis domi expectandus, an præventionem occupandus plures disceptationibus contrariis ventilant, etiam ii, qui bellum & hostem nunquam viderunt. Præcipui, & quibus de ejusmodi decernendi judicium & facultas est, sunt Nicolaus Macchiavellus, (a) Jo. Bodinus, (b) Jo. Marnixius, (c) Renatus Lu-

M 2

singa

(*) Tac. 2. annal. 26. (i) Var. hist. 16.

(1) 8. Hist. Florent. (§) 3. Comment.

(a) 2. Disp. ad Liv. 12. (b) 5. De Rep. 5.

(c) 8. Resol. 11.

singa, (*) Scipio Amiratus, (†) Michaël Montanus, (‡) & Paulus Paruta. (§)

C A P. VIII.

Videbaturque locus Virtutibus patefactus] Fere ministrorum virtus ac gloria principibus imputatur; quod bene eligendo meruerint. Ex ministrorum delectu de ipsius principis moribus argumentum capere solitum est. Vnde inter artes etiam malis principibus fuit, egregios viros, populoque gratos ad rempub. traducere: (a) meritum, non cunabula quærere: & qualis quis sit, non unde satus. Attamen commune principatus & rerumpub. vitium est, quietis temporibus negligere virtutem, & pecuniâ ac gratiâ subnixos, quam virtute egregios provehere. Philippus Cominæus (b) de se testatur, plures cognovisse sui temporis principes; at ex iis nullum, qui inter hominem & hominem discernere; virtutisque honorem habere suâ sponte voluerit. At necessitate ingruente, quosdam magnis præmiis revocasse, quos olim contemp-
ptim

(*) 1. *De increm imp.* 2. (†) 10. *Disc.* 2. (‡) 1. *Des essais.* 47. (§) 1. *Discors.* 5. & 6. (a) *Notari ad 4. annal.* p. 372. (b) 1. *Comment.* 12.

ptim rejecerant. Quæ addenda sunt iis, quæ in hanc rem egregie differit Mæchiae-
vellus, tertio de Repub. (a) & Didacus
Saavedra in Symbolis politicis. (b) Istam
ingratitude unum ex duobus consequi
solet, ut aut perfidiâ & proditione con-
temptum ulciscantur posthabiti: quod Co-
mitem Gajazzum fecisse, Guicciardinus
restatur: (c) aut bello aliisve præpositi ne-
gociis, metu privatae & ingloriae vitæ, suæ
potius potentiae, sui que honoris ac digni-
tatis perpetuandæ, quam publici boni ra-
tionem habeant. (d) Neque suos modo ci-
ves, sed & externos officia sua offerentes
neglexisse aut rejecisse cum flagitio & pe-
riculo sæpe fuit. Licitæ Marchio ex nobi-
litate Neapolitana, partium Gallicarum,
quibus studebat, odio bonis & patria exu-
tus, cum à Cardinali Ambosio, a quod quem
domesticæ calamitatis solatium & subsi-
dium quæsierat, superbe aut contem-
ptim habitus fuisset, ad Consalvum Hispa-
niensium armorum moderatorem transiit:
à quo restitutus, & bellicis admotus mu-
neribus, occasionem nactus est, maximo
Gallorum damno ostendendi virtutem,
cujus ipsi usum insigni imprudentiâ reje-
cerant.

M 3

cerant.

[a] *Cap. 16.* [b] *Symb. 17.* [c] *5. Hist.*[d] *Vide notata ad xi. annal. 19.*

cerant. (a) Federicus Jambellus, machinarum bellicarum summus, ac sine pari artifex, ab Italia in Hispaniam profectus, diu pertentaverat aditum ad Regem, operam suam oblaturus. Sed admissione dilatâ, postremo etiam spretus, ut non erat ab Aulâ subactus ad patientiam; abscessit inde ferox, interminatus, effecturum se, ut sprete hominis nomen aliquando cum lachrymis Hispanus audiret. Inde perrexerit Antverpiam ad federatos Belgas, ubi in Hispanorum, urbem paulo post obsidentium perniciem eas fabricavit machinas, quibus ab omni seculorum memoria nihil unquam portentosius auditum fuit; adeo ut multorum opinio fuerit, ex inferorum fornacibus ascendisse ferales ignes; tonitrua & fulgura de cœlo magicis carminibus evocasse; pestilentem halitum, ex Avernali lacu attraxisse: & aquam ipsam præter morem & naturam perurentem ex ipsâ Stygia palude derivasse. (b)

Ut fama inserviret, quæ in novis cœptis validissima est] Quæ huc pertinent quæque alia de fama, utibilia doceri discique interest, tradidi supra ad XI. I. Anna-
 jium. (c) Ob.

(a) Micn. Bauder, in *Vit. Cardinal. d' Amboise*.

(b) *Fam. Strada de bell. Belg. dec. 2. lib. 6.*

(c) *Cap. 31.*

Obeiam Quadratum habuit, illuc progressum, ne, si ad accipiendas copias Syriam intravisses Cerebulo, omnium ora in se verteret.] Quibus rerum articulis congrredi. Principes, colloquique, aut contra oporteat, haut paullo subtilius, quam vulgo solet, explicabo ad decimum quartum annal. (a)

Omnium ora in se verteret, corpore ingens, verbis magnificus, & super experientiam, sapientiamque, etiam specie inanum validus.] Vna res est, quæ auctoritatem, nomen, famam, &, quod consequens est, potentiam conciliat, prudentiæ & fortitudinis excellentia. Illa ubi adest, & vitiorum maculas tegit, & inanibus quoque atque externis robur & pondus addit. Non nocuit Catoni, & defuncto nuper Daniæ Regi, largius interdum mero, neque Augusto & Tito Cæsaribus, & Henrico 1^o v. Galliæ Regi, amoribus indulgisse: neque Vincenzio Mantuæ Duci belli ac pacis artibus inclyto, uno aut altero comite totam urbem incustoditum peragrasse: nec illius patri Guilielmo frequentissimo foro pedestrem & incremem obambulare; & ubi lassitudo admonuisset, mercatorum passim officinas tabernasque subire. (b) Contra, ubi

M 4 caudex

(a) Cap. 29. (b) Anton. Possessio. 8. hist. Mant.

caudex, aut vervex quidam sceptrū tenet, levissima quæque, & innoxia curarum laxamenta vitio vertuntur. Comitatus quoque, satellitum, vestis, equi, & cætera Aulæ magnificentia asinum non satis tegunt leoninâ pelle obtectum. Literarum quoque atque eruditionis amor in contemptum abit. (a) Quæ jungenda sunt iis, quæ de authoritatîs conciliandæ aut retinendæ rationibus olim scripsi ad secundum Annalium. (b)

CAP. IX.

NEro, quo componeret diversos, sic evulgari jussit, &c.] Procerum in Aulâ, Magistratuum ducumque dissidia, quæ quidem publicis commodis minime obfint, non ita decidenda sunt, ut uni Princeps, damnato altero calculum adjiciat, sed ut utriusque potius honori consulatur; exemplo Neronis, qui ut componeret Quadratum & Corbulonem, sic evulgari jussit, ob res à Quadrato & Corbulone gestas laurum fascibus imperatoriis addi.

CAP.

ad (a) V. supra ad hunc librum c. 3. (b) Cap. 2. de Didac. Saredr. Symb. polit. 31.

CAP. X.

NEquæ recepti sunt in reos Carinas &c.]
V. quæ dicemus paulo infra. (*)

CAP. XI.

Clementiam suam obstringens crebris orationibus] Clementiam utilem esse novum imperium inchoantibus, alibi Tacitus asserit. (a) Et alibi cum Cappadoces regio imperio sueti in provinciæ formam redigerentur, quædam ex regiis tributis deminuta ait, quo mitius Romanum imperium speraretur. (b) Mitissima sors est Regnorum sub Rege novo. (c) Alexander Magnus initio regni immunitatem cunctarum rerum, præter militiæ vacationem dedit. (d) Tacitus hoc loco Neronem clementiam suam crebris obstrinxisse Orationibus testatur: quas Seneca, testificando, quam honesta præciperet, vel jactandi ingenii, voce Principis vulgabat. Inde est quod Jo. Bodinus, sexto de Rep. generaliter tradit, Principis esse initio imperii extraordinaria superiorum Principum

M 5 pum

(*) Ad cap. 30. hujus lib. (a) 4. H. l. 63.

(b) 2. Annal. 58. (c) Lucan. VIII.

(d) Q. Curt. 11. hist.

pum tributa aut tollere, aut certe magna sui parte minuere; ac potissimum populo rogante; imo ne rogante quidem. neque Roboami factum imitari; qui juniorum perniciosissima consilia secutus non modo subditorum precibus non acquievit, verum etiam crudeliorem patre se futurum propalam minatus est: ex quo decem populi Israëliti tribuum defectio secuta est. Ludovicus XI. Galliarum Rex, nulla magis re patriæ patris nomen meruit, quam quod primum novi regni facinus innotuerat, tributorum diminutio, & flagitiosæ militiæ, quæ corruptis moribus gravissima miseris agricolis incubuerat, in antiquam disciplinam reformatio (a). Pius V. Pontifex creatus cum moneretur, Romanos antiqui rigoris, & horridorum Pontificis morum metu turbari, Ita me Deus juvabit, inquit, ut populus Romanus plus morti meæ, quam electioni ingemiscat (b).

Neque Principibus tantum istius erga subiectos prudentiæ usus fuit, sed & victoribus erga victos. Ita Corbulo nihil Tigranocertis detraxit, quo promptius obsequium integri retinerent (c). Iulius II. Pontifex
Max.

(a) *Michaël Bauder. in vita Card. Ambos.*

(b) *Eoter. par. 2. apophth. lib. 1.* (c) *Tac. 14.*

annal. 24. ubi vide Not.

Max. recuperata armis Bononia plurimis
cives exemptionibus ornavit, quo Eccle-
siastici imperii amantiores redderet (a).

Quod apud bonos Principes amoris &
benevolentiae, id apud callidos artis est;
privilegiis & immunitatibus plebem de-
mulcere, ut dominationi acquiescat: &
cives novis ex rebus aucti tuta & praesen-
tia, quam vetera & periculosa malint.

Infelicitis ex adverso necessitatis est illa.
Principum conditio, qui civium justum &
legitimum imperium vel subire novum,
vel tolerare antiquum recusantium perti-
naciam armis ulcisci, & in victos pro secu-
ritate publica legibus animadvertere, ad-
eoque quaedam vi tractare coguntur, quo
cæteris quies sit (b). Qualis Principis vivam
nobis imaginem depinxit in Henrico vi i.
Angliæ Rege prudentissima, qua illius vi-
tam descripsit, historia Franciscus Baconus,
Angliæ Cancellarius. Et ipse Nico-
laus Machiavellus, quem tyrannidis archi-
tectum plerique credunt, sævas istas secu-
ritatis rationes, utut dominanti necessarias,
tamen non Christianis modo legibus, sed
ipsi humanitati contrarias, iisque privatam
vitam longe optabiliorem ingenue fate-
tur.

(a) Guicciard. 4 hist. (b) Tac. 1. annal.

276 NOTÆ POLITICÆ
tur (a). Ex quibus consequitur, feri simul
ingenii, & imprudentis argumentum esse,
sevitia ad quam nulla necessitas cogat, &
avaritia odium civium pro benevolentia
provocare. qualem Tacitus Mithridatem
Armenia Regem notat, atrocio rem, quam
novo regno conduceret. (b) & Galbam
Imperatorem. (c) cujus introitus in urbem
trucidatis tot millibus inermium militum,
infaustus ominē atque ipsis etiam, qui oc-
ciderant, formidolosus fuerit. Talem quo-
que nobis refert Carolum Audacem, ul-
timum Burgundia Ducem, & ab illo Fer-
retensibus Præfectum datum Petrum Ha-
genbachium Philippus Cominæus. (d)

C A P. XII.

Infracta paulatim potentia matris] Rara
est Reginarum Matrum usque ad tutelæ
finem perdurans, nec ullis simultatum ne-
bulis turbata potentia: rarior post deposi-
tam administrationem modestia: quam
retinere satius esset, quam prorogato in
annos, quibus sui juris filius est, imperio
offensas accersere. Ita apud Neronem in-
fracta paulatim matris potentia. (e)

De-

(a) Disput. ad Liv. 26. (b) xi. annal. 9.
(c) i. Hist. 6. (d) 5. Comment. 1. (e) Ta-
lic. Cætera vide in Omnis nostris. pag. 583.

Delapso Nerone in amo-em libertæ.] Cum historia Neronis delapsi in amorem Actes libertæ componere licet, quæ Antonius Possevinus in historia Monferratenſi de Ferdinando, Mantuæ Duce & Camilla Faa ſcribit. Improbioris licentiæ ſunt, quæ Regina Margaritha Valeſia in Commentariis de Henrici mariti amoribus narrat, Ludovici Gallix Regis nuper deſuncti erga Facitam & Hauteſortiam profeſſam publice dilectionem perpetua morum ſanctitas, & Annæ Reginx præſentia ab omni libidinis ſuſpicionem eximunt. Sane conniventibus oculis Tacitus turpitudines iſtas intueri videtur, muliercula, nulla cujuſquam injuria, cupidines Principis explente: & quod metuendum fuerit, ne illa libidine prohibitus in ſupra ſeminarum illuſtrium prorumperet: quam propter rationem plerisque in locis Lupanaria quoque tolerari notat in libris de Arcanis Rerump. Arnol-
 dus Clapmarius. (a) Ego tamen facilius Burthum & Senecam, qui fortassis, non minus ac mater Agrippina, quanto ſœdiora exprobraſſent, actius accendiſſent, excuſaverim, quam ipſum Neronem, aut publicorum Lupanarium patronos: quippe
 qui

qui non ignorem concessam idolorum cultoribus fuisse fornicationem, quam inter Christianismi exordia primi Evangelii præcones singulari lege tollere coacti fuerunt. (a) Quanquam & illud negari non possit, privati hominis defensionem esse, amoris vehementia peccasse. principem non amore, non odio, nisi quæ regno conducant, evinci debere. Lotharium Valdrada Teutbergæ, Henricum VII. Angliæ Regem Anna Catharinæ superinducta perverterunt. Et durabit venturis seculis fama imprudentiæ, qua nuper Carolus Lotharingus, & . . . Guisus, Archiepiscopus Rhemensis, ille in Cantacrutæ Burgundæ, hic in Mariæ Niverpiæ amorem delapsus male rebus suis consuluerunt.

CAP. XIII.

N*Equæ pœnitentiam filii, aut satiæ-
tem opperiri, &c.]* Apud principem
sententiæ suæ tenacem, & correctionis in-
solentem improficua coercitio est; non
ipsi, non suadenti opportuna. quin, dum
sibi odium parat; domini pervicaciam au-
get. Non igitur indecorum modo, sed inu-
tile plerunque, sæpe & perniciosum est,

a. tre.

(a) Act. Apost. 15.

attrectare quod non obtineatur : (a) & consultius, *pœnitentiam aut satietatem opperiri*. (b) Multa enim sponte omittunt Principes; à quibus nullis dehortantium monitis, nulla intempestiva severitate abstrahi potuerunt. In quem sensum, cum de luxu (inveterato urbis Romanæ, adeoque correctionis incapaci malo) coercendo, in Senatu ageretur; obstitit Tiberius Imperator, intra animum medendum esse inquiens; addito insigni hoc dicto; Nos pudor, pauperes necessitas; divites satias in melius mutabit. (c).

Tum Agrippina versis artibus] Est impotentis ac imbecilli ingenii argumentum, ab uno extremo ad alterum, à minis ad blandicias, ab arrogantibus jussis ad demissas preces transire. Qua mutatione nihil aliud proficitur, quam ut insidias suspectas habeat, qui paulo ante inimicum animum prehenderat; aut facilitatem contemnat, qui minis minime motus fuerat.

Dividere filium, qua cuncta ex ipsa haberet] Isti beneficio Nero ignoscere non poterat. Nempe tale erat, cui pro gratia odium redditur. Nemo enim alii regnum debere vult.

Nero

(a) Tac. 3. *annal.* 52. (b) Tac. *hic.* (c) Tac. 3. *annal.* 54. adde P. Greger; Tholof. 8. de Rep. 1.

CAP. XIV.

Nero demovet Pallantem] Vſitatura Principibus eſt, iis quos ſuſpectos habent aut inviſos, ſubtrahere opum aut potentiaꝝ instrumenta & ſubſidia. Quomodo Nero inſenſus iis, quibus ſuperbia matris innitebatur, demovit Pallantem cura rerum, queis à Claudio impoſitus, velut arbitrum regni agebat. (a) Idem Nero, Britannicum veneficio ſublaturus, ut proximus quiſque neque fas neque fidem penſi haberet, olim providerat. (b) Et Tiberius Syriâ ſubmovit Creticum Silanum per affinitatem connexum Germanico ad res Orientis cõponendas doloſe miſſo. (c)

Sane pepigerat Pallas, pares cum Republ. rationes habere] Qui rerum arbitria in Aulis & Rebuspub. aut accipiunt, aut ſibi ipſi ſumunt, ea quoque ſæpe prærogativa gaudent, ut à ſe geſtorum, impenſarum quoque rationem nemini reddant. Pallas, de quo hoc loco Tacitus, pacto ſibi providerat, ne cuius facti in præteritum interrogaretur: paresque rationes cum Republ. haberet. Florentinos Macchiavellus ſcribit (d) in bello

(a) Tac. hic. (b) Tac. 1 3. annal. (c) Tac. 3. annal. 43. (d) 3. Hiſt.

bello cum Gregorio XI. Papa, VI II. viros bello administrando creasse cum potestate statuendi sine provocatione, & administrandæ pecuniæ publicæ sine onere reddendi rationes. Eandem sibi libertatem attribuisse sub Ludovico Rege Contestabilem Galliæ S. Pauli Comitem Philippus Cominæus (a) testatur; & nostris temporibus Albertum Fridlandiæ Ducem Petrus Baptista Burgus (b) asserit, ita cum Ferdinando Cæsare pepigisse, ut belli curam solus & sine arbitro haberet, hyberna militibus distribueret, tributa, commeatus, quæque alia bello necessaria, exigeret, tribunos, centuriones ipse crearet. Quod si quando Cæsari Fridlandio imperium abrogare placuisset, uti tunc Cæsar Fridlandium ea de re sex menses ante certiolem faceret; neque deinceps ipse ad reddendam administratæ provinciæ rationem teneretur.

Agrippina ruere ad terrorem & minas] Principes nolunt terrore ac minis vinci. (c) Et plerunque exitium sibi inveniunt, quicunque heris terrore esse volunt: (d) maxime ubi minæ ac metus intentatus destruere fortunam principis, ac convellere

secu-

(a) 3. Comment. 11. (b) 3. Hist. de bell. Suec.

(c) Tac. 1. annal. 29. (d) Cominæ. 3 Comment. 2.

securitatem publicam videntur. Qualis ista Agrippinæ furiosa Oratio fuit. quæ privignum Britannicum veram dignamque stirpem suscipiendo patris imperio, insitum Neronem, nuptias, veneficiū, castra, sua alienaque facinora crepabat. (a) Similem Comitissæ S. Pauli Galliæ Conestabilis vassaniam describit Philippus Cominæus: (b) qua Regis odium, & postremo sibi exitium accersivit. (c) Idem Henrico Guisio accidit, quem non ante timere Henricus III. Rex desuit, quam jussu suo cæsum in comitiis Blœsensibus vidit. (d) Nicolaus Piccininus cum meritorum confidentia à Philippo Vice-Comite Placentiam laborum præmium peteret, additis minis abiturum servitio, nisi votis annueret, tantum absuit, ut Philippus moveretur, ut potius duxerit, cum Francisco Sfortia genero (tum hoste) in gratiam redire, quam amico tam arroganti morem gerere. (e) Caspar Colignius, factionis suæ nomine Francisco II. Regi libellum supplicem obtulit, à nemine subscriptum, publice protestatus, centum quinquaginta mille homines, ubi opes fuerit, signaturos. Quæ jactantia tantum

(a) Tac. hic. (b) 3. Comment. 11. (c) Comin. 4. Comment. 12. (d) Thuan. Davil. (e) Machiav. 6. hist. Flor.

tum abest, ut metum Regi ac regni moderatoribus Guisus incusserit, ut indignationem auxerit, potius: (a) quæ deinde sub Caroli fratris regno in exitium Colignii erupit. Res eo redit, ut ministro & subdito amari à domino, quam metui tutius sit. (b)

Exul Seneca professoria lingua generis humani regimen expostulans] A feminea ira sunt, quæ convicia Agrippina in Senecam ingerit; virum magnum, & multarum rerum experientia cognitum * etiam ante quam pueritiæ Neronis admoveretur. In universum tamen etiam Satyrica nota (c) est, adolescentes in scholis stultissimos fieri: quia nihil ex iis, quæ in usu habemus, aut audiunt, aut vident. Quo fit, ut tria præcepta politica, quæ à magistris attulerunt, tanquam unum calceum omni pedi aptantes, & stulta opinione tumidi sua sapientia ostidui spacio omne mortale genus ad aurei seculi innocentiam refingi posse arbitrentur: ignari, vitia fore donec homines; (d) & indecore attrectari, quæ non obtineantur. (e) Simili præterea observatione constat, plerumque infauſtam fuisse illorum in rep.

(a) Davil. 1. hist. (b) Comin 3. Comment ult.

* Tac. 13. annal. 6. (c) Petron. Arb. Satyr.

(d) Tac. 4. hist. 74. (e) Tac. 3. annal. 52.

rep. gerenda operam, qui Principum pueritiam olim moderati eandem authoritatem in re longe dissimilima exercent; facili Principe, idoneos credere populis regendis, quos studia & mores suos rexisse meminit. Ast illi studiis inertibus, & juvenum imperitiæ sueti, inscitia plerunque injuncti muneris, fastu deinde & perviciaci prudentioribus iufesti Aulam calumniis turbant, dominum pravis consultis perdunt. Qualem Sosilium, qui Britannicum præceptis, Claudium consiliis juvaret, Tacitus, (a) & Anicetum Neronis pædagogum Suetonius, (b) & Stephanum Versium apud Carolum VII. Galliarum Regem fuisse Cominæus (c) tradit. Tutius est negotia committere magistratui perfunctis, & experientia probatis. (d)

CAP. XV.

O *Rta misera! io*] Vide quæ nos olim ad tertium Annal. (e)

Parari venenum jubet] Insignia veneficiorum exempla extant apud Tacitum hic, & libro superiori: (f) alia apud Cominæum

(a) Tac. 11. annal. 1. & 4. (b) Suet. Ner. c. 35.

(c) Initio lib. 7. Comment. (d) Tac. 13. annal. 29. (e) pag. 271. (f) c. 66. & seq. & hoc eodem lib. cap. 1.

AD CORN. TACIT. Lib. XIII. 285
næum (a) Antonium Possëvinum (b) Pan-
dulphum Collenutium (c) Nauclerum. (d)
Quibus adde quæ nos in Not. ad tertium
Annal. (e) ubi præterea de cautionibus ad-
versus venena commentati sumus.

Locusta, multa scelerum fama] Vide No-
tata ad xii. Annal. (f)

*Vt proximus quisque Britannico neque
fas, &c.*] Vide supra dicta ad hujus libri
caput xiv.

Nero lenti sceleris impatiens] Est sua im-
probitati & sceleribus differentia: quorum
quædam verecundiæ aliquid habent, dum
famam verentur, rumorem circumspi-
ciunt, defensiones parant. (g) Sunt alia,
quæ spreta præsentium invidia (h) incipiun-
tur cum periculo, peraguntur cum præmio: (i)
quæque non laudantur, nisi peracta: (k)
à quibus, nisi à filia mater absolvi non potest;
(l) in quibus denique judicatur satius, pa-
trati quam incepti facinoris reum esse. (m)
Illa cunctantur: hæc per omnia præcipitia de-

(a) 6. Comment. 13. de Ladislao Boh. R.

(b) 6. Hist. Mantuan. pag. 608. & seq.

(c) 5. Hist. Neapol. de Ladisl. Neap. R.

(d) Chronogr. gener. 14. de Henr. VII. Imp.

(e) Pag. 259 & seq. & in Omis. ad eund. locum.

(f) Cap. 66. (g) Tac. hic. (h) Tac. 12. annal.

67. (i) Tac. ibid. (k) Tac. (l) Tac. 13. annal.

21. (m) Tac. 2. annal. 65.

decurrunt : Illa occulta via carptim & per intervalla progrediuntur : hæc aperta vi grassantur, & semel ac simul obstantia corripunt, evertuntque. Illa usurpantur, dum tegi consilia occultarique posse spes est : at flagitiis manifestis subsidium ab audacia petitur, & imminentium periculorum remedium ipsa pericula censeantur. (a) Neque enim cessandum esse *ubi periculosior sit quies quam temeritas.* (b) Denique inter ancipitia teterrimum æstimatur, media sequi. (c) Ex quo constat, verissimū esse quod C. Plinius scribit, (d) minorem vim bonis quam malis inesse : & recta ingenia debilitari verecundia, perversa confirmari audacia.

CAP. XVI.

MOs habebatur, *Principum liberos ve-*
[sci, &c.] *Μονοφάσιαν* Principum re-
prehendit Piccartus in observationibus. (e)

Cibos potusque delectus ex ministris gustu explorabat] v. Notata in omiff. ad tertium Annal. (f)

Sibi supremum auxilium ereptum] Hæc à superioribus lumen mutuuntur, ubi Agrip-

(a) *Tal.* 1.1. *annal.* 26. (b) *Tac.* (c) *Tac.*
3. *histor.* 40. *ubi vide adde Macchiav.* 1. *disput. ad.*
Liv. 27 (d) 4. *Epist. ad Anl. Lepidum.* (e) *Dec.*
17. c. 6. (f) *Pag.* 573.

grippina declamabat; Id solum Diis & sibi provisum, quod viveret privignus, & quæ sequuntur.

Dolorem, caritatem, omnes affectus abscondere didicerat] Quomodo C. Cæsar Caligula non damnatione matris, non exilio fratrum rupta voce (a) Tiberii Imperatoris sævitiam evasit.

CAP. XVII.

NOx eadem necem Britannici, & rogi conjunxit] Quia veritas visu & mora, falsa festinatione & incertis valescunt. (b) inde Nero eadem nocte necem Britannici & rogi conjunxit. Idem eandem propter causam matrem suo jussu cæsam cremavit eadem nocte convivali lecto, & vilibus exequiis; (c) subtrahenda oculis acerba funera, neque laudationibus aut pompa detinenda prætexens. (d) Tiberius quoque malis artibus, quibus Germanicus periit, innexus nimis accusatorum studiis succensere se dicebat. Nam quo pertinuit, inquit, nudare corpus, & contrectandum vulgi oculis permittere, differrique etiam per externos, tanquam veneno interceptus esset? &c. (d) Anti-

(a) Tac. 6. annal. 20. v. notas ad 2. annal. pag. 208. (b) Tac. 2. annal. 39. (c) Tac. hic.

(d) Tac. 3. annal. 12.

Antiquas fratrum discordias, & insociabile regnum.] Vide quæ ad quintum decimum annalium (a) notabo.

Illufisse pueritiæ Britannici Neronem.] Ab eodem Aulum Plautium, juvenem ante mortem per vim constupratum Suetonius scribit. (b) Idem Cæsarii Borgiae scelus in Astore Manfredò perpetratum narrat Guicciardinus quinto historiarum.

Festinationem exequiarum defendit.] Vide quæ paulo supra ad initium capitis.

CAP. XVIII.

L *Argitione potissimos amicorum auxit.]* Observatione constat, malos Principes post insignia scelera perpetrata, tanquam illorum aboleri infamia posset, facilitate, clementia, munificentia clarescere studuisse. Ita Nero sceleris sibi conscius veniam sperabat, si largitionibus validissimum quemque obstrinxisset. & Tiberius pudore absolutæ Plancinæ placabilior M. Pisoni damnati patris bona concessit. (c) Ut tyranni scelera, ita boni quoque Principes suorum fidem largitate redimunt.

Gui.

(a) Cap. 2. (b) Suet. Ner. cap. 35. (c) Tac. 3. annal. 18. ubi vide nostra. p. 271.

Guilielmus Mantuæ Dux Monferratensibus parum fidens, non alio certiori vinculo contineri in officio credidit, quam si nobilitate & autoritate apud populares validos donis ac liberalitate illigasset. (a)

Pecunias quasi in subsidium corripiciens] Tanquam belli civilis, quod struebat, nervos. (b) Eodem sensu superiori libro: (c) cupido auri immensa obtentum habebat, quasi subsidium regno pararetur. Et eodem consilio Julium II. Pontificem accumulandis opibus incubuisse Franciscus Guicciardinus in historia (d) testatur.

CAP. XIX.

Nihil rerum mortalium tam instabile ac fluxum est, quam famæ potentie non suâ vi mixtæ. Statim relictum Agrippina limen. Nemo solari, nemo adire] Frequentia hujusmodi tragœdiarum in Aulis, & crebræ humanarum rerum vices, omnem ejusmodi mutationum admirationem sustulerunt. Gratia Domini sæpius quam virtus & merita sustinent ministrorum potentiam: quæ ubi nutat, quos adorari paulo ante, manibusque ferri conspeximus,

N momen-

(a) Anton. Possevin. hist. Monferr. pag. 36.

(b) Tac. 2. hist. 84. (c) Cap. 7.

(d) Guicciard. initio 7. hist.

momento deferi, contemni, & veluti pedibus omnium atteri conculcarique videmus. Egregium hic documentum hujus rei occurrit in Agrippina. Simile extat x. i. Annal. de Messalina. Aliud de Luca Pisto Florentino apud Macchiavellum septimo historiæ Florentinæ: aliud de Caraffa Cardinali, Aulæ Romanæ & ipsius Pontificis Moderatore apud Jo. Baptistam Hadrianum decimo quinto historiarum. Nos eundem ludum ludi cum Olivarezio in Aulâ Hispanicâ paulo ante vidimus.

Insignis genere, formâ, lasciviâ] Gallica Aula nuper habuit summâ gratiâ florentem, ac deinde Belgium & Anglia quasi exulem, quæ huic Junia Silanæ ex asse respondeat.

Inter Agrippinam & Domitiam infensa æmulatio exercebatur,] Quia Domitia patrem sibi generis claritudinem credebat: nec forma, ætas, opes multum distabant: & utraque impudica, infamis, violenta, haut minus vitiis æmulabantur, quam si qua, ex fortuna, prospera acceperant. Enimvero certamen acerrimum, amita potius an mater apud Neronem prævaleret. (a) Muliebris sexus maxime proprium est, æmulari. Non capit una regia duas reginas,

(a) Tac. 12. annal. 64.

nas, aut quæ reginarum instar sunt. Æmulationes exercebat Agrippina cum Domitia: (a) cum Junia Silana: (b) cum Lollia Paulina. (c) Barbara Brandenburgia cum Rengarda de Corte in aula Mantuana: (d) & Francisci Mantuani amita Ferrariensis cum ejusdem viduâ, Margaritha Sabaudia. (e) Narratum quoque scio, in præcipua quadam Italiæ regia, uxorem Principis, & prædecessoris viduam à rixa ad verbera progressas crepidis sibi os invicem contudisse.

Crimen atrociter deferre.] Sycophantarum ars est, *metius Principis rimari*: (f) & ludis, convivio aliisque curarum relaxationis intentum atrocibus nuntiis delationibusque tanquam fulmine percellere. Præter id, quod hoc loco refertur, hujus rei documentum, illi plane simile (quanquam in delatione rei minime falsæ) extat XI. Annal. de Narcisso liberto, Claudio inscitiam erga domum suam, & Messalinæ uxoris flagitia per duas pellices aperiente: quarum una, cui Calpurnia nomen, ubi datum secretum, Cæsaris genibus provoluta,

N 2

luta,

(a) Tac. d. loc. & hic. (b) Tac. hic. (c) Tac. 12. annal. (d) Possevin. 5. hist. Mantu.

(e) Possevin. hist. Monserr. (f) Tac. 14. annal. 57.

luta, nupsisse Messalinam Silio, exclamat. Simul Cleopatram, quæ idem opperientis adstabat, an comperisset? interrogat: atque illà annuente, cieri Narcissum postulat. Is an diffidium suum nosceret Claudius? quærit. Nam matrimonium Silii, inquit, populus vidit, & Senatus, & milles. ac ni propere agis, tenet urbem maritus. Isto compositæ fabulæ ariete supplicium uxoris ignavo stipiti extorsit Narcissus. (a) Graptus libertus, usu & senectâ domum principum à Tiberio usque edoctus, metum Neronis ex Cornelio Sylla mendacibus insidiis intendit. (b) Aliam huic non absimilem de Ludovico quodam Bononiensi, & Julio Salvo Senensi recitat in historia (c) Jo. Baptista Hadrianus: & aliam in Commentariis (d) Margaritha Valesia Franciæ Regina: aliam item Henricus Davila de Claudio Duce Guisio Francisco Regi puero eos metus incutiente, ut unicum instantium periculorum remedium creditum fuerit, omnem Regis potestatem in Guisium transferre. (e)

CAP.

(a) Tac. 11. annal. 29. & seqq. (b) Tac. 13. annal. 47. (c) Lib. 3. (d) Pag. 38.

(e) 1. Hist. bell. civil.

CAP. XX.

P*roveſta nox erat, & Neroni per vinolen-
tiam trahebatur : cum ingreditur Paris.
&c.] Vides ut hic per concubinum Adri-
metum & hiſtrionem Paridem Silana, &
apud Claudium per duas pellices, quarum
Claudius corpori maxime infueverat, Nar-
ciſſus calumnias, & pericula quaſi ſcenæ
fabulas componant. Princeps illis potiſſi-
mum Optimatibus fidem habere debet,
quorum conſiliis utitur, per quos præci-
pua publicæ rei momenta procurat, qui-
bus denique externas res atque civiles cre-
dit. Nunc peſſimo more fit plerumque, ut
nemo apud ignavos præcipue Principes
valeat, nemo plus poſſit, quam qui in cu-
biculo Principis aſſidue verſantur, qui cu-
bitum eunti, & ex ſtrato ſurgenti mini-
ſtrant, qui denique cacaturienti auream
laternam præferunt.*

*Ut Burrhum etiam demovere præfecturâ
deſtinaret, tanquam Agrippinæ gratiâ prove-
ctum] Quotidianus fortunæ luſus ! ut
quemadmodum cum magna arbor à ven-
to aut ſecuri dejectâ prociderit, minores
circa ſe late proſternit ; ita everſâ illius po-
tentia, qui Rege & regno potiebatur, u-*

nus ruina omnes, qui illius favore & gratiâ provecti fuerant involvat, & in præcipitium secum trahat.

Cuiusque defensionem tribuendam]. Quis enim innocens erit, si accusasse sufficiat? (a) Non utendum est imperio, ubi legibus agi potest. (b) Inde Cingonium Varro- nem & Petronium Turpillianum *inauditos atque indefensos, tanquam innocentes periisse* Tacitus ait. (c) Et iustissima est Saxonum querela contra Henricum Cæsarem apud Andream Bruanerum. (d) Quid queri- mur, inquiunt, patronos nobis defuisse? etiam iudices negati sunt: neque infanum misericordiæ genus impetravimus, ne mo- reremur indemnati. Ignoscimus, quod nullum asylum nobis reliquit ira principis. tribunal aperuisset: quosque clementiâ in- dignos putavit, radio iustitiæ perstrinxisset. Ultimum solatium perituri rogavimus; exitii causam: quæ etiam crucem meritis per præconem dicitur: nec latronem car- nifici damus, nisi qui facta de se arbitria ap- probavit; agnovit certe. O nos perditos & afflictos, si, cum ituros in rotam hac re- verentiâ dignamur; Saxoniam, pulcherrimam pro-

[a] *Iulian. Cæs. apud Ammian. Marcell.*

[b] *Tac. 3. annal. 69.* [c] *Tac. 1. hist. 6.*

[d] *11. Annal. Bojori.*

provinciarum, sine prætore pereundum est, & tot millia civium ne in sepulchrum quidem alium titulum habent, quam quod impensi crudelitati regiæ sint. &c.

Accidit tamen plerunque, ut Principes suspicionibus proniores, quæcunque ad illos deferuntur, illa maxime, quibus securitatem suam periculo exponi arbitrantur, vera, falsa; comperta, incerta nullo discrimine admittant, puniantque: unde quidem calumniarum licentia, & multiplices injustitiæ sinus panduntur, quibus privatorum vita ac fortunæ periclitantur. Sed justissimâ Numinis vindicta etiam ipsi Principes suæ credulitatis pœnam sentiunt; suspiciosi, solliciti, inquieti, atque adeo perpetuo miseri. Vt non plane sine causa Philippus Cominæus (a) postquam Ludovicus XI. ante suum fatum suâ opinione mortuum, Carolum VII. Veneni metu quasi inediâ extinctum, Carolum VII. diversis suspicionibus agitatum mente excidisse narrasset, causam in universum, cui à Caroli Magni ævo, usque ad sua tempora nullus Franciæ Regum sexagesimum vitæ annum excefferit, isti suspicandi credendi metuendique morbo adscribat. Quanto sarius esset, sistere delatores, calumnia-

rum nebulas diligenti discussione ventilare, sibi metum, innocentibus periculum, sycophantis audaciam demere. Quod tantum abest, ut fiat, ut stulti quidam Principes delatoribus pacti prius silentii fidem, quam bonis viris salutem & incolumitatem debere se putent.

Duos tamen excipi articulos video, quibus contemnere prolixam judiciorum religionem, & gladio dissolvere legum nodos, atque adeo non crimina, sed criminum suspensiones punire licere videtur. Primum notat Trajanus Boccalinus (a) in liberis Rebuspub. exiguam umbram, leve indicium, suspensionem etiam minimam & longe accersitam affectatæ tyrannidis non cavillationibus caudicorum, neque verborum pigmentis differri, sed promptâ pœnâ vindicari debere. Ego vero non video, quare, si tueri libertatem Reipublicæ isto modo licet, salutem Principis non liceat? aut cur, si Princeps veritatis antequam pœnæ rationem habere debet, Resp. non debeat. Alter est, cum conspirationum audaciâ, in eum statum res devenit, ut aut Principi pereundum sit, aut conjuratis, eaque illorum potentia sit, ut quamvis de perduellione constet, nec capi sine periculo,

(a) Cent. 1. c. 13.

riculo, nec teneri tuto, nec legibus cum
iis agi possit, siue in principatu id accidat,
siue in libero civitatis statu: sane occupare
scelus & perdere, ne pereas licet. Hoc
modo A. Cæcinam, consularem virum
vocatum ad cœnam, vixdum triclinio e-
gressum confodi iussit Titus Cæsar; urgen-
te discrimine: cum etiam chirographum
ejus præparatæ apud milites conjurationis
deprehendisset. (*) Eadem ratione Hen-
ricus III. Galliæ Rex Guisiorum fratrum
cædem Cardinali Mauroceno, & per eum
Pontifici excusavit: (†) & Albertus V Val-
lenstenius Egræ isto prætextu trucidatus
fuit.

CAP. XXI.

QUasi scenæ fabulas componit] Etiam
illud ingeniosum scelus invenit, ut
quos judiciorum rigore condemnare non
potest, velut in scenâ & théâtre per ludum
perdat. Socratis innocentiam omnibus tri-
bunalibus superiorem poeta scurra Ari-
stophanes in scenâ primus traducere ausus
est, accusatoribus Anyto sociisque eo mo-
do præludens. (a) Titus Cæsar suspectissi-
mum

N 5

mum

(*) Sueton. Tit. c. 6. [†] Henr. Davil. 9. hist.
bell. civil. (a) Ælian. 1. Var. hist. 13.

num quemque sibi, submissis qui per theatra & castra quasi consensu ad pœnâ depolcerent, oppressit. (*)

Crimina, quibus nisi à filio mater absolvi non possint] Vid. Not. ad cap. xv. hujus libri.

Colloquium filii exposcit.] V. Not. ad xi. Annal. c. xxxi.

Ultionem in delatores, & præmia amicis obtinuit] Periculosum est magnis inimicitiis clarescere; (†) & capitalis audacia, lacerare potentiores. Id quod Æsopus sapienti fabulâ de collis inter se ollis, athenâ, figlinâque docuit. Et præter Iturii Calvisique, etiam sequenti capite Pæti exemplum demonstrat; Burrum accusantis: qui quanquam reus inter iudices sententiam dixit, & accusatori exilium irrogatum.

C A P. XXIII.

Nihil unquam sedomi, nisi nutu aut manu significasse] Vide quæ Freinshemius ad Q. Curtii sextum historiarum. (a)

C A P.

(*) Sueton. Tit. c. 6. (†) Tac. 2. hist. § 3.

(a) 6. 11. 3.

CAP. XXV.

N*Ero itinera urbis, & lupanaria, & diverticula pererrabat]* Similis lasciviæ ac petulantix exempla passim in historiis leguntur. Quod Nero per licentiam & lasciviam, id prudentes quoque Principes, ut sui & ministrorum famam noscerent, fecerunt. (*)

Quasi exprobrasset, mori adactus est] Injuriarum à Principe acceptarum unicum remedium est, *non intelligere.* (†) quin & tanquam pro beneficio gratias agere. (‡)

CAP. XXVI.

T*Ribuendum aliquod telum quod sperni nequeat]* Satius est nullas ferre leges, quam quæ contemni possint, aut debeant. Muniendæ sunt poenis, quæ sperni nequeant. Prima igitur Legislatoris inspectio esse debet, ut hominum naturæ, atque ingenio, atque isti, in quo vivit, seculo, commoda, congruaque lex sit, neque ea jubeat, quibus *jam pares non sumus.* (a) Altera, ut poenæ metus constringat, quos

N 6

amor

(*) *Vide Boter. 1. della rag. di stat. 17.* (†) Tac. 14. *annal.* 6. (‡) Tac. 14. *annal.* 56. (a) Tac. 1. *hist.*

amor legum, & obsequii non retinet. Tertium, ut perpetuâ observantia semel placita custodiantur: contra quam plerumque fieri solet, ut plura sanciantur admodum æqua; *Ostentui magis, quam mansueta*; (*) quæ brevi servata, dein frustra habentur: (†) acribus initiis, incurioso fine. (‡)

CAP. XXVIII.

[*Mago Reipub.*] Simulachra libertatis. (a)
de quibus, quod satis, differuimus, ad primum annal. (b)

CAP. XXX.

D*Amnatus iisdem consulibus Vipsanius &c. Absolutus Cestius. &c.*] Dum rigida apud Veteres ac inconnivens legum, morumque custodia vigeat, ut sua virtutem præmia, ita delicta certa poena manebat. At istis, quibus hodie vivitur, moribus, uti nullum virtuti premium, ita crimina, vi, ambitu, pecuniâ tuta sunt. Certe apud prudentes in ancipiti habetur, repetun-

(*) Tac. 1. hist. 78. (†) Tac. 13. annal. 51.

(‡) Tac. 6. annal. 17. adde Boccasin. cent. 1. cap. 5. & cap. 14. (a) 1. Annal. 77. (b) Verba: Ea dem Magistratuum vocabula.

petundarum, aliaque magistratuum delicta negligere potius sit, an punire. Quippe con-
 vivere injuriis, neque justitiæ, neque pru-
 dentia convenit; & rursus promiscuas ac-
 cusationes admittere, magistratuum ho-
 norem prostituit, principis judicium con-
 demnat, & calumniis innocentia struendis
 viam aperit. Carolus Oisellus insignis JC.
 Gallus (a) non absurde distinguit inter il-
 los qui æratio, fiscoque, & qui justitiæ ad-
 ministrandæ præsumt. Illorum peculatum
 semper & publice, horum delicta ita pu-
 nienda, ne ipsi dignitati honor & reveren-
 tia pereat. Placet quoque Ferdinandi Man-
 tuæ Ducis temperamentum, qui remoto
 Carolo Rubeo à Montisferrati administra-
 tione, Ferrantem Caroli patrem successo-
 rem dedit: sic honori filii, existimationi ge-
 neris consultum credens, si amoto filio di-
 gnitas transferretur in patrē. (b) Philippus
 1. 1. Hispaniæ Rex, Inoiosæ Marchioni apud
 se accusato permisit successorē postulare: ut
 abire Mediolani præfecturâ, nō pelliculi videretur.
 eâ ratione suæ & ministri famæ cōsulēs.
 (c) P. Celerē Nero Cæsar, accusatæ Asia, quia
 absolvere nequibat, traxit senectâ, donec
 mortem obiret. (d)

Volusius

(a) Lib. 1. des offices. c. 14 (b) Possev. Hist. bell. Monf.
 p. 333. (c) Possev. hist. Mos. p. 431. (d) Tac. 13. ann. 33.

Volensius egregiâ famâ concessit] Quamquam apud malum principem non minus periculum sit ex magna fama, quam ex mala. (*)

Præcipuæque opes] Quæ apud tyrannum pro crimine sunt. (§)

Inoffensa tot Imp. malitia] Quod quâ dexteritate, quibusque artibus contingat, Cn. Agricola socii sui (†) & Manii Lepidi (‡) exemplis docet Tacitus.

CAP. XXXII.

Longa huic Pomponia ætas, & continua tristitia] Quibus parallelas historias annotare volupe est, cum hac Pomponia Isabellam Aragoniam Mediolani Duci nuptam haut inepte contendunt. (a)

CAP. XXXIII.

Magnitudine sceleris cætera flagitia obtegebat] Ut severitatem legum, & flagitiorum pœnas evitent facinorosi, suam Principi operam addicentes iussu scelera impigre exequentur; præter impunitatem olim admissorum sæpe virtuti debita

(*) Tac. Agric. 5. (§) Tac. 1. hist. 2. (†) Agric. cap. 42. (‡) 4. Annal. 20. (a) V. Iov. Elog. Comin. Comment.

AD CORN. TACIT. Lib. XIII. 503
bita præmia flagitiosis obsequiis adepti,
Accidit tamen haut raro, ut perfectò de-
mum scelere principes magnitudinem ejus
intelligent; (*) & graviorum facinorum
ministros tanquam exprobrantes adspi-
ciant, (†) puniantque. Quod argumen-
tum tractavi ad primum annalium (‡) &
porro tractabo ad XIV. (§)

C A P. XXXIV.

A *Ut alienæ id potentie donum habere*]
Vide Nostra ad xv. Annal. (a)

*Armenii ambiguâ fide utraque arma invi-
tabant. &c.*] De iisdem Tacitus secundo
Annalium. (b) Ambigua gens ea antiqui-
tus, hominum' ingeniis, & situ terrarum;
quo nostris provinciis late prætentata peni-
tus ad Medos porrigitur: maximisque im-
periis interjecti, & sæpius discordes sunt;
adversus Romanos odio, & in Parthum
invidiâ. Similia de Armeniis tradit Am-
mianus Marcellinus vicesimo septimo, &
tricesimo historiarum. Ego in omissorum
libro (c) iis Hungaros, Transylvanos, Mol-
davos præterea & Valachos comparavi.
Postremo

(*) Tac. 14. annal. 10. (†) Tac. 14. annal. 62.

(‡) Cap. 6. (§) Cap. 62. (a) Cap. 29.

(b) C. 56. (c) P. 564. & seqq.

Postremo omnes omnino populos, principesque isto terrarum positu, quem hic Tacitus notat, ut finibus & limite, ita animis quoque utrinque varie favere, & consilia, amicitiasque, prout conducit, hinc inde transferre, certissima observatione constat. Germaniæ Principes, interque illos Serenissimus potissimum Saxonix Elector, nunquam adeo arcto federis, amicitix, obsequii vinculo domui Austriacæ adhæserunt, ut à Suecia ac Gallia assurgentem recuperandæ libertatis spem excluferint: nunquam tamen novorum federum religionem, alienaque comoda, antiquæ erga Austriacos reverentiæ, suæ utilitati, pacique & tranquillitati publicæ prætulerunt. Quod præter Henrici 11. Galliæ Regis cum Protestantibus, (a) etiam superiorum annorum cum Gallis Suecisque pacta federa clare demonstrant. Eundem animorum habitum in Italiæ principibus deprehendere licet: quorum arma, federa, amicitia, Hispanis æque ac Gallis sæper ambita, illi perpetuo prompta parataque erunt, quem præsentis status, pacisq; ac quietis studiosiorē, proferendiq; imperii minus curiosū credēt. Nunquā igitur vel Mediolano Gallos potiri, vel Casale

retine-

(a) Sleidan. Thuan.

retinere, neque vicissim Hispanos novis incrementis grandescere æquo animo patientur Itali. (a) Inter Italiæ Principes præcipui Sabaudix Duces, Italiæ Ianitores, provinciarum situ, & sanguinis vinculo Gallis æque Hispanisque nexi semper amicitias sibi utiles secuti sunt; nunc harum, nunc illarum partium. (b) Sabaudis ut viciniâ ita consiliis proximi Rhætorum populi, infidam Gallorum juxta ac Hispanorum amicitiam experti, eam semper expetunt, quam contra potentioris vim ac insidias sibi conducere arbitrantur; ad alterum transitori, quoties exutâ patroni cura prædonis animum alter induerit. (c) Postremo quantum belli regnique ratio in animis hominum possit, etiam federatarum Belgii provinciarum exemplo constat: quæ superioribus annis, cum Lovanium sociis exercitibus obsideretur, (d) & nupero tractatu Monasteriensi plus à federatis Gallis, quam

(a) Guicciard. *passim*. Galeat. *Guald.* 14. *hist.* p. 957. & *seqq.* p. 987. & *seqq.* & *lib.* 11. *hist.* p. 722. & *seq.* (b) Vide Marchion. *Virgil. Malvezzi*, in *histor. anni* 1510. 1511. 1512. p. 23. & *seqq.* Galeat. *Guald.* 10. *hist.* p. 635. & *seqq.* & p. 648. & *seq.* & p. 676. Possevin. in *hist. Monserr.* *passim*. Capriat. in *hist. passim*. (c) V. *Guald.* 13. *hist.* p. 843. & *seq.* Henr. Duc. *Rehan. Apolog.* (d) *Ann.* 1635. v. *Guald.* 10. *hist.* p. 658.

quam ab Hispano hoste sibi metuentes, cum hoc quamvis multa clade attrito, debilitatoque pacem facere, quam cum illis Victoriarum cursui insistere maluerunt.

CAP. XXXV.

COrbuloni plus molis adversus ignaviam militum, quam contra perfidiam hostium erat.] De disciplinæ militaris usu, necessitate, exemplis plurima passim congesterunt, & queis belli ac armorum peritia, (a) & qui literarum tantum gloria valentes etiam ad hoc argumentum ingenium curamque extendere voluerunt. (b) Mihi civiles tantum ac pacis artes excolere perpetuo propositum fixumque erit. A quo tamen proposito alienum non erit Pauli Jo-vii judicium, causam, cur nostri seculi duces antiquis concedant, corruptæ disciplinæ tribuentis, ipsius verbis adscribere: (c) Quod si Romana res, inquit, stetisset incolumis, veterisque militiæ disciplina ad hunc usque diem incorrupta pervenisset, nec interea diræ factiones, quas barbarus hostis

(a) *Leo Imp. Imperialis Cinuz Senens. Bernardin. Mendoza. Henric. Dux Rohan.* (b) *Valer Max. 2. c. 7. Besold. de bell. c. 7. Boter. 9. della rag. di stat. 10. Phil. Camer. in Meditat. hist.* (c) *Ex lib. 1. de vita Consulvi:*

hostis invexit, mentem cunctis eripuissent, nulla profecto collata huic nostræ, vel militum vel ducum ferocior ætas extitisset. Etenim vigentis Reip. atque ipsorum Augustorum inexhaustæ opes, felixque ille & salutaris Italiæ consensus, mediocribus sæpe viris, qui vel sorte magistratum iniissent, admirabiles victorias triumphosque pepererunt. At nostræ tempestatis imperatoribus aliam rerum faciem insensissimi seculi fortuna prorsus ostendit: quibus sæpenumero suum militem in officio continuisse aliquanto difficilius fuit, quam hostes periculosis Martis operibus devicisse. Adeo enim militarem disciplinam vel tenuitate opum Italiæ, importuna Regulorum multitudine laborantis, vel diuturno exitialis negligentiae morbo affectam prostratamque conspiciamus, ut jam ea ab externis gentibus imitatione parum decora, postquam fatali desidia concidimus, rependa videatur. Nam si, quo militum obsequio, qua centurionum, præfectorumque religione, qua imperatorum severitate constiterit, animo reputare velimus, paucos certe verorum militum nomine dignos esse censebimus. Inveterato namque fatiscentis hujus seculi vitio, si qui sunt ingenui, vel à mediocri fortuna non ignobiles,

biles, qui vires atque animos militiæ idoneos afferre videantur, ii ante omnia pedibus stipendia merere, quod multo gloriosis majoribus fuit, longe turpissimum ducunt. quo fit, ut ex pessimo, servilique genere hominum, legiones conscribantur, temerario potius impetu, quam certa ratione pugnaturæ; aut ignaviâ turpique flagitio prodituræ ducem, in cuius manu atque consilio gerendi belli summa constiterit. Nec id mirum videtur, cum milites linguarum ac morum varietate dissimiles non unum omnes militandi finem respiciant; nec sensibus inter se conjungi, nec à ducibus regi possint; nisi vim imperii, quod reverentiâ, quam severitate validius semper fuit, atrocibus exemplis, præsentibusque suppliciis, fœdatâ sæpe nominis Majestate experiantur. Quis enim vel divinæ virtutis imperator rem bellicam ratione gubernaverit, cum milites accepto stipendio sæpe transfugiant, opus militare detrectent, in agmine prædentur, in castris nec vini, nec obsonii quidem recentis desiderium patienter ferant; atque in acie demum canente classico instantequæ hoste stipendium flagitare non erubescant? Porro quis levissimâ sæpe de causa consternatis, quis contumacibus,

cibus, quis seditiosis desertoribusque per-
percerit? Quis hæc unquam militum erra-
ta, prænuncia calamitatis & cladis, inge-
nio, prudentiaque correxerit? Per has
ergo labantis disciplinæ difficultates, no-
stræ tempestatis ducibus, ærumnoso quo-
dam labore fuit eluctandum: ita ut nulli
sit dubium, quin innatæ eorum virtuti, &
ad summum proculdubio bellicæ laudis
fastigium contendenti, eæ plurimum of-
fecerint. &c.

Pace longâ segnes] Pax longa frangit, e-
nervat, evitat animos, & Luxum virtu-
ti subrogat. Prudenter poëta:

*Nunc patimur longæ pacis mala: scivior armis
Luxuria incubuit, victumq; ulciscitur orbem.*

Longam pacem, opes & luxum magna-
rum urbium, populorumque ruinas præ-
cedere illarum, quæ Burgundiæ Ducibus
olim parebant, gentium exemplo docet
Cominæus, primo Commentariorum:
qui præterea alibi (a) sapienter monet,
postquam Principes longo tempore o-
mni rerum affluentia & prosperitate usi,
ad animum minime revocant, Dei bene-
ficentia ista provenire, Numen ingratitu-
dini castigandæ bella immittere.

His

(a) 1. Comment. 7.

His consequens est, necessariam belli meditationem etiam in pace esse : & Principem sine bello quidem , nunquam sine armis esse debere : qua de re alibi (a) disserui, & porro differendi locus erit ad xv. Annal. (b) Pertinet huc , quod pariter alibi (c) monuimus , quibusdam principibus inter artes infringendi ferociam subjectorum fuisse , arma adimere , duella prohibere , contra literarum studiis , voluptatum illecebris , ac vitiorum delinimentis imbuere : quo sensu apud Tacitum (d) ex Germanis quidam dixit, Romanos plus voluptatibus adversus subjectos, quam armis valere.

Postremo Turcarum quoque mos huc spectat , quo desultorio quodam studio nunc hunc nunc illum subito bello lace-
sunt ; quod , ubi aliquod operæ precium fecerunt, mox alio transferunt : cujus consilii rationes explicare me memini ad i. Annal. (e)

Exemplum omnibus ostendere] Quantum exempla principum ducumque in animis subditorum ac militum valeant, quia à Florile-

(a) Hypomn. i. & Not. ad 4. annal. (b) Cap. i.

(c) Not. ad i. annal. p. 93 & seqq. (d) 4. Hist. 64. (e) Pag. 41.

AD CORN. TACIT. Lib. XIII. 311
rilegulis omnibus tractatum est, ego di-
ctum dicere nolo.

Remedium severitate quasitum est] Vide
mea ad XI. annal. (*)

*Ufu salubre & misericordiâ melius appa-
ruit*] Aspero enim & abscisso castigatio-
nis genere militaris disciplina indiget: quia
vires armis constant: quæ ubi à recto tra-
mite desciverunt, oppressura sunt, nisi
opprimantur. (†)

C A P. XXXVII.

Antiochum Regem monet, proximis sibi
præfekturas petere] Frequentissima &
utilissima solertia est, hostem hosti suo su-
scitare: qua arte avorum memoria maxi-
me valuit Ludovicus XI. Galliæ Rex. (a)
Etiam qui ipsi hostilem animum minime
profitentur, metu forsan, an quia aliis bel-
lantibus belli exitum expectare tutius pu-
tant, pecunia, armis, consilio instruunt
audentiolem; clam quidem, ac veluti du-
bitantes inter initia, uti ancipitia, & for-
tassis culpæ obnoxia; cæterum ubi res ex
voto procedunt, Victoris nomen non e-
rubescendum ipsi quoque palam agno-
scunt.

(*) C. 18. (†) Valer. Max. 2. c. 7.

(a) Comin. passim.

scunt. Elizabetha Angliæ Regina Casimirus Palatinum ad bellum Belgicum instruens, per speciem auxilii ipsa Belgio inhiare credebatur. (a) Senatus Venetus sæpe aliàs, & postremo bello Monferratenſi Mantuani primum, dein Sabaudi inopiam numis sublevavit: minori suo detrimento putans hostem in alieno distineri quam è suo repelli, simul indubitatum habens apud illum belli pacisque arbitrium futurum, qui exercitus procul à suis finibus sustentasset. (b) Nuper denique Galli cum ipsi metu, an verecundiâ? victricia Austriacorum arma in se provocare nollent, Gustavum Adolphum Sueciæ Regem, sui & futuri seculi sine vitio monstrum Austriacis hostem adornarunt.

Pharasmales interfecto filio Rhadamisto] Nota, qui patrum, socerum, sororem & uxorem occiderat, occiditur à patre.

Discite justitiam moniti & non temnere divos!

Quia causâ, quam vi agere mallerent] Quæ hic Tiridates, ea Vologeses iisdem pene verbis postea testatus fuit; æquitate quam sanguine, causa quam armis retinere patra majoribus voluisse: & modestiæ famam
neque

(a) *Strad. de bell. Belg. lib. 11.* (b) *Posserrim. hist. de bell. Monfer.*

neque summis mortalium spernendam esse, & à Diis æstimari. (a)

Satis comperto, Vologesen defectione Hyrcania attineri] Ad hunc locum Scipio Amiratus (b) præceptum tradit, verso in unum hostem bello, cum cæteris pacem aut inducias habendas esse. quod ego quoque alibi monui. (c)

Posse illi regnum stabile, & res incruentas contingere, si omissâ spe longinquâ & ferâ, præsentem potioremque sequeretur] Id alibi (d) Tacitus appellat, *tuta & præsentia quam vetera & periculosa malle.* & alio loco: (e) *pro certis & olim partis nova, ambigua, anticipia malle.* Fidissimum sane neque hostile consilium Corbulonis fuit, precibus Cæsari extorquere, quod armis Taridates nequibat. Cui illud affine est, in controversiis & litibus cum vicinis, potentiâ prævalidistutissimum esse, partis cessione transigere: nec unquam dispendiosum credere, pecuniâ aut aliquot oppidorum jacturâ pacem redimere. Nam præterquam, quod cætera firmanantur, etiam bellum vitasse, omnem impensam facile compensat. Fac enim tuis aut sociorum armis æmulum a-

O

perito

(a) Tac. 16. annal: 2. (b) Lib. 13. cap. 4.

(c) Not. ad 1. Annal. 10. & ad lib. 12. c. 32.

(d) 1. Annal. 2. (e) 25 Annal. 29.

perto bello submoveri posse, ne sui juris faciat tuam ditionem : quo minus tamen perpetuo exerceat, laceret, perdat fructusque ac reditus in militem, arces, exploratores, comineatum, tormenta absumere necesse sit, facere non possunt. Plane necessum est, ut qui domi suæ bellum habet, omiſſa pagorum, & plerorumque oppidorum curâ ad duorum aut trium locorum tutelam omnes vires contrahat. Compositis contra rebus non, ut inter suspectæ fidei vicinos, præſidiis, non milite opus. Securi & nullis impensis delibati reditus. vita ipsa non solitudine gravis, non curis anxia erit. Superioribus annis Francisco Mantuæ Duci suadebant plerique, duraturas perpetuo vexationes, & paratas in omnem posteritatem à Sabaudò focero insidias notabili licet controversi Monferrati portione redimeret, quo cæteris securitas esset, & tuta in posteros provinciæ possessio transiret. Esse, quæ levi imminutione finium concedi possint, divulsa à reliquo corpore, & ad quæ nisi per hostilè agrum accessus pateret, nec ex his fructus nisi tenuissimos. Etiam labare subditorum obsequium distantia, & quoties urgerentur, parato in vicinum receptu. (a) At Franciscus non

opi-

opibus, non viribus, neque milite Sabau-
do par, cum nutrire noxia cunctatione sua
discrimina, quam consulere domui potius
haberet, sibi posterisque maximorum ma-
lorum author fuit: quæ præcipuâ pruden-
tiâ in historiarum libris exequuti sunt Pe-
trus Ioannes Capriata, & Antonius Posse-
vinus. (*)

CAP. XXXVIII.

Quia *commeantibus invicem nunciis*
&c.] De his quæ ad pacis tractandæ
artem & solertiam pertinent, videbis, quæ
notabimus ad decimum quintum annal. (a)

*Placitum debinc, quia commeantibus in-
vicem nunciis nihil in summa pacis, proficie-
batur, colloquio ipsorum tempus locumque
destinari.*] Quando ipsos Principes collo-
quiis, quando per ministros transigere ne-
gocia utilius sit, tractabo, si Deo videbi-
tur, ad quintum decimum annalium. (b)

Prior Corbulo.] Vide Nostra ad secun-
dum annal. (c).

CAP. XXXIX.

Neque *commeatibus vim facere potuit*]
De solertia expediendorum impe-

O 2

diendæ-

(*) 2. Hist. 85. (a) Cap. 5. (b) Cap. 29.

(c) P. 175. & seqq.

diendorumve com meatuum videndi Io. Boterus, (*) Scipio Amiratús, (†) & qui omnes belli artes percalluit, Henricus Dux Rohanus. (‡)

C A P. XL.

T *Iridates pudore & metu*] Negligere urbis obsessæ salutem famam ducis ac partium imminuit. Quæ ratio tanti sæpessuit, ut cuncta in aleam & præcipitium dare magni duces maluerint, quam suo in conspectu magnam aliquam urbem obsideri, capique. Isto argumento Alphonsus Lusitaniæ Regem Ferdinando & Isabellæ Regibus adversi Proceres Hispaniæ ad Burgensis arcis obsidionem solvendam hortabantur: si castellum istud, à quo tanquam à capite Hispaniæ regnum Castella cognominetur, in hostium potestatem perveniret, actum esse de Lusitanica factione: cum utriusque partis fautores, in hoc unum certamen oculos conjecerint, inclinaturos omnes ad victorem studia sua. (a) Istam ob rationem, captis superioribus annis Ratisbona, & Donaverda à Cæsarianis, obsessaque Norlinga, Suecicarum partium

(*) 6. *Della rag. distat.* 12. (1) 13. *Disc.* 5.

(†) *Lib. de bell. cap.* 16. (a) *Æl. Nebrissens. hist. dec.* 1. *lib.* 4.

tium fortunam, cujus famam senescere videbat, in casum dare voluit (& revera dedit, celebri; sed infelici commissa pugna) Bernardus Saxoniae Dux; reclamante quamvis, neque eam rationem probante Gustavo Hornio. Accedunt sepe circumstantiae, quæ pondus addunt: ut cum Tacitus alicubi ad famam partium pertinuisse ait, duci hostium ereptam patriam: & quod Protestantium bello, Augusta Vindelicorum, Augustanæ Confessionis incunabulis nobilis civitas à Carolo v. Imperatore capta fuerat.

Via pariter & pugne composuerat exercitum] De modis secure conducendi per hosticum militis, vide, que n. paulo antè notavi, Henricum Ducem Rohanum libello de bello, capite quinto:

CAP. XLI.

Artaxatis ignis immissus: deletaque & solo equata sunt: quia nec teneri sine valido præsidio &c.] Vti Status, ita Belli Ratio principibus ducibusque nostri ævi perpetuo in ore est: qua pleraque crudelitatis atque injustitiæ famam incurrentia aut commendant, aut excusant. Idque vocabulum cupiditati nostræ patrocinium re-

pertum, raro minus late quam hanc pate-
 re, verissime Incomparabilis Heinſius (a)
 dixit. Exemplum antiquitas præbuit, quæ
 loca, quæ ob magnitudinem mœnium ſi-
 ne valido præſidio teneri nequibant, igne
 immiſſo, vel aliter ſolo æquabat. (b) Cui
 ſimile eſt, quod Tacitus de Vſpenſibus re-
 fert, (c) veniam liberis corporibus oran-
 tibus, ſervitii decem millibus oblatiſ, quia
 trucidare deditos ſævum, tantam multitu-
 dinem cuſtodiâ cingere arduum; aſperna-
 tos Victores condicionem; ut belli potius
 jure caderent. Humanius eſt mitiusque,
 mediocria civitatum ſpatia imposito præ-
 ſidio retinere, arma civibus adimere: vel,
 ubi locorum amplitudo, & habitatorum
 numerus ſecuritatem præſidii morantur,
 ſubrutis mœniis ac munimentis, civibus a-
 nimos, hoſti commoditatem, ac nocendi
 occaſionem demere. Vtriuſque plura ex-
 empla in bello Senenſi notat Io. Baptiſta
 Hadrianus duodecimo & tertiodécimo hi-
 ſtoriarum. Conſtantine Imperator dedi-
 tos juſſit arma ponere: & quia tanto nu-
 mero tot vincula, quæ continere militares
 & paulo ante armatas manus poſſent, dee-
 rant, de gladiis eorum gemina manibus
 aptari

(a) *Hiſtor-Syltæ dnc.* (b) *Tac. hic.* (c) *Tac.*
 12. *annal.* 17.

aptari claustra jussit : ut servarent deditos gladii sui, quos non defenderant repugnantes. (a) Verum non in ista tantum captarum urbium, sed & pluribus aliis rerum negociorumque speciebus sæpius comprobatum est, regnandi rationem à justitiæ regula ingenti divortio abire. Insigne inter alia, quæ sibi potentiores arrogant, jura est, quo minores, quibus munita oppida, arces, castella tenentur, nullæ tamen idoneæ ad vim hostilem arcendam vires opesque sunt, ad cessionem ejusmodi locorum vel invitos adstringunt. Quomodo Carolus v. Imperator Cosmi Medicæi suasu Appianos Plombini dominos, ne scil. Galli loco potirentur, ex arce in oppidum reluctantes, querentes, Deum hominumque fidem obtestantes emigrare coëgit. (b) Superioribus annis Mantuani Ducatus successione Carolū Niverniū Cæsar & Hispani arcuerunt; nullis aliis causis, nisi quod principem Gallico ingenio imbutum Mediolano vicinum habere non conducere. Possessionem regni Bohemici à Friderico Palatino usurpatam injustissimam fuisse, nec illi, qui ejus auctores fuerunt, nunc negare possunt. Neque tamen unquam commo-

(a) *Incert. Panegy. Constantino.* (b) *Io. Eapt. Hadrian. 5. & 6. hist.*

dior occasio fuit minuendæ potentiaë Austriacæ, si majorem Galliaë & Angliæ Reges, ac Germani Principes utilitatis quam justitiæ rationem habuissent. (a) Igitur dum flagitio participare abnuunt, Austriacam potentiam, Germaniæ gravem, in majus provexêre. Quod si uti occasione voluissent, justitiæ & æquitati satisfactum minime fuisset. Ferdinando 11. Imperatori post debellatos in Imperio hostes suos nec in armis persistere justitiæ, nec dimittere exercitus regni & potentiaë servandæ ratio permittebat. Postquam Electorum precibus cedens exauthoravit militem, statim Gustavus Adolfus & qui metu ac terrore hætenus continebantur, in ultionem consurrexerunt. Quanquam & alius Cæsaris error fuit, qui res ejus pessumdedit: quem supra tetigi ad x11. anpal. (b) Militabat superioribus annis eidem Ferdinando Imperatori Edoardus Bragantinus, Joannis, qui Lusitaniam Hispanis nuper subtraxit, frater, egregiâ fortitudinis & fidei laude. Aberat Edoardus non à consiliis modo, sed à notitia quoque rebellionis, & pervenerat fama motarum in Lusit.

(a) *V. Duc. Rohan de l'Intéress des Princes part. 2. c. 6.* (b) *Cap. 32.*

Lusitania rerum ad ministros in aula Cæsarea Hispanicos, priusquam Edoardus quicquam inde rescisceret. Igitur illi, Joannis infirmæ ætatis liberos, & solum recentis potentiæ munimentum Edoardum reputantes, Cæsarem aggrediuntur, metum, pericula, & unum istorum remedium ingerentes, carcerem & vincula. Renuebat Cæsar pro egregia tot annis sibi præstitâ fide, nefandam ingratitude reddere, & sceleri debita supplicia innocentiae irrogare. Neque sufficebat animus. sævitiae, ni Hispani Didacum Chirogam, Capucinum, Imperatricis conscientiam regere solitum subornassent, qui sine Numinis offensa pro regni salutē Injustum esse liceret tandem Optimo Principi persuasit; indignantibus plerisque, leges hospitales, fidem publicam, libertatem Imperii, Germanici Hispanorum crudelitati posthaberi. (a)

CAP. XLII.

T *Erribilis ac Vanalis*] Id genus hominum, vel noxiarum potius bestiarum ingenium, mores, artes depinxi, ad 1. annal (a)

Extrema senectâ liber] Nam istâ æta-

O 5

te &

(*) *Victor. Sir. tom. 1. lib. 2. hist.* (a) P. 112.
& aliquot seqq.

te & fortissimum & potentioribus maledicere & tutissimum: quorum ira materiam sæviendi perquam exiguam habet, parvulum vitæ tempus ablatura. (*)

Studiis inertibus, & juvenum imperitiæ suctum] Vide quæ supra ad hunc librum. (†)

Omnia potius toleraturum, quam veterem ac diu partam dignationem subita felicitati submitteret] Insitum quippi mortalibus est, recentem aliorum felicitatem ægris oculis introspicere; modumque fortunæ à nullis magis exigere, quam quos in æquo videre. (‡)

CAP. XLIII.

O Mnemque Claudii sævitiam Suilio obiectabant:] Et: Puniendos rerum atrocium ministros] Vide nostra ad primum Annalium (a) & quæ illis addemus ad decimum quartum. (b)

Filio Sænepti pars concedebatur] Scripsit Jul. Paulus] C. librum singularem de portionibus, quæ liberis damnatorum conceduntur; cujus fragmentum in Pandectis extat: (c) & transferenda sunt in hunc locum,

(*) Valer. Max. 6. cap. 2. ubi vide exemplum de Helvio Mancina Formiano, & M. Castitio.

(†) Cap. 14. (‡) Tac. 2. hist. 20. (a) P. 21.

(b) C. 62. (c) L. 7. D. de bon. damnat.

AD CORN. TACIT. *Lib. XIII.* 323
cum, quæ Henricus Valesius, Vir doctis-
simus notavit ad Ammianum Marcelli-
num. (*)

C A P. XLIV.

P*ontia amore vacors*] Quibus similes
historiæ placent in miraculum & stu-
porem legentium vel fictæ vel exornatæ,
iis tragicatum narrationum scriptores,
Bandellum, Belleforestum, Rossetum,
Boccatium & Gyraldum in Hecatummy-
this adire licet: quibus addi poterit Guic-
ciardinus tertio historiarum de Duce Can-
diano & Cardinali Valentino, & in fine
sexti de Hippolyto ac Julio Atestinis

C A P. XLV.

H*ic mulieri cuncta alia fuere, præter
bonestum* animum*] Poppææ non-
dum Augustæ, ejusque morum exemplar
expressit superiori seculo in Aula Gallica
Diana Valentina: cujus supra ad librum
XI I. (a) mentionem feci.

*Maritos & adulteros non distinguens: ne-
que affectui suo aut alieno obnoxia, unde uti-
litas ostenderetur, illuc libidinem transfere-
bat*] Adulteria in aulis potentiæ quæren-

O 6

dæ

(*) *Pag. 381. (a) Cap. 7.*

dæ aut servandæ instrumenta haberi , docui ad tertium(*) & duodecesimum(†) ann.

CAP. XLVI.

A *C* si eadem femina potirentur , id quoque vinculum potentiam ei adjiceret] Quod contra vertit. Nam dejectus familiaritate suetâ , post congressu & comitatu Otho : & postremo , ne in urbe æmulatus ageret , provinciæ Lusitaniæ præfectus fuit. (a) Qui maritum lenonem volebat , eundem corrivalem non ferebat. Adde quæ ad quintumdecimum notabo. (b)

Provincia Lusitania præficitur] Per-
vulgatam Aulæ calliditatem , invisos
aut suspectos legationum aut alius ho-
noris specie amoliendi , ad secundum
Annal. (c) notavi. In Aulis proximi
favori & præmiis sunt , qui sub oculis
principis perpetuo agunt. In Rebuspub.
illorum potior condicio est , quibus ad-
ministrandis provinciis larga opum quæ-
rendarum seges obtingit. Neque tamen
perpetuam istam , & sine exceptione
distinctionem asseruerim. Nam & in
Au-

(*) C. 7. (†) C. 25. (a) Tac. 13. annal. 46.

(b) Cap. 68. (c) Ad 3. annal. 30.

Aulis alia distinctione res expedienda est, ut qui primum, aut à primo proximum gratia principis locum, & rerum arbitria obtinent, nunquam loco pelli æquo animo ferant; cæteri, qui non in summo consistunt, provincias, & legationes non inviti sortiantur: & viceversa in Rebuspub. quoque præstantes viros pravis consiliis obstaturos ad externas administrationes civitatibus suis extrudi haut insolens est. Quomodo P. Clodius sub honorificentissimo ministerii titulo M. Catonem à Repub. relegavit. quippe legem tulit, ut is quæstor cum jure prætorio, adjecto etiam quæstore mitteretur in insulam Cyprum, ad spoliandum regno Ptolomæum. (a) Geminum huic artificium est; prætextu ætatis ac laborum, & benevolentiae donum remittere, quorum Aulam pertræduit. Ita Annam Mommorantium Francisco I. & Henrico II. Regibus carissimum Franciscus II. Matris Catharinæ & Guisiorum instinctu, qui virtutem ac prudentiam viri, uti novæ potentiae adversam oderant, metuebantque, ex Aulâ demisit; senio & meritis

id se

(a) *Vellej. Paterc. 2. hist. 45.*

id se tribuere asserens. Ætatem istam non ultra laboribus atterendam. maximis tantum rerum momentis seponi debere. Fixum Regi esse, non ut ministrum negociis fatigare, sed patris instar colere. (*)

Sunt, qui variis causis ipsi Aulâ se subducunt: de quibus alibi differendi locus erit. (†)

C A P. XLVII.

Suspectabat Cornel. Syllam, socors ingenium ejus in contrarium trahens, callidumque & simulatorem interpretando. Et istud olim à me notatum (a) memini, somni & inertie ostentatione quosdam magni ingenii & magnæ fortunæ pericula efugisse; & multis segnitiam pro sapientiâ fuisse. Quæ tamen simulatio tunc tantummodo tuta est, cum creditur. Nam postquam intelligitur, periculum accelerat. Nero socors Syllæ ingenium in contrarium trahebat. Domitianus Titi fratris mitiorem naturam contra interpretabatur. (b) Guisiorum & Ligistarum factio Henrici III. Regis affectatam sub religionis exercitiis

(*) *Henr. Davil. 1. bell. civil.* (1) *Ad lib. 14. c. 53.* (a) *Ad 3. annal. 30.* (b) *Tac. 4. hist. in fin.*

AD CORN. TACIT. *Lib. XIII.* 327
citiis & deliciis aulicis incuriam suspectan-
tes, prævenite imminetia pericula, quam
præveniri maluerunt. (*)

Quem metum Graptus &c. intendit] Ri-
mati metus principis & intendere, Syco-
phantismus est: quem ex latebris produxi
supra ad hunc librum. (†)

Despecta, & nullius nisi capax natura] *Vide quæ notavi ad initium hujus libri.*

C A P. XLVIII.

Illi vim multitudinis bi magistratum, &
primi cujusque avaritiam increpantes] Ista
rerump. omnium, sed magnarum præci-
pue tinea est, ea labes, & factionum atque
dissidiorum radix: hinc certamina poten-
tium, arrogantia nobilium, & avaritia
magistratum, inde plebis insolentia, at-
que vis multitudinis. Vtriusque frequen-
tissima exempla occurrunt in Rebuspub.
Romana & Atheniensi, Florentina & Ge-
nuensi. Licentiæ popularis præter infinita
alia, singulare documentum exhibet Phil.
Cominæus quinto Commentariorum. To-
tum hoc argumentum utilissima subtilita-
te tractat Macchiavellus libro primo dis-
sertationum ad Livium. (a)

Quia

(*) Davil. 6. & 7. hist. (l) C. 19. (a) C. 2. 3. 4. 5. 6.

Quia severitatem ejus non tolerabant]
 De factionum remediis ad librum xi. e-
 gimus. Illud hic notandum occurrit, seve-
 ritatem, & parvis magnisque delictis æque
 inexorabilem, magis exercituum ductori-
 bus, quorum abrupta, neque interpreta-
 tionem recipientia sunt imperia, conve-
 nire, quam magistratibus, provinciarum-
 que rectoribus; qui æqua juris administra-
 tione, atq; moderatione plura quam vi exe-
 quuntur. Differentiam istam eleganter ex-
 plicat in Satyricis commentationibus Tra-
 janus Boccalinus. (a) Exempla infelicitè per
 asperitatem ac sævitiam administratæ pro-
 vincię sunt in recenti historia Dux Alba-
 nus in Belgio, (b) & Sobolla Gallus apud
 Mediomatrices. (c)

*Datâ præterea cohorte cujus terrore & pau-
 corum supplicio rediit oppidanis concordia]*
 Inermes leges, jussaque præsidio destituta
 vana plerunque sunt & effectui carentia :
 quia apud plerosque plus pœnæ metus
 quam obsequii amor potest. Eodem plane
 modo, quo hic Puteolani, alibi (d) Cam-
 pania discordibus municipiorum animis
 com-

(a) 2 Cent. 1. c. 12. & cent. 2. c. 63.

(b) Hieron. Conestab. Nic. Burgund. Fam. Strad.
 in hist. Belg. (c) Petr. Matthæ. 6. hist.

(d) Tac. 4. hist. 3.

AD CORN. TACIT. *Lib. XIII.* 329
composita memoratur, misso Lucilio Bas-
so cum expedito equite. & statim viso mi-
lite quies. Genuâ (quæ tunc Francisci juris
erat) per factiones tumultuante missus à
Rege Philippus Ravestenius cum CL. e-
quitibus, & 1000. peditibus; sed inutili
remedio; quia malo impar erat. (a) Cos-
mus Medices Pistoriensium in Cancellarios
& Panciaticos divisos animos in concor-
diam reduci posse rebatur, misso Ludo-
vico Guicciardino, austeræ severitatis vi-
ro. At is frustra fuit, quia milite de-
stituebatur. (b) Florentinâ Repub. in No-
bilitum & Plebejorum factiones scissâ, in-
valido contra potentiores legum auxilio;
Vexillifer Justitiæ creatus fuit; eique sub
xx. signis mille cives attributi, qui justitiæ
& innocentie præsidio essent. (c)

C A P. XLIX.

Magnarum rerum curam non dissi-
mulaturos, qui animum etiam le-
vissimis adverterent] Fallitur Pætus.
Verius est, & experienciâ comprobatum,
magnarum rerum curæ non sufficere,
qui animum etiam levissimis advertunt.
Id

(a) Guicciard. 7. hist. (b) Io. Bapt. Hadrian.
1. hist. (c) Macchiav. 2. hist. Flor.

Id quod , si Deo videbitur , alibi docebo.

CAP. L.

Dissolutionem imperii docendo , se frustra , quibus Resp. sustineretur , demeruerentur] Nam neque quies gentium sine armis , neque arma sine stipendiis , neque stipendia sine tributis haberi queunt. (a)

Ut ratio quæstuum & necessitas erogationum inter se congruerent] Quippe nulla tributa legitima sunt , nisi quanta necessitas erogationum requirit ; nulla erogatio iusta , nisi quam quæstuum , reddituum , tributorumque modus permittit.

CAP. LI.

Ergo edixit Princeps &c.] Nota cautiones temperandis , frænandisque publicanorum fraudibus. i. ut leges cujusque publici , & quantum quæ merces vectigalis nomine penderent , occultæ ad id tempus , publice prostant. ii. Ne omittas petitiones ultra annum résumerent. iii. Magistratus jura adversus publicanos extra ordinem redderent. iv. Militibus immunitas servaretur. Addenda ob rei similitudinem ,

(a) Tac. 4. hist. 74.

dinem, quæ coërcendis negociatorum cupidinibus in Senatu Mantuano, Ludovico principe coram, aliquando agitata scribit. Antonius Possevinus, quarto historiae Mantuanæ. Qui avaritiam insectabantur, inter paucos quæstum & opes, atque universa libidine vendentium transigi querebantur. Interesse Reip: ut justo precio necessaria comparentur. id nulla mercatorum modestiâ, sed legum authoritate obtineri posse. Quod si iis indulgendum sit, qui terrâ, marique disjecti, peregrinas urbi merces inferrent; illos saltem coercendos, qui domi nata summâ securitate ac minimâ impensa illata civibus intolerabili pretio vendunt. Negociatores contra veteri usu nitebantur: quo cuique licitum fuisset, rem suam, quanti libuisset, distrahere. Neminem ad emendum cogi. plurima luxum ac ornatum spectare: quæ ut non haberi citra damnum sit, ita comparari absque vendentium injuria deceat. Crudas hyemes, exercitas æstates, maria, flumina, latrones, naufragia, labores, & ex mercibus ipsis dispendium, putredinem, corruptionem, difficiles ac morosas distractiones suo pretio æstimanda. Princeps mercandis alimentis modum imposuit, quo Venditores perpetuo uterentur: peregrina

regina, quæ non necessitati, sed luxui comparabantur, mercatorum arbitrio permisit; ut saltem pretii magnitudine bona paterna haurientes, modestius ambirent.

Brevi servata, dein frustra habita sunt] Ut aliarum rerum, ita legum quoque acria initia sunt, incuriosus finis: (a) & novajura sæpe constituuntur, Ostentui magis quam mansura. Quo sensu Tacitus x i i. Annalium de Mathematicis Italiâ pellen-
dis SC. factum ait, *atrox & irritum*. At ridiculæ sunt leges; quæ in eadem, qua sanc-
ciuntur, curiâ violantur, & in suis veluti cunis moriuntur. (b) Vnde illud Macchia-
velli præceptum deducitur, leges, aliaque de reb. publicis privatisque statuta crebro
ad sua initia revocanda esse. (c)

Temperata apud transmarinas provincias frumenti subvectio.] Vide ad intellectum hujus loci Justinianeum Codicem lib. xi. tit. i. ii. iii. iv. v. xx. xxvi. & xxvii.

CAP. LIII.

NE tamen segnem militē attinerent &c.] Suspecta pace, aut induciis in certum
tempus

(a) Tac. 6. annal. 17. (b) Tac. 1. hist. 78.

(c) Macchiav. 3. discours. 1. Boccalin. cent. 1. c. 5. S. Pietro Crinito. c. 14. Forst. Not. ad 5. Annal. verb. acrib. ut ferme talia, initiis.

tempus pactis, dimittere & exauctorare omnem militiam, minime tutum est. Quāobrem prudentes Principes minorem pecuniæ quam militis jacturam rati, non cuivis promiscue missionem dant, sed plerisque sub signis retentos publicæ securitati aut necessitatibus invigilare volunt. Ludovicus Gonzaga senes & bello inutiles, provisus in totam vitam alimentis ad sua dimisit, qui viridi adhuc ævo stipendia facere volebant, præsidio civitatum impositi. juvenes diurno denario, quanquam pax esset, tanquam bello retenti: ut ducendis fossis, expurgando Mincio, dilatandis portubus insudarent. (a) Alii, quibus minuendis sumtibus exercitus partem exauctorare visum fuit, illos dimisserunt, qui stipendiis sueti, ubi opus fuerit, facili negotio iterum in militiam adlegi possunt; retentis qui difficulter in numeros redituri credebantur. Ita post duodecennales in Belgio inducias factas exauctorati ab Hispanis fuerunt omnes Germani, tanquam mercenariæ militiæ nunquam defuturi; & retenti Hispani, Itali, Butgundi & Hiberni. (b)

Mosellam atq; Ararim connectere parabat]

Vide

(a) *Possevin. 4. hist. Mant.* (b) *Cardin. Bentivol. Relat.*

Vide Nostra ad primum Annal. (a) quibus adde irritorum ejusmodi conatum alia exempla apud Gregorium Richterum (b) Nauclerum (c) Guicciardinum, (d) Possevinum, (e) & Andream Brunnerum. (f)

Formidolosum id Imperatori] Duas ob causas. Nam & magna fama, quam insigniopere perfecto quæsiturus Verus videbatur, non minus ac mala exitiosa erat: (g) & studia civium, militum, provincialium non ministro, sed principi debentur.

CAP. XLIV.

In quantum Germani regnantur] Nec enim Regibus Germanorum infinita aut libera potestas: & duces exemplo potius quam imperio, si prompti, si conspicui, si ante aciem agant, admiratione præfunt. (*) Et regno Arfacis acrior Germanorum libertas. (†) De forma qua hodie Imperium Romano-Germanicum continetur, clarissimi viri opinionibus diversi, argumentis, & haut raro conviciis inter se digladiantur; Io. Bodinus, Theodorus Reinkingus,

(a) P. 129. (b) *Axiom polit.* 306.

(c) *Geverat* 28. (d) 6 & 15. *hist.*

(e) 5. *Hist. Mantuan.* (f) 3 & 6. *annal. Bojor.*

(g) *Tac. Agric.* 5. (*) *Tac. Germ.* 7. (†) *Tac. Germ.* 37.

kingus, Io. Limnæus, & qui sub commentitio Hippolyti à Lapide nomine non satis tuto latet. Ego istam litem meam non facio. Illud tamen monendum habeo, vix solido fundamento niti, qui tantam controversiam solis exemplis definiti posse arbitrantur. Nam cum illa diversorum temporum non unam Cæsarum, ac Procerum, sed modo maiorem, modo minorem auctoritatem potestatemque demonstrent; nihil aliud inde inferri potest quam aliis temporibus aliam Reip. Germanicæ formam viguisse. Illud in universum observasse mihi videor, sub potentibus & bellicosus Principibus intentiorem dominationem fuisse; contra sub-inertibus, aut invalidis maiorem procerum audentiam. Sub Carolo Magno, & Ottonibus regia manus. Vnus imperitabat, nullis exceptionibus, non precario jure parendi. Postquam versa rerum facies, & Henrici Fridericique cum Pontificibus Romanis dissidere cœperunt, Principum haut pauci Cæsaribus fidem & obsequium vendentes, immunitates extorquebant; quisque sibi; & quo sociis potentia niteretur, etiam aliis.

Rodolfus Habsburgius modicis initiis, contra Ottocari ferociam, liberis quoque provehendis favorem sibi procerum conciliaturus;

ciliaturus; Carolus IV. Imperium Venceslao filio ambiens, omnia principibus largiebantur. Quæ ad Carolum usque quintum hujus nominis duraverunt: qui *παυσασιλείας*, quam postea Ferdinandus II: exædificasse videbatur, prima fundamenta denuo jecit. Quo jure, quave injuriâ istæ rerum mutationes contigerint, meum non est judicare. Credo tamen, rem duobus Taciti oraculis absolvi; quorum primum est, *sæpe possessores diutinâ licentiâ & injuriâ, quasi jure & a quo niti.* (a) Alterum: *nova & recentia jura in vetustatem consuetudine verti.* (b) Certam reip. formam dedisse, & sua Cæsari, sua Electoribus, cæterisque Ordinib. assignasse jura, cunctaque suis veluti finibus, limitibus, atque terminis, tollendis in futurum aut præcavendis litibus distinxisse videtur Pax nuper Monasterii & Osnabrugæ sancita. Sed & illa, ut cuncta humana, durabit, quamdiu necessum erit. Nam delicta ex pluribus & constituta Reip. forma, qualis illa Monasterii procusa, laudari facilius quam evenire, vel si evenit, haut diuturna esse potest. (c)

Nero

(a) Tac. 14. annal. 18. (b) Tac. 4. hist. 65.
(c) Tac. 4. annal. 33.

Nero civitate Romanâ ambos donavit, *Fri-
fios decedere agris iussit*] Ita hodiequæ mos
obtinet, etiam hostium, & illorum, qui
hactenus amici bellum nobis denuntiânt,
aut quibus nos bellum denuntiamus, le-
gatos abscedentes donis ac muneribus
prosequi.

CAP. LV.

P *Ulsi à Chaucis, & sedis inopes tutum
exilium orabant*] Quibus ex causis po-
puli patriis sedibus relictis alias terras oc-
cupent, docet Macchiavellus secundo dis-
sertationum (a) & primo historiæ Floren-
tinæ. (b) Quo pertinet elegantissimus Q.
Septimii Tertulliani locus libro de
Anima. (c) Invenimus, inquit, apud com-
mentarios etiam humanarum antiquita-
tum, paulatim humanum genus exube-
rasse, dum Aborigines, vel vagi, vel ex-
torres, vel gloriosi quique occupant ter-
ras; ut Scythæ Parthicas, ut Amyclæ Pe-
loponnesum, ut Athenienses Asiam, ut
Phryges Italiam, ut Phœnices Africam:
dum solennes etiam migrationes quas *ἀ-
ποικίας* appellant, consilio exonerandæ
P popu-

(a) Cap. 8. (b) *Ab init.* (c) Cap. 30. edit.
Rigalt.

popularitatis, in alios fines examina gentis eructant. At Aborigines nunc in sedibus suis permanent, & alibi amplius gentilitatem fœneraverunt. Certe ipse quidē orbis in promptu est, cultior de die & instructior pristino. Omnia jã pervia, omnia nota, omnia negotiosa. Solitudines famosas retro fundi amœnissimi obliteraverūt: sylvas arva domuerunt: feras pecora fugaverunt: arenæ seruntur, saxa panguntur, paludes eliquantur: tantæ urbes jam, quãtę non casæ quondam. Jam nec insulæ horrent, nec scopuli terrent. ubique domus, ubique populus, ubique respub. ubique vita. Summum testimonium frequentię humanæ; onerosi sumus mundo. Vix nobis elementa sufficiunt, & necessitates artiores, & querelæ apud omnes, dum jam nos natura non sustinet. Revera lues, & fames, & bella, & Voragines civitatum pro remedio deputanda, tanquam tonsura inolefcentis generis humani. &c.

Sicut cælum Diis, ita terras generi mortaliū datis] Adi Grotium secundo de jure belli. (a)

CAP.

CAP. LVI.

P *Atienda meliorum imperia.*] Id quidem naturæ, & rationi convenit, ut meliores sapientioresque cæteris imperent. (a) Verum aliud Anitus volebat, patienda nimirum majorum ac potentiorum imperia: sicut inter quadrupedes leo, & ursus, inter volucres aquila, & vultur, inter pisces cete & lupus, cuncta rapto violentia, regnum exercent.

Excidium minitans, nisi causam suam dissociarent] Qui cum tribus bellum habet, unum satisfactione, alterum minis à societate avellere, cum tertio bellum gerere debet.

Aliena pericula deferentibus] Vide Notas ad tertium annal. (b)

Super libidinem cuncta armis agendi] Nec enim arare terram, aut expectare annum tam facile Germanis persuaseris, quam vocare hostes, & vulnera mereri. pigrum quinimo & iners videtur, sudore acquirere, quod possis sanguine parare. (c)

Indulgentiâ numinum illo in amne illisque sylvis salem provenire] Ejusmodi Numinis libe-

(a) *Arist.* 1. *Polit.* (b) *Cap.* 15. (c) *Tac. Germ.* 11.


340 NOTÆ POLITICÆ
liberalitatem in privatum usum tradu-
ctam, attributis oneratam non sine mi-
raculo interdum evanuisse, pluribus ex-
emplis firmat in Axiomatibus politicis
Gregorius Richter, (a) & libro de Ve-
stigalib. Julius Cæsar Bulengerus. (b)

(a) Cap. 311. (b) Cap. 16.

F I N I S.



RE-



RERUM PRÆCIPUARUM

I N D E X.

Administratio rerum Ecclesiastica-
rum ad quem pertineat. 30. &
seq.

Adolescentes in Scholæ stultissimi
sunt, & cur? 283.

Adversa sunt intuta. 142.

Adulationis genus novum. 112.

Adulatoribus Principum iusta sunt, que-
cunque Principibus allubescunt. 128.

Agilulphi Longobardorum Regis crudelitas.
215.

Cn. Agricola experientia. 183. & seqq.

Agrippina uerba artes. 204.

Alberti Wallensteinii Fridlandiæ Ducis seve-
ritas. 52. & seq. Rembaldum Collalti
Comitem Cæsari commendat. 104. ejus
cum Ferdinando Cæsare pacta. 281. cur
occisus. 297.

Alexander VI. Papa Ludovici XII. Gallie
Regis fœderatos cur læcesserit. 239. &
seq.

Alexandri Farnesii dictum. 247.

I N D E X.

- Alphonſus Arragonius cur regno ceſſerit.* 261.
Alphonſus Luſitania Rex. 316.
Ambitioni modum ponere, rara prudentia eſt.
 48. *eius ſtimuli qui.* 168.
Ambroſius, Vide Georgius Cardinalis Ambroſius.
Ambroſius Spinola mente captus. 192.
Amicitia miſerorum ac debiliũ inutilis.
 144. *proximorum potentia praevalentium*
 ſepe inſidioſa, & periculi plena. 143. &
 ſeq.
Amneſtiae conditiones. 154. & ſeq.
Amores Principibus familiares. 277. *multis*
 exitioſi. 278.
Anabaptiſtarum veſania. 31.
Angliae Rex Caput Eccleſiae. 31.
Anglicae turbae unde prognata. 34. 181.
Annam Mommorantium à negotiis & aula
 ſemovit Franciſcus I. Galliae Rex 77. *i-*
 dem. fecit Franciſcus II. & quo prae-textu.
 325. & ſeq.
Annonae cura & remedia. 207. & ſeqq.
Antonii Perenotti Cardinalis ſupplices admi-
 tendi mos. 128.
Antonini Philoſophi Imp. inſignis clementia.
 150.
Arma & ararium qui in ſua habent poteſtate,
 ſummum imperium obtinent. 265.
Armandi Bironi dictum ad Carolũ filium.
 62. Ar -

I N D E X.

- Armis parata quomodo servantur.* 14.
- Armis suis alienum plerumque nomen ac favorem prætendunt, quibus in valida adhuc potentia fundamenta.* 113.
- Arnoldus Ferrerius.* 101.
- Ars scitè negandi inter primarias prudentie Principis conditiones.* 87.
- Artis tempora ac negotia disponendi præcepta.* 116. & seqq.
- Avaritia & prodigientia simul fermè stabulantur.* 254.
- Audacia capitalis est laceffere potentiores.* 298.
- Augusti Cesaris de Ægypto cautio.* 162. *mos retinenda potentia.* 265.
- Aurelianensis Dux Gallia Regis frater regno excessit, & cujus institutu.* 206.
- Auri vis atque opes cur tyrannis insensa.* 4. & seq.
- Austriacæ potentia minuendæ commodissima occasio quæ.* 319. & seq.
- Authoris de Macchiavelli judicium.* 189. *in annonæ necessitate Mombeligardi consilium.* 217.
- Authoritatis conciliandæ modus quorundam Principum.* 271. & seq.
- Auxilium, Defensio, Protectio nomina sunt, à quibus ad servitium facile transitur.* 134.

I N D E X.

B.

- B**aptista Vercellensis, Aulæ instrumentum. 246.
- Bitavorum ac sociorum felicitas unde. 144.
- Bechesini fastus & rigor. 73.
- B l gæ Geusii appellati per contemptum. 114.
- eorum primæ ab Hispanis secessionis prætextus. ibid. eorum Symbolum. ibid. a præderatis Gallis plus quam ab Hispanis sibi timuere. 305. & seq.
- B l l a civilia fopiendi rationes. 153. & seq.
- Belli Pacisque summa potestas quando ad u-
num transferenda. 96.
- Belli Ratio crudelitatis, atque iniustitiæ, pa-
trocinium. 317.
- Bellum cum iis, qui non habent quod perdant,
damnosum; 161.
- Bernabi Vice-Comitis insana voluptas, cum
immani crudelitate conjuncta. 29. & seq.
- Bernardus Saxonie Dux: 317.
- Bessarionis Cardinalis morositas. 122.
- Bodini consilium. 273.
- Bonum publicum prætextus bellorum. 49.

C.

- C**æsar Ibraimum auro sibi conciliavit.
226. & seq.

I N D E X.

C. Caesar. cur M. Lepidi societate abstinerit.

18.

Caetani Cardinalis dictum. 227.

Carolus Bironius stolidè ferax. 153. 205.

Caroli Borromæi Cardinalis prudentia in par-
tiendo tempore. 122.

Caroli Burgundia Ducis ultimi funestus exi-
tus unde. 23. imprudentia. 162. in Ludo-
vicum Gallia Regem, & Helvetios odium,
unde? 172.

Caroli Gonzaga monitum. 174.

Caroli I. Britanniarum Regis error. 93. im-
prudenter bellum in subditos movet. 135.

Carolus IV. Imp. 336.

Caroli IX. Gallia Regis politicum artificium. 228.

Caroli Oiselli JC. Galli egregia distinctio. 301.

Carolo V. Cesari familiare, itineri ac nego-
tio pariter intendere. 117. idem liber as
Germanie civitates quomodo sibi afferue-
rit. 180. ejus gloria funus ubi. 192.
παρθενείας in Germania fundamenta
jecit. 336.

de Casalís arce struenda, vel non, egregia con-
sultatio. 54.

Catharina Medicæ Gallia Regina pruden-
tia. 44. Generositas. 59. in Hugonotas o-
dium. 225.

I N D E X.

- Catholicorum & Hugonotarum vocabula sub Principibus pueris orta.* 38.
- Causa secretior, propter quam Iacobus & Carolus Magna Britannia reges in Scotia Ecclesia administrationem mutare tanto opere laborarint.* 33.
- Cautio Principibus in distributione honorum ac præmiorum observanda.* 87. & seq.
- Cautiones in admissione supplicum adhibende.* 127. in reluctantes. 187. copias tuto per alienam terram traducendi. 243. & seq.
- temp. randis publicanorum fraudibus.* 330.
- Christophorus Wurtembergie Dux laudatur.* 117. ejus annona cura. 209.
- Civis optimus quis.* 133.
- Civitates qua de augendo civium numero cogitare debeant, qua minus.* 81. & seqq.
- Civitatibus, quæ aliorum benevolentia auxiliisq; subsistunt, consilia in incerto sunt.* 93.
- Civium peccata Deus castigat Principum savitia aut ignavia.* 50.
- Civium rixas ac jurgia non modo tolerare, sed semina quoque dissidiorum inter eosdem jacere, noxium.* 37.
- Claudius Civilis rebellionem adversus Romanos meditans, milites suos in verba Vespasiani adiecit; & quare.* 113.
- Claudius Donnesmontius.* 21.
- Clemens Monachus ad eadem Henrici III.*
stupra

I N D E X.

- Stupropellendus.* 169.
Clementia authoribus ipsis interdum exitiosa.
 149. *utilis novum imperium inchoanti-*
bus. 273.
Colignium, & Hugonotas, cur multi ex Ca-
tholicis opprimi noluerint. 39. *Colignii li-*
bellus supplex. 282.
Comes S. Pauli bellum suadet; & quare. 99.
ejus vesania. 282.
Competitorem candidato suscitare sophisma.
 231.
Conestabilis in Gallia potestas Principibus exi-
tiosa. 207.
Consilia acuta, & cum offensione aliorum con-
juncta, ministris precipuis, ignavo Prin-
cipi inservientibus, imputantur. 110.
Consiliariorum quisque sibi tendit. 99. 108.
Constantii Imp. egregia oratio. 148.
in Controversiis cum vicinis potentia prævali-
dis tenuissimum, partis cessione transigere.
 313.
Cosmus quomodo Senas acquisiverit. 172. e-
jus egregium institutum. 216.
Craffi in Dejotarum Galatia Regem cavil-
lum. 223.
Crimina vi, ambitu, & pecunia hodie tuta
sunt. 300.
Criminum atrocitate prævalere qui studeant.
 95.

Cromvellus & Fairfaxius privati regnum ob-
tinent. 265.

Cunctari, propria debiliorum solertia est. 137.

Cunctatione quando utendum. 139.

D.

D Ejotari Galatia Regis in Crassum jo-
cus. 223.

Denegandi aliquid sine offensa modi. 227.

Diana Valentina apud Henricum II. Gallie
Regem autoritas. 106. 323.

Dignitates indignis tributa sordescunt. 84.

Dionis Syracusani admirabile factum. 18.
& seq.

Divitie quibus Principibus utiles. 171.

Divitie subditorum quibus Principibus me-
tuenda. 5.

Dominorum quidam obsequium ministrorum
cum damno, quam felicem inobedientiam
malunt. 64.

Duae parvæ res, parvi animi hominem per-
dentes, quæ. 16.

Duces nostri seculi cur antiquis cedant. 306.

Ducis Andegavensis error. 17.

E.

E Cclesia gubernatio qua optima. 32.
Ecce-

I N D E X.

Ecclesia prima tempora quomodo recta sint.
32. & seq. res ab imperatorum arbitrio pe-
penderunt. 33.

*Ecclesiastica rei forma popularis in Principa-
tu cur minus probetur.* 33.

*Ecclesiasticarum rerum procuratio ad quem
pertineat.* 30. & seq. earum cura non ar-
cendi Magistratus. 34.

Edoardi Bragantini laus. 320. Hispanis tra-
ditur. 321.

*ex Electione ministrorum de principis ingenio
judicari solet.* 268.

*Elegantia sermonis nimia in Ferdinando Man-
tua Duce reprehensa.* 257.

*Eloquentia Principum non ornamentum so-
lum, sed & adjumentum est.* 257. qualis
esse debeat. ibid.

Erogatio tributorum quae justa. 330.

Etazeta novercale odium. 105.

Exteris civitas danda sit, nec ne. 81.

F.

F *Actionum remedia quae.* 39. & seq. no-
mina tollenda. 40. turbis & inter ar-
ma invalescunt. 43. & seq. pace exarman-
tur. ibid. earum radix quae. 327.

Fama aliena consulendi commoda ratio. 88.

Fama in novis cæptis validissima. 173. ma-
gna ministris exitiosa. 334.

Famam ducis quid imminuat. 316.

Q

Far-

I N D E X.

Farsaxius & Cromwellus privati regnum ob-
tinent. 265.

Federicus Iambellus machinarum bellicarum
incomparabilis artifex. 270. *spretus ab Hi-*
spanis ad Belgas fœderatos se confert. *ibid.*

Ferdinandi I. Imp. mira temporis parsimo-
nia. 119.

Ferdinandi II. Imperatoris artificium. 232.

Ferdinandi Mantua Ducis egregium tempe-
ramentum. 301.

Ferdinandus Imperator propria fortuna exer-
sor. 177.

Ferociam subditorum infringendi ratio. 310.

Fideles Regi usque ad manticam; Geusio-
rum symbolum. 114.

Fides ministrorum ipsis interdum exitiosa.
110.

Fœdera cum longè disitis inita inutilia. 143.

Francisci de Crems pro Clementia oratio.
156. & seq.

Francisci de Ripa contra Clementiam oratio.
158.

Francisci Mantua Ducis error. 93. *egregia*
constitutio. 213. *incustodita in morte pa-*
rentis letitia. 259. *idem sibi posterisque*
maximorum malorum author. 314. & seq.

G.

G *Allia nomine, nundinationis honorum*
vapulat. 80. *ejus turba unde.* 264.

Galli.

I N D E X.

- Galli quarendis quam retinendis provinciis
— meliores. 15. eorum in retinenda Catala-
nia prudentia. 183. eorum læticia propter
Richelii obitum. 260. Suecorum Regem
Austriacis hostem adornarunt. 312.
Genuenses prudenter abolent factionum nomi-
na. 40. eorum in annonæ necessitate indu-
stria. — 215.
Georgii Cardinalis Ambosii continentia lau-
datur. 3. ei summa potentia causa que
fuerit. — 112.
Germania Principum ambigua amicitia. 304.
Germanicæ Reipubl. forma aliis temporibus
alia. — 355.
Germanorum cuncta armis agendi libido. 336.
Geusii Belgæ per contemptum appellati. 114.
eorum symbolum. ibid. —
Gratia ac potentia in Aula servanda rationes
quæ. 91. & seq.
Guilielmi Normannia Ducis, favicia & cru-
delitas. 195. & seq. tyranni nomen
ruit. — 195.
Guissii insignis audacia & astutia. 230. 292.
Gustavus Adolphus Sueciæ Rex. — 19.
H.
Hanoviensium Comitum error. 84.
Henrici Guissii mors. 282.
Henrici III. Gallie Regis prudentia. 43.
ministerorum alios aliis substituit; & quare.

I N D E X.

46. *eius artificium.* 231.
- Henrici VII. Anglia Regis clementia. 196.
- & seqq. Variis conjurationibus exercitus.
198. & seqq. subditorum odium meruit;
- & cur. 260. *eius misera conditio.* 275.
- Henrici Ducis Robani laus. 316.
- Henrici Navarrae prae-textus belli in Ligistas.
114. idem induciarum Belgicarum praeci-
- pua auctor. 223. in causam belli trans-
- itum petit per agrum Luxemburgensem.
245. *eius prudentia.* 255.
- Henricus Ratisbonensis episcopus. 10. & seqq.
- Henricus VI. Caesar. 38. *eius summum Reip.*
- studium. 118.
- Hippolyti à Collibus prudens enigma. 58.
- Hispania Rex cur Cardinalem Trivulium
- Medialano Madritum evocaverit. 8. Ca-
- taloniam quomodo amiserit. 183.
- Hispanica factio in Gallia. 45.
- Honorum praemiorumque virtuti debitorum
- prophanatio, singulare dominationis arcu-
- num. 85. in eorum petitione qui praeferendi.
- 87.
- Hastem hosti suo suscitare, utilissima solertia.
- 311.
- Hostis an domi expectandus, an praeventione
- occupandus. 267. ei nocendi occasio demen-
- da, 318.
- Hugonotarum praesbyteria, &c. in Gallia, Re-
- gum

gum vomica ac carcinomata.

33.

I.

Imperatorum Germanorum arcanum. 181.
Imperii Romano-Germanici forma hodie
qua. 334. & seq.

Imperio non utendum, ubi legibus agi potest.
294.

Independentium in Anglia vesania. 32.

Infelici nemo amicus. 142.

Ingenii humani conditio quæ. 13.

Injuriarum remedium, non intelligere. 299.

Interdicta principum specialia. 165. & seq.

Inventis, qua novitate magis quam utilitate
commendantur, quid accidar. 35. & seq.

Invisis & suspectis opes & potentiam subtra-
here Principes solent. 280. eos perdendi
mira solertia. 297.

Ioannes Braganzia Dux, quæ ratione Lusita-
nia sceptrum Philippo Regi eripuerit. 8.

Io. Iacobus Trivulcius. 100.

Ioannes Mancicidorus. 103.

Ioannes Mendoza. 67. 75.

Iosephus Patriarcha fuges cum manipulis ne-
que trituras neque purgatus in horrea
condidit; & quare. 211.

Ira ejusdem sanguinis hauri diuturna. 21.

Iram in potestate habere oportet eum, qui ma-
gnis rebus intentus est. 15.

Italia Principes Gallia an Hispania Regi
ma-

<i>magis faveant.</i>	304.
<i>Juliana Auriacæ mira fecunditas.</i>	166.
<i>Julii II. Pontificis accumulanda pecunia studium.</i>	289.
<i>Ius militum qui in alium transfert, imperio ipse se abdicat.</i>	96.
<i>Ius, quo minores potentioribus tenentur, insigne.</i>	319.

L.

L <i>Eges nullas ferre satius est quam quæ contemni possunt.</i>	299.
<i>inermes, plerumquæ vana.</i>	328.
<i>legum acria sæpe initia sunt, incuriosus finis.</i>	332.
<i>Leonhardus Torstensobnius.</i>	17.
<i>Iermæ Ducis artificium.</i>	241.
<i>Libertatem & speciosa nomina prætexunt, qui Dominationem concupiscunt.</i>	49.
<i>Licita Marchio durius ab Ambrosio habitus ad Hispanos deficit.</i>	269.
<i>Licitari hostium capita inter concessas belli artes censetur.</i>	58.
<i>Ludovici Sancti Gallie Regis insigne dictum.</i>	235. & seq.
<i>Ludovici XI. Gallie Regis post morbum gesta.</i>	221.
<i>Carolo Burgundo cur inducias concesserit.</i>	224.
<i>Ludovici Gonzagæ Nivernii prudentia.</i>	333.
<i>Ludovici XII. Gallie Regis in matrimonio Claudie filie prætextus.</i>	112.
<i>patriæ præ-</i>	

I N D E X.

ter appellatus ; & quare.	274.
Lupanaria cur in quibusdam locis permittantur.	277.
Luxus longam pacem consequitur.	50.
Luxus Principum. 139. ejus pars inutilis ceremoniam.	140.
Lycurgus civibus suis auri usum interdixit ; & quare.	170.

M.

M acchiavellus tyrannidis architectus.	275.
Magistratibus quæ vitia fugienda.	68.
Magistratus abundantia apud Florentinos quis.	214.
Magnates quomodo in custodia servari debeant.	205.
Magni homines , pudendi errores.	94.
Majestatis crimen omnium calumniarum coagulum.	11.
Mala inveterata coerceri vix possunt.	299.
Maria Regina mater decepta ; & à quibus.	206.
Matrimonium ad majora intenti decus accipitur est.	131.
Mauritius Nassovius mœrore extinctus.	192.
Maurorum in Hispania perfidia unde.	83.
Mercimonium in aulis , Principum gratum aliis vendere.	262.
Metus	

I N D E X.

- Metus & terror infirma potētia vincula. 151.
- Militiam omnem exauctorare, quando intutum. 332.
- Militis per hosticum securè conducendi modi. 317.
- Ministri qui magna adeant pericula. 21. quomodo illa vitare debeant. 22. qui plurimum nunc possint apud Principes. 293. suspecti aut inuisi quo prætenu ex Aulis dimittantur. 324. & seq. 44
- Ministris mandata Principis exequi quam interpretari tutius est. 65. fascium dignitatem respicere volentibus quid faciendum. 67. 55
- Ministro & subdito tutius est amari quam metuiri à Principe. 283.
- Ministorum, præcipuorum maxime sub ignavo Principe conditio iniquissima. 109. 110. 111. potentia quorum stabilior. 66. arrogantia propriis Dominis exitiosa. 256. pacta cum Dominis. 280.
- Ministros aliorum Principum auro corrumpere flagitiosum. 225.
- Ministros gratia Domini sapius quam merita sustinent. 289.
- Moris, principem præsentem scripto adeundi, causa. 127.
- Mortalibus insitum est, recentem aliorum felicitatem agris oculis intrōspicere. 322.
- Mor-

I N D E X.

Mortem propinquorum qui maxime mæ-
reant. 259.

Morvillerii oratio causa belli inter Carolum
Audacem & Ludovicum XI. 256.

Morum mutatio difficillima. 78.

Morum similitudo apta ad aucupandam Prin-
cipis gratiam. 253.

Muliebres amicitia ministris interdum utiles.
67.

Muliebris sexus maxime proprium est amu-
lari. 290.

in Munimentis plusne periculi sit, an securi-
tatis disputatur. 53.

Mutina Ducis cum Urbano VIII. passa.
243. & seq. 244.

N.

Necessarium se suamque pace ac bello operam
Principi facere, antica calliditas. 62.

Negotia sæpi occasione conficiuntur. 17. ita, quæ à
pluribus geruntur, lentior quidam ac negligentia
inest. 109.

Nicolai Piccinini arrogantia. 222.

Nobiles gloria sumo vitam ac facultates impendunt.
26. 27.

Novercale odium. 104.

Noverca. triste privignis nomen. 105.

- O**bsidia validarum urbium arciumque quam no-
xia. 16.
 Occasione saepe magis, quam prudentia, negotia con-
ficiuntur. 17.
 Odium aut contemptus Principis conatibus difficulti-
bus facilem viam sternunt. 18.
 Odium fingere quo occultius fallas; politicum artifi-
cium. 225.
 Odium novi Principis erga cives, malus pacis &
concordiae custos. 259.
 Olivarezii Comitis imprudentia causa amissa Cata-
laniae. 183. artificium. 231. fastus ipsi Regi da-
mnosus. 256.
 Opes pro crimine. 1. nimia periculosiores in libera
Repub. quam in Principatu. 6. eadem & luxus
magnarum urbium populorumque ruinam praece-
dunt. 52. ignavis principibus damnoſa. 171.
 Optimatum status, nec popularis munus suum tueri po-
test, nisi imaginem Principatus induat. 96. & seq.
 Orientem Solem adorare, quid. 111.
 Othomanni Imperatores quo consilio primis Bassarum
exercitus committant. 63.

P.

- P**ace suspecta, omnem militiam dimittere intui-
tum. 332. & seq.
 Pacis longae incommoda. 50. & seq. 309.
 Pandulfi Petrucii prudentia. 23.
 Paparum Nepotum prudentia. 218.
 Pars maxima aulicorum aliena fortuna subsistit &
cadit. 111.
 Periculorum imminentium remedium ipsa pericula
censentur. 286.
 Philippum Aglium Galli Augustâ Taurinorum, Pi-
narolum cur abduxerint. 8.
 Phi-

INDEX.

- Philippus II. Hispania rex regium munus textoria
arti scite comparat. 116. ejus cum Mauris
Granatensibus difficillimum bellum. 162. egregia
prudentia. 255. cur Belgium Alberto genero con-
cesserit. 262.
- Philippus III. Hispania Rex Victorium Amedeum
quomodo deceperit. 229.
- Pii IV. Pontificis avaritia. 2.
- Pii V. Pontificis dictum. 117. aliud, 274.
- Plinii historici mira diligentia ac temporis parsimo-
nia. 178.
- Pontificiorum quorundam de festis diebus opinio. 210
- Populi quibus ex causis, patriis sedibus relictis, alias
terras occupent. 337.
- Populi regendis aptiores; qui tardiori ingenio. 70.
- Populos libertate ferocientes injuriis irritare, ancipis
et alia plenum est. 61.
- Potentie in Aula servanda rationes. 90. & seq. ipsa
et concordia raro simul consistunt. 254.
- Potentia subditorum quibus Principibus metucnda. 7.
- Potentia tum maxime in precipiti stat, cum ad sum-
mum pervenit. 47.
- Potentis alicujus ruina plurimos alios secum trahere
solet. 293.
- Præsidis Provincia novi officium. 68. 69. & seqq.
parem se negotiis, non supra monstrare debet. 76.
- Princeps nullo affectu abripi debet. 1592. potens non
vult factiones. 37. qui negare nescit, regnandi im-
peritus est 87. proprio iudicio destitutus, vix un-
quam feliciter regnat. 106. talis omnibus Dei fla-
gellis peior. ibid. Princeps importunitatem homi-

INDEX

- habere debet, quorum consiliis utitur. 293. sine bello sed non sine armis esse debet. 310.
- Principis proprio iudicio destituti misera conditio. 98. mores. 107. ejus, qui in unum auctoritatem ac arbitrium omnium rerum transfert, regnum quale. 109. Principis est, praecipua majorisque momenta negotia sibi sumere; leviora aliis delegare. 122. noscere ministrorum ingenia. 123. dividere labores operasque inter collegas, ibid. & seq. suis quaeque temporibus negotia assignare. 125. ejus praesentia maximum stabilitimentum novi principatus. 185. ejus est prospicere, à quibus juvenus erudiat. 204. Principis segnia descriptio. 252. Principis officium erga subditos quibus expleatur. 262.
- Principi proprio iudicio destituto inter ministros discordes nihil auctoritatis. 108.
- Principem de alterius Principis actis iudicium sibi arrogare, injustum. 233.
- Principis cujusdam senis Germani robur. 222.
- Principes quando minus secure agant. 47. naturam imitantur. 66. cur negligant praeciosa ingenia. 76. quomodo tempora & negotia disponere debeant. 115. & seqq. qui vero neque sua utilitate sucto amore subditorum commoda atque salutem procurant, rari. 132. &c. sunt raro prudentes. 255. fortuita etiam viri sui imputare solent. 256. terrore ac minis vinci nolunt. 281. suspicionibus maxime obnoxii. 295. facinorosis gratiam saepe faciunt, utiisdem ad se ere utantur. 302. & seq.
- Status aut Belli Ratione scelera commendant aut excusant. 317.
- Principes neutrarum partium laceffere capitalis imprudentia. 176.
- Principum duo genera. 109. licentiam ferociaque eorum quid intendat, 27. eorum ingratitude est causa

I N D E X.

- causa cur à Deo deferantur. *ibid.* & seq. eorum
delicta Deus punit civilium contumacia. 50. quo-
rundam intemperies in belli instrumentis cumu-
landis 57. eorum orbis contemptus obnoxia. 219.
Principes boni quomodo actionum suarum dedecora
interdum velare soleant. 112. tyrannice interdum
coguntur imperare. 193. suspectam suorum fidem
largitione sibi firmare solent. 289.
Principes etiam mali egregios interdum viros & po-
pulo gratos promovere solent. 268.
Principum ignavorum facilitas hiantes amicorum
cupiditates intendit. 1.
Principatus divisio. 190. ejus & Rerump. vitium
commune quod. 268. novi retinendi rationes. 178.
& seq. scelere quasitum vi tueri solent. 151.
Principia omnium actionum mutationumque politi-
carum quæ. 18.
Proterum Hispanorum Oratio. 60. dissensio. 101.
Proterum in turbis civilibus solertia quæ. 140. & seq.
Procerum Magistratum Ducumque dissidia quomo-
do componenda. 272.
Prophanatio honorum, servanda dominationis area-
num. 85.
Prudentia est in novo Principatu mutare mores, leges
& personas, quorum odio Resp. turbatur. 261.
Pseudo-Eduardus. 198. 199.
Pseudo-Richardus. 200. & seqq.
Publicanorum fraudes quomodo temperanda ac fe-
nanda. 330.
Pueritia Principum moderatores ad Remp. gerendam

I N D E X

*Reſtor Provinciæ cur gravis ac lentis laudem affectare
debeat.* 70. *eidem quid maxime cavendum.* *ibid.*
& ſeq.

Reginarum matrum rara modestia. 276.

Regium munus arti textoria ſcite comparatur. 116.

Regum ingenia ferenda. 133.

Religio prætextus bellorum. 49.

*Rembaltus Collatis Comes Caſari à VValenſtenio
commendatus; & quare.* 104.

Repuſam timentium artiſcium. 130.

Rerum publicarum tinea qua. 327.

Rhetorum ambigua ſœdera. 305.

Richelius Cardinalis vi potentiam ſervavit. 91. *Re-
gi Ludovico & Regina matri de ipſius exitio deli-
berantibus inopinus ſupervenit.* 95. *nuptias Ducis
Aurelianenſis cum Mompeneria promoret.* 103.
ejus artes. 206. *genealogia.* 238. *mirus ſaſus.* 256.

Roboami Hebræorum Regis ſtultitia. 260.

Roderici Gomezii Oratio egregia. 136.

Romani avaritiæ accuſati. 170. & ſeq.

Romanorum veterum generoſitas. 58. *hoſpitalitas.* 81.

*Rupellam à Ludovico XIII. domari plurimi ex Pre-
ceribus Gallis horrebant; & quare.* 39.

S.

S*Abaudia Duces amicitias colunt utiliores.* 305.

*Saxonum in Henricum IV. Imperatorem contu-
macia quomodo excuſata.* 135. & ſeq. *querela
contra Henricum Caſarem.* 294.

*Scaliger Veronæ Dominus à Carolo IV. Imp. dece-
ptus.* 228. & ſeq.

Scelera magna non laudantur, niſi peracta. 138.
& ſeq.

Scipionis Amirati obſervatio. 111.

*Scipio quam eleganter intervalla negotiorum otio diſ-
junxerit.* 121.

Secu-

I N D E X.

<i>Securitas Principum quomodo procuranda.</i>	167.
<i>Seneca cur ab exitio revocatus. 261. laudatur.</i>	283.
<i>Severitas inexorabilis quibus conveniat.</i>	328.
<i>Solertia expediendorum impediendorumque commea- tum.</i>	315. & seq.
<i>Somni & inertia simulatio quando tuta.</i>	326.
<i>Staffordia Comes, Prorex Hybernia, odiis populi victimam factus.</i>	111.
<i>Status Ratio crudelitatis atque iniustitia patrocini- um.</i>	317.
<i>Suleimanni Turcarum Imperatoris fucus.</i>	222.
<i>Supplicio illorum, qui in populi animis regnant, exasperatur seditio.</i>	60.
<i>Suspecta maxime custodienda.</i>	176.
<i>Sycophantarum ars est metus Principis rimari.</i>	291.

T.

<i>Templariis opum magnitudo exitio vertit.</i>	2.
<i>Tempori fugienti manus injicienda.</i>	116.
<i>Tertulliani sententia egregia. 32. locus elegantissi- mus. 337. &c.</i>	—
<i>Thomas Archiepiscopus Cantuariensis odiis populi victimam factus.</i>	111.
<i>Tragicarum narrationum scriptores.</i>	323.
<i>Tristitia imitamenta.</i>	259.
<i>Trivultius Cardinalis cur à Rege Hispania Mediola- no Madritum evocatus.</i>	8.
<i>Tullii Petrozanni egregia dissertatio de arce Casalio non extruenda. 54. & seqq.</i>	—
<i>Turbarum & dissensionum frequentissima materia qua.</i>	69.
<i>Turca cur plures bello laceessant.</i>	310.

memoriam abolere student.

188.

V.

VEneti bello inferiores pacis artibus amissa recuperant. 267.

Venetis cur vetitum sit, Veteres & Novos Nobiles discriminari. 41.

Venia quam victoria bella finire gloriosum. 147. & seq.

Veritas visu & morâ, falsa festinatione & incertis valescunt. 287.

Vexillifer Iustitia. 329.

Via omnis ad Aulam & in Aulâ lubrica. 91.

Victoriam belli civilis quæ sequantur. 50.

Victoriarum magnarum magni plerunque fructus. 175.

Vincentii Pinelli mos domesticus. 65. industria. 126. ad amicorum literas respondendi methodus. ibid. &c.

Vir insignis paci formidolosus, & ignavo Principi prae-gravis. 62. 63.

Vitia quando consequantur præmia virtuti debita. 19. quæ magistratibus, provinciarumque præsidibus fugienda. 68.

Vocatorum credulitas vocantibus sæpe irrisui fuit. 141.

Urbani VIII. Pontificis, ac Barberinorum cupiditas. 3. Urbani artificium. 231.

Urbis obfessa salutem negligere, famam ducis ac partium imminuit. 316.

Utrinque militare in turbis civilibus mala plerunque Procerum solertia est. 140.

Vulgi mos perversus. 266.

Z.

Zeilas Nicomedis Bithynia Regis filius à novæ ca aulâ ejicitur. 105.

F I N I S.